


ԵՂՆԻ ԼՂԼՆԳԻՈՅՆ

ԼՈՒԹԵՐԻ ԵՒ ԿԵԼՎՄԵՆՏ

ԵՒ

ՀՐԱՀԱՆԳ ԶՕՐԱԽՈՐ

ՅՈՒՂՂԱՓԱԹՈՒԹԻՒՆ



Ի ՎԵՆԵՏԻԿ

Ի ՍՈՒՐԲԵ ՂԱԶԱՐ

1847

Ն Ա Լ Է Ր

Լիզպոնի Գալուստ Կիւլպէնկեան

Հիմնարկութեան կողմէ

Հայկական ՍՍՌ Գիտութիւնների

Ակադեմիայի Մատենադարանին

1966

2(09)

ԵՂԾ ԵՂԼՆԳՈՅՆ

ԼՈՒԹԵՐԻ ԵՒ ԿԵԼՎՒՆԻ

ԵՒ

ՀՐԱՀԱՆԳ ԶՕՐԱԻՈՐ

ՅՈՒՂՂԱՓԱՌՈՒԹԻՒՆ

ՏԵԱՌՆ ՏԸԼԱՅՕՐԵԱՅ

ԳԱՂՂԻԱՅԻՈՅ ՎԱՐԴԱՊԵՏԻ

ՅԱՍՏՈՒԱԾԱԲԱՆՈՒԹԵԱՆ

ՎԱՐԺԱՐԱՆԻՆ ՓԱՐԻԶՈՒ

ԱՇԽԱՏԱՍԻՐԵԱԼ Ի ՄԻԹԵԱՐԵԱՆ ՄԻԱԲԱՆԻՑ



Կրկն
863

Ի ՎԵՆԵՏԻԿ

Ի ՍՈՒՐԲՆ ՂԱԶԱՐ





ՅԻՇԱՏԱԿ ՀՈԳԻՈՅ


ՏԵԱՌԵՆ ՍՏԵՓԱՆԵՆՈՍԻ ԵՒ ԵՂԲՕՐ

ՆՈՐԱ ՊԱՐՈՆ ԲԱՂՏԱՍԱՐԸՅ

ՆԵՓԻՍԵԱՆՅ



Ե 88
Յարգում



Յ Ա Ռ Ա Ջ Ա Բ Ա Ն

Եթէ 'ի կարիս օտարին ձեռն տալ պարս և ար-
ժան իցէ, քանի՞օն առաւել ընտանւոյն. և եթէ ար-
կածից օտար ժողովրդոց կարեկիցն լինել գեղեցիկ
իցէ, սեպհական ազգին ոչ կարեկցուծիւն լոկ,
այլ և գօտէպինդ վառել առ 'ի զարկածսն կարճել,
անհրաժեշտ պարտք իցեն:

Նախաշաւիղ բանիս 'ի ճահ պատահեցէ այժմ
վիճակի Ազգիս 'ի բազմավտանդ ժամանակիս, յո-
րում դարձեալ աւասիկ փորձի և չարչարի եկեղեցի
Հայաստանեայց. յորժամ դարձեալ օտարուս-
մունք վերաբուսան յազգին, ոչ յազգէն՝ այլ
յօտարաց այլալեզուաց և այլակրօնից. որք իբրև

սրածուծիւն յաւուրս մեր առ հասարակ ճարտիկն
'ի նորօրինակ շէնք մահու :

Քանզի ուր Արեւելք սահաւուք ամօք յառաջ միշտ
տարևոր սրածուծեամբն զբազում բիւրաւորս 'ի
ծննդոց իւրոց տեսանէր շէնքաշէնք գիականացեալս
'ի քաղաքս քաղաքս՝ 'ի Ճիչ և 'ի գոյժ գառնու-
ծեան, և մինչդեռ վայլիկ մի ոգի առեալ 'ի մա-
հագոյժ հարուածոյն սրածուծեան, խնդայր առ
ժամանակ մի 'ի խնամոց Տէրուծեանն քառանօ-
րեայ պահակերուծեամբն, անդուստ չար ևս յա-
ջորդեալ սրածուծիւն՝ հոգւոցն սատակիչ, և յա-
րևմտից ընդ արևելս ընծացեալ, նաև 'ի մերում ա-
զին այսօր ճարակ դտանէ՝ զբազումս յորդոց նո-
րա յոգիս առհասարակ գիականացուցեալ :

Եւ զիսորդ ազգասիրի աչք ոչ ճնշեսցեն արտա-
սուս, տեսեալ զի արք օտարք և տարաշխարհք առ
'ի մէնջ և անծանօթք 'ի լսելիս հայրերոյն, արք՝
ամենայն օտարոտի ուսմամբք լցեալք՝ Լուծեր և
Վայլին և նոցուն արբանեակք՝ սպրդեալք յազ-
գին, արք մոլորահեաք և ինքնաձեռնադրելի քա-
րողիչք, ռիսելիմք հանգիսացեալք միանգամայն ընդ-
դէմ ամենայն դաւանուծեանց Վաթողիկէ եկե-
ղեցոյ և աստուածաւանդ քարոզուծեան հաւատոյ
մերոյ սրբոյ Լուսաւորչին, ոչ միայն ծանուցան ան-
ծանօթքն, այլ և համարձակ որոմնացանք ասպակա-

նագործք հաւատացելոց՝ գնան աւագիկ շրջին մե-
ծաբայք ընդ արևելս՝ յետ միանգամ բոցակիզելոյ
զարևմուտս , և յետ տեսանելոյ այժմ՝ յաւուրս մեր
յԵւրոսլա զվատել օր ըստ օրէ և զխայտառակել
սափասոււտ քարոզութեան իւրեանց , 'ի դառնալ
անդ ստէս ստէս յիւրեանցայնոց անախ՝ մանաւանդ
յիմաստնոցն և յերևելեաց՝ անդրէն յուղղափառ
հաւատս 'ի ծոց հռովմէական կաթողիկէ եկեղե-
ցւոյ : Քանզի սոքա իբրու « Աւերանորոգել » զան-
փոփոխելի հաւատ սրբոյ Եկեղեցւոյ և զքրիստո-
սաւանդ կարգ վարուց նորա՝ խաբանօք համբա-
ւելով , սակայն միանգամայն զամենայնն՝ որպէս
գործեն յարևելս աւագիկ՝ բառնան 'ի միջոյ :

Ոյր աղագաւ և 'ի տեղեաց տեղեաց յազգէս բռ-
ղոքարկուք սրտառուչք յաճախեցին առ մեզ դրովք
և բանիւք՝ ձեռն 'ի գործ անգանգաղ յօգն հասա-
նել գայթակղելոց որդւոց ազգին , և դարման ան-
յապաղ տանել կարևոր պիտոյիցս այսոցիկ :

Այսն որոյ և յետ այլոց մատենից կարևորաց 'ի
նոյն՝ ընծայելոց յԱւիտէս յաշխարհիկ բարբառ ,
աւասիկ և զմատեան զՏըլաֆօրեայ ժողովրդապետի
'ի Աինն զկորովաբան Աարդապետին Քաղղիացւոյ
ընդդէմ հերձուածոյն Առթերեանց տամբ թարգ-
մանաբար : Բայց զայս 'ի գրոց բարբառ ըստ հասարակ
փափաքանաց , որ և մերոցս իսկ սիրելի ախորժա-

կաց՝ միշտ 'ի ծաղկի պահել զչոյակապ լեզուն յա-
մենայն սոգգ մատենագրութեան :

Այլ սակաւութ խօսեցեալ վասն մատենիս, սա
ոչ միայն անգստին յարմատոց անտի իլէ զաղանդն,
այլև յամենայն մատունս ուղղափառութեան հաս-
տարմատ և անասանելի գործէ զհաւատացեալս: Եւ
է սքանչելի կնիք սեպհական Տրաֆօրեայ, առաջին՝
հանճարարուեստ անզուգական ոճ կարգի մատենա-
գրութեանն, որով իբրև ոսն առ ոսն հրաշապէս
յինքն գլխովին ածեալ յանկուցանէ զմոլորեալն :

Եւ երկրորդ անգամ՝ անվանելի ձեռնարկքն,
որովք ոչ վայր թաքստեան և ոչ տեղի փախստեան
թողու ինչ մոլորելոյն :

Եւ հանդերձէ զամենայն հեշտալուր, քաղցր և
ամոք, և լի օծութեամբ առաքելական հոգւոյն, 'ի
վեցեակ Տրամախօսութիւնս 'Նորաղանդի և Ուղղա-
փառ Վարդապետի: Տրամախօսութիւնք ոչ կեղ-
ծեալք, քան թէ ճշմարտութեամբ հանգիպեալք,
որպէս և է իսկ իմաստասիրել 'ի սլատմութենէ ա-
ռաջին Տրամախօսութեանն :

Որք միանգամ 'ի լոյս ընծայեցին տպագրու-
թեամբ զայս մատեան յՌոսիա 'ի հռոմ, նախ յա-
մին 1819 'ի լեզու գաղղիական, և երկրորդ՝ յամին
1821, յիտալականն, զայս կնքեցին արժանապէս
վասն մատենիս, և թէ « Յարձանագրութիւնս հա-

” Լատոյ՝ որ ընդ ժամանակս ժամանակս 'ի վեր ե-
” լին 'ի Գաղղիա, մի յառաւել հրաշակերտիցն է
” սա անշուշտ: Մատեան հաւատոյ ուղղափառու-
” թեան դժուարաւ յոյժ գտցես, որ այնչափ ա-
” բուէստիւ աշխատասիրեալ իցէ և այնչափ գեղեց-
” կակարգ ոճով յերիւրեալ իցէ: Ընդ յստակա-
” տես սարղութեան բարբառոյն՝ որ զլսելին յափշ-
” տակէ, հրաշասցիս 'ի սմա և ընդ կորովութիւն
” փաստաբանութեանն՝ որ զմիտսն գերէ ”:



Տ Ր Ը Մ Ը Խ Օ Ս Ո Ւ Թ Ի Ի Կ Ե Լ :



Ն Ե Ր Ա Ճ Ո Ւ Թ Ի Ի Կ Ե Լ

Հիմնարկութիւն եկեղեցւոյ . Հաստատութիւն նորա . Կարգ տեսչութեանն 'ի խնդիրս հաւատոյ ընդգէմ հերձուածողաց , և ըստ մասնեայ 'ի վեշտասաներորդ գարուն ընդգէմ Ղութերի և Կալվինի և արքանեկաց նոցա :



Ն Ո Ր Ա Ղ Ա Ն Դ Կ Ա Լ Վ Ի Ն Ա Կ Ա Ն Ա Ռ Ո Ւ Ղ Ղ Ա Փ Ա Ռ Վ Ա Ր Դ Ա Պ Ե Տ Ն

ՆԱՍԵԱԼ գամ առ քեզ , տէր , աներկեան վրստահութեամբ , և ակն ունիմ եթէ ժողովեսցես զիս բարեգթութեամբդ :

Օ՛նեալ եմ 'ի Օվլիցցերա 'ի սահմանս Կալվինականաց , և են ամիսք ինչ յորմէ հետէ բնակիմ աւադիկ 'ի Գաղղիա՝ աստ 'ի Վիոն քաղաքի . և ժամանակս ձիզս հաստատեալ եմ առնել զբնակութիւն իմ 'ի սմա 'ի պատճառս գործոց վաճառականութեան

իմոյ, և կեանս իմն խաղաղաւէտս կամիմ վարել ՚ի քաղաքիս յայսմիկ :

Ան արդեօք աւուրք ոչ բազումք, յորմէ հետէ ծանեայ զի պատանի ոմն ՚ի Օվիցցերայ յիմոյն սեպհական թաղէ, զորմէ և հանասլազ լուեալ իսկ էր իմ բանս բարեաց, դարձաւ և ընկալաւ զուղղափառ հաւատան՝ զոր կոչէք . յորում դու ինքնին վարժեցեր զնա, և դու ինքն հանդերձեցար առնուլ զգաւանութիւն ճշմարտութեանն ՚ի նմանէ և զհրաժեշտն յաղանդոյն իւրմէ :

Իմ երբէք չէր տեսեալ զայն հանդէս հոգևորական . հետաքննութիւն սաստիկ ձգեաց զնս ՚ի տեսութիւն այնր, և առննթիրակաց եղէ ևս արարողութեանն այնմիկ հանդերձ բազում կրօնակից բարեկամք իմովք :

Աւ արդ խոստովանիմ անկեղծութեամբ զի այլ յայլմէ եղէ ևս ՚ի տեսանել անդ զայդ հանդէս . մանաւանդ յորժամ և բազմամբոխ ժողովուրդք հանդիսագնինք խուռն ընթացեալք յակճիոս կային անդանոր : Յորժամ և նորահաւասող այդ պատանի իմն երբեմն կրօնակից և ծանօթ՝ երևէր ինձ բոլորապտուղ նուիրեալ զանձն ՚ի լուր աստուածապատգամ վարժից քոց և քարոզութեան, անպատմելի մխիթարութեամբ ցնծացեալ ՚ի հոգին : Աւ ևս ինքնին յայնժամ ըստ իմոյ բաւականին ուշի ուշով ունկն դնէի բանից քոց :

Ասե տեսի յայնժամ զի կէսք յորոց անդր կային ՚ի լուր քարոզութեանդ, խոցեալք ՚ի սիրտ արտասուս բազում հեղուին . իսկ և ևս յայնժամ, ոչ գիտեմ, առ իմէ հարեալ ՚ի հոգի և ստիպեալ, ոչ կարէի զուսպ ունել զարտօսր աչաց իմոյ :

Իսկ ՚ի մէջ այլոց բանից քոց քաջիկ ևս միտ եղի

ևս քեզ, յորժամ մեծապէս սարգութեամբ և քաջա-
 յայտս ճառէիր, եթէ վնարդ Ղութերեանք և Ալա-
 վնեանք յուրաստ լինելով զհեղինակութենէ Ալկեղե-
 ցւոյ 'ի սահմանել որոշել զվնարդիս հաւատոյ, և ոչ
 ընդունելով այլ կանոն 'ի սահման հաւատոյ բայց
 զգիրս սուրբս, զոր այր այր 'ի նոցանէ մեկնէ և թարգ-
 մաննէ ըստ կառի և ըստ լուսոյ բանին իւրոյ, սարտք
 անհրաժեշտք իցեն նոցա քննել և յուզել գէթ միան-
 գամ ընդ ժամանակ կենաց իւրեանց, եթէ արդեօք
 շաւիղ նոցա և վարդապետութիւնս նոցա իցէ՞ ճշմար-
 տապէս հիմնեալ 'ի գիրս սուրբս. և թէ արդեօք ճշ-
 մարտութիւնն ո՞ր գտանիցի. յեկեղեցւոյ՞ ուղղափա-
 ւաց միացեալ ընդ Հռութմայ, եթէ 'ի բազմագունակ
 ժողովս և յընկերութիւնս մարդկան՝ որք հերձեալք
 որոշեցան 'ի նմանէ: Քանզի և 'ի վախճանի յայս
 գեղեցիկս կնքեցիր վեանդ, եթէ « Մոլորութիւնն
 » բազմագլխակ է և փոփոխի մինչ իսպառ. իսկ ճրշ-
 » մարտութիւնն մի է և 'ի միում ժամանակի միան-
 » գամայն յերկուս հետս կաղալ ոչ ունի: Չիք ապա
 » իրաւունք, եթէ մարդ հաստատութեամբ դիցէ 'ի
 » մտի գտանել զճշմարտութիւնն յընկերութեանն
 » յայնմիկ՝ յորում ծնեալ իցէ, միայն վասն այնորիկ՝
 » զի անդ ծնեալ իցէ » :

Օայս լուեալ իմ, տէր, մտախորհ այնուհետև լինէի
 եթէ սարտ է ինձ ուրեմն առնել զքննութիւն զայս.
 այլ բարէ, ասէի ևս ցանձն իմ, զվնարդ մարթայաց
 'ի գլուխ հանել զայն: Ոչ աւանիկ այսօրինակ քն-
 նութեան աւուրց բազմաց սէտք իցեն, և սրայբարաց
 բազմաց, և մատենից ևս բազմաց առնութեք եղևոյ:
 Բայց թէպէտ և կայցեն ևս, միթէ մարթ ինչ իցէ
 ինձ աներկեան խնդալ եթէ ճշգրտիս 'ի վերայ հա-

սեալ իցէ իմ բուն և հարազատ իմաստից բանից սուրբ գրոց ՚ի խնդիրս, յորս ՚ի բազմահոլով դարուց հետէ պայքարեցին արք գերահամբաւք:

Արչափ ինչ մտախորհ լինէի, այնչափ և առաւել իբրու ՚ի ցանց անել մատնէի ՚ի խորհրդեան իմում. և բնաւ իսկ ամենեւին ոչ գիտէի ուստ ուստեք պարտ իցէ սկիզբն առնել մեծիս այսմիկ հետաքննութեանս և գերագունի՝ յորմէ կախեալ կայ յաւիտենական փրկութիւն:

Մեծապէս յայնժամ ամբոխեալ և խռովեալ ՚ի յոյզս մտաց իմոց, իբրու խթանաւ ոմամբ մարեցաւ անձն իմ զալ առ քեզ և ՚ի քէն խնդրել զօրինակ քննութեանն: Քաջ իսկ երևեցար դու ինձ իբրև այր ուսեալ և ներհուն և նախանձայոյզ ճշմարտութեան:

Արդեօք մարթ իցէ ինձ, տէր, աներկևան ակն ունել եթէ շնորհեսցես ինձ աւուրս ինչ տրամախօս լինել և պայքարել մեզ ընդ միմեանս, և նպաստամաւ տոյց ինձ լինել յայս մի՞նչակ կենաց իմոց, յորում տատանիմ ես աւաղիկ իբրև ՚ի ծով բազմածուփ:

ՎԼԻԴԵՊԵՏԵ ՈՒՂՂԱՓԼՈՒ

Օրհնեալ է Աստուած: Աորա են շնորհքն որ ազդեցին ՚ի սիրտ քո, և նորա է աջ զօրութեան որ առաջնորդեաց քեզ: Պարտ է ուրեմն զմարդարէին այժմ կրկնել քեզ զբանն, « Այսօր եթէ ձայնի նորա լուիցէք, մի խտացուցանէք զսիրտս ձեր » . Սղմ. 94: Աա ինքն աւաղիկ կամի զփրկութիւն քո, և հրաւիրանաւ կոչէ զքեզ խնդրել զձանապարհն անստերիւր որ միայն բաւական իցէ յապահովել զփրկութիւն քո: Մի դու երբէք անտես արասցես զճշմարիտ երջանկու

Թեամբդ : Այլ եկ առիս բարեկամ . որ անձուկ յոյժ է ինձ առնուլ ժողովել զքեզ առաւել քան վերջն քս , որով ինդրես մերձենալ առիս :

Այո , մտադիւրագոյնս մտցուք ընդ քեզ ՚ի տրամախօսութիւն և ՚ի պայքար քննութեան վասն աստուածային խնդրոյս : Սահմանեցուք մեզ ՚ի զրուցատրութիւն աւուրս և ժամն որչափ ինչ դիպողագոյնք մեզ իցեն : Ահա ես ճշգրիտ ըստ ժամագիր պահուն գտայց առ քեզ , և դու անթերի ըստ ժամուն գայցես առիս :

Այլ կանուխ աւաղիկ քեզ բարեկամ ազդ առնեմ , չեն ինձ կամք երբէք , և հնարիմացութիւն չառնում յանձն առ ՚ի տիրել ճոխաբար իմովքս ճառիք ՚ի վերայ ոգւոյդ և մտաց և կամաց քոյ :

Աս քեզ մեկին և պարզ առաջի եզից զճշմարտութիւնսն յայտնիս և անկուռելիս : Օրուցատրեսցուք փաստիւք . և դու ինքնին ապա դատատտան արասցես , զինչ պարտ իցէ խորհել վասն այնոյիկ :

ՆՈՐԱՂԱՆԴՆ

Բարի է բանդ . և այժմէն իսկ ՚ի ժամէս յայսմանէ սկիզբն արասցուք տրամախօսութեանս : Այլ զիտեմ ոչ՝ եթէ և քեզ քաջադէպ իցէ ժամն :

ՎԱՄԴԱՊԵՏՆ

Այլ կարի իսկ քաջ . մտադիւրագոյնս այժմէն սկիզբն արասցուք . քանզի և ինձ չիք ինչ այլ նախապատիւ քան զայս պիտառնութիւն :

ՆՈՐԱՂԱՆԴՆ

Դու ինքնին տէր յաւուր Հանդիսին այնորիկ 'ի
 Հրաժարեցուցանել անդ յողանդոյն իւրմէ զեկամուտն
 քո զիմն քաղաքակից երբեմն Ապրիլնական, ասացեր
 մեկին՝ եթէ Ալեկոնցի ուղղափառաց ընդ տիեզերս միա-
 ցեալ ընդ Հոովմայ՝ է միակ ճշմարիտ Ալեկոնցի Յի-
 սուսի Քրիստոսի . և թէ՛ վասն այսորիկ որք միանգամ
 'ի նորազանգից ծնան արտաքոյ նորա, պարտին միւս-
 անգամ գիմնել 'ի գիրկ նորա իբրու հարազատ մօր և
 միանալ ընդ նմա . քանզի և նախնեաց և հարց նոցա
 որ ծնան 'ի նմա՝ չէր պարտ թուուլ լքանել զնա :
 Թուի ինձ եթէ այս էր հիմն և հաստատութիւն գող-
 ցես ողջոյն հրահանգաց և քարոզութեան քո :

ՎԱՐԴԱՊԵՏՆ

Այո՛, քաջ 'ի վերայ հասեր : Այլ է իսկ այս խն-
 դիր կարեւոր յոյժ և նախաստիւ, զոր հանդերձեալ
 է մեր 'ի քնին առնուլ 'ի միասին : Այլ առ 'ի կարգ
 գեղեցիկ տալ ճատիս, անդստին յառաջին տրամախօ-
 սութենէ աստի տաց քեզ ծանօթութիւն ընդ հանուր
 յաղազս կերպարանին՝ զոր ես Քրիստոս եկեղեցւոյ
 խրում 'ի հիմնարկերն զնա, և յաղազս վիճակին՝ յո-
 բում եկաց նա անդստին 'ի հիմնարկութենէն մինչև
 յաւուրս մեր :

Ճառ արկից քեզ ոչ զումպէտից ինչ, այլ որ
 անցք և դէպք իցեն եկեղեցւոյ՝ առ հասարակ հոգա-
 կեալք և ստոյգք և հաւատարմք, ծանուցեալք միասէս
 և ընկալեալք եթէ յուղղափառաց և եթէ 'ի նորաձայն

բարոզացոյց , և որք առեալ ածցեն զմեզ 'ի Հետաքրն ,
 նութիւն սլայքարեալ խնդրոյն՝ որ ընդ մեզ և ընդ
 եղբարս ձեր հերձեալս , որոց և կորուսան դառնապէս
 ցաւ է մեզ հանապաղ :

Այլ մինչև խօսեալ իմ յաղագս ուղղափառու
 թեան , հարցանեմ ցքեզ , իցես դու ճշմարտապէս
 սիրող և հետևող քրիստոնէական Արծնին . և հաս-
 տատութեամբ հաւատացեալ է քո նախն' զոր միանգամ
 ուսուցանեն մեզ զիրք սուրբք . զիրք՝ զոր խոստովանի
 և դաւանի համարձակաձայն բարբառով ընկերութիւն
 ազանդոյդ , յորում ծնար դու և սնար և հրահան-
 գեցար :

ՆՈՐԱՂԱՆԵՐԵ

Այլ կարի քաջ սիրող եմ՝ քրիստոսեան Արծնիս , և
 եմ իսկ ես ճշմարտապէս քրիստոնեայ . քանզի և ու-
 սանիմք իսկ և վերձանեմք և դաւանեմք՝ որպէս և
 դուք՝ զհանգանակն առաքելական . և ես 'ի բոլոր
 սրտէ հաւատացեալ եմ 'ի նոյն : Այլ եթէ մինչև ցարդ
 մատուցան ինչ և այլ դաւանեմ զհաւատոյ՝ զոր ինձ 'ի
 տիս տղայութեան իմոյ ուսուցին և յորս նոքին իսկ
 մեր եղբարք այրաձայնք են 'ի հաւատոյն ձերմէ , վասն
 այսորիկ դաւանիմ՝ քանզի կարծեմ լինել ճշմարտա :

ՎԱՐԴԱՊԵՏԵ

Այլ արդ 'ի քնին աոցուք զամենայնն , սակայն և
 կարգաւ յառաջ խաղատցուք : Ախի առաջին՝ բացցուք
 մեզ առաջի զԱւետարանն սուրբ , որ ուսուցանէ մեզ
 յաղագս կերպարանին՝ զոր ետ Վրիստոս եկեղեցւոյ
 խրում :

Արդին Աստուծոյ էջ յերկնից ՚ի յերկիր ՚ի փրկութիւն ազգի մարդկան : Այլ եկն նա առ մարդիկ Տիմն արկանել Արծնի՝ որ միայն բաւական է առաջնորդել մարդկան ՚ի յերկինս , և որ հանդերձեալ է յսուերժանալ մինչև ՚ի կատարած աշխարհի :

Իսկ ՚ի քարոզութիւն Արծնիս այսորիկ ընտրեաց առաքեալս և աշակերտս , և առաքեաց զնոսա աւետարանել յընդհանուր տիեզերս . և կամեցաւ զի հաւատացեալքն աստուածային Արծնիս եղիցին մարմին մի . և զայն մարմին սիւսեալ յընդհանուրս՝ կոչեաց նա Ակեղեցի իւր :

Այլ արդեօք այս իցէ յոր և դու վարժեցար , և դու ինքնին հաւատաս :

ՆՈՐԱՂԱՆԴՆ

Այլ , այլ զինչ այտի կամիցիս զհետ բերել :

ՎԱՐԴԱՊԵՏՆ

Այլ դու բարեկամ հետեւեաց ինձ . ես քեզ շատցից ինչ որ ոչն իցէ այնպէս սպարդ և մեկին և ճշմարիտ , որպէս զոր արդէն ՚ի մանկութենէ լուեալ իսկ իցէ քո : Այս եկեղեցի որպէս և հաւատքն զոր նայն դաւանի՝ սպարտի յաւերժանալ մինչև ՚ի կատարած աշխարհի :

Ապաքէն չէր ՚ի դէպ Քրիստոսի տեսոն մերոյ հանապաղ անձամբ յերևանի կառավարել զեկեղցի իւր , և հանապաղ կենակից մարդկան լինել ՚ի վերայ երկրի : Պարտ էր նմա յետ հեղոյ զարին իւր ՚ի փրկութիւն մարդկան համբառնալ յերկինս և նստել

աստուածային մարմնովն ընդ աջմէ Հօր Աստուծոյ :
Իսկ և առաքեալքն նորա և աշակերտքն զորս ընտրեաց
լինել վարդապետս եկեղեցւոյ իւրոյ, ընդ մահու պար-
տեօք գրաւեալ էին և նոքա :


Հարկ էր ուրեմն և այլոց վարդապետաց յաջորդել
նոցա դարուց ՚ի դարս, և մինչև ՚ի կատարած աշխար-
հի հանդիսացուցանել զայն մասն եկեղեցւոյն Քրիս-
տոսի, որ կոչի « Եկեղեցի վարդապետոյ » :

Օայս դասակարգութիւն գեղեցիկ՝ զորոյ և բանն
ինքնին ապացուցանէ զկարեւորութիւնն՝ կարգեաց և
յայտնապէս պատուիրեաց ինքնին վերկիչն աստուա-
ծային իշխանութեամբ առաքելոցն սրբոց մինչև համ-
բարձեալ յերկինս, երևելով նոցա զաւուրս քառա-
սուն յետ յարութեանն իւրոյ : Ասաց և ետ նոցա
զաստուածային զայս առաքելութիւն . « Արալէս առա-
քեաց, ասէ, զիս հայր իմ և ես առաքեմ զձեզ » :

Իսկ ՚ի պահուն յորում ծածկեաց էր նա յաչաց
նոցա եղանելով յերկինս ուստի էջն, պատգամ ման-
րամասին կարգայր նոցա աստուածաբար վերջին զկար-
հրամանս, և իբրու կնիք անդրժեղի ՚ի թուղթ աստուա-
ծառար իշխանութեան նոցա՝ զնոյն մատնէ-հարեալ
ասէր . « Տուա ինձ ամենայն իշխանութիւն յերկինս
» և յերկրի, որպէս առաքեաց զիս հայր և ես առա-
» քեմ զձեզ : Վնացէք այսուհետև աշակերտեցէք զա-
» մենայն հեթանոսս . Վկրտեցէք վնոսս յանուն Հօր
» և Արդւոյ և Հոգւոյն սրբոյ . Ասուցէք նոցա պա-
» հել զամենայն զոր ինչ պատուիրեցի ձեզ : Եւ ա-
» հաւասիկ ես ընդ ձեզ եմ զամենայն աւուրս մինչև
» ՚ի կատարած աշխարհի » :

Ահաասիկ քեզ հանդէս և կերպարան հրաշափառ
հիմնարկութեան եկեղեցւոյ Քրիստոսի : Եւ նշանախնդ

Երևան
863



մի ոչ անցցէ 'ի բանիցն Աստուծոյ : Աւասիկ թողում
ես զձեզ , ասէ . և ընդ իմ առաքեմ զձեզ , և զայս
առաքելութիւն տամ ես ձեզ զօրութեամբ զերազոյն
իշխանութեանն զոր առ ի յերկինս և յերկրի : Աս առա
քեմ զձեզ , և միանգամայն առաքեմ ընդ ձեզ առ
հասարակ և զառաքեալն առ 'ի ձէնջ և 'ի ձերոց
յաջորդաց : Քանզի այս եկեղեցի՝ զոր ենն հիմնարկեմ ,
և զոր՝ որպէս ասացի « Գրունք դժոխոց մի յաղթա
հարեացն » , պարտի անդուլութեամբ կալ մնալ մինչև
'ի կատարած աշխարհի . քանզի ես ինքնին հանազազ
հովանի կացեալ իսկ եմ՝ նմա զամենայն աւուրս մինչև
'ի կատարած աշխարհի :

ՆՈՐԱՂԱՆԴՆ

Իսկ զինչ այդ նոր իցէ առաջի մեր . քանզի զնոյն
և մեք դաւանեմք ճշմարտութեամբ . և թէպէտ և ինքնին
տէքն չէր բացայայտեալ անսուտ բանիւքն , զոր յա
ռաջ բերեր , անյերկուանալի է վիճակ հաստատութեան
եկեղեցւոյ իւրոյ մինչև 'ի կատարած աշխարհի : Քանզի
ինքնին Քրիստոս ելոյժ զհին օրէնսն՝ որ ստուերք
էին և նմանութիւնք . ելից կատարեաց զամենայն մար
գարէութիւնսն , որ նաբատակ առաջի իւրեանց ունէին
միայն զխոստացեալ Սեսիայն և զփրկութիւն ազգի
մարդկան : Չէր սրարտ ուրեմն այնուհետև ակնկալեալ
սպասել այլում օրէնսդրի և փրկչի : Ակեղեցւոյ Քր
րիստոսի սրարտ է կալ մնալ յարածամ , ըստ որում
և մարգարէքն զլստովն նախաձայնեցին : Առ անուշտ
նաև մեր եկեղեցիք և ընկերութիւնք « Վերանորո
զիչք » անուանեալքդ՝ ոչինչ մարթացին այլողան
առ 'ի ձէնջ խորհել ինչ 'ի մասինդ յայդմիկ : Այլ

223
Կրտս

չիմանամ տակաւին , զինչ ինչ հանդերձեալ իցէ քո
զհետ բերել 'ի ճառից այսի ընդդէմ վարդապետու
թեան մերոյ :

ՎԱՐԴԱՊԵՏՆ

Վաղ ընդ փոյթ տեսանիցես զայդ , այլ զհետ կար
գի իրացդ յուշիկ ընթացուք :

Արդ ուրեմն հիմնարկեցաւ եկեղ'ցի Վրիստոսի .
ինքն ել յերկինս և առաքեաց զՀոգին սուրբ 'ի յեր
կիր . և առաքեալքն սուրբք սկիզբն առնեն 'ի գործ
վարել զհրամանս երկնաւոր վարդապետին :

Հետ քարոզելոյ զհաւատս աւետարանին Աշրուսա
դէմ և ընդ ամենայն Հրէաստան , երթեալ աւետա
րանեն զնոյն և ամենայն ազգաց հեթանոսաց և միջա
մուխ ևս ընին մինչև 'ի ծագս երկրի : Օծութիւնն
աստուածային սուրբ Հոգւոյն սփռեալ ծաւալի յամե
նայն 'ի սիրտս ունկնդրաց . եռանդն երկնաւոր շնչէ
կենազործէ զնոսա . յոգնահոյլ բաղմութիւն մարտի
րոսաց յամենայն սեռէ և յամենայն հասակէ վկայու
թիւն անշուշտ ընծայէ ճշմարտութեանոյն՝ զոր յայտ
նեաց Աստուածորդին : Արհամարհեալ ընթաղրեն
նորա զամենայն տանջանս և զգառնակսկիծ չարչա
րանսն . քաջասլինդ արութիւն ողւոյն նոցա՝ գերագոյն
քան զվարդկան՝ նշան յաղթութեան կանգնէ 'ի վերայ
մոլեգնութեան չարաշուք դահճայն . և նորա անպա
տում ցնծութեամբ՝ իրեանց իսկ վարդագոյն արեամբն
իրրու անջինջ մատնեհարաւ կնքեն զճշմարտութիւն
հաւատոյն իրեանց ,

Առ այս՝ և բիւրս իմն հրաշից սքանչելագործեն
առաքեալքն սուրբք՝ զանունն աստուածահրաշ կար

դայեալ միայն զՏեղնակին հաւատոյ, զոր յանձին կալան քարոզել և հրատարակել ընդ տիեզերս : Աշանք սքանչելիայն առհասարակ փայլատակեն յընդհանուրս : Պատգամք անսուտք Յիսուսի Քրիստոսի ՚ի գլուխ եղանեն անլրէս : Ասէ և դառնայ աշխարհ . և եկեղեցի սփռեալ տարածի ընդ առնեսն երկիրս :

Այլ սակայն անդստին ՚ի հիմնարկութենէն դէսք քանի՞սն պատահեցին ՚ի դարս որ վերի : Այս աստուածային Արճն՝ որ ուսուցանէ մարդկան կուռել և ընդ բռամք վերսն նուաճել, ոչինչ արմատաքի խէ՛ զսերմանն : Օգրունս երկնից բանայ մեզ առաջի այս եկեղեցի, յորդորէ՛ զի հոգևոր իմն բռնաբարութեամբ յափշտակեսցուք զնա, իբրև նահատակք քաջք հանապազօր պատերազմեալ :

Մարդիկ՝ որ դառնան ընին քրիստոսոնեայք, սարտին հանապազ գեր ՚ի վերոյ կրիչն հանդիսանալ, և դձախողակ յօժարութիւնս իւրեանց յաղթահարել : Բայց է զի երևեցան ՚ի նոսա հոգիք ապստամբք և խտտապարանոցք և ՚ի կարծիս իւրեանց յամառեալք . որք առ հարտութեան կամ այլ ինչ ծածուկ պատճառաց ՚ի վէգ և ՚ի պայքար մտին սաստկապէս : Այս եկեղեցի յաւուրց անտի ծննդեան իւրոյ վիշտս բազումս և չարչարանս կրեաց ՚ի նոցանէ :

Այս ահաւասիկ Պործք առաքելոց ՚ի գլ. 8. ՚ի գէմն ածեն մեզ : Միմն ոմն մոգ դարձեալ ՚ի հաւատս՝ անդէն վարդապետի ՚ի մողորութիւն անհնարին անկանէր . քանզի համարեցաւ ընչիւք ստանալ զարարեալ հոգւոյն սրբոյ, և ապա եկեալ հառանէր նա ՚ի հոգւմ մարտ դնել կուռել յայտնապէս ընդդէմ քարոզութեան սրբոյն Պետրոսի, որ և հրատարակագոյժ խայտառակեաց զնա անդանօր :

Նաև Պիոտրեփէս աստիճանաւորեալն պատուով
 յեկեղեցի Քրիստոսի՝ այնչափ յաւակնեցաւ մինչև ոչ
 ընդունել զառաքեալն սուրբ Յովհաննէս, և յանդրգ-
 նեցաւ ևս Հաննէլ յեկեղեցւոյն զայնոսիկ՝ որ աշակեր-
 տեալն էին վարդապետութեան նորա . ց . թղթ . 305 :

Եւ ՚ի ժամանակաց անտի որք միանգամ հակա-
 աակէին վարդապետութեան առաքելոցն՝ անուն ըն-
 կալան զՀերետիկոսի և զՀերձուածողի . իբրու որ
 դիմամարտ եկեղեցւոց ունիցին քարոզութիւն :

Իբրև ճշմարիտ թշնամիս Յիսուսի Քրիստոսի ու-
 նէին զնոսա առաքեալքն սուրբք, և սուրբն Պաղոս
 գրելով առ Տիմոս Արեւացւոց եպիսկոպոս, ասէր :
 « Հատնէ հերձուածողէ յետ միանգամ և երկիցս
 » իրաւեղոյ, հրաժարեաց . զիտաջիր զի թլւրեալ է
 » այնպիսին և մեղանչէ, անձամբ զանձն դատասար-
 » տեալ » :

Օչոյն և սուրբ առաքեալն Յովհաննէս . « Եթէ
 » որ, ասէ, եկեսցէ առ ձեզ, և զվարդապետութիւնս
 » ոչ ունիցի զոր ընկալայք, մի ընկալ ջիբ զնա ՚ի տուն
 » ձեր և մի ողջոյն տաջիք նմա : Եւ եթէ որ ողջոյն
 » տացէ նմա, կ'ցորդ լիցի չարեաց գործոց նորա » :

Իսկ ապա յետ այնորիկ յաճախեաց յոյժ թիւ
 հերձուածողացոյ, զի և ՚ի դարուն երկրորդի երանելին
 Արանոս եպիսկոպոս այսր մերոյն քաղաքի Սիոնի ՚ի
 գիրս Հերձուածոցն ՚ի գիւրի հարեալ վանէ զազմա-
 հոյս նոցա, ըստ որում Արիմիթոսն էր և Արիոն և
 Բասիլիդէս և Սարկիոն և Արսոկրատէս և Վնու-
 տիկեանք : Իսկ և ՚ի դարս որ զկնի յարեան ՚ի նոցանէ
 և այլք բազումք :

Եւ արդ զինչ գործեցին առաքեալքն սուրբք և
 որ յետ նոցա եպիսկոպոսունք ՚ի մերժել զթշնամիս

ճշմարտութեանն և 'ի սնդել սհաւատացեալն 'ի
 Քրիստոս : 'ի գիրս Գործոց առաքելոցն ընթեռնումք
 եթէ 'ի լինել հերձուածոյ կարծեաց վասն կարևորու-
 թեան պահպանութեան օրինադրելոցն 'ի Մովսիսէ ,
 ժողով գումարեցին Աշրուսաղէմ՝ Առաքեալք և երի-
 ցունք . և յետ հարցափարձի քննութեան ընդ միմեանս
 ժամս ձիգս՝ սահմանեցին վասն կարևոր խնդրոցն և
 արարողութեանն այնմիկ : Իսկ որ քաջիկ մտադրու-
 թեան է արժանի 'ի գործ ժողովոյն այնորիկ , այնչափ
 իմն աներկեանութեամբ վստահք էին ժողովականքն
 յանսուտ խոստումն երկնաւոր վարդապետին իւրեանց ,
 եթէ ինքնին Հոգին սուրբ առաջնորդ և ներշնչող է
 սահմանի որոշման նոցա , մինչև յայտնաբարբառ զնոյն
 հրատարակել 'ի ժողովական թղթին իւրեանց և ասել .
 « Հաճոյ թուեցաւ Հոգւոյն սրբոյ և մեզ , մի ինչ
 » աւելի բռն դնել ձեզ , բայց միայն 'ի կարևորացս
 » յայսոցիկ » , և զայն ևս :

Աւ ապա այս առաջին ժողով եկեղեցւոյ եկաց ան-
 ստերիւր նախատիպ օրինակ և այլ ամենայն ժողովոց
 եկեղեցւոյ՝ որ զկնի :

Համենայն իսկ 'ի դարս 'ի վեր բուսան յեկեղեցւոջ
 հերձուածք այլ և այլք , և բուսցին ևս հանապազ . ըստ
 որում նախաձայնեաց Առաքեալն . Թ . Աոր . 11 .
 « Բայց և հերձուածք եղիցին 'ի ձեզ . զի որ ընտիրքն
 իցեն 'ի ձեզ՝ երևեսցին » :

Աւ եպիսկոպոսունք յաջորդեալք առաքելոցն զայն
 ինչ գործեցին՝ զոր միանգամ ցուցին նոցա իւրեանց
 վարդապետք . գումարեցան 'ի ժողով , 'ի քնին առին
 զինդիրսն՝ որ պատճառք կացին հերձուածոյն և երկ-
 պառակութեան կարծեացն :

Աւ գումարէին այս ժողովք է զի միայն յեպիսկո-

պոսաց զաւառացն՝ յորս ՚ի վեր բուսեալ էր մոլորութիւնն, և յայնժամ կոչէին՝ ժողովք մասնաւորք . իսկ է զի յորժամ հերձուածն ճարակէր ՚ի բազում կողմանս եկեղեցւոյն, ժողովէին յայնժամ ՚ի Սիւնհոգոս համաշխարհական, և կոչէին այնոքիկ՝ ժողովք ընդհանրականք : Բայց ըստ անխոտոր սուրբութեան եկեղեցւոյ ՚ի դարս իւրաքանչիւր՝ յայտօրինակ ժողովս քահանայապետն Հռովմայ հրաւեր առաքեալ գումարէր զամենայն եպիսկոպոսունս եկեղեցեաց՝ իբրև զլուս եկեղեցւոյ ՚ի պաշտամանէն յաջորդութեան առաքելապետին սրբոյն Սեպրոսի : Եւ է տեսանել զայս յամենայն վաւերական արձանագրութիւնս եկեղեցական պատմութեան : Եւ այս եպիսկոպոսունք հասեալք գումարէին է զի բազմագոյնք թուով և է զի նուազք ըստ տանելոյ հանգամանաց ժամանակին : Ստեալք ՚ի քնին առնուին, հետազօտէին ճշգրտիւ զլննդիրն . և առննթերակաց իւրեանց ունելով զՀոգին սուրբ ըստ նախ խոստմանն Քրիստոսի, սահմանէին և դատակնիք ևս ՚ի վերայ կապէին նզովիւք չափ ՚ի բաց հատեալ ՚ի հաղորդութենէ եկեղեցւոյ զայնոսիկ՝ որք յողն կացեալ ոչ հպատակէին անկեղծ հաւատով սահմանի վճռոյն իւրեանց :

Չայս օրինակ դէպք ետուն ՚ի դարուն չորրորդի ՚ի պատճառս հերձուածոյն Արիոսի որ ժխտէր զաստուածութիւն Բանին . ուստի և նզովեալ դատապարտեցաւ յամին 323 . ՚ի տիեզերական ժողովոյն՝ Սիկիոյ : Այոնպէս ապա և սակս հերձուածոյ ժանտին՝ Սեստորի, որ դատապարտեցաւ յընդհանուր ժողովոյն Ափեսոսի յամին 431 : Եւ զայտօրինակ ապա և զայլ ևս հերձուածս դատապարտեաց եկեղեցի, որ ՚ի վեր բուսան յայլ և այլ դարս Ակեղեցւոյ :

Արդ զնոյն օրինակ՝ զոր կալաւ եկեղեցի անդստին՝
 'ի սկզբանէ առ ամենայն հերձուածս, զնոյն երկրոր-
 դեաց և 'ի դարուն վեշտասաներորդի վասն հերձու-
 ծոյն Առթերի և Ապլինի, զորոց ժամ է մեզ զար-
 դիս խօսել :

Մարտինոս Առթերոս ծնաւ 'ի Վերմանիա 'ի ծոց
 ուղղափառ Ալեկեցւոյ, յանձին կալաւ կեանս միանձ
 նական 'ի կարգի սրբոյն Ազոստինոսի, եկաց վարժա-
 պետ աստուածաբանութեան, քարոզեաց և զհամբաւի
 հարաւ յեռանդնոտ ոգւոյն և 'ի ճարտարաբանութե-
 նէն : Բայց նախանձ ընդդէմ բերեալ՝ զի հայրապետն
 Հռովմայ ընտրեաց զՎոմինիկեան միանձունս նա-
 խապատիւ արարեալ զնոսա քան զմիանձունս իւրոյ
 կրօնին 'ի հրատարակել անդ քարոզութեամբ շնորհա-
 բաշխութիւնս եկեղեցւոյ՝ զոր Վերողութիւնք կոչեն
 աստուածաբանք, ապերասան գտեալ 'ի կիրս ըստ
 տնկակից բուսոյ բարուցն, նախադասութիւնս իմն
 աստուածաբանականս 'ի դուրս ժայթքեաց ընդդէմ
 վարդապետութեան եկեղեցւոյ. զորս և դատապար-
 տեաց Վլենդիոս Վ. քահանայապետ Հռովմայ :

Ի գլխաւոր աշակերտս նորա էին Մելանթոն և
 Բուկերոս ծնեալք իբրու զվարդապետն իւրեանց յուղ-
 զափառ Ալեկեցւոյ : Վաւ Ապլին և Օուինկլիոս ըզ-
 հետ ընթացան շաւղայն Առթերի. բազում մասամբք
 յանձին կալան զմոլորութիւնս նորա, յորս յաւելին և
 ինչ ինչ նոր : Աւ քանզի 'ի խնդիրս չէին միաձայնք
 ընդ միմեանս, ուստի և աղանդս զանազանս 'ի վեր
 երևեցուցին նոքա. որք և արագ արագ ճարակեալ
 սփռեցան 'ի կողմանս կողմանս Աւրոսլայ :

Աւ ահաւասիկ քեզ պատճառ մեծի և աշխարհա-
 քարոզ ժողովոյն Տրիդենտոյ. ուրանօր 'ի բազմահոյլ

Խախտութեան և վարդապետաց և աստուածարանից՝ բազմահանգէս տարազու առնութիւն կալով և դեսպանաց արքայից և նոցուն իսկ նորաղանդիցն՝ մեծապէս ճշդութեամբ կրկին և երեքկին քննեցան և սպաքարեցան և դատաւարսեցան մոլորութիւնք բազմադուխք հերձուածողացդ այդոյիկ :

Այն դէպք ուրեմն ետուն յեկեղեցոջ ՚ի սրտաճառս հերձուածոյն Սուրբի և Աղալիւնի, որ ինչ ՚ի վաղ ժամանակաց հանապազ դիպեալ էր ՚ի սրտաճառս հերձուածողաց : Քանզի և նոցուն աղանդաւիտք և առաջնորդք առհասարակ ծնեալ էին ՚ի ծոց ճշմարիտ եկեղեցոյ, զոր և ճանաչէին իւրեանց մայր և դայեակ. այլ փոխանակ հոգատակելոյ զանձինս հրամանի նորա ապստամբք եղին ՚ի նմանէ, և հնարեցին իւրեանց աղանդս և հերձուածս զանազանս. և խնամով կաշան և սպաշեցին զայն մասունս հաւատոյ միայն՝ ընդ որ ինքեանք հաճեցան : Մտրեցին անձանց ինքնիշխանք հովիւս նորս և վարդապետս. և մուծին փոփոխութիւնս ՚ի պաշտօնն աստուածային, յաղօթս հասարակաց, և ՚ի մատակարարութեան խորհրդոց : Ուսուցին և քարոզեցին վարդապետութիւնս ընդդիմամարտս վարդապետութեան կաթողիկէ եկեղեցոյ, սահմանադրութիւնս նորս. զորս և ըստ այլևայլութեան կարծեաց և ժամանակաց յանբաւս փոխեցին և փոփոխեցին, և պատճառս ետուն ընձիւղելոյ բազմահոյլ աղանդոյ, մեծապէս տարբերեալք ՚ի միմեանց. նաև հակառակամարտք իրերաց ըստ դաւանութեան հաւատոյ, ըստ տարազուն քարոզութեան, և ըստ արարողութեան սխալտամանն, և անուանս դիմակ դիմակ զանձամբ առ ին իրրև. նշանազգեստս սեպհականս : Աէսք Սուրբեանք, և կէսք Աղալիւնեանք. կէսք

Օւրինկլինեանք, և կէսք Անդղիականք. կէսք Արիմինեանք և կէսք Արկնասինունք, և կէսք Սոկլինեանք, այլովք բազմք հանդերձ:

Աստիկ քեզ 'ի կարճոյ շար և կարգառութիւն առհասարակ համբաւեալ և աներկուանալի գործոյ և անցից եկեղեցւոյ Քրիստոսի: Այս արդեօք ինչ մի ասացի եւ քեզ ներհակակիր ծանօթութեանցդ, զոր 'ի վաղընջուց ունէիր. և կամ ինչ մի թուիցի՞ քեզ յերկուանալի:

ՆՈՐԱՂԱՆԴԵՆ

Վաղնջուց անցք եկեղեցական պատմութեան, զոր բացայայտեցեր, չեն յերկուանալի: Այնպէս և ինչ մի չտեսանեմ նոր յայնուսիկ, որչափ ինչ յաղագս Սոթերի և Վալվինի, և աշակերտաց նորա լուեալ իսկ էր իմ: Աստի և զոր միանգամ առ այժմ' ասացեր, ընդունելի է:

ՎԱՐԴԱՊԵՏՆ

Այս աստանոր՝ եթէ այնպէս հաճոյ իցէ քեզ՝ զկայ առցուք այսոր: Առաւել կամիմ զթիւ տրամախօսութեանց մերոյ յաւելուլ, քան թէ կարի երկայնագոյնս յարդարել զայնուսիկ: Մի խուճապեսցուք բարեկամ 'ի կարեւոր ինդիրսդ: Արպէս խնդրեմ վարժել հրահանգել զքեզ և ոչ տիրանալ քեզ, և զի և ժամանակ ոչ պակասի քեզ, այնպէս և կամիմ դուլ առնել քեզ, զի բաւական իցիս ուշի ուշով դու ինքնին խորհրդածել վասն առաջիկայ ինդրոյն՝ մինչև անցեալ մեր յայլ ինդիր:

Ակեղեցի ուրեմն զորմ ճատեցի՝ է առաջին և միակ՝ որ ոչ վերանորոգեցաւ ՚ի մարդոյ կամ յընկերութենէ խմբէ: Իսկ անդուստ այլքն ամենայն վերանորոգութիւնս ընկալան, կամ սկիզբն առին յանձանց խկ իւրեանց բաժանելով, որպէս ընկերութիւնքդ ձերոց եղբարց, որք զանազանեալք են ընդ հասարակ անուամբ՝ իբրու « Վերանորոգիչք, և Վերանորոգեալք », կամ իբրու « Բողոքարկուք », որ և Բողոքէտղանք: Իսկ որ զանուն կրէ զՎալվինեան, զայն քեզ ինքնին է գտանել ՚ի քոյ հայրենի երկրին ՚ի Օվիցցերա, ուր և տիրացաւ Վալվին:

Երդեօք մարթ իցէ քեզ կալ մնալ հանասլազ անդէն ՚ի կալվինականութեանդ, կամ թէ սլարտք անհրաժեշտք իցեն քեզ արդեօք յառնել միւսանդամ մտանել Ակեղեցի ուղղափառաց, յորմէ ելին բաժանեցան հարքն ձեր:

Եյս է աւաղիկ գլխաւոր մեզ խնդիրն, զորմ ունիմք մեք յետ այսորիկ սլայքարել և տրամախօսել ընդ միմեանս:

Բայց յառաջ քան զամենայն ապաւինեալ դու ՚ի Հայրն լուսոյ: Ես միայն բաւական է լուսաւորել զքեզ, և նա միայն՝ որում սլարտիս դու ՚ի խնդիր ելանել: Արբէք կարեորագունի ինչ ՚ի կեանս մեր սլետք ոչ եղեն մեզ և ոչ եղիցին, քան եթէ նորուն շնորհաց: Առանդագին հաւատովք խնդրեալ ՚ի նմանէ լրս, և գոն գործեսցես զըսամբ ամել զայն:

ՆՈՐԱՂԱՆԳԻՆ

Շնորհս ունիմ յաղապս քաջախորհ խրատուցդ: Բանդի և ոչ շահ ժամանակեայ է մեզ՝ առաջնորդա-

կան յայս ձեռնարկ, և ոչ այլ ինչ ՚ի մարդկայնոց
 աստի. ոչինչ այլ խնդրեմք, բայց ճանաչել զճշմարտու
 թիւնն : Յամենայն սրտի միայն մարթնացուք զայս
 շնորհացն :



ՏՐԸՄԸԽՕՍՈՒԹԻՒՒՆ Բ.

Պարտ է և հարկ է նորազանգից թողուլ զժողովս
իւրեանց և միանալ ընդ Եկեղեցւոյն ուղղափառաց :
'Նախ՝ զի զայս Եկեղեցի հիմնարկեաց ինքնին Քրիստոս ,
և ինքն էտ նմա Գլուխ և Առաքեալս :
Երկրորդ՝ զի զնորազանգիցն ոչ հիմնեաց Քրիստոս .
և հովիւք նոցա չունին առաքելութիւն ի Քրիստոսէ :

ՎԱՐԴԱՊԵՏՆ

Քաջ ես բարեկամ զի անխէս ՚ի ժամու եկիր
գտանել զմեզ : Եւ ես ինքն զգործն՝ որ ՚ի վերայ կայր
ինձ՝ ՚ի բաց եդի ՚ի ժամուս , զի ՚ի ժամանակակէտն
գտից զքեզ , և մի վայրիկ մի տայ քեզ սոյասել ինձ :
Քանզի սերկեանս մեր այս տրամախօսութիւն ՚ի յոյժ
կարևորագունիցն եղիցի մեզ :

ՆՈՐԱՂԱՆԴԻՆ

Եւ ես ինքն , տէր , վառեալ եմ փափաղմամբ լսել
և ճանաչել զճշմարտութիւնն , և զհետ երթալ այնմ
յամենայն սրտէ :

ՎԼԱԴԻԱՊԵՏՆ

Ահա առիկ մեզ ճշգրտիւ առաջարկութիւն խնդրոյն, զոր ունիմք այսօր 'ի քնին առնուլ: Արդեօք որք միանգամ հանապազորդ են կալ մնալ 'ի ժողովս իւրեանց հերձեալս 'ի Աթոռիկէ եկեղեցւոյ ուղղափառաց, պարտիցին անհրաժեշտ պարտութիւնով լքանել զայնոսիկ և դառնալ միւսանգամ առ ուղղափառս:

Արդ ես հաստատութեամբ պնդեմ եթէ պարտք անհրաժեշտք են նոցա առնել զայս, և խոստանամ ևս փաստս քաջայայտս և ցուցակութիւնս անխուսափելիս յառաջ բերել քեզ վասն այնորիկ: Այլ մինչև միտեալ մեր 'ի փաստս, դիտողութիւն արժանի կամիմ առնել քեզ 'ի ժամուս:

Ինկերութիւնքդ նորաձայնից՝ որպէս ասացի՝ ելին 'ի ծոցոյ անախ եկեղեցւոյն ուղղափառաց: Ինքնին Աթոռութեան էր միանձն քահանայ, և Ապլվին էր 'ի վնձակաւորաց եկեղեցւոյ, իսկ Օռնինկլիոս էր երէց ժողովրդապետ թեմին 'ի Օուրիկ:

Յորժամ ելին որոշեցան նոքա յեկեղեցւոյ, և դորձեցին իւրեանց ընկերակութիւնս հերձուածոյ, չհարան նոքա 'ի դիմի միանգամայն ամենայն մատանց վարդապետութեան եկեղեցւոյ: Յանձին կալան անթերի զխորհուրդ մկրտութեան, ուստի և ամենայն մանկունք առեալք զմկրտութիւն յընկերութիւնս ձեր նորաղանդիցդ՝ փրկութեան որդիք են եթէ մեռցին 'ի տղայութեան և նախ քան զկիրառութիւն տրամաբանութեան իւրեանց, և ըստ նմանէն՝ նախ քան զկրուսանել իւրեանց զսրբացուցիչ շնորհան զոր ընկալան 'ի մկրտութեանն:

Այլ ես և աւելի ինչ կամիմ ասել քեզ : Արթ է սրատահել զի յընկերութիւնս նորադանդիցոյ նաև որք միանգամ յարբունս հասեալք իցեն խօթավարք զլիս վին՝ փրկեսցին և նորա . քանզի և մարթ է զի յարբունս հասեալքոյ այդոքիկ իցեն սրազավարք յոյժ և բարեհաւատք , և իւրք երբէք ոչինչ հաղորդք մնորութեան հերձուածոյդ . որովհետև եթէ անյաղթելի իցէ ազխտութիւն նոցա , չիք այնուհետև խափան փրկութեան նոցա :

Եւ ես յորժամ ասեմ , եթէ որք կանն և մեան 'ի հերձուածնս յայնուսիկ՝ ոչ կարեն փրկիլ եթէ չմիաբանեսցին ընդ եկեղեցոյն ուղղափառաց , ոչ ասեմ զայնցանէ որ 'ի չքմեղս են վասն անյաղթելին իւրեանց ազխտութեան , այլ որք յամառեալք կան այնպէս 'ի կամաւոր և 'ի յանցաւոր ազխտութեան :

ՆՈՐԱՂԱՆԴՆ

Իմ լուեալ էր , եթէ եկեղեցին Հոռութեայ դատասարտէ առհասարակ անխորաքար զամենեսեան՝ որ միանգամ իցեն հաղորդք ընկերութեանցն հերձելոց 'ի նմանէ : Օ՛ իմրդ , ասէի ես ընդ միտս իմ , զիմրդ կամ որով իրաւամբք զայր՝ որ ոչն երբէք կարաց ճանաչել զեկեղեցին Հոռութեայ , մարթ իցէ դատասարտել զայնպիսին , զի ոչ ծանեաւ զնա : Անշուշտ , ասեմ , այդ վարդապետութիւն հանապաղ սատաիկ սրտնեցուցանէր զիս ընդդէմ եկեղեցոյն ձերոյ : Այլ արդ հանդարտեալ եմ 'ի բանիցդ , զոր այն ինչ 'ի վերջէ ասացեր :

ՎԱՐԴ ԱՊԵՏՆ

Այս արդ ուրախ եմ և ես յոյժ այժմ, զի զայդ սրտնութիւն փարատեցի ես 'ի սրտէ քումմէ : Այլ դու խելամուտ լեր զի յընկերութիւնսդ յայդոսիկ հերձեալս՝ թէպէտ և բաց 'ի տղայոց իցեն ևս և այլք յարբունս հասեալք խօթամիտք գլխովին՝ արժանին՝ դունակք փրկութեան, սակայն և ոչ բազմագոյնք ինչ են սոքա՝ որպէս թերևս կարծիցես : Այս խելամուտ լեր դարձեալ՝ զի այն ամենայն տղայք և այն ամենայն յարբունս հասեալքդ, են իսկ անդամք կաթողիկէ եկեղեցւոյն՝ ոյր արտաքոյ չիք ուրիք փրկութիւն :

Վ արդապետք քաջիմաստք աստուածաբանական վարժարանին Փարիզու մեծապէս բացայայտութեամբ ճառեցին զինդրոյս 'ի գիրս տպագրեալ յանուն նոցա, անուանեալ « Դատակնիք Աստուածաբանական վարժարանին Փարիզի » : Այս կամք են ինձ, աստանոր հատուած մի արժանալուր յառաջ բերել քեզ 'ի գրոց անտի, որ է այսպիսի :

» Արք միանգամ, ասեն վարդապետքս, կեան յընկերութեան իմիք՝ որոշեալք 'ի կաթողիկէ եկեղեցւոյն ուղղափառաց, և չեն բաւական ճանաչել զիտեղ զանցս իրաց զընկերութեանն այնորիկ, և մանաւանդ զսկզբան ծագման նորա . և ոչ իւրեանց սլարտք են դատապարտել զառաջնորդս հերձուածոյն այնորիկ՝ իբրու զնորաձայնս ոմանս, որք թողեալ զդաւանութիւն զառաջին հաւատոյն իւրեանց, առանց ինչ կոչման և առանց ինչ օրինաւոր առաքելութեան կանգնեցան կացին իբրև մարդիկ անդուատ Աստուծոյ առաքեալք առ 'ի քարողել և 'ի

» Հրահանգել զժողովուրդս . և որ մեծն է՝ ՚ի սկզբ-
 » բան անդ աստտամբութեան իւրեանց ընդդէմ կա-
 » թողիկէ եկեղեցւոյ՝ մասն մի միայն գուցնաբեայ գո-
 » լով նոցա՝ բաժանեալ ՚ի բոլոր մարմնոց անտի՝ մարտ
 » եղեալ կռուէին ընդդէմ ըութեան մարմնոյն եկե-
 » ղեցւոյ՝ զոր Քրիստոսն հիմնարկեաց , և յորոյ ՚ի
 » ծոց՝ ծանօթութեամբքդ վերոյգրելովք մարթին և
 » պարտին միւսանց ամ գառնալամենեքեան նոքա՝ որք
 » ձախողակ բախտիւ ծնան յրնկերութիւնս յայնոսիկ՝
 » որք հերձեալք են ՚ի նմանէ . և ճշմարիտ է , զի
 » անոք իրացս այսոցիկ չեն ծանօթք ամենեցուն՝ որ
 » ծնան և կեան ՚ի ժողովս ընկերութեանցն այնոցիկ :
 » Արպէս և ոչ տղայոցն՝ որ ծնան և մկրտեցան ՚ի հեր-
 » ձուածնս յայնոսիկ և որ չեն տակաւին հասեալ ՚ի
 » տիս բանախարութեան՝ կարելի ինչ է վերահասու
 » լինել ծանօթութեանցն այնոցիկ . ըստ որում և ոչ
 » այլոց բազմաց միամտաց յարբունս հասեղոց՝ որ
 » կեանն ՚ի նոտա , և զորոց Մատուած միայն գիտէ
 » ճշգրիտ զթիւն : Արդ , ասեմք , որք միանգամ այն-
 » սիտիք են , եթէ տղայք և եթէ այն պարզամիտք կե-
 » ցեալք այնպէս , ոչ մոլորութեան ինչ աղանդոյն
 » բաժանորդք են , և ոչ բաժանումն հերձուածոյն :
 » Քանզի են խակ նոքա անմեղադրելիք ՚ի ձախողակ
 » վիճակին իւրեանոց՝ վասն անյաղթելի ազխութեանն
 » որ ՚ի նոտա » :

Այս սակայն անմեղադրելիք չեն յարբունս հա-
 սեալքն , որոց ազխութիւնն չիցէ անյաղթելի , և որ
 յառաջ եկեալ իցէ ՚ի պատճառաց ինչ շահախնդրու-
 թեան , և ՚ի կանխակալ ինչ կրից՝ որ անկրաւ իցէ և
 յանդգնական , կամ թէ յանխոյժն լինելոյ յայնս՝ որ
 կարեւորքն իցեն փրկութեան իւրեանոց :

Յայց դու առ այստսիկ բաջ միտ դիր, և զոր միան
 դամ յաւելուն Վարդապետքդ այդոքիկ 'ի դատա-
 կնիքն իւրեանց « Վարս է, ասեն, զտղայս զայստսիկ
 » և զայդ դաս պարզամտաց՝ որ կան յայնաղթելի
 » տգիտութեան՝ համարել իբրև անդամն կաթողիկէ-
 » եկեղեցւոյ, արտաքոյ որոյ չիք ամենեւին փրկութիւն :
 » Այս տղայք՝ քանզի տակաւին անկորուստ պա-
 » հնալ են զհնորհն զոր ընկալան 'ի մկրտութեան, են
 » առանց կարծեաց 'ի հոգւոյ անտի եկեղեցւոյ, այս
 » է՝ միացեալ են ընդ նոյն հաւատով, յուսով և ունա-
 » կական սիրով : Իսկ սրբազամիտքդ այդոքիկ մար-
 » թին բազում ուրեք յընկերութիւնս յայնոսիկ լի-
 » նել հրահանգեալ 'ի ճշմարտութիւնս ինչ հաւատոյ՝
 » զոր անխախտ պահեցին ընկերութիւնքդ այդոքիկ,
 » և որք բացարձակապէս բառականք են առ փրկու-
 » թիւն : Մարթին հաւատալ յայնոսիկ անկեղծու-
 » թեամբ, և թէ իցեն ևս 'ի մոլորութիւնս, այլ չեն
 » յամառութեամբ յարեալ յայնոսիկ . քանզի 'ի
 » միամտութեան կան և 'ի բարի հաւատս : Մար-
 » թին և շնորհայն աստուծոյ օգնականութեամբ
 » կեանս վարել սրբութեամբ և անմեղութեամբ . և
 » Աստուած ինքնին չհամարի նոցա զմոլորութիւնսն՝
 » յորս յարեալ կան նոքա միայն 'ի պատճառս ան-
 » յարթելի տգիտութեան :
 » Յայց սակայն այս տղայք և այս դաս միամտաց
 » վասն փրկութեան իւրեանց պարտապանք են եկե-
 » ղեցւոյն ուղղափառաց՝ զոր ոչն ճանաչեն . քանզի
 » առ 'ի նմանէ յառաջ դան և բաշխին ճշմարտու-
 » թիւնքդ այդոքիկ փրկաւէտք և կենարարք . ըստ ո-
 » բում և մկրտութիւնն ինքնին գլխովն՝ զոր աղանդքդ
 » այդոքիկ սրահեցին առ իւրեանս 'ի հերձանելն իւր-

» եանց յեկեղեցւոյ : Եւ թէպէտեւ այդ պարզամիտք
 » և այդ տղայք անընդմիջաբար առ ին զայն յաղան-
 » դոյն իւրեանց՝ յորում ծնան . այլ այն աղանդք ա-
 » ռին զայն ՚ի կաթողիկէ եկեղեցւոյ , զոր ինքնին
 » Վրիստոս կարգեաց աւանդապահ մատակարարու-
 » թեան խորհրդոյ և զանձոնն հաւատոյ » :

ՆՈՐԱՂԱՆԻՆ

Եւ արդ հաստատեալ զիտացի ՚ի բանից այտի ,
 եթէ ձախողակս ուրեմն ուսուցեալ են ինձ յառաջա-
 գոյն յաղագս վարդապետութեան եկեղեցւոյն Հոով-
 մայ : Եւ քաջիկ այսուհետեւ իմանամ զբանն , զոր ա-
 սէք՝ եթէ « Արտաքոյ եկեղեցւոյ չիք փրկութիւն » .
 քանզի և ասէք իսկ ոչ առ հասարակ և անխտրաբար՝
 եթէ ամենեքեան որ ՚ի հաղորդութեան կեան հերձու-
 ծողաց՝ իցեն դատապարտելիք :

Բայց արդ տեսցուք զիարդ ինձ յաջողեսցիս ցուցա-
 նել փաստիւք , եթէ պարտք անհրաժեշտք իցեն ինձ
 թողուլ լքանել զհաղորդութիւն ընկերութեանս՝ յո-
 րում ծնեալս եմ և սնեալ , և հրահանգեալ , և դատ-
 նալ միաւորիլ զիս ընդ եկեղեցւոյն ուղղափառաց :

ՎԱՐԴԱՊԵՏՆ

Այս փաստս ցուցից քեզ զորաւորս յոյժ . այլ
 պարտ է այժմէն ՚ի սկզբանս ճշմարտութիւն իմն հիմ-
 նական առաջի առնել՝ զոր և ամենայն այր քրիստո-
 նեայ պարտի դաւանել :

Արդ անշուշտ է , եթէ այր քրիստոնեայ ծնեալ և
 վարժեալ յընկերութեան իսկիք՝ որ ոչն իցէ եկեղեցի

Վրիստոսի, պարտի առանց կարծեաց լքանել զայն և
 գառնալ միանալ ընդ եկեղեցւոյն՝ զոր Վրիստոսն հիմն
 արկեաց և որ վասն այնորիկ է ճշմարիտ եկեղեցի :

Այբրկուանալի է սկիզբնս և անհերքելի . քանզև
 և ոչ ոք 'ի քրիստոնէից երբէք յերկբայս անկանի՝ ար
 դեօք պարտ իցէ նմա միանալ ընդ ընկերութեան՝ որ
 ոչն իցէ ճշմարիտ եկեղեցի Վրիստոսի, և թէ պարտ
 իցէ նմա թողուլ լքանել զհերձուած ժողովոյն՝ որում
 անմարթ է լինել եկեղեցի Վրիստոսի : Վանզև Արդին
 աստուծոյ ինչալ յերկնից 'ի յերկիր 'ի հիմնել ինքնին
 զեկեղեցի իւր սուրբ, նայն այն է անշուշտ յորում կա
 մեցաւ զի և 'ի ծոցի նորա միայն փրկութեան հասա
 նիցեն մարդիկ : Աս այն է անշուշտ միայն, զոր եդ
 կարգեաց աւանդապահ և զանձարան վարդապետու
 թեան իւրոյ, խորհրդոյ իւրոյ, կամաց իւրոյ, և միջ
 նորդաց և պատճառաց՝ զորս հատուածեաց նա 'ի
 փրկութիւն մարդկան : Ասա ուրեմն նա միայն բա
 ւական է առնուլ մուծանել զմեզ 'ի յերկինս :

Աւ արդ Արդին աստուծոյ, աղէ ասա, մարմնա
 նայր և լինէր արդեօք մարդ ճշմարիտ և զմահ խաչի
 յանձն առնոյր և ընտրէր առաքեալս և աշակերտս 'ի
 քարոզել զհաւատս իւր յընդհանուր տիեզերս և խոս
 տանայր անսուտ բանիւն լինել ընդ նոսա մինչև 'ի կա
 տարած աշխարհի և առաքէր նոցա ինքն այնչափ իմն
 պատրաստութեամբ և փառօք զՀոգին սուրբ և սքան
 չելիս այնչափ հրաշագործէր արդեօք 'ի ձեռն նոցա,
 եթէ արդարև մարթ էր մարդկան փրկութեան հա
 սանել յայլում եկեղեցւոջ արտաքոյ իւրոյն :

Յորժամ ինքնին Յիսուս Վրիստոս ասաց ցառա
 » քեալն, եթէ « Վնայէք քարոզեցէք զաւետարանն
 » իմ ամենայն ազգաց . որ հաւատասցէ և մկրտեսցի,

» կեցցէ . և որ ոչն հաւատայ , դատաւարտեցի » ,
 յայտնապէս լճիո եհատ եթէ ոչ որ ուրեմն կարէ
 փրկութեան հասանել՝ թէ չիցէ՝ ՚ի թուոյ ամսոյ հա-
 ւատացելոցն եկեղեցոյն , զոր պատուիրեաց առաքե-
 լոց խորոց կանգնել ընդ ամենայն աշխարհ :

Օայս այսպէս խօսեցաւ Քրիստոս ոչ ընդ այլ ու-
 մեք՝ այլ ընդ առաքեալս և ընդ նոցոն յաջորդսն որ
 հանդերձեալ էին հեազհետէ կառավարել վնոյն եկե-
 ղեցի : Եւ այս բանք որդւոյն աստուծոյ ոչ ուղղեցան
 առ նոսա՝ որ անձամբ զանձինս ունէին ընծայեցու-
 ցանել ՚ի հիմնարկութիւն օտար եկեղեցեաց արտաբոյ
 իւրումն :

Եւ յորժամ մեք երգեմք և կամ վերձանեմք զՀան-
 գանակն առաքելոց , դաւանութիւն ընծայեմք հաւա-
 տալ ՚ի սուրբ կաթողիկէ եկեղեցի , չասեմք « Հաւա-
 » տամք յեկեղեցիս » , այլ թէ « Հաւատամք յեկե-
 » ղեցի » : Եւրբին առաքեալքն սուրբք և հարք եկե-
 ղեցւոյ զայս դաւանութիւն հաւատոյ եղին ՚ի բերանս
 քրիստոնէից , յուշ ածեալ նոցա եթէ Յիսուս Քրիս-
 տոս հիմնեաց զեկեղեցի , և թէ՝ հիմնեաց մի միայն ,
 որոյ սլարտիմք լինել անդամ նորա եթէ կամիմք փր-
 կութեան հասանել :

Ըպա ուրեմն անշուշտ և աներկբայ՝ եթէ ընկերու-
 թիւնդ յորում կեաս դու այժմիկ , չէ եկեղեցի Քրիս-
 տոսի , սլարտք անհրաժեշտք են քո ուրեմն թողուլ
 լքանել զայն և դառնալ ՚ի հիմնարկեալն ՚ի Քրիստոս
 յեկեղեցի :

Թուի ոչինչ կարևոր այլ ևս երկայնել զճառս ՚ի
 յուցանել զճշմարտութիւն զայս այնչափ քաջայայտ :

ՆՈՐԱՂԱՆՂՆ

Արդար ասես . 'ի զուր է երկայնել վասն բանիս , զի ո՞րք երկբայեսցի թողուլ լքանել անդէն զընկերութիւնն՝ որ ոչն իցէ եկեղեցի Վրխատոսի և միաբանել ընդ ճշմարտին : Այլ մեք յորժամ հաւատամք փրկութեան հասանել յընկերութիւնս մեր , վասն այնորիկ հաւատամք այնպէս , քանզի հաւատամք եթէ և ընկերութիւնք մեր՝ զոր դուք « Վորաձայնս » անուանէք՝ ընկերութիւնք են նորուն իսկ եկեղեցւոյն Յիսուսի Վրխատոսի .

Այլ արդ զիւրդ ցուցցես ինձ փաստաւք եթէ ժողովդ ձեր միացեալ ընդ գլխոյն Հոովմայ իցէ միակ ընկերութիւն եկեղեցւոյն Վրխատոսի , իսկ մերս ընկերութիւնք օտարախորթք իցեն 'ի նմանէ ,

ՎԱՐԴԱՊԵՏՆ

Այս է աւագիկ խնդիր մեր գլխաւոր և կարևոր յոյժ , զոր և զարդիս 'ի քնին առցուք . և տեսնեստուգիւ , բարեկամ , զիւրդ անխուսափելի իցէ և այս իբրու զառաջինն : Այացուցից քեզ զայս երիւք ցուցակութեամբք . զորոյ և զկարգն նախ պարզեցից .

Արդ ասեմ եթէ Ակեղեցի ուղղափառաց միացեալ ընդ Հոովմայ է միայն եկեղեցի Վրխատոսի : Այլն՝ զի սա միայն կալաւ 'ի հիմնադիր իւր զՅիսուս Վրխատոս , և առաջնորդ իւր զպաշտօնեայս և զհովիւս առաքեալս 'ի նմանէ : Ակրորդ՝ զի սա միայն ունի զամենայն կնիքս և զնշանս և զյատկութիւնս զեկեղեցւոյն Վրխատոսի : Արբորդ զի սա միայն տայ հաւատոյն ուղղափառաց

զաներկբայ ստուգութիւնն և զանթերի ամբողջութիւնն, զորս չկարեն ունել հաւատք նորաձայն քարոզչացդ :

Եւ արդ քաջ տեսանես դու ինքնին՝ զի անմարթ է 'ի միում միայն տրամախօսութեան 'ի վեր բերել ողջոյն զփաստս . ուստի և վասն առաջնոյն միայն այսօր ժամ առից ձառել :

Եկեղեցի ուղղափառաց ունի 'ի հիմնադիր իւր ըզՅիսուս Վրիստոս, և հովիւք նորա առ 'ի Վրիստոսէ ունին զառաքելութիւն . այս է՝ զիշխանութիւն ուսուցանելոյ և կառավարելոյ զհաւատացեալս . իսկ այլ ամենայն ընկերութիւնք որոշեալք 'ի նմանէ՝ չունին զՅիսուս Վրիստոս իւրեանց 'ի հիմնադիր, և առաջ նորդս չունին իւրեանց իշխանացեալս 'ի Վրիստոսէ :

Եկեղեցի ծառ իմն է բարձրացեալ մեծ և ամրոտ տանն, զոր այր տանուտէր տնկեաց իւրովք իսկ ձեռօք . եղ 'ի խորս զարմատս նորա, զի բաւական լիցի ընդդէմ կալ հողմոց և մրրկաց : Ասե միշտ առատապէս անձրևէ նմա յերկնից զարդիւնարար գոգոն, և հանապազօր ընու զնա արգասաբեր հիւթովն : Հանգ հողագործք նորա մշակեն զնա, և իննամ միշտ ունին ոռոգել զնա, նաև սրբել զնա և կտրել զոստս նորա զցամաքեալս : Այլ նա միշտ ծառ է և նոյն և անփոփոխելի ծառ : Իսկ ոստք միանգամ կտրեալք 'ի նմանէ՝ ոչ ևս են նորա :

ՆՈՐԱՂԱՆԴՆ

Կեղեցիկ է օրինակդ : Այլ չկարեմ ժուժալ մինչև լուայց և գիտացից զփաստան, զոր ածցես ինձ 'ի հաստատութիւն բանիդ, եթէ եկեղեցի այդ ձեր միայն ու

նիցի իւր 'ի հիմնադիր զՔրիստոս . և թէ հովիւք նորա առ 'ի նմանէ ունիցին զառաքելութիւն :

ՎԼԿԴԻԱՊԵՏՆ

Քաջ հեշտին է ինձ ապացուցանել քեզ զայս :
 Աւասիկ 'ի գիրս սուրբս գտանեմք մեք հանդէս կրկն-
 նակի յայտնի ցուցակութեամբք զհիմնարկութեանն ,
 որով Հիսուս Քրիստոս հաստատեաց զԵկեղեցի իւր :
 'ի միումն՝ ուղղէ զպատգամ իւր զաստուածային առ
 Պետրոս միայն : 'ի միւսումն՝ զպատուէր հրամանին
 յետ յարութեանն իւրոյ պատուիրէ առ հասարակ
 առաքելոյն սրբոց :

Վասն առաջին ընտրէ զսուրբն Պետրոս 'ի գլուխ եկե-
 ղեցոյ իւրոյ , քանզի և անշուշտ հարկ է ամենայն մար-
 մնոյ՝ և մանաւանդ մարմնոյ որ ընդ ամենայն աշխարհ
 սփռեալ իցէ՝ որպիսի է եկեղեցի , ունել զոք նախագահ
 առաջնորդ և կենդրոն մի անդրդուելի՝ յոր գնացեալ
 միասցի լրութիւն ամենայն անդամոց մարմնոյն :

Այլ միտ գիր , զիւսորդ չքնաղ օրինակաւ հանդի-
 սանայ տէրն 'ի փառաւորել անդ զայս առաքեալ և
 ամբառնալ զնա 'ի գլուխ լրութեան մարմնոյն : Վասն
 փոխէ զանունն Աեփաս յանուն վիմի , և ապա շքե-
 ղութեամբ յառաջանայ 'ի գործն , պատգամ բարբա-
 ոելով առ նա աստուածային , « Ղու ես , ասէ , վէմ . և
 'ի վերայ այդք վիմի շինեցից զԵկեղեցի իմ » . Աս , ասէ ,
 շինեցից զայն . ապա ուրեմն ճարտարապետ նորա է
 ինքնին Քրիստոս : Ինքն զնա կոչէ « Եկեղեցի իմ » .
 ինքն է ուրեմն հիմնադիր նորա , և ինքն է իշխան և
 տէր նորա : Եկեղեցին 'ի նմանէ առնու ծագումն :
 Եկեղեցին 'ի նա միայն գնացեալ յանգչի :

Գարձեալ և ինքնին սուրբ Առաքեալն նորա Պաւ-
ղոս զնոյն մականունն տայ նմա, կոչելով զնա « Ալի-
ղեցի Աստուծոյ, հօտ և ժողովուրդ Յիսուսի Վրիս-
տոսի, զոր ապրեցոյց արեամբն իւրով » : Աւ թէ
« Վրիստոս է գլուխ եկեղեցւոյ և ինքն է փրկիչ մար-
» մնոյ, զի կացուացէ ինքն իւր յանդիմանն փառաւոր
» զեկեղեցի . զի մի ինչ ունիցի արատ կամ աղտեղու-
» թիւն, կամ այլ ինչ յայտարեաց, այլ զի իցէ
» սուրբ և անարատ . . . և Վրիստոս սիրէ զեկեղեցի
» և դարմանէ » . Գործք . 20 : Ափես . 5 :

Իսկ ապա մտա ՚ի համբառնալ իւրում յերկինս՝
գումարեալ ՚ի միասին զգաստ առաքելոց, ասէր առ
նոսա . « Տուա ինձ ամենայն իշխանութիւն յերկինս
» և յերկրի, որպէս առաքեաց զես Հայր իմ և ես
» առաքեմ զձեզ . Գնացէք այսուհետև աշակերտեցէք
» զամենայն հեթանոսս . մկրտեցէք զնոսա յանուն Հօր
» և Որդւոյ և Հոգւոյն սրբոյ . ուսուցէք նոցա պահել
» զամենայն զոր ինչ սլատուիրեցի ձեզ, և ահաւասիկ
» ես ընդ ձեզ եմ զամենայն աւուրս մինչև ՚ի կատա-
» րած աշխարհի » :

Արդ այս եկեղեցի զայսօրինակ հիմնարկեալ ՚ի
Վրիստոսէ է տիրաբար նոյն ինքն եկեղեցին ուղղա-
փառաց միացեալն ընդ յաջորդին Պետրոսի՝ յոյր վե-
րայ շինեաց Վրիստոս զեկեղեցի իւր, և այլ ոք չմար-
թիւ լինել : Վանզի տա ինքն հանապազ կայ մնայ ան-
գրտին ՚ի հիմնարկութենէն իւրմէ ՚ի նոյն հաստա-
տութիւն և ՚ի նոյն խարխիս ամրացեալ և ընդ նովին
կառավարութեամբ . զոր անաչառ խօսելով չիք ասել
ձգգրտիւ յաղազս այլոց ընկերութեանց և հերձուածոց :

ՆՈՐԱԴԱՆԴՆ

Արաբէն անժխտելի է եթէ ինքնին Վրիստոս հիմնարկեաց եկեղեցի մի և ՚ի գլուխ նորա կարգեաց զերանելին զՊետրոս առաքելապետ: Սակայն և դարբազումք ՚ի հիմնարկութենէ անտի անցին առյապաղ. և միթէ ստոյգ իցէ եթէ յընթացս ժամանակացն այնոցիկ այրաձայնութիւն ինչ չիցէ ըեալ ընդ առաջին յաջորդս առաքելոցն և ընդ սրս յետ նոցա նստան կառավարք եկեղեցոյ, և որ նախաստատիւ խնդրելին է մեր ՚ի մասնաւորի ընդ յաջորդան սրբոյն Պետրոսի մինչև ՚ի Հայրապետն՝ որ նստի արդ յաջորդութեամբ ՚ի Հոովմ. և մարթ իցէ մեզ ասել եթէ հովնաք եկեղեցոյն Հոովմայ զառաքելութիւն իւրեանց կախալ իցին միշտ յառաքելոց անտի, ուստի և վասն այնորիկ ՚ի Հիստաէ Վրիստոսէ:

ՎԱՐԴԱՊԵՏՆ

Եւ կարի քաջ ստոյգ է բանս, եթէ ՚ի քրիստոսեան սահմանադրութենէ անտի, և եթէ ՚ի կարգաւորութենէ գործոց ժամանակացն՝ որ անժխտելիք են: Քանզի նախ՝ ըստ քրիստոսեան սահմանադրութեանն չիք տարակոյս, եթէ առաքելալքն սուրբք առաքեցան ՚ի Վրիստոսէ. նա և զորս առաքելալքն առաքեցին և յետ այնորիկ յաջորդք նոցուն առաքեցան և առաքին և առաքեցին միշտ ՚ի դիմաց Վրիստոսի և ՚ի նորուն հրամանէ մինչև ՚ի կատարած աշխարհի. և ապացոյանի բանս ՚ի քաջայայտ սբատմութենէ անտի գործոյն հիմնարկութեան:

Քանզի պատգամ անսուտ այսպիսի 'ի ներքս երեր
Քրիստոս յասելն, « Լա ահաւասիկ ես ընդ ձեզ եմ
մինչև 'ի կատարած աշխարհի » : Եւրա ուրեմն ոչ
առաքելոց միայն խոստանայ Քրիստոս զառնթմերա-
կայութիւն իւր, այլ և ամենայն յաջորդաց նոցա ցոր-
չափ կայ աշխարհ . քանզի 'ի մի առեալ ժողովէ զա-
մենեսեանսն ընդ բառիս « Ինդ ձեզ » . և այնպիսի
սահման ընդարձակատարր կարգէ նոցա՝ որ զամ-
նայն ժամանակս զվարուց դարուց 'ի գոգ իւր առեալ
պարուրէ :

Իսկ երկրորդ՝ յետ հիմնարկութեան եկեղեցւոց զինչ
գործեցին առաքեալք : Եւմենայն հաւատարմութեամբ
'ի գործ եղին զպատուէր երկնաւոր վարդասպետին .
գնացեալ սփռեցան ընդ ամենայն աշխարհ . հաստա-
տեցին յընդհանուրս եկեղեցի ըստ կարգաց և ըստ կա-
նոնաց զոր պատուիրեաց նոցա Քրիստոս հաստահիմն
օրինաբ, որպէս զի և եպիսկոպոսունք ինքնին զոր 'ի
քաղաքս քաղաքս կարգեցին նոքա, կարգեցն և նո-
քա իւրեանց յաջորդս . և զի այնպէս այս կարգաու-
թիւն իբրև շղթայ յերկրեալ և անխզելի յաւերժացի
մինչև 'ի կատարած աշխարհի :

Յարեաւ առաքելապետն սուրբն Պետրոս չորաւ 'ի
հաստատել զաթոռ իւր 'ի մայրաքաղաքն տիեզերաց .
որպէս զի կենդրոն հաւատոյն քրիստոսեան՝ որ հան-
դերձեալ էր սփռիլ ընդ ամենայն տիեզերս և կալ
մնալ մինչև 'ի կատարած աշխարհի, միշտ կացցէ
պանծալի և փառաւոր 'ի քաղաք մեծ և հոյակապ,
քաղաք խուռնրնթաց և համբաւատենչ : Եւրա զինի
փախճանի մարտիրոսութեան սրբոյն Պետրոսի՝ շուք և
իշխանութիւն զիւոյն եկեղեցւոյ միշտ եկաց մնաց 'ի
յաջորդս իւր 'ի նմին իսկ քաղաքի : Կարգեցան երան

ասլա յետ ժամանակաց նաև գահերէցք ուննիք և իշխանք յեկեղեցական դասէ՝ որք և Արդիւնարք անուանեցան, և սահմանեցաւ վասն նոցա ատեան և ժողովարան և փակարան մասնաւոր յընտրութիւն ՚ի ծածուկ յաջորդացն Ալեորոսի. և պատրաստեցաւ միշտ այս ընտրութիւն և պատրաստի ցայսօր մեծապէս ճշդութեամբ և ամենայն կարգաւ վասն կարևորագունիս գործոյ ՚ի շինութիւն եկեղեցւոյ:

Բայց և այլ առաքեալքն սուրբք ընթացեալք ընդ տիեզերս հիմնեցին եկեղեցիս ընդ ամենայն աշխարհ, և եկեղեցիք քրիստոնէից ազգաց ազգաց՝ ըստ որում ունիմք քաջայայտս յեկեղեցական պատմութենէն՝ միշտ ժամեան զփառս գգլիոյն եկեղեցւոյ յեպիսկոպոս անդր Հոովմայ, և անխախտելի պահեցին զհաղորդութիւնն ընդ նմա: Ան ածեալ Վիսոյն յամենայն ժամանակս՝ յանցս երեւիս եկեղեցւոյ և ՚ի դժուարինս դիմեցին առ նա. և սահմանս և սխնդրեցին ՚ի նմանէ՝ ՚ի մեծա մեծ խնդիրս յուզեալս ՚ի բանս հաւատոյ:

Այս եպիսկոպոս Հոովմայ ըստ պիտոյցից եկեղեցւոյն գումարէր միշտ զընդհանրական ժողովս, և նրատէր նախագահ ՚ի ժողովն յայնոսիկ կամ ինքնին կամ ՚ի ձեռն նուիրակացն. և ծանուցաւ միշտ իբրու կենդրոն հարկաւոր միութեան լրութեան մարմնոյն և եկեղեցւոյ Վրիստոսի: Ան ժխտելիք են այսօրիկ յեկեղեցւոյ պատմութեանց առ հասարակ ամենայն վաւերական մատենագրաց: Իսկ լրութիւն մարմնոյն միացեալ ընդ գլխոյն ընդ այնոիկ միշտ դաւանեցաւ իբրև ճշմարիտ և միակ եկեղեցի Վրիստոսի: Այս կարգ աստուածային յեկեղեցւոյ եկաց մնաց անփոփոխ անգրատին յուժ և տասն դարուց:

Այս այսպէս եկեղեցիք ուղղափառաց ՚ի վեր երաննն

մինչև յառաքեալսն անդր, կամ 'ի ձեռն կարգառեալ յաջորդութեան եպիսկոպոսաց իւրեանց. օրինակ իմն՝ եկեղեցին մեր Վ իննեան, որ զամենայն եպիսկոպոսունս իւր ունի անդատին 'ի սրբոյն Փոտինոսէ, որ առաքեցաւ աստ 'ի սրբոյն Պողիկարպոսէ յաշակերտէ սրբոյն Յոհաննու աւետարանչի. կամ 'ի ձեռն եպիսկոպոսացն Հոովմայ որ բազում եկեղեցիս հաստատուցին 'ի Գաղղիա և յայլ ևս սահմանս: Որպէս զև և ամենայն հովիւք եկեղեցւոյ ուղղափառաց միջնորդութեամբ առաքելոցն զառաքելութիւն իւրեանց ունին 'ի Քրիստոսէ: Աւ եկեղեցի այս ուղղափառաց երբէք չտարաւ զայլ անուն և ոչ կարացէ երբէք տանել զանուն զայլոյ ուրուք հիմնադրի, բայց զնորուն տեառն Յիսուսի Քրիստոսի:

Աւ է այս եկեղեցի միակ հնագոյն. քանզի և չունի իւր ծագումն ընկերութենէ իմբէ, և զի այլ ամենայն ընկերութիւնք հերձեալք՝ 'ի նմանէ ելին և բաժանեցան. որպէս և ասաց Մաքեալն, « Առ 'ի մէջ ելին, այլ ոչ էին առ 'ի մէջ »: Այլա ուրեմն և 'ի նա միայն մարթին յանգչիլ անսուտ խոստմունքն Քրիստոսի. քանզի և ընդ եկեղեցւոյ իւրում միայն խոստացաւ լինել մինչև 'ի կատարած աշխարհի:

Արդ նոյն իսկ դաւանութիւն հերձելոցն շատ է 'ի ցուցանել եթէ պարտ է դառնալ միանալ ընդ Ալեղեցւոյս ուղղափառաց. քանզի և նոքին իսկ ընկերութիւնք հերձեալք 'ի նմանէ դաւանին, եթէ այս եկեղեցի է առաել վաղնջուցն քան զայլ ընկերութիւնս եկեղեցականս, և ծանեան և դաւանեցին զնա իւրեանց մայր և ճշմարիտ եկեղեցի, մինչև հերձեալ էին նոքա 'ի նմանէ:

ՆՈՐԱՂԱՆԴՆ

Թաւի թէ՛ վեր 'ի վերոյ հայելով 'ի բանսդ՝ չիցէ ինչ երկբայութիւն 'ի նոսա . բայց արդեօք չիցէ՞ մարթասել, եթէ թէպէտ և առ արտաքս թուիցին ևս Կալիսկոսպոսունք եկեղեցւոյ ձերոյ առաքեալք ընդմիջաբար 'ի Քրիստոսէ, այլ ոչ և 'ի ներքոյ իցեն այնպիսի . իբրու անկեալք 'ի մուրումնս ինչ և 'ի բաց թողեալք զանարատ վարդապետութիւնն զչորից առաջին դարոց եկեղեցւոյ : Այլ ինձ թուի լուեալ զայս զօրաւոր ցուցակութեամբ փաստից ուրեք 'ի մերոց անտի քարոզչաց :

ՎԱՄԴԱՊԵՏՆ

Ղիտեմ՝ քաջ զի ունեք 'ի ձերոց այտի յանդրդնեցան յայս ամբաստանութիւն ընդդէմ՝ եկեղեցւոյ ուրախառաց . բայց դու ինքնին անաչառ դատարասցես, քանի՞ծն անհիմն և խարխուլ իցէ ամբաստանութիւնդ, 'ի լսել քո 'ի յետագայ տրամախօսութիւնս մեր զայնմանէ . որով և ցուցակութիւն փաստի՝ զոր զօրաւոր ասես՝ իցէ գլխովին ուրացութիւն բանիցն Աստուծոյ՝ որ ասաց, եթէ Ղրոնք դժոխոց, որ են մուրումնսք, զեկեղեցի ոչ յաղթահարեսցեն . և թէ՛ նա ինքն եղիցի ընդ եկեղեցւոյ իւրում մինչ իսպառ :

Այլ ևս ուղղակի ևս սլատասխանի զայս ասեմ . այդ է տիրապէս հիմն 'ի վեր առնել զվիճակ խնդրոյն : Օ՛րի աւագիկ չիք իմ ցարդ ձառեալ՝ բայց զարդեանց իրացն, այս է՝ զՅատուտութենէ կարգի առաքելոյն

և զնույուն յաջորդաց 'ի կառավարութեան եկեղեցւոյ ,
և զանընդհատ կարգառութենէ իրացն՝ որ 'ի վեր
առ առաքեալն անդր առնու հանէ զհովնս եկեղե-
ցւոյ ուղղափառաց՝ որ արդ իսկ առ մեզ կան :

Իսկ յետ այսորիկ յորժամ ճառեցից և զվարդա-
պետութենէն , յուցից քեզ յայնժամ եթէ եկեղեցի եր-
բէք ոչ փոխեաց զնոյն , և մի ըստ միոջէ անցեալ ընդ
մատունս վարդապետութեանն խեղամուտ արարից ըզ-
քեզ ճշմարտութեանս այսմիկ :

ՆՈՐԱՂԱՆԴՆ

Թէպէտ և ես այժմէն կանուխ տեսանեմ զկարծեալ
ճշմարտութիւնդ զոր հանդերձեալ ես յուցանել , սա-
կայն և ո՞ կարացէ ժխտել եթէ և եկեղեցիք մեր ոչինչ
լուիք հիմնարկեցան 'ի Քրիստոսէ , և ոչ առաջնորդեցին
նոցա հովնք առաքեալք 'ի դիմաց նորա . որովհետեւ
հաւատան 'ի Քրիստոս , և դաւանեն զաւետարանն
սուրբ :

ՎԱՐԴԱՊԵՏՆ

Այլ սակայն և զայն ո՞ կարացէ ժխտել , եթէ և 'ի
վերայ այսր՝ թէպէտ և հաւատայք 'ի Քրիստոս և դա-
ւանէք զաւետարանն , 'ի վերայ այսր՝ ասեմ՝ հարկ է
ձեզ թողուլ լքանել զժողովս ձեր , որովհետեւ անդուստ
'ի վերուստ չունին ինչ բաժին ընդ Քրիստոսի և միշտ
անբաժք մնացին յաստուածային խոստմանց նորա :

Քանզի որպէս վասն կաթողիկէ եկեղեցւոյն , նոյն-
պէս և վասն ձերոյն հարցից ես : Իշէ՞ արդեօք ինքնին
Քրիստոս հիմնադիր այնմ . և որ կառավարեցին զնա
իցեն արդեօք առաքեալք 'ի Քրիստոսէ :

Քաջայայտ է եթէ չէ Քրիստոս Տիմնադիր նորա-
մուտ եկեղեցեաց : Ա, ա յերկնից յերկիր ոչ էջ միւսան-
գամ ՚ի գործել զայն . ոչ երևեցաւ ուրիշ, ոչ խօսեցաւ
ընդ ումք վասն բանիս այսորիկ : Այ Տիմնարկեաց
նա ՚ի վերջինս զԱռթերականութիւնն և զԱպովինա-
կանութիւնն . ըստ յրում և ոչ ՚ի նախնի դարս եղ-
նա Տիմն Արիտականութեան, Աեստորականութեան,
այլովքն հանդերձ :

Այս ամենայն հերձուածք կալան իւրեանց հեղի-
նակս առանձինն, զորոց և զանուանան կրէին . առ
հասարակ նորա ծնան ՚ի ծոցի եկեղեցւոյն ուղղափա-
ռաց, և առ հասարակ քեցեցան հատան ՚ի հաղոր-
դութենէ նորա : Քաջայայտ է առաջարկութիւնն և
չունի ինչ պէտս առաւելագունի հետաքննութեան :

Արդ եթէ նորաձայնութեան եկեղեցիդ Տիմնադիր
ոչ եղիտ իւր զՅիսուս Քրիստոս, անշուշտ է ապա եթէ
և ոչ առաջնորդք նորա և հովուք առաքեցան ՚ի Քրիս-
տոսէ : Այ է խորհրդածութիւնս ՚ի յոյժ կարեորայն :

Այդ նոր և այնչափ զհամբաւի հարեալ հերձուածի
Առթերեան կարգեալ ՚ի մեծ յայն գործ վերանորոգու-
թեան եկեղեցւոյ Քրիստոսի, (որպէս պարծին), աղե-
տան, ոչ ապաքէն հրաշափառագոյն իմն և նոր և չքնաղ
առաքելութիւն պարտեր ունել : Սակայն և այնպէս
Առթեր և Ապովին և հետևողք նոցա ոչ գտին առաքե-
լութիւն այնպիսի . և ըստ նմանէն՝ ոչ յանուն Քրիս-
տոսի այլ յանուն իւրեանց Տիմնեցին վեկեղեցիս նորա-
ձայնութեանդ, և իւրեանց իսկ արբանեկօք կառա-
վարեցին զնոսա : Այ ասրացուցից քեզ զայս աւագիկ :

Ապիս՝ պարտ է, ասեն, վերանորոգել զԱռթողիկե-
եկեղեցի Քրիստոսի զՏիմնեայն ՚ի հնդեռտտան դարուց
հետէ, և այլ եկեղեցի Տիմնարկել փոխանակ նորա :

Ոչ ահա զայս խնդրեցին գործել Վուժեր և Կալվին . այն ամենայն իրօք յաւակնեցան 'ի նոյն . քանզի համարեցան վերանորոգել զեկեղեցին՝ յորում ծնան և մնան՝ զՊովմայն՝ զգլխաւորն . ուստի ընդ զլսոյն՝ և զլուծիւն մարմնոյ Կաթողիկէ Ակեղեցւոյն Քրիստոսի՝ որ ընդ տիեզերս : Արդ վասն մեծագործ և անկարծելի ձեռնարկութեանս գէթ չէր արդեօք հարկաւոր աներկբայելի իմն , և քաջածանօթ առաքելութիւն առ 'ի Աստուծոյ :

Բարէ , ինքնին բանն աստուած խոնարհի յերկիր , իափանէ զօրէնսն Սուլսէսի որ չունէր խակաւերժաւնալ , և առ 'ի զայս կատարել գործ և կարգել փոխանակ նորա զեկեղեցի իւր , ողջոյն վարիւն իւր զամենասուրբ հեղու . և ապա բազմութեան աշակերտացն յանձն առնէ զնոյն վաւերական առաքելութեամբն և հաստատուն օրինօքն՝ և ասէ . « Որպէս առաքեաց » զիս հայր և ես առաքեմ՝ զձեզ : Ահաւասիկ առաքեմ զձեզ իբրև զպառինս 'ի մջ գայոց : Աւ իշխանութեամբն որ տուա ինձ յերկինս և յերկրի , պատուիրեմ ձեզ , գնացէք աշակերտեցէք զամենայն » հեթանոսս » :

Ասև իբրև արևակա իմն աստուածագիծս և թուղթս ընծայութեան անջինջս տալով նոցա ցուցանել ամենայն մարդկան և հաւանեցուցանել եթէ 'ի դիմաց Աստուծոյ առաքին առ նոսա , ետ շնորհեաց նոցա ըզպարզևս և զիշխանութիւն հրաշագործութեան մեծամեծ սքանչելեաց . « Աշանք , ասէ , այսօրիկ որ հաւատանն՝ երթիցեն զհետ այնոցիկ . յանուն իմ դևս » հանցեն , լիզուս խօսեսցին նորս . 'ի ձեռս իւրեանց » օձս բարձցին . և եթէ մահացու ինչ դեղ արբցին , » նոցա ինչ ոչ վնասուցէ . 'ի վերայ հիւանդաց ձեռս

» դիցեն և բժշկեսցին » . Մարկոս . 16 : Եւ բանք
 աստուածայինք արդիւնացան իսկ և իսկ . « Եւ նո-
 » քա , ասէ , երեալ քարոզէին ընդ ամենայն երկիր
 » տեառն գործակցութեամբ . և զրանն Հաստատէին
 » ամենայն նշանօք որ երթայր զհետ նոցա » :

Ըրդ այսօրինակ հրաշագործութիւնք զուզահետք
 ընթանային քարոզութեան աւետարանին այնչափ իմն
 մեծահրաշ փառօք և ճոխ առատութեամբ , մինչև
 ստուերն անգամ Պետրոսի և վարչամակն միայն Պաւ-
 ղոսի բժշկէին զցաւս և զխտտս . այլովքն հանդերձ :

Ըլասիկ քեզ առաքելութիւն անժխտելի և քան
 զարփի լուսաւոր . ահա և նշանք բազմադէմք՝ ՚ի հաս-
 տատութիւն նորուն մեծամեծք և սքանչելագործք :
 Ըլ զի՛նչ իցեն այդորփիկ . մեզ աստանօր ՚ի ինդկր
 Լութերեան և Վալմինեան և ևս մեծամեծաց պէտք
 էին հանդիսից առաքելութեան , ցուցակութիւնք յոյժ
 առաւել լուսաւորք , և նշանք հրաշից առաւել սքան-
 չելապայծառք քան զառաքելոցն սրբոց : Քանզի չէ
 ինդիրս աստանօր վասն շնուած միայն կանգնելոյ ,
 այլ վասն տասալ յերկիր կործանելոյ նախ զառաջին
 զհաստահիմն կառուցեալն և ապա երկրորդիւն զտեղին
 ընդ . և վկառուցեալն յումմ . ոչ ՚ի Մովսիսէ՝ որ ինք-
 նին զկործանումն նախաձայնեալ իսկ էր զվերոյ դաս-
 տակերտին . այլ ՚ի Յիսուսէ Քրիստոսէ՝ որ անսուտ
 բերանովն կնքեաց , եթէ՝ Վացցէ մնացէ մինչ իսպառ
 և գրունք զժոխոց զնա մի յաղթահարեսցեն : Ըլ
 « Օխորդ , գոչէ Ըռաքեալն , զխորդ քարոզեսցեն
 » քարոզիչք , եթէ ոչ առաքեսցին » . Հոմ . 10 :
 Եւ առ Աբրաիմիս յաւելեալ ՚ի բանս իւր ասէր , « Ոչ
 » եթէ անձամբ որբանու պատիւ , այլ կոչեսցեալն յաս-
 » տուծոյ . որպէս և Ըհարոն » . Ղ . 5 :

Այլ դու հայեաց ինձ ընդ այլազան սկզբունս կարծեաց մարդկային ոգւոյն : Քարոզեն Սուրբեր և կարլին , թէպէտ և չիցեն առաքեալ : « Եւս անձամբ առնուն նորա զբարի . և սխտի ոչ վայրապար , այլ գերագոյն և այնպէս իմն անկշռելի շուք իշխանութեան , մինչև տապալ յերկիր կործանելը՝ որպէս ասէ ին նոքա՝ շնչով իւրեանց և փշմամբ զաթոռն Պետրոսի , զոր իւրովք իսկ ձեռքն կառոյց Քրիստոս և յապահս վի կացոյց մինչև ՚ի կատարած աշխարհի : Ըս այս և բարձրայնս յաւակնին ՚ի վերայ աւերակայն կանգնել այլ շինուած անխախտելի և կառուցանել այլ աթոռ անշարժելի : Իսկ ուրանօր իցեն այդոքիկ : Յաւակնեցան միայն ՚ի խոտտանալ :

Աշխարհ , չեն նորա առաքեալք ամենեին . քան զի ոչ ազգ մի առաքելութեան արդեամբք կարան նորա : Անդիմամարտելի է առաջարկութիւնս : Աչ եկեղեցի ուղղափառաց՝ յորում ծնան և սնան նոքա , առաքեաց գնոտա ՚ի քարոզել վարդապետութիւն հակառակ իւրումն . նա մանաւանդ բողոք ընդդէմ կալեալ նոցա ձայն կարդաց ճոխաբար . « Աչ առաքեալքս և քարոզէք թիւրս և խոտորնակս » . գայս ասաց և ՚ի հաղորդութենէն հատեալ նոզվեաց գնոտա : Իբրև այնպէս վտարեցան յեկեղեցւոյ , գնացեալ յարեցան յայլ ընկերութիւնս , միջնորդաւ նոցա ամբառնալ ՚ի փառս , զի անձամբ անձին տկարացան ՚ի նոյն :

Այլ և ոչ Քրիստոս երևեցաւ ումք ՚ի նոցանէ տալ զառաքելութիւն իւր . և ոչ նորա ինչ երբէք սարժեցան ունել գայն :

Ար ասպա զհրաշիյն հանդէսս թողցուք զմեծ հաստոխ զառաքելութեան , զոր և ոչ մի ինչ երբէք

գործեցին ոչ Վուժեր և ոչ Ապլլին և ոչ այլ որ յար-
բանեկայն . որպէս տեսցուք 'ի յետագայսդ :

Օ իմրդ ասլա և որով իրաւամբք պարծեցցին դո-
քա և մարթասցին ցուցանել մեզ եթէ Աստուած ա-
ռաքեաց զնոսա :

Այն ահա հանդոյն մարդկան իցեն դոքա , որք հա-
մարեալք յանձինս իւրեանց քաջ և ներկուռ գիտել
զիրաւունս ամենայն և զօրէնս և զսկզբունս կառաւա-
րութեան աշխարհի , թեկն ամիցեն նստել իբրու իշ-
խան առ թագաւորին . նա մանաւանդ զլիովին իբրև
ատենակալ և դատաւոր և հրամանահասն յընդհա-
նուրս , և ըստ հաճոյս անձանց կառաւարել զսահմանս
տ' ըութեան նորս , փոխելով փոփոխելով զսահմանս
դրութիւնս և զօրէնս , և վեր 'ի վայր գործելով միան-
գամայն զամենայն մատակարութիւն՝ անձամբ անձին
միայն առեալ ինքնաձեռնադրելի զբարձն , իշխանու-
թիւն և ոչ մի ոչնելով վաւերական 'ի թագաւորէն :

Արդ եթէ Վուժեր և Ապլլին չսոխն ինչ առաքե-
լութիւն յԱստուծոյ , ասլա և ոչ իրաւունս ինչ 'ի գործ
զնեղոյ զկարծեցեալն իւրեանց վերանորոգութիւն ե-
կեղեցւոյ . ասլա ուրեմն և ոչ նոքա որ յետ նոցա կար-
գեցան՝ ոչնէին ինչ իրաւունս միջամուխ լինել 'ի կա-
ռաւարութիւն : Քանզի ոչ Վուժեր և ոչ Ապլլին
կարէին փոխանցել 'ի նոսա՝ ոչ իշխանութիւն և ոչ ա-
ռաքելութիւն . զի զիմրդ կարէին տալ՝ զոր ինքեանք
չունէին :

Այլ դու միտ դիր , զի և ոչ եպիսկոպոս որ էր
Վուժեր , այլ սոսկ քահանայ : Աւստի և զհետ եր-
թեալ կարգի քահանայապետութեան հաստատելոյ յա-
ռաքելոյ անտի՝ (որ միշտ պահեցաւ ցաւուրս մեր , և
օրինակ մի հակառակամարտ կարգիս երբէք ոչ ցու-

յաւ 'ի դարս եկեղեցոյ), միայն եպիսկոպոսունք յեկեղեցոջ Քրիստոսի իշխանք էին տալ և սուլաւորել զինիք հովուութեան եկեղեցոյ, և կալան իւրաքանչիւր զիշխանութիւն զայս զօրութեամբ առաքելութեանն Յիսուսի Քրիստոսի՝ փոխանցեալ միջնորդաւ ձեռնադրութեան ձեռաց եպիսկոպոսաց :

Եւ որ առաւել քան զայն, զի Ապլլին և ոչ զքահանայականն ունէր կարգ . և այս քաջածանօթ է ամենեցուն . սակայն և այնպէս ինքնաձեռնադրելի կարգեաց զանձն զլուս եկեղեցոյն Ղինելիայի և այլոց բազմաց :

Երդ ուրեմն ապացուցաւ եթէ ոչ Լութեր և ոչ Ապլլին և ոչ որք յետ նոցա նստան կառավարք նորաձայնութեան ձերոյ և նստին ևս այսօր, ոչ առաքեցան նորա 'ի Քրիստոսէ առնուլ զանձամբ զսպասաւորութիւն իւրեանց :

ՆՈՐԱՂԱՆԴԵ

Թէպէտ և անպատասխանի կարծեսցին ընել բանբոյ 'ի մատին յայտնիկ, սակայն 'ի վերայ այսր և ոչ իսպառլուռ կացին մերս հովիւք և քարոզիչք : Պայքարք և փաստարանութիւնք ձերոյ կողմանն անդուլ զրգուցին վնասա 'ի խնդիր յայս մեծ և կարևոր առաքելութեան, ցուցակութիւնս փաստարանականս 'ի զօրավիզն իւրեանց առաքելութեան առաջի առնելով ձերոյ դատուն :

Քանզի նախ Սոկինեանք անդէն վաղվաղակի քաջութեամբ 'ի բաց վաղեալք և զամենայն գժտատեհ կաս խղեալ զդժուարութեան խնդրոյն՝ հարթեցին ձա նապարհ ուղիղ և անխոչ կիւրելով այսպէս : Իսկ առա-

քելութեան զինչ պէտք իցին. առ ՚ի գործ վարել զպաշտօնն հովուութեան շատ է ունել հանձար և իմաստութիւն : Իսկ այս տուչութիւնք կարգաց և այդ ձեռնադրութիւն ձեռաց այնչափ ճշգրութեամբ պահեալք յեկեղեցոջ ՚ի ժամանակաց անտի առաքելոց, չեն կարգք և արարողութիւնք ինչ հարկաւորք . և թէ՛ որ երբեմն եղին հարկաւոր, այլ չեն այնպիսի և յայժմուս :

Իսկ երկրորդ՝ մեր հաւատակից եղբարք արմատացեալք և աճեցեալք ՚ի Վաղղիա, ճարտարեցին առաքելութիւնն նորաբանչ . և զայս դաւանին նորա ՚ի յօդուածն ՅԱ, խոստովանութեան հաւատոյն իւրեանց այսպէս . « Հաւատամք մեք, զի ոչ ումք պարտ և »
 « արժան է անձին սեպհական իշխանութեամբ մի »
 « ջամուխ լինել ՚ի կառավարութիւնն եկեղեցոյ . այլ »
 « թէ ընտրութեամբ պարտ է առնել զնոյն, որչափ և »
 « հնար իցէ և որչափ այնմ Մտտուած թող տացէ . և »
 « զայս բացառութիւն տիրապէս յաւելումք . քանզի »
 « պէտք են երբեմն և ՚ի ժամանակս մեր՝ յորում վի »
 « ճակ եկեղեցոյ միջահատեցաւ՝ զի յարուցէ Մտ »
 « տուած ժողովուրդս նոր և անսովոր իմն օրինակաւ , »
 « առ ՚ի կանգնել վերստին զեկեղեցին՝ որ կործանեալ »
 « էր և աղարտեալ » :

Արպէս և Պեղա երև եղին այն և բազմագէտ առաջնորդ մեր Վաղղիանաց՝ յետ Վաղղիի, կնքեաց վճիռ ՚ի Պուասսեան ճառարանութեան իւրում այսպէս, եթէ « Պարտ է մերոցն համարել զկոչումն հիմնա »
 « դրացն իւրեանց իբրու նորահրաշ իմն . և թէ՛ յայն »
 « ժամ չգոյր ինչ ամենեւին կարգ եկեղեցական յեկե »
 « ղեցոջ » :

Իսկ յետ այնորիկ և Սիւնհոգոսն Ատիայ գումարեալ յամին 1603, պատուիրէ ամենայն եկեղեցեացն

մերոյ՝ որ ՚ի Գաղղիա՝ ամենայն հաստատութեամբ
պինդ ունել զլոգուածն ՅԱ, զխոստովանութեան հա-
ւատոյն, զոր վերագոյնդ յառաջ բերի :

Ի վերջէ երրորդ՝ ոմանք յարդեան քարոզչաց մերոյ
գեղեցիկս համարձակեցան սնդել ընդ Տիմուէնի իւ-
րեանց առաջնորդի, եթէ հիմնադիրքն վերանորոգու-
թեան մերոյ և հաւատոյն, առաքելութիւն ընկալան ոչ
զնորահրաշն և զանսովորն, այլ զտուրականն : Օխնչ
առ այսոսիկ պատասխանիք իցեն ձերոյ կողմանն :

Վ Ա Ր Դ Ա Պ Ե Տ Ն

Այդարեւ ասեմ բարեկամ, եթէ որ զանլուրսդ զայ-
դոսիկ այդպէս զանազանաբար բաղբաղեցին, յայտ է
թէ ՚ի մեծ տագնապ տարակուսի պաշարեցան յայս
դժուարին խնդիր առաքելութեան : Այ գործ մի յոյժ
դիւրին է մեզ հերքել զգրութիւնսդ զայդոսիկ : Քան-
զի նախ՝ գրութիւն Սոկինեանց յայտնապէս վեր ՚ի
վայր շրջէ զամենայն կարգ բարի : Դուռն բանայ ան-
հանձար և երազայցդ կարծեաց կրծնի, և առնու ժո-
ղովէ ՚ի ներքս յեկեղեցի անհնարին իմն խառնաւինդո-
րութիւն սոսկալի : Այս և ՚ի չիք դարձուցանէ ՚ի վերջէ
զբոլոր վարդապետութիւնն և զբան հաւատոյ քրիս-
տոնէութեան՝ լոկով միայն անբանաւոր և ուժգին
աղաղակաւ, զոր չիք հնար երբէք այլով աղաղակաւ
լոկեցուցանել, բայց փաստիս :

Քանզի ուստ ուստեք առին ասել Սոկինեանք . յո-
րոնց գրոց, յորոնց աւանդից, եթէ կարգ ձեռնադրու-
թեան յեկեղեցւոջ երբեմն կարևոր, ոչ և ս իցէ այնպի-
սի յաւուրս մեր : Այ ուր ուրեք գտանիցեն նոքա սահ-
մանել մեզ զթուական ժամանակին կարևոր փոփոխու-

Թեանս այսորիկ, յոր պատմութիւն եկեղեցական և յոր գէպս : Ասասցեն մեզ, զոր ցայսօր չկարացին ցուցանել մեզ :

Արևիորդ՝ դրութիւնդ այդ նոր և անսովոր առաքելութեանն, զոր նորաձայնքդ ընծայեցին իւրեանց հիմնադրաց, գողցես զնոյն զայն անկարգութիւնս 'ի ներքս մուծանէ յեկեղեցի :

Քանզի եթէ թող իցէ ումեք անձամբ անձին ընծայել զանսովորդ զայդ առաքելութիւն վայրապար առանց փաստի, անդուստ և այլ ոք զնոյն պանծասցի ասել, եթէ առաքեալ է և ինքն Ղստուծոյնոր և չքնաղ իմն օրինակաւ . և այր այր այնուհետև սկսանիցի իբրև նորաստեղծ առաքեալ քարոզել և ուսուցանել անպատուհաս ըստ մտի՝ զոր և միանգամ կամեսցի . և իրաւունք և դատաստանք ոչ ևս գուցեն 'ի դատապարտել զնա :

Ինչքէ քանի՞ն իցէ յայնժամ անհնարին խոսիլութեամբ վեր 'ի վայր շրջել ամենայն կարգաց :

Արպէս և ինքնին Ադրիանոս Սարրապլիաս՝ համբաւեալն 'ի նորադանդս՝ զիրս յօրինեաց 'ի վերտառանկերորդի դարուն, և մակազիր եդ նմա, « Յաղագս »
 « աստիճանաց սրաշտօնէից աւետարանին », ուր և եցոյց հաստատութեամբ, եթէ « Յորժամ որ տագնա »
 « պեալ բռնադատի համար տալ և պատասխանի վանն »
 « կոչման այնոցիկ՝ զորս 'ի ձեռն էառ Աստուած յա »
 « մաց ինչ առ 'ի վերանորոգել զեկեղեցի, և 'ի նեղն »
 « անկեալ երթայ ապաւինի 'ի կոչումն ինչ նոր և ան »
 « սովոր, ոչ այլ ինչ գործէ՝ բայց 'ի կնձիռս անլու »
 « ծանելիս և 'ի վարանս անելս արկանել զանձն » :

Այս արդարև եթէ կամք էին Աստուծոյ տալ առաքելութիւն իմն նոր և անսովոր առ 'ի վերանորոգել

զեկեղեցի իւր, առ ՚ի մարտ դնել կոռեւ ընդդէմ վարդապետութեան այսր եկեղեցւոյ, և ըստ նմանէն՝ ՚ի դերևս հանել զանսուտ խոստումն Բրիտտոսի՝ որով խոստացաւ նմա յաւերժաբար ընել ընդ նմա և պաշտպանել ՚ի դրանց դժոխոց, արդ. ասեմ եթէ կամք էին Մատուծոյ տալ ումեք առաքելութիւն իմն նոր և անսուխոր, գոնեա՝ ըստ անհրաժեշտ հարկի՝ պարտ էր հաստատել զիշխանութիւն զայն զնոր և զչքնաղ՝ արտաքին և սցուցակութեամբք նոր և չքնաղ և սքանչելափառ հրաշից, այլ և ՚ի նշանս անյերկուանալիս անարատութեան վարուց և սրբութեան :

Արդեօք ոչ և կանոնք խոհեմութեան դատապարտեսցեն, որք միանգամ ձեռներէց լիցին աղարտել զսահմանադրութիւնս կարգեալս, և մարտ դնել ընդդէմ իշխանութեանց՝ որ դեռ և ս իրաւանց տեարք իցեն. և սակայն յարդարացուցանել անդ զմեծ ձեռնարկն՝ յառաջ ածցեն ցուցակութիւն ոչ այլ ինչ՝ բայց զնեղքին զիւրեանց ազդումն և զողեշնչութիւնն և զնորահրաշ առաքելութիւն : Այս ո՛ր երբէք հաւատասցէ նոցա :

Ըս այս դարձեալ, չիք հնար և զառաքելութիւն զայս նորապանչ և զանսուխոր ցուցանել ՚ի գրոց . և ՚ի նորաղանդից ոչ որ յաջողեցաւ ՚ի նոյն մինչև ցայսօր ժամանակի :

Արորդ, զհասարակ և զսովորական զառաքելութիւնն ընծայէ Տիմոլէն՝ որպէս ասացեր՝ Առթերի, Օլոխնկլիոսի, և այն, որք երիցունք գոլով եկեղեցւոյն Հոռոմայ՝ ՚ի նմանէ առեալ իսկ էին զսովորական առաքելութիւնն : Համարի իմն այնպէս Տիմոլէն և պնդէ եթէ Առթեր, և այլք, իբրու կոտորարիշտ մորթութիւն գտանելով ՚ի հոռոմական եկեղե-

յւոջ, նույն իսկ առաքելութեամբ՝ զոր ՚ի նմանէն առեալ էին՝ իշխանք կային իրաւամբք՝ ՚ի բաց կալ որոշել ՚ի նմանէ և ՚ի գլխի ևս հարկանել նմա. և թէ՛ եկեղեցի Հռովմայ յորժամ նզուլս արձակեաց ընդդէմ նոցա, և նոքա ևս իրաւունս կալան՝ զօրութեամբ նորուն իսկ առաքելութեան խրեանց՝ փոխարէն նզուլել զնա :

Այլ դրութիւնդ այդ ոչ միայն անուր և անտեղի յոյժ, այլ և միանգամայն անկարող է ՚ի չքմեղս հանել զյանդ գնութիւն հիմնադրացդ վերանորոգութեան: Քանզի քանի՛ անհիմն իցէ ասելն, եթէ յորժամ զոք յաղանդաւորաց երկցանց նզուլեսցէ եկեղեցի, իրաւունս առցէ և նզուլեան՝ պատճառ և զօրավիզն առեալ զկարգ երկցութեան խրոյ՝ փոխարէն նզուլել զեկեղեցի :

Սանուր զայդ միանգամայն և զծիծաղելի դրութիւն՝ յառաջ քան զ] ութեր յերազեաց և ոչ ոք :

Քանզի իշխանութիւն ուներով եկեղեցի՝ տալ] ութերի միանգամ առաքելութիւն իմն օրինաւոր, ունէր և իշխանութիւն յետս կոչել զայն, տեսեալ զի չարաչար վարէ զնոյն : Քանզի եկեղեցին ՚ի տալ անդ նմա իշխանութեամբ զառաքելութիւն զայն՝ էր յայնժամ ճշմարիտ եկեղեցի Քրիստոսի, ուստի և վասն այնորիկ դատաւոր օրինաւոր և քննիչ անմոլար՝ վարդապետութեանն] ութերի.] ութեր ուրեմն չէր իշխան դատաւոր յառնել ընդդէմ՝ վարդապետութեան եկեղեցւոյն, և իրաւունս անձին գրաւել առ ՚ի նզուլել զնա. այլ մանաւանդ ըստ վճռոյն Քրիստոսի « Աչ լսելով » եկեղեցւոյն՝ լինէր ինքն իբրև զհեթանոս և զմարտաւոր » :

Այլ դրութիւնդ այդ Տիմոլինեայ՝ թող զանհետեղութիւնն՝ է և գլխովին անբաւական. զի

Թէպէտև առեալ ևս իցէ Ղուծերոս զսովորական զառաքելութիւնն քահանայական, ոչ կարէր նա փոխանցել զայն առ իւր աշակերտս. զի եպիսկոպոս չէր: Քանզի սովորական առաքելութիւնն երբէք ոչ յուժեքէ տուաւ յեկեղեցւոջ Քրիստոսի, բայց եթէ յառաքելոց և յեպիսկոպոսաց նույնն յաջորդաց:

Բայց և զառաւելն զայն և զայոժ ծիծաղելին ո՞ր թողցուք ասել, զի և բազումք ՚ի հովուաց եկեղեցւոյ նորաղանդիցդ ընտրեցան յաշխարհականաց անտի և յարուեստաւորաց. որոց և զխումբն անմարթ էր տալ զառաքելութիւն եկեղեցական:

Ընուանին ՚ի նորաղանդս Պեզա յառաջ բերէ ՚ի սրատմութիւնս իւր, եթէ արհեստաւորք ոմանք սուկականք աստ և անդ հիմնեցին զեկեղեցիս նորաղանդիցդ՝ զՍեճայն և զՈրլէանոսայ և զՍենեայ և զՍպինեայ: Եւ պառով դարձեալ ՚ի զիրս իւր՝ եթէ Պետրոս Արքեան արհեստաւոր գզիչ ասուեաց կացուցաւ հովիւ և առաջնորդ Սէնայ քաղաքին ՚ի բազմաց համարուեստից իւրոց ՚ի գզաց և ՚ի կտաւագործաց: Եւ թէ՛ առաջին հովիւ ՚ի Փարիզ եկաց Մաստին Սիւլիերեան ընտրեալ յաշխարհականաց անտի:

Իսկ ապա՝ որ անկարծեղին էր, յայս դիպուած զխաւորքն յայնժամ ՚ի հովուաց նորաղանդոյն ասացին այսպէս, « Յայս դիպուած, ասեն, այս ընտրութիւն՝ որ եղև յաշխարհականաց անտի՝ ո՞նի զտեղև զսովորական զառաքելութեան »: Ըսեն, այլ զիմրդցուցանիցեն մեզ. ո՞չ ապաքէն բանք իցեն:

Եւ արդ՝ ինձ թուի, բարեկամ, եթէ ըստ բաւականին ապացուցաւ, զի հիմնադիրք և հովիւք անուանեալքդ նորաձայնութեան եկեղեցեաց չունէին ինչ առաքելութիւն:

Եւ ողջոյն նպատակ տրամախօսութեանս, յայն, յանձնեցաւ՝ եթէ միայն եկեղեցի ուղղափառաց միացեալն ընդ յաջորդի սրբոյն Պետրոսի, զոր եղ Վրիստոս պապ սուրբ հաւատոյ՝ հիմն եկեղեցւոյ, հիմնարկեցաւ ՚ի Վրիստոսէ. և թէ սա միայն է ժողով քրիստոնէից, որոց հովիւք անդստինն ՚ի Վրիստոսէ ընկալան զտաքելութիւն խրեանց :

ՆՈՐԱՂԱՆԴԻՆ

Անժխտելիք թուին առ այժմ՝ փաստքդ : Բայց քանզի և այլոց ևս բազմաց պայքարաց և փաստից պէտք են մեզ յաներկեանութիւն իրացդ, զն առեալ մեր փոփոխ առցուք և տացուք զայնոսիկ ՚ի յաջորդ տրամախօսութիւնս :



Տ Ր Ա Մ Ա Ն Ի Օ Ս Ո Ւ Թ Ի Ի Ն Գ .



Եկեղեցի ուղղափառաց է միակ Ճշմարիտ եկեղեցի՝ Քրիստոսի, քանզի նա միայն է ունակ չորից նշանաց եկեղեցւոյ . որ են՝ Միութիւն, Սրբութիւն, Ընդհանրականութիւն, և Առաքելականութիւն . յորոց անբաժ են ընկերութիւնք Լութերեանց և Ասլվինեանց :



Վ Ա Ր Դ Ա Պ Ե Տ Ն

Օ Ճ Ա Մ Ա Ր Տ Ո Ւ Թ Ի Ի Ն Գ՝ անխուսափելի, զայն՝ եթէ պարտ և հարկ է ուրեմն հերձեղոյն միանալ ընդ եկեղեցւոյն Քրիստոսի, յերիկեան տրամախօսութեանս ցուցի քեզ հաստատութեամբ . և դու ինքնին ՚ի վերջէ երկբայութիւն ոչ ցուցեր ՚ի բանիդ : Երդ ես յառաջին փաստս իմ՝ ՚ի հաստատութիւն՝ եթէ եկեղեցի ուղղափառաց է հիմնարկեալն ՚ի Քրիստոսէ՝ ուստի և ճշմարիտ և միակ, ակնարկի քեզ արարի յայնժամ և վասն այլոց ևս անխուսափելի փաստից . և ահաւասիկ քեզ այդպիսի :

Նշանք անջնջելիք քառեակք գոն ճշմարիտն եկեղեցւոյ . և այս նշանք գրոշմաւորք զանազանեն զնա

յալ ամենայն ժողովոց և ընկերութեանց : Վսն գարձեալ և այլ յատկութիւնք երեք նմա միայնոյ սիպհականք . որ ոչն սրատշաճին այլոց ամենեցուն արտաբոյ նորա :

Եւ արդ տեսմ՝ եթէ միայն եկեղեցին ուղղափառաց միաբանեալն ընդ Հոռութեանց՝ է ունակ նշանացոյցսցոյցիկ և յատկութեանց . իսկ ընկերութիւնք նորաձայնից անբաժ են յայնցանէ : Եւսա ուրեմն միայն եկեղեցի ուղղափառաց է եկեղեցի Վրիստոսի . և նորա զանդիցդ՝ ոչ : Վսն երկուց այսոցիկ աւաղիկ է սերկեան տրամախօսութիւնս մեր :

Եւ քանզի դուռն փրկութեան մարդկան երաց Եստուած յեկեղեցուջ խրում, և միջնորդաւ եկեղեցուցս կամեցաւ ՚ի գլուխ հանել զնոյն , անշուշտ ուրեմն սլարտ էր սմա նշանս իմն ունել որոշիչս և յայտարարս , որովք հեշտեաւ ՚ի ծանօթութիւն գայցէ մարդկան և յընդունելութիւն :

ՆՈՐԱՂԱՆԴՆ

Եւ ո՞ դք յերկուսոցի , եթէ հարկ էր եկեղեցուց Վրիստոսի ունել նշանս ինչ ծանօթարարս անձին իւրոյ : Եւլ թէ ոչք իցեն նշանքդ , այս է իմ առաջին խնդիր՝ զոր և կարևոր յոյժ թուի ինձ ՚ի սահմանել . քանզի և ՚ի սխալելն ՚ի նշանսն , մեծապէս է վտանգն՝ սխալել և ՚ի բուռն անդր :

Երդ դու ինքն յուշ ինձ արարեր , եթէ առաքեալքն սուրբք ինքնին հոգ տարան զամենայն հաւատարիսն եկեղեցուց աոնուլ մուծանել ՚ի հանգանակ անդր հաւատոյ . և արդ ես գտանեմ ՚ի հանգանակին յայնմիկ ոչ քառեակ , այլ նշանս երկուս . զոր ետուն նոքա սեպ-

հականա եկեղեցւոյ : Վանդի կոչեցին զնա « Սուրբ և
 Կաթողիկէ » : Իյե՛ն թերևս այդ կրկին նշանքդ , զու-
 րոյ կառիս այսօր ճառել ինձ :

Վ Ա Ր Դ Ա Պ Ե Տ Ն

Արդար ասացեր . եւ իսկ այդօրիկ նշանք երկուք
 սահմանիչք եկեղեցւոյ Վրիստոսի յառաքելական հան-
 դանակին . բայց զոն և այլ ևս երկուք , զոր սահմա-
 նաբար յաւել ընդհանրական ժողովն Աոստանդնու-
 պօլսի ՚ի հանդանակի հաւատոյն :

Այս երկրորդ ընդհանուր ժողով զուճարեալ յա-
 մին 381 , ՚ի սկզբան անդ կայսերութեան մեծին Ռ.է.ու
 գոսի՝ կոչեաց զեկեղեցին Վրիստոսի , « Մի , Սուրբ ,
 » Կաթողիկէ , և Առաքելական » : Վանդի հարբ սրբ-
 րոյ ժողովոյս ՚ի վերայ երկուցն առաջնոց յաւելին ըզ-
 Միութիւնն և զԱռաքելութիւնն :

Միութիւնն էր իսկ ՚ի վաղնջուց ընդ քօղով իմն
 բայատրեալ՝ ՚ի հանդանակի անդ առաքելոյն . քանզի
 կոչեն անդ եզականաբար « Եկեղեցի » , ասելով .
 « Հաւատամ յեկեղեցի » : Սակայն ՚ի դէպ էր բա-
 յայայտագոյնս սզգ առնել զնոյն . քանզի յետ վախ-
 ճանի առաքելոյն սրբոց խուժան հերետիկոսաց ՚ի վեր
 երևեալ ընկերութիւնս և ժողովս սլէսսլէսս կացուցին
 հերձեալս ՚ի կաթողիկէ եկեղեցւոյ . ուստի և կարևոր
 էր ուղղափառաց դաւանութիւն յայտնագոյնս տալ
 վասն « Միութեան » Եկեղեցւոյ . Յաւելին և « զԱ-
 ռաքելականութիւն » , առ ՚ի քաջ ևս սահմանել , եթէ
 այս միայն եկեղեցի իւրով աշխարհաբարոզ և անվա-
 նելի վարդապետութեամբն չունի զժազումն յօտար ըն-
 կերութենէ , այլ անընդհատ յաջորդութեամբ հոխուաց

և առաջնորդաց խորոյ երթեալ 'ի վեր ելանէ մինչև յառաքեալսն անդր :

Արդ կամիմ մանրամասին ցուցակութեամբ քառից այսոցիկ սահմանաւոր նշանայ փաստարանել քեզ, եթէ առհասարակ այս նշանք 'ի դէպ պատշաճին ուղղափառաց եկեղեցւոյն . և թէ և ոչ մին 'ի չորից նշանացս ոչ գտանի յընկերութիւնս նորաձայնութեան ձերոց :

ՆՈՐԱՂԱՆԴՆ

Բարւոք է, տեսցուք զփաստարանութիւնդ : Բայց յառաջ զայս ասեմք մեք, զինչ պէտք իցեն այլոց հանգանակի, յորժամ 'ի ձեռին ունիմք մեք զառաքելոցն :

ՎԱՐԴԱՊԵՏՆ

Ոչ այդպէս . սրբոք է ընդունել և զհեղինակութիւն հանգանակի ժողովոյն Առստանդնուպօլսի : Բանդի և ստէպ խոստովանեցան ձեր հաւատակիցք եթէ վարդապետութիւն եկեղեցւոյ անդտօին 'ի սկըզբանէ սուրբ և անարաս եկաց մնաց գէթ մինչև յառաջին 'ի չորս դարսն, ապա ուրեմն ընդունելի է հեղինակութիւն երկրորդ ընդհանուր ժողովոյս :

Հասպա մտցուք այժմ 'ի քննութիւն չորից նշանացս . այլ քանզի՝ որպէս ինձ թուի՝ չեղէց ես բաւական հետաքննել ողջիկ զամենայն այսօր 'ի միում միայն տրամախօսութեանս, վասն այնորիկ զձառ « Սրբութեան » Եկեղեցւոյ, որում ընդարձակագոյն զննութեան պէտք են, պահեսցուք առ վաղիւն . և այսօր սկիզբն արացուք վասն « Միութեանն » :

Ալեկղեցի Վրիտտոսի է մի . այլ զինչ նշանակեացէ « միութիւնս » այս : Հասարակ խօսելով նշանակէ եթէ չէ և ոչ և ս մարմի լինել եկեղեցի Վրիտտոսի այլ ինչ , բայց մարմին մի միայն և ընկերութիւն մի միայն : Այս առաջին քննութիւն չունի պէտք փաստոյ ցուցակութեան . քանզի և քաջայայտ է , եթէ մի միայն եկեղեցի հիմնարկեաց Վրիտտոս և զլուս մի տալով լրութեան մարմնոյն՝ կոչեաց զնա իւր եկեղեցի . « Ի » վերայ այդր վիմի , ասէ , շինեցից զեկեղեցի իմ » . ուստի և առաքեալքն յամենայն ՚ի թուղթս իւրեանց և ՚ի հանգանակի անդ հաւատոյ կոչեցին զնա եզականաբար « Ալեկղեցի » :

Գարձեալ և « Մի » , ասելով զայն ազգ առնէ , եթէ նորա ամենեքեան որ նորա մասին են , միացեալք են ընդ միմեանս նստին դաւանութեամբ նոյն և մի հաւատոյ , հաղորդակցութեամբ նոյն և մի խորհրդոյ և հարատակութեամբ նոյնուն օրինաւոր հովուաց՝ և առաւել քան զամենայն՝ միոյ երեւելի զխոյ եկեղեցւոյ : Միութիւն հաւատոյ , միութիւն խորհրդոյ , միութիւն կառավարութեան և զխոյ . ահաւասիկ քեզ երբեակ կնիքք սպարունակեալք յառաջնում՝ նշանի « Միութեան եկեղեցւոյ » :

Արդ ասեմ , Կախ եթէ սբարտ է ամենայն անդամոյն որ կացուցանեն զեկեղեցի՝ ունել զնոյն և զմի հաւատոս . այս է՝ զմի հաւատ աստուածային և գերբնական : Մի միայն է Աստուած , ասէ առաքեալն . մի հաւատք աստուածային , մի միայն մկրտութիւն . « Մի է տէր , մի հաւատք , մի մկրտութիւն » Ափես . 4 : Ամենայն անդամք եկեղեցւոյս այսորիկ գործեն զմի և զնոյն մարմին . և զհարգ մարմ իցէ միոյ մարմնոյ բաժանել ՚ի հաւատալ իւրում : Այս հասարակ սբարտին

ունել զմի հաւատ գերբնական, ուստի և զմի հաւատ ճշմարիտ և սուղոյ . և անհնար է ունել ամենեցուն զմի հաւատ ճշմարիտ, և ոչ գնոյն և զմի հաւատ . քանզի անհնար է ճշմարտութեան 'ի նմին ժամանակի լինել յերկուս ներհակակիր միտս . հարկ է կամ միայն և կամ միւսոյն լինել 'ի մուտրութեան :

Օտր է գլխովին ասելն, եթէ շատ է միաբանել միայն 'ի մասունս ինչ հաւատոյ : Այս է անձողողպելի և անձնամասն փախուստ, զոր հնարեցին ասել ձերդ նորաձայն քարոզիչք . զորոյ և զստութիւնն ապացոյցիւ առակեսցուք 'ի տեղոջ իւրում : Այլա ուրեմն անդամք եկեղեցոյն Քրիստոսի պարտին առհասարակ միանալ միջնորդաւ մի և նոյն հաւատոյ :

Ասեմ երկրորդ . պարտին ամենեքեան միանալ նաև « Առաքելք խորհրդուք » : Օյի թէ ոչ դաւանեսցեն առհասարակ գնոյն խորհուրդս, չէ մարթ հաւատոյն նոցա լինել նոյն . որովհետև նոյն իսկ դաւանութիւն խորհրդոյ է մասն հաւատոյ և վարդապետութիւն նորուն եկեղեցոյ : Աւ առաւել ևս զի « Առաքելք » ինքնին միշտ ծանուցան և համարեցան իբրև նախապատիւ յօդակապք միաւորիչք հաւատայեւոյ :

Արրորդ՝ պարտ է յեկեղեցոջ լինել միութեան կառավարութեան և զլսոյ : Առաւել քան զամենայն՝ այս միութիւն է որ կազմէ գնոյն մարմին : Այլք միութիւն ընկերութեան գտանել երբէք 'ի մարդիկ՝ որ չունիցի գնոյն կառավարութիւն և գնոյն զլսիս :

Ակեղեցի ուղղափառաց ընդ ամենայն տիեզերս համարեցաւ միշտ հերձուածուք և օցտեալս 'ի ծոցոյ իւրմէ գայնտսիկ՝ որ միանգամ յոյն կացեալ ոչ կամեցան ձանաչել զիրաւունս զխաւորութեան քահանայապետին Հոսիւնայ, զոր ունի նա 'ի լինելոյ անտի իւրմ,

յաջորդ ոչ ըսկ առաքելոյ ուրուք իբրև զայլ եպիսկոս պատունս, այլ երանելոյն Պետրոսի առաքելոց զըլ խաւորին՝ զոր ընտրեաց ինքնին Վրիտաոս:

Պարտ է ուրեմն անդամոց եկեղեցւոյն միանալ ՚ի հպատակութեան նոցուն իսկ օրինաւոր հովուաց եկեղեցւոց, և առաւել ևս՝ նորուն իսկ երեւելի գլխոյն:

Եւ յեւ երեւելի. քանզի գողով եկեղեցի մարմին երեւելի, սբարտ է և գլխոյն լինել այնպիսի:

Եւ արդ հարցանեմ քեզ բարեկամ, այս տեսութիւնք և գննութիւնք միութեան եկեղեցւոց թուիցին քեզ արդեօք մեկինք և բանաւորք:

ՆՈՐԱՂԱՆԴՆ

Ինչ թուի եթէ վասն բանի միութեանս, ընդհանրապէս՝ անմարթ է ունել այլ գաղափար առաւել քան զայդ մեկին և իրաւացի: Բայց լուիցուք, եթէ զնորդ պատկանեսցի այդ միութիւնդ ճշգրտիւ միայն յեկեղեցին ձեր:

ՎԱՐԴԱՊԵՏՆ

Երբ ուրեմն մեք նախ զայն տեսցուք, եթէ իցէ միութիւնս այս նշան ճշմարտութեան եկեղեցւոյն ուղղափառաց միացելոյն ընդ հոռութայ. և ասոք գննեսցուք և զայն եթէ մարթ իցէ երբէք գտանել զայդ և յընկերութիւնս նորաձայնիցդ:

Եւ արդ նախ՝ ամենայն անդամք եկեղեցւոյն ուղղափառաց ունին զնոյն հաւատս. և անհնար է ըլինել այնպիսի. քանզի իբրև հիմն և սկիզբն հաւատոյ իրեանոց ունին զայս, եթէ ժողով օրինաւոր հովուաց

եկեղեցւոյ հանդերձ երևելի գլխովն է դասաւոր անսխալ յամենայն խնդիրս հաւատոյ և վարուց . և որ միանգամ ընդդէմ դարձեալ իշխանութեան եկեղեցւոյ սինդ ունիցի զմասն ինչ միայն զդատաւար տեալն ՚ի նմանէ , իբրև թշնամի ճշմարտութեան արտաքոյ է ճանապարհի փրկութեան :

Սակայն յորժամ աստուածաբանք ՚ի խնդիրս ինչ կարծիս ունիցին զանազանեալս ՚ի միմեանց , են իսկ այն կարծիք վասն խնդրոց չև ևս սահմանելոյ յեկեղեցւոյ : Բայց թէ երբէք սահմանեսցէ՝ պատրաստք են նոքա համբուն հպատակել զիւրեանց կարծիս դատաստանի եկեղեցւոյ :

Միաբանեալ են նոքա և ՚ի նոյն խորհուրդս . և աներկուանալի է բանս և անկարօտ յուշակութեանց : Ըն հասարակ դաւանին ուղղափառք խորհուրդս եթմն եկեղեցւոյ . և այս վարդապետութիւն հաւատոյ սահմանեալ է ՚ի նմին իսկ եկեղեցւոյ ընդ դատակնքաւ նդովից :

Ըն հասարակ հպատակեալ են և նոցուն օրինաւոր հովուաց և առաջնորդաց , և առաւել ևս՝ քահանայապետին Հոովմայ . և ՚ի նմա իբրու ՚ի յաջորդ առաքելապետին Աետրոսի ճանաչեն զնախազահութիւն պատուոյն և զիշխանութիւն աստուածային իրաւանց . զի յաստուածային բերանոյն կնքեցաւ շնութիւնս եկեղեցւոյն ՚ի վերայ վնմի Աետրոսի : Մինչ զի որ կամի լինել յեկեղեցւոյն Վրիստոսի , անհրաժեշտ պարտի ճանաչել և զյաջորդն Վ իմին՝ զոր եղ Վրիստոս՝ գլուխ սուրբ հաւատոյ՝ հիմն եկեղեցւոյ :

Եւ այսպէս ապա կառավարութիւն եկեղեցւոյ ուղղափառաց ընդ տիեզերս առաջի առնէ կարգ իմն զեղեցիկ զառաջնորդելոյ և զառաջնորդաց կապելոյ ընդ

միմեանս կատանօք սիրոյ և աստիճանի յընդհանուրս : Աղերիկոսք 'ի սմա դաստիարակեալք և փորձեալք ընդ ժամանակս ինչ՝ բարձրանան 'ի կարգս զանազանս, կիսասարկաւագութեան, սպիւաւագութեան, քահանայութեան, եպիսկոպոսութեան, հսկատակեալք ընդ միմեամբք, և ընդ երևելի գլխովն եկեղեցոյ յընդհանուրս . այն ինքն է յաջորդն սրբոյն Աւետոսի առաքելապետին . որոյ է գումարեղ և ժողով ընդհանրական եպիսկոպոսաց ըստ պիտոյից եկեղեցւոյն, յորում և նստի ինքն նախագահ, զոր է տեսանել 'ի պատմութիւնս ժողովոց եկեղեցոյ, կամ անձամբ կամ 'ի ձեռն նուիրակացն :

Ահաւասիկ քեզ յեկեղեցւոջ ուղղափառաց կառավարութիւն նոյն և մի, և գլուխ նոյն և մի, և պաշտօն աստուածային նոյն, և 'ի պաշտամանս յայսմիկ և 'ի մատակարարութեան խորհրդոց էական արարողութիւնք նոյն և մի, թէպէտ և զանազանեալք լեզուօք ըստ ազգաց ազգաց քրիստոնէից :

Այսա ուրեմն ըստ ամենայն տեսութեան միութիւն ամենակատար է տեսանել յեկեղեցւոջ ուղղափառաց : Իսկ ընդ հակառակն, Արկրորդ՝ եթէ երբէք 'ի քնին առցուք մեք զընկերութիւնս և զժողովս նորաձայնութեան ձերոյ, աղէ ասա, զ՞ր սկիզբն միութեան կարացուք մեք գտանել 'ի նոսա :

Այսի զառաջինն՝ չունին գլուխ մի, առ որ մարթիցէ նոցա գիմել առ 'ի սահմանել զլնողիքս ինչ հաւատոյ կամ՝ առ 'ի կարգել սահմանադրութիւնս ինչ եկեղեցւոյ : Եւ չունին նորա զկենդրոն միութեան և հաղորդակցութեան : Այլ եթէ իցէ ևս, մարթ է այլմ հանդիպել յանգղիական եկեղեցւոջ՝ որ զժապարհոնունի իբրև գլուխ . բայց զնրախի իցէ գլուխն : Այլ՝

արդեօք զլուսոյ այդ, նոյն այն զոր Յիսուս Քրիստոս ինքնին կարդեաց յանձին սրբոյն Պետրոսի: Այս այսպէս կառավարութիւն նոցա չունի ինչ միութիւն զկարգի և զաստիճանաց: Զունի զսկզբունս ընդհանուրս զմատակարարութեան և զառաջնորդութեան:

Գտն նոցա առ հասարակ ամենայն ուրեր և հովիւք ոմանք անուանեալք, այլ չիք ՚ի նոսա միութիւն. չիք ՚ի նոսա և գասաւորութիւն ընդ միմեամբք. չունի որ ՚ի նոսա և ոչ ՚ի վերայ միոյ ուրուք իշխանութիւն:

Վորաձայնիցդ ընկերութիւնք ոչ միայն չեն միացեալք ընդ միմեանս ՚ի խորհուրդս եկեղեցւոյ, այլ և մեծապէս և ակններև պառակտեալ են նոքա ՚ի միմեանց ամենայն իրօք: Ընն նոքա միաձայնք ՚ի թիւանդր խորհուրդոց. որպէս ցուցից քեզ արդ ըստ կարգի: Բազմազոյնք ՚ի նոցանէ դաւանին միայն խորհուրդս երկուս զՄկրտութեան և զՀաղորդութեան. և ՚ի վերայ նորուն իսկ էութեան խորհուրդոյն սասանի և ջերմապէս պայքարին նոքա ընդ միմեանս:

Եւթերեանք արդ են եթէ ՚ի խորհուրդ Հաղորդութեան է նոյն իսկ մարմին և արիւն Յիսուսի Քրիստոսի. իսկ և այլք՝ եթէ ոչ այլ ինչ բայց ցոյց և օրինակ է նորին ՚ի նմին խորհուրդի: Այս ապա այս տարաձայն դաւանութիւն նոցա ծնանի ՚ի նոսա մեծապէս յոյժ այլն այլութիւն զդաշտաման և զարարողութեանց ՚ի մտակարարութեան խորհուրդոյն:

Բայց ՚ի վերջսն զամենայն պակասի ՚ի նոսա միութիւն հաւատոյ: Հիմնական սկիզբն է նոցա, եթէ չիք ՚ի վերայ երկրի իշխանութիւն ինչ եկեղեցական առ ՚ի սահմանել զհաւատս հաւատացելոյ: Օայս ատային անդ զամութեամբ ընդդէմ գիտակցութեան իւրեանց. որպէս զև աղտոտ երևեցին ՚ի դատակնիքոյ եկեղեցւոյ:

Աւստի այր այր 'ի նոցանէ: չունի այլ կանոն հաւատոյ, բայց զգիրս սուրբս. սակայն մեկնեալ և բացատրեալ ըստ իւրաքանչիւր մտոց և հասողութեան: Վասն որոյ այս վարդապետութիւն նոցա ետ ասել ժիւոթիւն զանասելին իւր առած 'ի ճառն յաղագս Միութեան եկեղեցոյ. « Այկեղեցին ընդհանարական, ասէ, ոչ » քարոզէ, ոչ ուսուցանէ, և ոչ ևս դիտէ հրահանգել » վարժել. որպէս և ոչ կարէ դատել ինչ և սահմանել »: Ըսած՝ որ ձկտի ողջոյն վեր 'ի վայր կործանել զամենայն միութիւնս, և զամենայն ստուգութիւն հաւատոյ:

Անշուշտ ուրեմն նորաձայնիցդ ժողովք զհետ կրթեալ սկզբանցս պրտոյիկ՝ չկարեն ունել վնոյն հաւատոս. այլ ըստ այլևայլութեան հասողութեան իւրաքանչիւր՝ բազմապատկին և հաւատք նոցա:

Արչափ մարդիկ, այնչափ և կարծիք 'ի նոսա: Այսպսպէս ապա անձամբ յանձինս բոնադատին նորաստեպ խոստովանել զայս, նաև հեծել ևս դատնապէս ընդ միմեանս վասն այսորիկ:

Պեղա ինքնին երեւելին այն 'ի նոսա յառաջնում անդ թղթի իւրում ստիպի անհրաժեշտ խոստովանել զճշմարտութիւնն և հաստատէ զայն, 'ի վկայութիւն կոչելով զԱնդրէաս Վուպիտիոս զՎալվինեանն.

« Մեր ժողովուրդք, ասէ, տատանեալ տարութիւնն » յամենայն հողմոց վարդապետութեան. մերթ յայտ » կոյս և մերթ յայնկոյս: Մարթ է գիտել զինչ » հաւատս ունիցին նորա պսօր վասն կրօնի. բայց » անմարթ է ստուգել վասն հաւատոյն՝ զոր կապին » նորա սո վաղիւն: Այդէ սոսա, յորում մասին » հաւատոյ այս եկեղեցիք՝ որք մարտ եղեալ կոուս » ցան ընդ հոռովմայ հայրապետին, իցեն նորա մարան

» ընդ միմեանս : Այժմէ աշխատ լինիցիս վայր մի դա-
 » սիչ աստանօր միանգամայն զամենայն մատունս
 » հաւատոյ, յառաջնոյ անտի մինչև ցլերջլինն գտանիչ
 » ցիս դու, զի զկէսս 'ի նոցանէ զաւանին նոքա իբրև
 » մատունս հաւատոյ, և զկէսս հերքեն 'ի բաց իբրև
 » ամբարշտութիւնս » : Աւ զի՞նչ զօրաւորագոյն կայցէ-
 քան զվկայութիւն անաչառ 'ի թշնամեացն բերանոյ :

Աւ արդ 'ի պակասութենէ աստի միութեան հաւա-
 տոյ ո՞ր դէպք անհնարինք ետուն 'ի կոտակարութեան
 նոցա : Այակատեաց ողջոյն դասաւորութիւն հստա-
 կութեան ընդ միմեամբք, պակասեաց և գեղեցիկ կարգ
 հրահանգաց . զոր և ինքնին գլխովին լան նոքա և
 աւարեն :

Գրէ Ապալիդոն հովին Ադրասպուրկոյ առ Փա-
 ոէլ բարեկամ իւր՝ այտպէս . « Հեղինակութիւն հո-
 » վուսց և առաջնորդաց, ասէ, գլխովին բարձեալ
 » է 'ի միջոյ . ամենայն 'ի կորուստ է և յապակա-
 » նութիւն : Այկեղեցիք ոչ գոն 'ի մեզ և ոչ մի, յո-
 » բում իցէ կարգ հրահանգաց : Ժողովուրդն յան-
 » դրգնագոյնս բողոք բառնայ ընդդէմ մեր և ասէ .
 » Ինդրէք դուք բռնաւորս ոմանս 'ի վեր երևեցուցա-
 » նել յեկեղեցի, սր ինքն գլխովին ազատ է . ինդրէք
 » հաստատել 'ի սմա նոր իմն աթոռ Ասպական :
 » Օայս ժողովուրդն ընդդէմ մեր : Աւ Աստուած ինք-
 » նին յերեսս հարկանէ մեզ զթշնամանն, որով թրջ-
 » նամանեցաք մեք զեկեղեցի անհանձարաբար և ան-
 » խորհուրդ տաստիութեամբ ողւոյ, և շտապեալ դա-
 » տաստանաւ՝ որով անգոննեալ մերժեցաք մեք զա-
 » թոռն Հռովմայ : Բանզի արդ ժողովուրդն սովորեալ
 » և անեալ արձակերասան, ողջոյն իսկ խորտակեաց
 » զսամեռէս և զամենայն զկտայ միանգամայն իւր-

» վեաց . որպէս այն թէ 'ի տապալել մեր զիշխանու .
 » թիւն Հոովմայ , 'ի մեզ ինքեանս տապալեալ կոր .
 » ծանեալ իցեմք զամենայն զօրութիւն Խորհրդոց և
 » զսպասաւորութեան մերոյ :

» Աշաղակին ժողովուրդք ընդդէմ մեր . Շանա .
 » չեմք իսկ մեք զԱւետարանն . չեն մեզ սէտք ձերոյ
 » նախտօրից 'ի ճանաչել զՅիսուս Քրիստոս : Արիք
 » գնացէք դուք քարոզել այնոցիկ՝ որ միանգամ կա .
 » միցին լսել ձեզ » : Ահաւասիկ քեզ ինքնադատ
 խոստովանութիւն նոցա :

Արդ տեսեալ յայտնապէս զի չունին նոքա յիւրեանս միութիւն ինչ հաւատոյ , յեկեղեցւոյ անտի Քրիստոսի՝ լրբեցան նոքա՝ գործել անհեթեթ իմն և հրէշալի միութիւն ընկերութեան , և անիծից և դատնութեանց 'ի ներքոյ զբաւեցան վասն այնորիկ :

Քանզի ստէպ նոքա զսպարտեցին զեկեղեցի ուղղափառաց ընդ զլսոյն Հոովմայ , և անդրագոյն ևս յաւակնեցան ասել , եթէ և 'ի կոապաշտութիւն զընցաւ նա . և թէ՛ խրթնացեալ ողջոյն յանկարգութեան կայ . և թէ՛ սրժեալ և ապականեալ է նա առաել քան զկին խայտառակեալ և շուն . և թէ՛ արգել Աստուած զոհս և նուէրս մատուցանել 'ի տաճարի նորա : Եւրհիցան ասել և զայն՝ եթէ Հոովմայ հայրաստն վատթարագոյն ևս է քան զԱհմետական ոք :

Յայս ամենայն հայհոյութեանց վերայ՝ քաջ միտ գիր՝ համարին նոքա դարձեալ զեկեղեցին Հոովմայ իբրև մասն եկեղեցւոյն Քրիստոսի . և միաձայնին ասել և քարոզել՝ եթէ գոյ փրկութիւն գտանել 'ի ծոյի նորա : Քանի՛ն իցեն հակասութիւնքն :

Սակայն և այս քարոզութիւն նոցա շարժեաց զարքայն Անրիկոս Գ , և վերստին ած եմոյժ զնա յիկե-

ղեցին ուղղափառաց . քանզի լուեալ 'ի նորաղանդիցի ,
եթէ զոյ 'ի նմա փրկութեան հասանել , առ 'ի յա-
սրահովել ևս քան զևս զփրկութիւն հոգւոյն՝ վերստին
միաբանեցաւ նա ընդ եկեղեցւոյն Հոռլմայ :

Ըստ արժան և հարկ ևս իցէ աստանօր յառաջ
բերել քեզ , բարեկամ , և զհոչակաւորն զայն զրուցա-
տրութիւն երանելոյն (Քրանկիսկոսի) Սալեղեանն ընդ ան-
ուանի նորաղանդին (Սէտուորոսի) Պեղաց :

Իբ երբեմն զի երկոքին սոքա ուրեք հանդիպեցան
միմեանց . եհարց աստուածխմատ փարդասպեան Սա-
լեղեանց Պեղա . « Ըրդեօք Լուծեր և Կարլին , ասէր ,
» յառաջ քան զբաժանելն իւրեանց յեկեղեցւոյն Հը-
» ոռլմայ կարէին փրկութեան հասանել » : Պատաս-
խանի ետ Պեղա , եթէ « Ըսի » : Արկնեաց յայն-
ժամ Սալեղեանն և ասէ :

« Զէր ուրեմն պարտ նոցա թողուլ լքանել զայն
» եկեղեցի . որովհետեւ մարթ էր նոցա 'ի նմա փրկ-
» կութեան հասանել . այն ինքն էր եկեղեցի Յիսուսի
» Վրիստոսի . և Կարլինի և Լուծերի չգոյին սրտ-
» ձառք հիմնականք թողուլ զայն եկեղեցի » :

Հայնժամ յանհնարս մտեալ Պեղացին , դարձեալ
դարձուցեալ զպատասխանին իւր , ասաց . « Այ » :
Արկնեաց անդրէն Սալեղեանն և ասէ . « Զգոյր ու-
» ընմն յայնժամ եկեղեցի Վրիստոսի 'ի վերայ երկրի .
» որովհետեւ զեկեղեցւոյն Հոռլմայ յորժամ եթող ելիք
» Լուծեր և Կարլին , ոչ չսքան նոքա երթալ միա-
» քանել ընդ այլում նախագոյակ ընկերութեան , այլ
» ընկերութիւն նորադարձ յանձանց հնարեցին » :

Ըստ յետ այնորիկ ձառ արկեալ Սալեղեանն ա-
պացուցանէր Պեղային , եթէ անմարթ է ասել եթէ
եկեղեցի Վրիստոսի 'ի միջոյ բարձեալ իցէ՝ առանց

ընդդէմ զինելոյ անսուտ խոստմանն Աստուծոյ : Այլ զի՝ եթէ 'ի վնշտասաներորդ դարուն եկեղեցի ուղղափառաց ոչ ևս էր եկեղեցի Վրիստոսի 'ի պատճառս վարդապետութեանցն հաւատոյ՝ զոր քարոզէր և դասանէր յայնժամ, պարտ էր ուրեմն զհետ բերել՝ եթէ նաև 'ի դարուն հինգերորդի կամ վեցերորդի պակասեաց նա 'ի լինելոյ եկեղեցի Վրիստոսի . որովհետև ըստ Առթերի և ըստ Աալլինի այն վարդապետութիւնք մտաբք սարդեցին մտին յեկեղեցին Աստուծոյ 'ի դարուն հինգերորդի և վեցերորդի, ուստի և յայնց ժամանակաց հետէ ոչ ևս զոյր յաշխարհի եկեղեցի Վրիստոսի, զոր անմարթ է ցուցանել :

Յայնժամ 'ի մեծ տագնապ անկեալ Աեղայ խրնդրեաց իւր ժամանակ 'ի պատրաստել զպատասխանին : Ասկայն 'ի հասանել ժամադրութեան աւուրն՝ յորում պարտ էր նմա պատասխանի առնել, բազմութիւն խուն մանկտոյ ածեալ 'ի վայր անդր 'ի մանկահասակ մարց իւրեանց, փոխան պատասխանոյն՝ այն հանդէս մանկտոյն և աղաղակն ելից զտեղին . և այնպէս խափան արկին տրամախօսութեան աւուրն ժամադրութեան :

Իաւանին ուրեմն նորաղանդքդ ձեր, եթէ ընկերութիւնք գիմամարտք հաւատոյն իւրեանց ևս և 'ի մեծամեծ մասունս հաւատոյ, 'ի վերայ այսր՝ բաժանակիցք են եկեղեցւոյն Վրիստոսի : Օտոյն զայս և վաւերական օրինակաւ յայտ արարին նոքա 'ի Վրիստոնէական վարդապետութեան ձերում, որ 'ի ձեռս ձեր յածի զօրհանապազ . զոր 'ի սկզբան անդ արձանացոյց քորոզին ձեր անուանեալն Քուրվաղ . զոր և կրկին և կրկին քննեցին նոքա և աճեցուցին, և 'ի տիպարձանացուցին բազում անգամ, և մանաւանդ 'ի ճիւղ

նելրա յամին 1770 : Արդ ՚ի չորեքասաներորդ գումարի առաջին մասին , ՚ի թիւն 62 , յերես 74 , հարցումն առնեն այսպիսի . « Ոչ ապաքէն մի միայն է եկեղեցի ընդհանրական » . սրատասխանեն . « Այո , » որովհետեւ ամենայն հաւատացեալքն ուր ուրեք և » իցեն , կացուցանեն զմի միայն եկեղեցի , որոյ Յիսուսս Վրիստոս է զլուխն » :

Պարտ էր ապաքէն զայսօրինակ սրատասխանի առնել , զի մի յայտնապէս դիմամարտք երեւոյցին հանգանակի առաքելոյն և հանգանակին Առտանդնուպօլսի : Սակայն յես այնօրիկ զմիութիւն եկեղեցւոյ ՚ի չիք դարձուցանեն կրկնակի հարցմամբքս՝ զոր զհետ բերեն : Վանդի ՚ի թիւն 163 , հարցանեն այսպէս . « Ոչ ապաքէն իցեն բազում եկեղեցիք մասնաւորք » , և սրատասխանեն . « Այն այս բազում եկեղեցիք մասնաւորք , որ չունին ամենեքին զնոյն հաւատ և ոչ » զնոյն արարողութիւնս : Սակայն եթէ Վրիստոս » Վրիստոս ճանաչեն իւրեանց միակ զլուխ , մի ըստ » միոջէ ամենեքեան նորա կացուցանեն զընդհանրական եկեղեցի » : Վաջ տեսանես դու աւադիկ , քանի՞ խորամանկութեամբ աստանօր ՚ի բաց հանեն նորա ՚ի կարգէն զեկեղեցի ուղղափառաց միլիոնաւորաց , որ աւանդապահք դաւանութեան Աւետարանին՝ զառաքելաւետին Պետրոսի յաջորդ զՀռովմայ հայրապետ ճանաչեն իւրեանց զլուխ երեւի , բաց յաներևոյթ զլսոյն՝ որ է ինքն Յիսուս Վրիստոս : Այլ զինչ արդեօր ո՞նիպիսն նորա ասիլ վասն Անգղիական եկեղեցւոյն՝ որ զլծագաւորն համարի իւր ՚ի զլուխ եկեղեցական :

Իսկ ապա ՚ի թիւն 164 , յաւելուն և հարցումն այսպիսի . « Եկեղեցիք մասնաւորք իցեն արդեօր

ամենեքեան հաւատարապէս սուրբք և մարութք » . և պատասխանեն . « Ոչ . են են եկեղեցիք՝ որոյ հաւատք , » և որոյ արարողութիւնք խառն են՝ի մոլորութեանց , » և յաւերապաշտութեանց » :

Այս պատկէս ըստ վարդապետութեան նորադանդիցդ մի միայն է եկեղեցի . բայց ոչ ինչ այլ միասեպէ երբէք միութեան նորա , բայց եթէ ոճնին՝ի վերայ երկրի զուխ մի երևելի : Ոչ « Մոլորութիւնք » զոր առաջին , ոչ « Աշխարհապաշտութիւնք » , ոչ « Այլևայլութիւն հաւատոյ » , միաս երբէք հասուցանեն միութեան ընդհանրական Ակեղեցւոյ :

Իցէ ինչ մարթ հրէշանդան ինչ առաւել անձոռնիքան զայդ հնարել երբէք :

ՆՈՐԱՂԱՆԻՆ

Օգորութիւն փաստիցդ՝ անաչառ խօսելով՝ չիք յուրատ լինել . քանզի յոր և իցէ միտս առցէ որ վրութիւն եկեղեցւոյ , այս ինչ քաջայայտ կայ , զինչանդայդ առաջին , « Մի » յոյժ առաւելութեամբ՝ի դէպ զայ եկեղեցւոյն ուղղափառաց , քան եթէ նորաձայն ընկերութեանցն հերձելոյ ՚ի նմանէ : Այլ զոր դու , ինձ յուշ ածեր ՚ի քրիստոնէական վարդապետութենէն ՚ի ընտ ածեալ յամին 1770 , է նոյն այն՝ յոր ես ինքն վարժեցայ ՚ի մանկութենէ ՚ի հայրենի երկրին իմում ՚ի Օջիցցէրա : Այս զնոյն տակաւին ՚ի ձեռնն ոճնիմ և ընթեռնում . և բերից ես զայն ընդ իս ՚ի միւսանդամ դարձին իմ առ քեզ ՚ի յետագայ տրամախօսութեանս :

Բայց քանզի զերկրորդ նշանն , սեփական եկեղեցւոյ Քրիստոսի այս է՝ « զՍրբութիւնն » , պահեցիր մեզ իբրև նիւթ առանձին յայլում տրամախօսութեան ,

մնայ ուրեմն այսօր պայքարել մեզ յաղաղս « Աթոռ
ղիկէութեանն » . յոր ոչ կարծեմ յաջողել քեզ , որ
պէս 'ի բան Միութեանն . քանզի և եկեղեցի մեր
աւասիկ տարածեցաւ յրնդհանուրս ընդ ազգս ազգս ,
և « () ր ըստ օրէ աճեն հաւատք մեր » ըստ ասից ա-
ռաբիղյն :

Վ Ա Ր Դ Ա Պ Ե Տ Ն

Չայնդ « Աթոռղիկէ » է յունական , և նշանակէ
« ՚Նդհանրական » , և է այս երրորդ նշան սեպհական
եկեղեցոյ Վրիստոտի :

Ինքնին Աստուած 'ի հին օրէնս հոչակ եհար բազ-
մադէմ նախաձայնութեամբք սրբոց մարդարէից , եթէ
'ի գալ Մեսիային յաշխարհ , ընդհանուր տիեզերք
եղիցին ժառանգութիւն նորա սեպհական : « Ինդրեան
» յինէն , ասէր Դաւիթ 'ի զիմաց յաւիտենական հօր
» Աստուծոյ առ Որդին միածին , և տայ քեզ ղՏե-
» թանստս 'ի ժառանգութիւն , և իշխանութիւն քեզ
» ընդ ամենայն ծագս երկրի » . և թէ՛ « Տիրեսցէ
» նա 'ի ծովէ մինչև 'ի ծով , և 'ի գետոց մինչև 'ի
» ծագս աշխարհի : Աշրկիրսյազցեն նմա ամենայն թա-
» գաւորք երկրի և ամենայն ազգք ծառայեսցեն նմա » :
Մարթ էր ինձ և այլ անբաւս 'ի նոյն իմաստ քաղել
'ի զրոց սրբոց :

Արդ ուրեմն հանդերձեանց էր արդեօք այս աստուա-
ծայնս Մեսիայ տիրել 'ի վերայ ամենայն ժողովրդոց
տիեզերաց իբրև թագաւոր ինքնակալ : Այլ ոչ բնաւ
երբէք . քանզի անշուշտ ժամանակեացս այս տիեզերա-
կալութիւն չէր ինչ արժանի իւրումն աստուածակ-
տական մեծվայելչութեան . « Եւ արքայութիւն , ասէր

ինքնին տէրն, չէ յայսմ աշխարհէ ։ Օ՛ի եկն նա յաշխարհ ոչ վասն այսորիկ, այլ ՚ի բանալ առաջի մարդկան սուրբ և աստուածային նոր օրինօքն զաղ խնալ զբունս երկնից, և առնուլ մուծանել զնոսա ՚ի ժառանգութիւն յաւիտենական արքայութեանն իւրոյ ։

Վ ասն այսորիկ յետ ջնջելոյ աստուածային արեամբն զանօրէնութիւնս երկրի, և յետ կենագործ յարութեամբն ՚ի մեռելոց միւսանգամ երևելոյ յաշխարհի, սրատուիրեաց առաքելոցն իւրոց երթալ քարոզել ընդ արեգերս զաւետարան իւր սուրբ ամենայն ազգաց. և խոստացաւ անանջրպետ կալ մնալ ընդ նոսա մինչև ՚ի կատարած աշխարհի ։

Պատուիրանին հնազանդեալ սուրբ առաքեալքն յարեան մխեցան տարաշխարհիկք եղեալ մինչև ՚ի հեռաւոր յոյժ սահմանս աշխարհի ։ Աւ այնպէս կրօնք սրբութեան երկնաւոր վարդապետին իւրեանց կարգեցան հաստատութեամբ ընդ ամենայն երկիր. եթէ հրաշագործութեամբք նշանաց՝ զուգահետք ընդ քարոզութեանն, և եթէ ներշնչութեամբ և ազգմամբ շնորհաց Հոգւոյն սրբոյ ։ Աւ անդտօին յայնց ժամանակաց հետէ հիմնեցաւ եկեղեցի Վրիտտոսի ամենայն ուրեք. ուստի և եղև և անուանեցաւ Վաթողիկէ կամ ընդհանրական, այս է՝ տիոեալ ընդ ամենայն կողմանս աշխարհի ։

Արդ մնայ ինձ այժմիկ ցուցանել, եթէ զընդհանրականութիւն զայս է գտանել յեկեղեցւոջ ուղղափառաց՝ միաբանեալ ընդ Հռովմայ, և ոչ երբէք յրնկերութիւնս նորաձայնութեան ձերոյ ։ Աւ անշուշտ է գտանել զնոյն յայս եկեղեցի, քանզի և անշուշտ այս եկեղեցի յամենայն ընկերութիւնս եղև միշտ և է տակաւին առաւելագոյն ծաւալեալն ՚ի զանազան կողմանս

աշխարհի . և չէ մարթ յառաջ բերել այլ ընկերու-
թիւն քրիստոնէից այսչափ բազմութիւ և տարածեալ :

Արդ յառաջ ածեալ զԱւրուպէ , եկեղեցի այս ուղ-
ղափառաց տիրեալ է 'ի մեծագոյն և 'ի նախադատիւ
մասին նորա : Աղջոյն ընդ ամենայն Իտալիա , 'ի Սպա-
նիա , 'ի Ղուսիտանիա , 'ի Գաղղիա , յաշխարհն Ղե-
հաց , և 'ի միում մասին Գերմանիոյ . և յայս ամե-
նայն սահմանս աղանդք նորաձայնիցդ չունին հրա-
պարակաւ սրաշտամունս զհաւատոյն իւրեանց իբրու
զուղղափառացն :

Իսկ ապա մնացեալ մասունք Աւրուպիոյ բաժանին
յայլեայլ պետութիւնս , յորս է գտանել և աղանդս
այլեայլս : Իսկ յիւրաքանչիւր գաւառս Գերմանիոյ են
իսկ ուղղափառք խառն ընդ նորաղանդից :

Ի Ռուսիա տիրէ յունագաւանութիւն . բայց և
բազմութիւնք են ուղղափառաց : ՅԱնգղիա է մաս-
նաւոր շառաիղ յարմատոյ նորաղանդութեան , շատ
ինչ զանազանեալ յայլոյ ըստ պատարագամատուցին
իւրեանց և ըստ արարողութեանցն . և որ մեծն է՝ զի
ունին նորա իւրեանց գլուխ մասնաւոր եկեղեցական՝
զթագաւորն : Թող և զկողմն Աւրուպիոյ , զՏաթարացն
և զՏարիոյ՝ բնակեալ 'ի Մահմետականաց և
յանհաւատից , սակայն բնակին 'ի նոսա և ուղղափառք :

Բայց և աղանդք զանազանք տիրեալք և խառն
զբաւեն և զայլ կողմանն . ըստ որում՝ Ղութերեանք ,
Արլինեանք , Արկնակնունքքն , Սոկինեանք , Արմի-
նեանք , Գոմարեանք , և այլն :

Այլ այս ընկերութիւնք ոչ գործեն 'ի նոսա մար-
մին մի կամ համախմբութիւն մի : Ամարթ է նոցա
գալ միանալ ընդ նովին գլխով , ոչ ըստ իւրաքանչիւր
հովուացն , ոչ ըստ միաձայնութեան վարդապետու-

Թեանն, ոչ ըստ պաշտամանց արարողութեանն, և
 ոչ ըստ կարգի կառավարութեանն :

Բայց և զայն գիտեալ քաջ, զի զեկեղեցի ուղղափա-
 ռաց զմիացեալն ընդ Հռովմայ՝ գտցես դու ընդ ամե-
 նայն տեղիս յորս միանգամ հասեալ զբաւեցին այս
 աղանդք : Արանելին Ազոտտինոս ՚ի ցուցանել անդ
 խրում ընդդէմ Գոնատեանց, եթէ ընդհանրակա-
 նութեանն նշան սեպհական եկեղեցոյն Քրիստոսի՝
 տրակասի աղանդոյն նոցա, ասէր ցնտա այսպէս .

« Ինդ ամենայն տեղիս՝ ուր և կայցէք դուք՝ գտանի
 » եկեղեցի ուղղափառաց . այլ ոչ նայնպէս և աղանդ
 » ձեր, և ոչ այլ ինչ յաղանդոց գտանի անդ, ուր
 » միանգամ կայցէ եկեղեցի ուղղափառաց » :

Օնոյն և մեք մարթիմք անվեհեր ասել առ նորա-
 ղանդսդ : Ուր ուրեք միանգամ իցէք դուք, անդ գտա-
 նին և ուղղափառք, և այն՝ բազմութիւք . ըստ որում
 յԱնգղիա, ՚ի Սկովտիա, և առաւել յԱռլանտա՝ Թուով
 եօթն միլիոնք . ՚ի Ռուսիա, ՚ի Պրուսիա, ՚ի Վեր-
 մանիա, յԱռլանտա : Այլ ՚ի բազմազոյն կողմանսդ յայ-
 դոսիկ ունին նորա յաճախութեամբ և պաշտամունս
 հրապարակականս զհաւատոյն իւրեանց և զեկեղեցեաց :
 Այլ չէ՝ նայնպէս ասել և վասն աղանդոցդ ձերոց, որոց
 իւրաքանչիւրն սահմանափակ կայ ՚ի վայրի ուրեք :

Իսկ ապա յերիս այլ մասունս աշխարհի ՚ի մէջ
 Սահմտականաց, Հնդկաց, Աինէացոց, Աբաբա-
 յոց, վայրենարնակաց, և բարբարոսաց, առ հա-
 տարակ ամենայն ուրեք մուտս գտեալ բնակէ եկեղեցի
 ուղղափառաց տիտեալ և տարածեալ, և ունի իւր ա-
 ռաբեալս և քարոզիչս դարձուցիչս մուրրերոց . և է
 գտանել ամենայն ուրեք բազմութիւն հաւատացերոց
 ուղղափառաց :

Պաշտօնեայք և հովիւք եկեղեցւոյս այսորիկ ընթա-
նան ամենայն ուրեք հռչակ հարկանել զկրօնից հաւա-
տոյ Բւետարանին, և ծաւարել զայն ընդ ամենայն եր-
կիր. խրատուեսաք և զօրացեալք հանապաղ նովին
խակ աստուածային նախանձու՝ որով վառեցան մի-
անգամ սուրբ առաքեալք. և ՚ի գործ տանին մինչև
ցայսօր զպատուէր հրամանի փրկչին Յիսուսի, եթէ
« Գնացէք ընդ ամենայն աշխարհ, ուսուցէք զաւե-
տարանն ամենայն արարածոց » :

Եւս եկեղեցի է որ ամենայն ուստիք ամենայն ու-
րեք առաքէ զառաքեալս իւր և զվարդապետս : Վանգի-
յետ քարոզութեան սրբոց առաքելոցն և վախճանին
նոցա՝ գօտէպինդք վառեցան առաւել իմն՝ Հայրա-
պետքն յաջորդեալք Բարեբապետին Պետրոսի, և
առաքելին եպիսկոպոսունս և քահանայս երթալ դար-
ձուցանել զանհաւատս և հիմնել Եկեղեցիս ընդ տիե-
զերս : Որպէս յերկրորդ դարու անդ սուրբն Արանոս՝
որ կայր յայնժամ ՚ի Հռովմ ընդ սրբոյն Պօղոսկար-
պոսի՝ առաքեցաւ ՚ի Ղիսն քաղաք ՚ի Վաղղիս ՚ի
սրբոյն Բնիկետոսէ հայրապետէն Հռովմայ : Իսկ ՚ի
գարուն երրորդի յետ հալածանայն Սեկերոսի կայսեր՝
հայրապետք Հռովմայ առեալ արձակեցին եպիսկոպո-
սունս և յայլ զլիաւոր քաղաքս Վաղղից, և ՚ի նո-
ցանէ եօթանեքին ՚ի միում ժամանակի գողցես հաս-
տատեցին անդանօր զաթոռս իւրեանց . սուրբն Սա-
աւրնինոս ՚ի Տորոսա, սուրբն Փրոսիմոս Մոլէս,
սուրբն Պօղոս ՚ի Վարրոնէ, սուրբն Վայետանոս ՚ի
Տուրս, սուրբն Մարտիաղէս ՚ի Ղիմոսէս, սուրբն
Ոսարեմիանէս ՚ի Բուրժէս, և սուրբն Վիսնեսիոս ՚ի
Փարէզ : Այն դէպք ետուն և ՚ի յետագայ դարս
երկուս :

Իսկ 'ի դարուն վեյերորդի երանելին Վրիգոր մեծն առաքեաց 'ի միանձանց զոմն՝ անուն Ազոտտինոս, որ զԱնգղիա ողջոյն դարձոց 'ի Քրիստոս: Իսկ յեօթն երորդ դարուն դարձան 'ի հաւատս Հոլանտայիք. յութերորդ դարու Ալեմանք. յիններորդին Ռուդարք, Վանդալք, Լեչք, Դանիք, և Մորաւացիք: Իսկ 'ի մետասաներորդ դարուն Ունգարք, և թագաւորն նոցա Ստեփաննոս: Եւ ամենեքեան սորա առհասարակ 'ի քարոզչաց անտի առաքելոց յաթոռոյն Հոռովայ:

Իսկ Աւգլինէոս Գ. առեալ արձակեաց 'ի Ասորիս գլխա 'ի Արդինարաց դասէ՝ զանուանեալն Ռէաքիստր, որ ապա յաջորդեաց 'ի գահն՝ յորջորջեալ Ազրիանոս Գ.: Անգանօր նա առաքելաբար տքնութեամբ ամն եօթն վաստակեցաւ 'ի դարձ անհաւատիցն, և կարգեաց անդ եպիսկոպոսունս:

Իսկ մօտ 'ի սկիզբն երեքտասաներորդի դարուն Իննուկենտիոս Գ. առաքեաց բազմութիւն քարոզչաց 'ի Մոսա, ուր և դարձուցին զբազումս: Եւ 'ի նմին դարու երանելին Դավինիկոս՝ բազումք ևս այլք 'ի միանձանց նորա, 'ի նոյն և միանձունք երանելոյն Փրանկիսկոսի առաքեալք 'ի Հոռովայ, քարոզութեամբք դարձուցին զբազումս Ղզրիկեանց և 'ի թաթարաց: Եւ ապա 'ի յաջորդ դարու երանելին Վինկենտիոս Փերարեան մեծապէս յաջողութեամբ քարոզեաց 'ի բազմագոյն սահմանս Աւրոպիոց:

Այլ առաւել քան զամենայն 'ի վերջին դարս երկուս ողջոյն Ամերիկա, և աշխարհն Հնդկաց, և Սինէացոց, և Յաբոնացոց, և արքայութիւնն Շիամայ, և Մալապարք, և Աթուլիա, և այլն, եղևն ասպարէզ և տեսարան քրտնավաստակ տքնութեանց և քարոզութեանց երանելոյն Փրանկիսկոսի Քրաւիբեան

և այլոց ևս անբաւից առաքելաշնորհ քարոզչաց, կէսք յեկեղեցւոյ երիցանց, և կէսք 'ի միանձնական կարգաց կրօնաւորաց. որք և ցայսօր հանապազօրոյ են անգանօր 'ի քարոզութիւն, 'ի խաչակրութիւն, և 'ի հեղումն ևս արեան 'ի վերայ կաթողիկէ եկեղեցւոյն Քրիստոսի: Վաւ վարժարանս բարեկրօն հրահանգաց հաստատեցին նորա անուանիս Մմերիկա, Մկազիա, 'ի Պարակուա, Մսիա, 'ի Քօնքինքինա, և այլն. և կառուցին ևս եկեղեցիս բազումս և կրթարանս եկեղեցականաց:

Վաւ այն վարժոյք անուանեալքն « Արտաքնոյն Առաքելութեանց » 'ի Հոռով և 'ի Փարէզ՝ են անջինջ յիշատակարանք աստուածային նախանձու վասն տարածութեան հաւատոյ. որ է կնիք յամենայն իսկ ժամանակս ընդհանրականութեան եկեղեցւոյն ուղղափառաց:

Աւ արդ այս կարճապատում տեսութիւն միայեալ ընդ աշխարհաբարոզ գործս՝ զորս քեզ թուեցի, իցէ արդեօք բաւական ցուցակութիւն՝ եթէ զայս եկեղեցի միայն յայլ ամենայն ընկերութիւնս քրիստոնէից՝ մարթիցէ տիրապէս կոչել Աթողիկէ կամ՝ Վնդհանրական:

ՆՈՐԱՂԱՆԴՆ

Ինձ թուի այնչափ ինչ բաւական, մինչ զի (անաչառ ասելով) և ոչ մի այլ ընկերութիւն քրիստոնէից յաղթանակաւ 'ի վէզ գայցէ ընդ ձեզ 'ի մասինդ յայդ միկ: Այլ արդեօք և յայլ նշանս եկեղեցւոյ՝ զոր ասացեր, հաւաստեցեն զնոյն վասն ձերոյ կողմանն:

ՎԱՐԳԱՊԵՏՆ

Այս ամենայն իրօք՝ քանզի և միւս այլ նշանն՝ այն է Առաքելականութիւնն, է իսկ արդէն անդիմամարտ հաստատեալ: Ոչ ահա այդ իսկ էր նիւթ առաջին սրամախօսութեանս մերոյ, և անմոռաց կարծեմ՝ ՚ի քէն՝ զոր հաստատութեամբ ցուցի յայնժամ եթէ մի այն զայս Ակեղեցի հիմնարկեաց Քրիստոս, որոյ և հովիւքն առաջինք առաքեալքն սուրբք ՚ի նմանէ առ ին զառաքելութիւնն. և յառաքելոց անտի եպիսկոպոսունք ընդ տիեզերս հետ զհետէ յաջորդութեամբ, և այնպէս Առաքելական եղև և անուանեցաւ Ակեղեցի Քրիստոսի: Որպէս՝ զի և այս նշան չորրորդ ոչինչ երբէք ՚ի ճահ պատահեցէ այնոցիկ՝ որք ՚ի սկզբան զողով անդամք նախկին Ակեղեցւոյն, ապա հերձեալք բաժանեցան ՚ի նմանէ, և կայուցին արտաքոյ ծոցոյն նորա ընկերութիւնս բաժանեալս. ըստ որում յանդրդնեցան գործել հիմնադիրքդ նորաձայնութեան ձերոյ Լութեր և Կալվին:

Աւ արդ առանց միւսանդամ կրկնելոյ զմիանդամ ճառեալն յողագս քաջածանօթ բանին, յաւելոյ քեզ այժմ միայն խորհրդածութիւն իմն պարզ և մեկին: Աղէ գու հարց միանդամ առ մերջինն ՚ի հովուաց եկեղեցւոյն ուղղափառաց. « Ուստ ուստեք առեալ է քո զառաքելութիւնդ, ասա ինձ » . անդէն պատասխանի լուիցես ՚ի նմանէ հեզ և հանդարտ, այլ անմիջեք համարձակութեամբ. « Առեալ է իմ զայն » ՚ի Յիսուսէ Քրիստոսէ, և են իմ վաւերական ճրջ » գրտութիւնք. և եպիսկոպոսն իմ կարգեաց զիս » ինամակալ հողուոյ հաւատայելոյ ՚ի տալ ինձ ըզ

» Թեմն վիճակին իմոյ . և սաշտօնն իմ անշուշտ 'ի
 » վեր երանէ մինչև 'ի ժամանակ անդր առաքելոյն
 » սրբոց . քանզի և իմն եպիսկոպոս զսեպհական զիւրն
 » առաջնորդութիւն ունի յայլոց եպիսկոպոսաց ան-
 » տի , որ հանդիսապէս ձեռն 'ի վերայ եղին նորա , և
 » սոքա դարձեալ նոյն օրինակ ձեռնադրեալք 'ի նախ
 » ընթացից խրեանց , և սոքա նոյնպէս յայլոց ո-
 » մանց եպիսկոպոսաց , և այսպէս ապա կարգառեալք
 » առանց ընդհատութեան 'ի վեր երանեն մինչև 'ի ժա-
 » մանակ անդր առաքելոց և 'ի Վրիստոս : Իմ առա-
 » քելութիւն ուրեմն է 'ի Յիսուսէ Վրիստոսէ . քան-
 » զի և բարւոյ մասին վիճակի հասեալ եմ ըննել ան-
 » դամ եկեղեցոյն ուղղափառաց » :

Դարձ ապա և զնոյն հարցումն հարցցես դու և առ
 մի ոք 'ի նորաձայն քարոզչացն Ղինեւիթայի՝ հայրե-
 նեայն քոց « Ուստի կալեալ է քո զառաքելութիւն
 քո » : Պատասխանի տացէ քեզ , եթէ « Ի Սիւնհո-
 » դոսէ անտի մերմէ , որ ետ ինձ զառաքելութիւնս
 » զայս » . — « Իսկ այդ Սիւնհոդոսդ յու՞մմէ՞ ար-
 » դեօք առեալ է զիշխանութիւնն զայն » . Այս ան-
 շուշտ յայնժամ առանց կարի 'ի վեր երանելոյ 'ի նախ-
 նի ժամանակս , հասցէ փութանակի մինչև 'ի ժամա-
 նակ Ղութերի և Աղվինի : Ըպա եթէ և զայն ինչ
 հարցցես նմա , « Իսկ զՂութերդ և զԱղվինդ զայդ
 » ո՞ առաքեաց յուսուցանել , 'ի քարոզել , և 'ի մա-
 » տակարարիւ զխորհուրդս » , զի՞նչ արդեօք դտա-
 նիցէ նա յայնժամ 'ի պատասխանել : Ոչ ապաքէն
 հարկ 'ի վերայ կայցէ նորա ասել քեզ , եթէ « Հեղև
 » նակքդ այդոքիկ և հիմնադիրք նորաձայն վարդա-
 » պետութեանն անձամբ անձին մխեցան 'ի սպասա-
 » ւորութիւնն և 'ի մատակարարութիւն , ինքեանք յին

» քեանց առաքելյան և ոչ յայլոյ յումբէ՛ ՚ի զոր-
 » ծաղրութիւն անդր » :

Ըստ ուրեմն ոչ կարելով նորա ՚ի վեր ելանել մինչև
 ՚ի ժամանակս առաքելոցն, չեն Ըռաքելականք :

ՆՈՐԱՂԱՆԴՆ

Ո՛չ պղպէս : Քանզի առաքելականութիւն դա-
 անութեան մերոյ և ընկերութեանց մերոց հաստա-
 տեալ է ՚ի վարդապետութիւն անդր հաւատոյ առա-
 քելոցն սրբոց : Ըստ որում մի ոմն ՚ի մերոց առաքե-
 լաջան քարոզչաց, իրաւամբք կնքեաց, ասելով. Սեք
 երթեալ ասպախիմք ՚ի վարդապետութիւն հաւատոյ
 առաքելոցն . « Եւթ իսկ մեք ճշմարիտ Ըռաքելականք
 » և ընկերութիւնք մեր անդասին յառաքելոց իջեալ .
 » քանզի ՚ի հաւատոյս զհետ երթամք մեք ճշմարտու-
 » թեանցն, զոր առաքեալքն քարոզելցին և զոր եկեղե-
 » յի Հոռովնայ և ուղղափառաց այլայլելցին » :

ՎԱՐԴԱՊԵՏՆ

Ըյլ ես քեզ ՚ի յետագայ տրամախօսութիւնս յայտ
 յանդիմանութեամբ ասացուցից, եթէ ոչ ՚ի քննու-
 թենէ անտի վարդապետութեանց հաւատոյ սարտ է
 հատտատել զհեղինակութիւն եկեղեցւոյ և զառաքելու-
 թիւն զհոլուաց նորա, այլ ընդհակառակն՝ զճշմար-
 տութիւն վարդապետութեանց հաւատոյն մարթ է
 քննել և դատել ՚ի հեղինակութենէ աստի և յառա-
 քելութենէ աստի :

ՆՈՐԱՂԱՆԴՆ


Բարուք է, լուիցուք յայնժամ: ԸՂ դու, որ ինչ յաղագս միւսոյ նշանին, այս է՝ սրբութեան եկեղեցւոյ է ճառ, սրահեցեր մեզ յայլում աւուր տրամախօսութեան: Եւ արդ հաճեսցիս ցուցանել ինձ զօրն և ըզժամանակն, յորում մտադիւրագոյնս դարձայց ես առ քեզ և սպաքարեցից վասն այդորիկ:

ՎԱՐԴԱՊԵՏՆ

Բարուք է: Յառաջին երկու աւուրս յետագայ ետժնեկիս սարապեալ եմ ես ՚ի գործոց սաշտամանս խնոյ. և մտադիւրագոյնս և ես վերստին տեսից զքեզ:



Տ Ր Ը Մ Ը Խ Օ Ս Ո Ւ Թ Ի Ի Ն Դ .



Ս Ր Բ Ո Ւ Թ Ի Ի Ն Ե Կ Ե Ղ Ե Ց Ի Ո Յ

Եւ էրրեակ յատկութիւնք նմա միայնոյ սեպհա-
կանք, այս է՝ Անտրակասութիւն, Երևելիութիւն, և
Անտրալութիւն :



Ն Ո Ր Ա Ղ Ա Ն Դ Ն

Այդ ժամ է մեզ այսօր պայքարել վասն Արբու-
թեան, որ մի է ՚ի չորից նշանաց Արևելեցոյն Վրիս-
տոսի, և զոր դու ընծայես միայնոյ Արևելեցոյ Ուղ-
ղախոաց :

Վ Ա Ր Դ Ա Պ Ե Տ Ն

Եւ կարի խկ քաջ . ոչինչ խուսափեմ հաստա-
տել, եթէ Արբութիւնն ինքնին գլխովին մի է ՚ի ճշգր-
րիտ նշանայն Արևելեցոյ Վրիստոսի . քանզի և զնոյն
տահմանեալ տեսանեմք ՚ի Հանդանակի անդ առաքե-
լոյն, զոր և դուք Աղլվնեանքդ և Վութերեանք միա-
ձայնաբար ընդունիք ընդ մեզ :

Այլ ես զարդիս քեզ, բարեկամ, զայն ինչ յայտ յանդիմանութեամբ խնդրեմ ցուցանել, եթէ Արքութիւնդ այդ սեպհական է միայն Ալեկղեւոյն ուղղափառաց, և երբէք ոչ պատշաճի հերձելոյն առ ՚ի նմանէ նորաձայն ընկերութեանցդ :

Այլ արդ՝ ասեմ, եթէ Ալեկղեւոյն ուղղափառաց է Սուրբ : Սուրբ է նա անդատին ՚ի սկզբնապատճառէն իւրմէ . քանզի որպէս ցուցի քեզ վերագոյնդ, հիմնեցաւ ինքնին ՚ի Քրիստոսէ, որ է ինքն սրբութիւն սրբոց : Սուրբ է նա ՚ի վարդապետութեան իւրում, սուրբ ՚ի խորհուրդս իւր, սուրբ ՚ի բարոյականին իւրում, և ՚ի պատուիրանս իւր . որոց նպատակ ոչ այլ ինչ, բայց զմարդիկ ՚ի սրբութիւն անդր վերբերել : Սուրբ է նա և յորդիս իւր, և ՚ի բազմութեան անդ անձանց արդարոց՝ ըստ իւրաքանչիւր սերի, յամենայն իսկ ՚ի հասակս և յամենայն ՚ի վիճակս կենաց, որք և սարժանս անձանց համարին մայր և դայեակ իւրեանց ճանաչել զնա : Այլ ասա հոսկ ուրեմն՝ յաներկբայաբար հաւատարիս սրբութեան նորա, հաճեցաւ Աստուած ՚ի շուք առանձին փառաց նորա նա և բազմապատիկ սրանչեղագործ հրաշիւք հաստատել զնա :

Նորաձայն ընկերութիւնքդ երբէք ոչ ժխտեցին ՚ի զի մի հարկանել զբժել ինչ մարբութեան բարոյականին եկեղեցւոյն ուղղափառաց, և ոչ սրբութեան օրինաց նորա, բայց թէ պատիր բանիւք շատխօսութեան և խորամանկ զրպարտութեամբք :

Անդատին ՚ի հաստատելոյ քրիստոսական կրօնիցն մեծապէս խնամով ՚ի մի մատեան առեալ ժողովեցին ուղղափառք զհրահանգս գեղեցիկ վարուց, կամ թէ ասել զկանոնական սահմանադրութիւնսն, զոր ընդ ժամանակս ժամանակս կարգեցին ժողովք եկեղեցւոյ,

որք մասնաւորք և որք ընդհանուրք: Այս կանոնք ժողովոց բազմամաստեանք նարատակ ունին առհասարակ առնուլ համաստիիտ տարածել զարքայութիւնն Աստուծոյ, անբախտելի հաստել միութիւն, հաստատել շինութիւն, յորդորել զսէր, ընկձել նուաճել զկիրս անբանաւորս, և զբիւրասպատիկ զանկարգութիւնս. լուսափայլել զարդարել զատուածային պաշտամունս, և շուք փառաց յաւելուլ պաշտօնէիցն Աստուծոյ, ածել ձգել զամենայն իսկ զմարդիկ ՚ի մաքրութիւն վարուց և ՚ի ճշմարիտ իմաստութիւն:

Օրինչ, արէ ասա, մեյեակ պատուիրանօք խրովք եկեղեցի ուղղափառաց զինչ օրինադրէ հաւատացելոյ. զինչ տայ ուսուցանել, և դաս զօր ասել մանկանց անդատին ՚ի մատաղ տիոց նոցա. սուրբ պահել զաւուրս կիւրակէից, և զաւուրս նուիրականս տօնից ՚ի յիշատակ անձառ խորհրդոց փրկութեան մերոյ և հաւատոյս, պաշտել զԱստուած պատուելով զսուրբս նորա, զորոց և վնահաստակութիւնսն ինքնին Աստուած պրակեաց փառօք. պատրաստել զանձինս ՚ի սահմանեալ ժամանակս ՚ի մաքրասպէս ընդունելութիւն խորհրդոց եկեղեցոյ, զոր սահմանեաց Քրիստոս ՚ի փրկութիւն հոգւոց մերոց, պահել պահս և ժուծկարել ՚ի կերակրոյ. քաւել զմեղս մեռելութեամբ մարմնոյ. զորովք թերևս և անփոյթ առնէր հաւատացեալն՝ եթէ չէր պատուիրան ՚ի վերայ եղեալ:

Աւ առ այս դարձեալ զինչ զործէ եկեղեցիս այս սուրբ ՚ի ձեռն սրբազան նուագաց խրոց, և անդուլ սաղմոսերգութեամբքն, և երկայնաձիգ ժամասացութեամբքն՝ տունջնայնութքն և զիշերայնութք, և հանդիսաւոր արարողութեամբքն, և մեծախառ թափօրիւքն:

Ըն ինչ օրինադրէ նա և զհնչիւն զանգակայն և զկոչնակայն, զչքեղութիւն 'ի սպասարկութիւնն Ըստուծոյ, զխառաորութիւն տաճարայն, և զյաճախութիւն հրահանգայն զհաւատոյ և զխրոյց. բայց եթէ առ 'ի զհոգիս հաւատացիւցն առ Ըստուած ինքնին առնուլ մերձեցուցանել, և յերկրաբարշից աստի կորզել և յերկինս 'ի վեր հրաւիրել:

Բայց տեսարան զ՞ր այլ, բա՛րէ, զնորահրաշ սրբութեան կուսական մարութեան և զաւետարանական կատարելութեան մեզ 'ի դէմն ածէ այս եկեղեցի. տեսարան՝ որ հաստատեցաւ 'ի նմա յետ առաքելոյն կատարման, և սիրեալ տարածեցաւ բազմադէմ կերպարանաւ:

Քանզի և սաշտօնեայք սեղանոյն սրբութեան, և հովիւք խնամատարք հոգւոց, հրաշացեալք իմն ընդ մեծաշուք վիճակ սաշտաման իւրեանց, ընդ վսեմութիւն կոչմանն իւրեանց, և ուշ 'ի կուրծս արարեալ զկենդանագիր նկար բանին սրբոյ Ըստքեղակախին, եթէ՝ « Դուք ազգ էք ընտիր, քահանայութիւն, թագաւորութիւն, ազգ սուրբ, ժողովուրդ սեպհական » . և . Պետր . 2 . մեծասէս առաքինացան կեանս վարել հրեշտակակրօնս, և գոզցես այժմէն հոգիանալ յերկրի մինչև ելեալ 'ի յերկինս: Քանզի երկուցեալք եթէ գուցէ տաղտապեալք խափանեսցին յաստուածային սաշտամունն 'ի պատճառս ինչ աշխարհական զբոսանաց, կամ թէ հովացեալք ուժասցին ինչ Ղստուծոյ՝ որում ողջընծայք նուիրեցան, եթէ երբէք հարկեսցին 'ի տածել և 'ի սնուցանել և 'ի դաստիարակել զզաւակս, և թարթախել 'ի պէտս առ տնին հոգոցութեանց զերգաստանին, բնաւին իսկ՝ ողջոյն հրաժարական հտուն ամուսնական վիճակին մինչև իսպառ:

‘Ա’ գինչ ասեմ. և բիւք ոմանք աւաղիկ ’ի հոգե֊
 եռանդն քրիստոնէից՝ յարուայ և յիգայ՝ վառեցան
 հոգևով ընդ առաջին ուխտին մշտնջենաւոր ողջախո֊
 հութեան զուգել և զկամաւորն աղքատութիւն և
 դանձնանուէրն հնազանդութիւն. մեկնիլ գնալ ’ի մե֊
 նարանս և յաւէժաբար փակել զանձինս, կեանս վա֊
 բել խստամբերս, և զմարմինս ’ի խաչ հանել կարեօք
 և ցանկութեամբք հանդերձ՝ խալառ հրաժարելով
 յաշխարհէ: Ա՛ր այդոքիկ ’ի ձեր ընկերութիւնս:

Ինքնին Հոգին սուրբ՝ որ միշտ գրգայ ’ի սիրեցեալն
 իւր եկեղեցի, և որ ինքն միայն յաջողի ’ի գործս հրա֊
 շալեացս այսոյիկ, ընդ դարս դարս յարոյց հիմնա֊
 դիրս կարգաց կրօնից ականաւորաց. որ ’ի քաղաքս,
 որ յանապատս, որ ’ի մենարանս աճեցին և բազմա֊
 ցան ’ի թիւ բազմահոյլ անձանց առաքինեաց և հո֊
 գիացելոց: Աւ է մեզ յառաջին դարս եկեղեցւոյն մեծն
 Անտոնիոս, և մեծն Բասիլիոս, և մեծն Ազոտոսիոս,
 երանելին Բենեդիկտոս, և երանելին Մարտիրոս: Ապա
 և ըստ նոցանէն երանելեացն դասք, Փրանկիսկոս, և
 Գոմինիկոս, Բեռնարդոս, և Բրուսոն: Աւ ’ի վեր֊
 ջին յերկուս դարս և երանուհին Թերեզիա, վերանո֊
 րոգիչ խստակրօնն կարմեղայ. և երանելին Փրանկիա֊
 կոս Սալեղեան. և Փրանկիսկոս Պաւղոսեան. նոյն և
 հրաչալի ականաւոր արբայքն Տրապւեանք, խստամ֊
 բերութեան խաչին ընդգրկողք: Ա՛ս սուրբ և հիմնաբ֊
 կութիւնք բազմաթիւ վարժոցաց գղերց եկեղեցոյ, և
 բազմահոյլ բնակարանք գեղեցիկ հրահանգաց վարուց
 աշխարհականաց. որք ’ի Գաղլիա և առաւելապէս
 Ատալիա յորդեն միշտ և արծարծեն մինչև յաւուրս
 ժամանակաց մերոց, հովաքելոց զապաշխարութեան
 վխտակրօն կեանս և զեռանդն զնախնեաց միանձանց

եկեղեցւոյ և զբուն զառաջնոց քրիստոնէից երկնաբա-
զարացեաց :

Ճանաչես զու և ոչ զոք յանձանց անտի մարբա-
կենցաղից , որ բնակեն 'ի վայրն յայնոսիկ սրբութեան .
և կամ եթէ և լուիցես և դիտասցես ևս , 'ի սլատձա-
ոաց ինչ թերեսս վրպարտութեանց և դարովանաց և
այլանաց՝ զոր ընդդէմ 'նոցա արձակեսցին ձեր հո-
փւրդ և վերակայուրդ : Բայց ես՝ որ ճանաչեմ զբա-
զունս 'ի 'նոցանէ՝ ճշգրտեալ ստուգեմ՝ քեզ , եթէ ան-
ձինք 'նուիրեալք հաւատարիմք խրեանց ատուածային
կոչմանն բազմութիւք են 'ի յայն դարիս սրբութեան
և աւետարանական կատարելութեան . և թէ՛ բոլո-
րապտուղ ընծայեալ են Աստուծոյ զիղձս կամակար
սրտից խրեանց , և զի՛ անուշակ միսիթարութիւնքն
որով զմայլին նորա 'ի գիրկս գգուանաց երկնաւոր
վարդաստիտին խրեանց՝ անձառելիք են , և են են 'ի
'նոցանէ՝ որ երե ին ոչինչ երկրաբնակք , այլ ճշգրտիւ
երկնաբարացիք :

Օ՛խնչ ես ասացից և վասն անխար նշանին սրբու-
թեան եկեղեցւոյ ուղղափառաց . կամ թէ՛ զանսուտ
արհաւատչէ՛ն անսպառ ընթերակայութեան նորուն
խակ Հոգւոյն սրբոյ , որ յայտ յանդիմանութեամբ յան-
կուցանէ զսիրոյս . զառաւելութիւնս սարգեւայն ասեմ
աստուածայնոց և վերկնաւոր շնորհազարդութեանցն ,
որ անանջատք են 'ի սպասաւորութեանց սլաշտամանց
եկեղեցւոյս այսորիկ , և զհեղումն զակներև շնորհացն 'ի
հանդիսաւոր ինչ աւուրս տօնից՝ յառատաձեռնել անդ
Աստուծոյ մարդասիրութեանն՝ անձանց հաւատացե-
լոց , որ միանգամ սլատրաստեալ իցեն զանձինս յաս-
պնջականութիւն շնորհացն Հոգւոյն սրբոյ : « Աս
ընդ ձեզ եղիցի , խոստանաց տէրն , և ընդ ձեզ բնա-

կեսցի 'ի յաւիտեան » : Օձուժիւնն զայն զկենդանի
 և զանուշակ՝ որով ստէպ զգածեալք և հրձուին նորա
 որ առաջի կան սուրբ և անմահ սպատարազին, կամ
 աստուածային ժամասացութեանցն, կամ որք արժա-
 նադէս հաղորդին շնորհարաշխ խորհրդոց եկեղեցւոյ :

Քանի՛ն եռանդաբորբորս տեսանեմք մեք զնորատիք
 պատանիս զգզերս ընծայեալս 'ի ձեռնադրութիւն սրբ-
 բութեան . զմատաղերամ մանկտին յընդունել անդ
 զառաջին հաղորդութիւն սեղանոյն . և զամենայն ա-
 ւուրս զհաւատացեալ ժողովուրդն 'ի տեսանել զաս-
 տուածային սպատարագն բորբոքեալ օր ըստ օրէ ճըշ-
 մարխտ սիրովն Մատուծոյ :

Իսկ որ լուսաւորագոյն և ս ակներև կայ առաջի ա-
 մենեցուն յաղազս սրբութեան եկեղեցւոյն ուղղափա-
 սաց , է ինքնին հրաշիցն յայտնի ցուցակութիւն , զոր
 ստէպ հրաշագործեաց Մատուած ամենակարող աջովն,
 մանաւանդ 'ի ժամանակս՝ յորում հաւատացելոցն հա-
 ւառք տկարացեալ իմն՝ սկտք էին արժարծեկոյ 'ի
 հրաշից անտի :

Դու ինքնին գիտես իսկ քաջ . քանի՛ն բիրապա-
 տիկ նշանօք և արուեստիւք կառուցեալ հիմնեցան
 քրիստոսական կրօնք . և սարգև հրաշագործու-
 թեանցն միացեալ ըստ տէրունի խոստմանն՝ ընդ
 առաքելական քարովութեան աւետարանին՝ դարձոյց
 զտիեզերս : Այս այս սարգև շնորհաց միշտ լուսափայ-
 լեցաւ , մանաւանդ յառաջին դարս անդ . և սքանչե-
 լիքս այս գործեցան միշտ՝ ոչ այլ ուրեք՝ բայց յեկեղե-
 ցիս ուղղափառաց . որպէս առհասարակ վկայեն հարք
 սուրբք և վաւերական մատենագիրք :

Իսկ հերձուածողք օձտեալք յուղղափառ եկեղե-
 ցւոյ երբէք ոչինչ ժտեցին ունել և սարծել 'ի սար-

գևս յայտոսիկ : Այլ թէպէտև յետ հաստատութեան քարոզութեանն նուագեցին հրաշք՝ իբրու նուազ հարկաւորք, սակայն և այնպէս ոչինչ դըսցաւ Աստուած երբէք երբէք ցուցանել զաջ իւր . այլ միայն յեկեղեցի ուղղափառաց . յայտ արարեալ՝ եթէ զնա միշտ ծանեաւ իւր եկեղեցի :

Բայտ որում և դէպք եղեն ՚ի մետասաներորդ դարու . յորժամ աստ յարեմուտս ՚ի հերձուածոյ իմնմնէ տաղնապեցաւ եկեղեցի ճանաչել զըսն և զօրինաւոր յաջորդ զառաքելապետին Պետրոսի . և յայնժամ երանելին Քեռնարդոս ՚ի կողմն եղեալ ճշմարիտ յաջորդին, հաստատեաց զօրինաւորութիւն ընտրութեան նորա բազմադէմ՝ հրաշագործութեամբք :

Իսկ ՚ի հնգետասաներորդ դարու երանելին Վինկենտիոս Վերարեան զբազմութիւն զանհաւատից և զհերձուածողաց դարձոց սքանչելագործութեամբք ՚ի զանազան դաւառս Աւրոպայ :

Բայց որ առաւել ևս, ՚ի վեշտասաներորդ դարու երանելին Փրանկիսկոս Քսաւրեան առաքեալ ՚ի Հինդիկս և ՚ի Յաբոն, ծագել անդանօր զըյոս աւետարանին, ՚ի շոինդն բազմահոյլ հրաշից իւրոց ելից առհասարակ զայնատարած սահմանս զաշխարհացն զայնօցիկ : Այլ վկայ անսուտ է բանիս ինքնին Տավերնիէ ՚ի ձերոց անտի հաւատակցաց . նաև ամենայն սրտմազիբք ժամանակացն այնօցիկ ՚ի Պատմութեանն Յարոնեան :

Այլ հրաշագործութիւնք այսօրիկ անդուլ փայլակեն յեկեղեցի ուղղափառաց . և են իսկ հետաքննեալք և սրայքարեալք և հաստատեալք մեծապէս ճշգրտութեամբ : Քանզի ըստ իշխանութեանն՝ զոր էառ ՚ի Քրիստոսէ այս եկեղեցի՝ ոչ դադարէ ընդ ժամանակս

ժամանակս , որպէս և 'ի դարս անցեալս , դասել յար-
դարոց զսք 'ի դասս սրբոց , այլ սակայն յետ ճշգրտ-
տիւ ստուգելոյ այնչափ իմն անաչառ և այնչափ օրի-
նուոր և այնչափ վաւերական դատատանական քրն-
նութեամբ՝ զքրանչելիսն զոր գործեցին նորա . մինչև
և զձերայինսդ յապուշ հարկանել և տեղի ինչ յեր-
կուանաց չթողուլ :

Այլ արդ՝ որպէս տեսանես՝ քանի՞ ինչ իրք աւաղիկ
խոնկեցան 'ի հաստատել զսրբութիւն Ալկեղեցոյ ուղ-
ղափառաց :

ՆՈՐԱՂԱՆԵՐԻՆ

Տեսանեմ այս : Պարտ էր ուրեմն և որերոյն ուղ-
ղափառաց յիւրաքանչիւր կարգի՝ լինել սուրբս ըստ
սրբութեան եկեղեցւոյն իւրեանց , յոր և վարդապետին
'ի նմանէ զոր ամենայն :

Այլ մէք անկարգութիւնս քանի՞ն տեսանեմք 'ի
նոսա , քանի՞ սանձարձակ կեանս , և քանի՞ն դայ-
թակղութիւնս :

Իսկ ապա և մեր Ալկեղեցիք՝ նորաձայն անուա-
նեալքդ մարթին սարժիլ ունել ինչ սրբութիւն : Ա՛նք
հովիւք և վերակացուք անդուլ հրահանդեն զմեզ . քա-
րողութիւնս գեղեցիկս քարոզեն մեզ , և առաջնորդեն
մեզ 'ի բարին : Ա՛ռ այսոսիկ՝ է տեսանել 'ի հաւատա-
կիցս մեր արս բազումս բարեզգեացս և բարեկրօնս :

ՎԱՐԴԱՊԵՏՆ

Ա՛յլ երբէք զարմասցիա , թէպէտ և եկեղեցւոյ լը-
րութիւնս սուրբ իցէ , եթէ գտանիցին 'ի նմա և խեղա-

բարոյք և մկորաշաւիղք, և այն՝ բազմաթիւք: Ինքնին Տէրն բազում անգամ նախաձայն աղղեաց մեզ, եթէ՝ « Բազումք են կոչեցեալք, և սակաւք են ընտրեալք »:

Եւ որք միանգամ մարդասիրութեամբն Աստուծոյ ծնան՝ ի ծոց եկեղեցւոյ ուղղափառաց՝ զգրաւականն այն ունին վերկուծեանն իւրեանց, այլ սակայն երբէք ոչ հասցեն այնմ, եթէ չլցեն կատարեալք: Քանզի և քաջ իսկ ունին նոքա մարտ դնել կոուել ընդ կիրա կարեաց և ցանկութեանց. և եթէ յաղթել ոչ յաջողեցին, յանցաւորք առաւել գտանիցին քան զայնոսիկ՝ որ ոչն հանդիպեցան այնմ շնորհի, նաև առաւել վատթարք և առաւել խստասիրտք եղիցին նոքա քան զայն՝ որում չվիճակեցաւ ծնանել ՚ի ծոց ճշմարիտ եկեղեցւոյ:

Եւ արդ դու և վասն անձին քոյ զգոյշ կաց, յոր ժամ յաւուր միում՝ վիճակեցի քեզ մտանել ՚ի ծոց եկեղեցւոյն ուղղափառաց. քանզի սրարտս նոր յայն ժամ զանձամբ առցես՝ նորոգատուր կենաց բարեշաւութեան, առաւելագունի աստուածապաշտութեան սլատկաւ կալ, և ճշգրիտ ևս հաւատարմութեամբ կատարել զսրարտս քո: Իսկ անբաժ յայսմանէ՝ ոչ յաջողեցի քեզ ուղղափառիղ՝ ոչ սրբութիւն և ոչ վերկութիւն:

Բայց աղէ մեք առ վայր մի ՚ի քնին առցուք և զեկեղեցիս նորաձայնութեան ձերոյ, որ սլարձին վերանորոգիչ լինել եկեղեցւոյն Քրիստոսի. ըստ հաւատոյն, ըստ սրբութեան, ըստ արարողութեանցն, այլովքն հանդերձ: Բա՛հ է, քանի՞ն գտուցք մեք իրս իմն հակառակամարտս և դժոխքներս: Այք ոմանք իցեն հիմնադիրքն. սր իցէ վարդապետութիւնն հաւատոց. որսիսի սրբութիւնն, որսիսի ինչ իցէ կառավարութիւնն:

Ա. Եւ նախ առաջին, ոյք ոմանք իցեն հիմնադիրքդ : Ընդուշտ ասեմք քեզ բարեկամ . շեն ինձ միտք ոտնհարութեամբ խայտառակել զնոսա . այլ քաջ իսկ տեսանես դու զիս ստիպեալ 'ի հարկէ՝ ակներե աչաց քոյ ընծայել իրս իմն և զնացս դժոխարուրս և անասելիս : Ի նոցուն իսկ 'ի մատեանս ընթերցեալ է իմ զայնոսիկ և 'ի նոցունց քաղեմ . և կամ թէ 'ի զբոց նոցուն իսկ աշակերտացն և արբանեկաց :

Առաջին հիմնադիրն եկաց ինքնին Առթերոս . բայց շշուկ քանխօն հարաւ աշխարհի յանձնապատտան գոռոզութեան նորա : Չէ այս շատ : Որ շոինդն անհընարին հարաւ միանգամայն և անժուժկալ հեշտախտութեան նորա : Առթերոս 'ի զիրս ինչ ընդդէմ Հենրիկոսի Ա . արքային Ընդդից յաւակնեցաւ ասել նոր և անլուր ամբարհաւածութեամբ, եթէ թագաւորք, և քահանայապետք Հոռմայ շեն արժանի խոնարհել լուծանել զխրացս կոչկաց նորա :

Իսկ 'ի թղթի իւրում պատասխանի տուեալ առ Կորլէոս . գործք . Առթեր . հատ . 2 . « Օրմացար » թերես , ասէ , յասել իմում , եթէ մարդ արդարաւնայ միայն հաւատով : Այլ թէ երբէք ոք 'ի կուսակցայն Հոռմայ գայթակղեցի ընդ բանս , ասեմ » եթէ կուսակիցդ այդ և էշ՝ են 'ի մի կարգ : Մի » միայն պատճառն՝ զոր կայ ինձ ասել վասն բանիս , » այս է . ես այսպէս կամիմ և այսպէս պատուիրեմ . » և կամք իմ զտեղի ունին պատճառի » :

Եւ այլուր դարձեալ . 'ի հատ . 2 . « Ատմիմ ես . » ասէ , լինել ազատ . և ոչ ընդ իշխանութեամբ ուրուք դրաւեմ ես զանձն իմ . ոչ ժողովոյ , ոչ Համալսարանի ուրուք , և ոչ Քահանայապետի : Ընդդէմ զինիմ . հաստատեմ սնդեմ անլեհեր զայն ա-

» մենայն, որ ինձ երևի ճշմարիտ . եթէ 'ի գրոց հա-
 » նեալ իցեմ ես զայն հերձուածողի ուրուք, և եթէ
 » 'ի գրոց ուղղափառի : Այլ չէ ինձ ինչ փոյթ գիտել,
 » եթէ դատաւարտեալ իցէ այն 'ի ժողովոյ խմբէ և
 » կամ ընկալեալ » :

Իսկ ասոյս մոլեգին յարձակմունք Առթերի ընդ-
 դէմ Հայրապետայն Հոռլմայ՝ են արդարև իբրև
 զխեղաքեղց ումանց և զգիւաբախից . Չիք հնար ըն-
 թեոնուլ կամ ընդ զոր ինչ ասաց նա զնոցանէն՝ ա-
 ոանց յապուշ հարկանելոյ և քստմենելոյ . 'ի հատ . 2 .

« Այժմէ, ասէ, ընդ կախազանս ամբարձեալ կախին
 » գողք և աւազակք, և եթէ պատուհաս կրեն խեռք
 » և ստահակք և հերետիկոսք, մեք ասոյս ընդէր ձեռն
 » ոչ մխտցուք ամենայն ուժով մերով 'ի Արգինարան
 » և 'ի Հայրապետան, և առհասարակ յայն ընկեր-
 » շակառթիւն հոռլմէականն Սողոմայ, որ երբէք չդա-
 » դարէ ապականել զեկեղեցի Աստուծոյ : 'Կողէր ոչ
 » լուսացուք զձեռս մեր յապաժոյժ արեանց նոցա :
 » Աղէ դուք թող տուք առ վայր մի մարտ զնել կը-
 » ոուել ընդ մահաձտականս, ցորչափ անուն հայրա-
 » պետին Հոռլմայ կայ մնայ ընդ երկնաս » :

» Հոռլմայ հայրապետն գայլ է գիւաբախեալ 'ի
 » յայտոյն չարութեան : Պարտ էր միանգամայն ամե-
 » նայն քաղաքաց և ամենայն աւանաց յառնել միա-
 » բան ընդդէմ նորա : Այստահաբալ է հայրապետն .
 » 'ի դուրս թքանէ և ընդ ոնգունան արտաքս ժայթքէ
 » զհոյլս գիւաց » :

Չայս օրինակ աւաղիկ յիշոցիւք բարբառ անվհեր
 արձակէ հիմնադիրոյ այն մերանորոգութեան եկեղե-
 ցոյ Քրիստոսի . և 'ի վերայ այսր ամենայնի սրանձա-
 ցուցանէ զանձն, զոյ Առաքեալ Աստուծոյ :

Բայց որ զանհարին գայթակղութեան շինդն
 եհար ընդ ամենայն, եկաց նորա անժուկալ հեշտախ-
 տութիւնն: Ինքնին նա խոստովան եղև, եթէ յոր-
 ժամ յեկեղեցւոջ ուղղափառաց էր նա միանձնու-
 թեամբ կրօնաւորեալ ՚ի վանս, ճնշէր զմարմին իւր և
 ՚ի խաչ հանէր սրահօք և հսկմամբք և աղօթիւք, և
 խնամով պատկառ կայր պահպանութեան միանձնա-
 կան ուխտիցն ողջախոհութեան, աղքատութեան, և
 հնազանդութեան: Բայց անդէն և անդ իբրև ելիք
 եթող նա զայն եկեղեցի ՚ի պատճառաց ինչ՝ որոց նը-
 պատակ ոչ առաքինութիւնն էր, քան թէ կրիցն ան-
 տանձութիւն, յայնժամ միանդամայն ամենայն պահ-
 պանութիւնք միանձնական կարգին և առաւել քան
 զամենայն՝ ժուժկալութիւն ողջախոհութեանն, զժոխ-
 ըմբերք թուեցան նմա և տաղտկալիք և անտանելիք:

Աչինչ զամօթի հարաւ ինքնին նշաւակել զայն ՚ի
 ճառի ինչ իւրում լի գայթակղութեամբ՝ յաղաղս ա-
 մուսնութեան պսակին. ՚ի հատ. 5. « Զէ, ասէ,
 » յիշխանութեան խնում, ոչ լինել յարական սերէ,
 » և կամ ՚ի համար դասիլ իգականին. այլ սակայն
 » վարիլ նուխ հարկաւոր է ինձ առաւել քան զըմ-
 » պիւն, քան զուտեղն, և քան զնչչիւն ընդ ոնդունս »:

Եւ յաւել ևս ասել ՚ի նմին ճառի. « Իսկ թէ եր-
 » բէք օրինաւոր ամուսինն հրաժեշտ տացէ ընծայել
 » զանձն, մարթ է յառաջ կոչել զազախինն »:

Այլ, բարէ, ոչինչ խոստափեաց և զանլորն ասել
 քան և հաստատել, լի հայհոյութեամբ ՚ի հատ. 5.
 եթէ « Ըոճք և պոռնիկ կանայքն առաւել հաճոյք
 են Աստուծոյ քան զկուսանսն՝ որ առնեն զուխտ մի-
 անձնութեան ՚ի կրօնի. և թէ՛ կին սաղմնառեալ թէ-
 պէտ և յանօրինաւոր ևս յանկողնոյ, մարթի պարծիլ

եթէ գործ իւր հաճոյ իցէ Աստուծոյ . քանզի պտուղ բերէ՝ որ գլխովին գործ է ձեռին Աստուծոյ . և զի՛ նոյն իսկ աստուածահրաման բանին՝ « Աճեցէք և բազմացարուք » իրաւացուցանեն զսաղմնառութիւն նորա :

Աւարդ նա զայսօրինակ արկեալ հիմունս զվարույ սրբութեան, թէպէտ և ինքն քահանայ թէպէտ և միանձն ուխտաւոր ած՝ իւր ՚ի կին զԱստարինէն Պարեան, որ և սա ինքն էր միանձնուհի: Ասե ըստ խորհրդոյն Առթերի, յամին 1523, Աէնարդոսն Աուպերեան և այլք ևս ութք՚ի Արծնաւորաց յաիրշտակեցին ՚ի նովն իսկ մեծի աւուր աւագ ուրբաթի միանձնուհիս ինն ՚ի նովն մենաստանէ: Ճառ խօսեցաւ յայնժամ Առթեր ՚ի ներքող նոցա, և ՚ի բանս իւր յաւելեալ ասաց և զանկարծելին զայն. Պատմ. Աշկեղ. Աատաղիս Աղբքս. հատ. 6. եթէ « Այն նա » խատեցեն զձեզ. այլ ես ասեմ՝ ձեզ. եղբուք դուք » աւարառուք ոմանք երջանիկք և բարեբատիկք. որ » պիտի տէրն Քրիստոս եղև ՚ի վերայ երկրի, յորժամ » աւար հարեալ կապտեաց յիշխանէն աշխարհի մա » հուամք իւրով զզէն և զգարդ նորա և առ տարաւ » ընդ իւր ՚ի շուք յաղթանակին. զնոյն օրինակ և » դուք նահատակեալ փրկեցէք զհոգիս զհիբացելոյդ » այդոցիկ կուսանաց ՚ի խիստ բանտէ բոնաւոր մարդ » կանն: Առ այս՝ և յոյժ վայելագոյնս գործեցէք » զայդ ՚ի զատկին աւուրս. ըստ որում և ինքնին » տէրն ՚ի նովն ժամանակի առ զաւարն և ազատեաց » զոգիսն ՚ի կապարանէ խաւարին բանդի » :

Այլ այսօրիկ բանք Առթերի այնչափ իմն սաստիկ շուկ և խռով հարին, մինչև Ապրիլնի երկրորդ հիմնադրին՝ ոչինչ հայեցեալ և ՚ի շահ հասարակաց դա

տին , գրեաց այսպէս . « Բազմապատիկ մոլութեամբք
 » վարակեալ է Ղուծեր . իցէ թէ Աստուծով հոգ
 » կալցի դա խնամով սանձ դնել անժուժկաբութեան
 » իւրում . և պարսպեսցի մեծապէս ջանիւ 'ի խնել
 » զմոլութիւնսն » :

Բայց սակայն և Աղալլին ինքնին երկրորդն այն հիմ-
 նադիր նորաձայնութեանդ չէր ինչ ոք 'ի բաւաց : Այր
 և ինքն թերացեալ 'ի բազումն , և վարակեալ յախտս
 և ամեհացեալ 'ի վարս : Մաղձ դառնութեան և լիղի
 սրտամոլութեան և ամբարհաւած գոռոզութեան պա-
 տեալ սրաշարեալ էր զայրն : Աւստի և Բուկերոսն այն
 նախանձախնդիրն Ղուծերեան ասէր . եթէ ' իբրև
 գրուն կատաղի է Աղալլին , և յեռանդանէ սրտին խը-
 թանեալ բերի 'ի խածանել :

Իսկ և Մեղանթոն միւս այլ աշակերտ Ղուծերի
 ասէր զԱղալլինէն . եթէ ' Այր քինասան է նա և այր
 արինարբու . զկերպարանս առեալ զարտաքնայարդար
 համեստութեան և զչափու , քողածածուկ առնէ զու-
 նեան 'ի ներքս զամբարտաւանութիւնն և զանհնարին
 անձնասիրութիւնն :

Աւ ասաւքէն յարդեանց անտի գործոյն Աղալլինի
 յափշութիւն կրթեցան առհասարակ , յորժամ տեսին՝
 զև Միքայէլ Սերվետոս 'ի մահ գատապարտեցաւ այ-
 րիլ կենդանոցն 'ի հրամանէն Աղալլինի 'ի պատճառս
 ինդրոյ հաւատոյ : Քանզի այր իւրաքանչիւր զհետ
 կրթեալ յայնժամ սկզբանց վարդապետութեան Աղա-
 վլլինի , պարտ անձին համարէր զկանոն հաւատոյն իւ-
 րոյ գտանել 'ի գրոյ սրբոյ , և մեկնել իմանալ ըստ
 առանձին սեպհական լուսաւորութեանն : Աւստի և
 ինքնին Աղալլին չէր իշխան իբրև յանցաւոր գատա-
 պարտ առնել զՍերվետոս , որ ասաց անվնհեր՝ եթէ

ինքն 'ի գիրս սուրբս ոչ գտանէ զերբորդութիւն աստուածային անձանց :

Իսկ և Օլուինգլիոս, որ երկուք ամբ յետոյ քան զՂուծեր սկսաւ քարոզել, զհետ չորաւ վարդապետին իւրոյ . և թէպէտև ինքն քահանայ'անց 'ի վիճակ աշխարհական և ամուսնացաւ : Խոստովան եղև ինքնին անկեղծութեամբ զգիրս զանժուծկարութեանն . և ոչ ևս զայն ժխտեաց' եթէ անուանարկ գտաւ ինքն : « Օտապ ցանկութեան մարմնոյն , ասէ , որ ընդ մեզ » մարտ սաստիկ եղ, ժխտել չկարեմբ . որով և անուանարկ գտաք մեք առաջի եկեղեցեաց » : Այլ էր Օլուինգլիոս թող 'ի սկզբունս իւր . քանզի և ասէր իսկ' եթէ և 'ի հելժանոսաց որ այր բարեզգեաց և բարեպարիշտ է ինքնին քրիստոնեաց , թէպէտ և զլիսովին անձանօթ և անլուր լեալ անուանն Քրիստոսի :

Եւ ևս Կարողոս Ստաղիոս արքեպիսկոպոս Վիլգելմպերկայ և մի յականաւոր աշակերտացն Ղուծերի' ամ իւր կին և ամուսնացաւ հրտաբարկաւ . և ժպրոհեցան ևս Ղուծերեանք յայնժամ յաստուածային պաշտաման հռչակաւ կատարել զտօն ամուսնութեան նորա : Իսկ Մեղանթոն յաշակերտս Ղուծերի այր բնութեամբ համբոյր և չափաւոր' քաջիկ ծանուցեալ էր զՍտաղիոս . և աւասիկ քեզ զար գրեաց ինքնին Մեղանթոն վասն նորա 'ի թղթի իւրում առ Վրեստերիոս Միլզոն :

» Այր, ասէ, Ստաղիոս այր վայրագ, այր վայրեն
 » նամիտ, անբաժ 'ի դպրութեանց, անմասն 'ի հա
 » սարակայ ուշմութենէ, անձաշակ ոչ միայն յի
 » մաստից աստուածային ինչ ոգւոյ, այլ և ոչ գիտաց
 » նա երբէք 'ի գործ վարել ինչ մի 'ի պարտուց մարդ
 » կային քաղաքաւարութեան : Այլ նշանս իմն յայտ

» նիս էր տեսանել 'ի նմա զամբարշտութեան . և էր
 » ամենայն վարդապետութիւն նորա հրէական և խոռ-
 » վայոյց : Գատապարտ առնէր միանգամայն զամե-
 » նայն խկ օրէնս եկեալս յարտաքնոց . կամէր՝ զի
 » դատաստանք վճարեացին ըստ օրինայն Մովսիսի ,
 » զի ոչ ճանաչէր նա զգինչութիւն զքրիստոնէական
 » ազատութեան : Յանձին կալաւ զձախողակ վարդա-
 » պետութիւն զԱրևինակունքացն անդէն վարդաղակի ,
 » յորժամ՝ Արևողոս Նորէ՝ սկսաւ տարածել զայն 'ի
 » Գերմանիա : Եւ ահա յոգնաթիւք 'ի Գերմանա-
 » ցոց երաշխաւորք են ճշմարտութեան բանիցս » :
 Օայս այսպէս Մեղանժոն :

Բայց քեզ աւասիկ և այլ ոմն Ըոսպեալ և քարոզ
 նորաձայնութեան ձերոյ : Սա ինքն է Բեզա զխաւոր
 աշակերտ Ապլինի , և եկաց ինքն յաջորդ նորա 'ի
 Ղինէվրա : Անխմբ զտրա քերթածս ինչ , որ զանցա-
 նեն քան զչափ խայառակութեանց զանմարուր քեր-
 թածացն զԱլլոգիոսի և զԱտուրդոսի . և կոչէր նա
 զքերթածս իւր զայս « Երիտասարդականս » ոմանս :
 Սա յետ վաճառելոյ զժառանգաւորութիւնս իւր զե-
 կեղեցականս , փախեաւ ապալինեցաւ 'ի Ղինէվրա
 հանգերձ իւրով նորընծայ հարսամբն՝ որ էր աղջիկ
 ամուսնացեալ . զորոյ և զհոջակն եհար նա 'ի քեր-
 թածս իւր :

Բ . Եւ արդ եթէ այսպիսիք ոմանք կացին հիմնա-
 դիրք նորաբուսիկ եկեղեցոյդ , և որպիսի ապա եկաց
 և վարդապետութիւն նոցա : Եհա փոխանակ նորո-
 գերոյ զեկեղեցի Քրիստոսի և առաջնորդելոյ 'ի սրբո-
 թիւն անդր , միանգամայն տապալեալ կործանէ և զա-
 մենայն հիմունս զսրբութեան :

Առթեր և Ապլին և առհասարակ աշակերտք նո-

ցա և արքանեակք անդտին 'ի սկզբանէ՝ Հերձաներյն յեկեղեցոյ ուղղափառաց, հիմն զայս եղին քարոզութեան իւրեանց, եթէ՝ Յետ սկզբնական մեղաց չմնացինչ ազատութիւն 'ի մարդունս . և այսպէ՛ս զազատութիւնն 'ի միջոյ բարձեալ, չմնաց այնուհետև և ոչ արդիւնք ինչ և ոչ սրբութիւն . ուստի և մարդ ինքնապրաւ մասն լինի այնուհետև միանգամայն ամենայն յանցաւորութեանց և քարուականաց, և չգոն այնուհետև իրաւունք զատապարտ առնելոյ զմարդ իբրև յանցաւոր :

Առթեր ինքնին առ 'ի զօրաւորագոյն ևս տալացուցանել զայս, արձանագրեաց զիրս ինչ . և զմտաւածեալ՝ մակագրութիւն ևս հնարեաց նմա նոր . զի ոչ եղ զտխորականն և զհասարակացն՝ Յաղագս ազատ Անձնիչխանութեան, այլ՝ Յաղագս զերի Անձնիչխանութեան . Յաղագս ծառայ Անձնիչխանութեան : Այսասաց, եթէ՝ ազատ անձնիչխանութիւնն 'ի մարդունս է ըսկ անուն անգոյ . և թէ՛ ամենայն դէպք որ զխալին, և ամենայն գործք՝ որ գործին յարարածոյն, է գործ զլիսովին բացարձակ և անհրաժեշտ հարկի :

Իսկ և անդուստ Ապրիլին անդուլութեամբ քարոզէր և հաստատէր, եթէ՝ Պատուիրանք Աստուծոյ են անհնարինք : Այս ասէր իսկ յայտնապէս 'ի գիրս . 2 . 37 . Արդար . զայս, եթէ՝ « Օրէնքն Աստուծոյ անհնարինք են՝ հայեցեալ 'ի կարգ անդր զոր եղ ինքնին » Աստուած . և զձիւ նորա ասէ՛ խափան արկանէ 'ի կատարումն օրինացն » . Այլ իբրև ընդդէմ եղին նմա զնորուն իսկ զտեառն զասացեալն . « Այժմէ կամիս մտանել 'ի կեանս, սպահեա զստաւիրանս », տապնապեցաւ . սակայն և ժարհեցաւ սրտասխանի զայս տալ և հայհոյել . « Անդաւորեցաւ տէրն ասել

այնպէս » . քանզի զիտէր իսկ քաջ ինքն , եթէ պահ-
պանութիւն սրտուիրանայն Աստուծոյ անհնարին էր
'ի մարդկանէ :

Հանդերձ այսոքիւք ընդ վայր հարկանէր Առթեր
և զանմահութիւն հոգւոյն . 'ի հատ . 2 . « Անմահու-
» թիւն հոգւոյն՝ ասէ՛ է՛ 'ի կարգէ մասանց հաւա-
» սոյ՝ զոր հնարեցին հայրապետք Հոռվնայ , և առին
» 'ի վեր հանին զայն յաղբիւսաց հոռվնական սահ-
» մանադրութեանց » :

Բայց Ապլլին վարդապետէր և զայս . զիրք . 4 .
հրահանգ . եթէ՛ 'ի մկրտութեան ընդունին մանկունք
զթողութիւն ամենայն մեղաց խրեանց , նաև զսպառ-
նեացն : Օր ինչ աշակերտ խը յայտնաբանեաց
այսպէս . « Ար միանգամ՝ ասէ՛ յարին ոտոզի Յի-
» սուսի Քրիստոսի , արձակեալ է այնպիսին յախ-
» տեան 'ի մեղացն անցելոյ և սպազայից » : Այլ եթէ
այս այսպէս . որ այնուհետև տանձ կամ թումբ ընդ-
դէմ կայցէ երբէք մարդկան 'ի չափու ունել զանձինս ,
և ընթացիւն զկիրս , և սահման կարգել անորէնու-
թեանց :

Այլ երկորին միանգամայն հիմնադիրքդ Առթեր
և Ապլլին 'ի մի յայն գլխաւոր մասին վարդապետու-
թեան խրեանց անբակ միաբանեցան ասել , (զոր և աշ-
խարհ ամենայն գիտէ) , եթէ՛ Մարդ արդարանայ՝
անձին իբրում զարգիւնն Յիսուսի Քրիստոսի
տեառն մերոյ՝ առանց ինչ ներքին փոփոխութեան
հոգւոյ խրոյ և հաւատալով միայն , որ զինչ և իցեն
այնուհետև կեանք և վարք մարդոյն այնորիկ : Այլ թէ՛
առ 'ի փրկիլ շատ է հաստատութեամբ հաւատալն . և
փրկիլ թէ՛ պէտ և բազում ինչ մեղաց պարտական իցէ :
Իսկ Ապլլին յաւել և զայս , եթէ՛ Արդարութիւնն

զոր միանգամ ընկալաւ որ՝ անկորուստ է: Այւ արդա-
րեւ որ որ միանգամ՝ զաղատութիւնն ուրանայ, ան-
շուշտ այնպիսին ինքնին խարդաւանեցի ՚ի մոլորու-
թիւնս յայտոսիկ: Ժամ առից ես ՚ի յետազայ հրա-
հանգսդ խսրատ եղծանել զգոտա: Այլ մեք զխարդ
երբէք կարատոյութի սրբութիւն անդր առնուլ սրատ
շաճել զայդոսիկ:

Ահա Առթեր յառաջագէտ ևս խտրայ յասել անդ
իւրում զանձնէ. ՚ի հատ. Ա սկզբանց իւրոց. եթէ՝
« Բաջ խակ գիտէ ինքն, զի իշխան է տատանայ քա-
» րովել զհաւատս, զանձամբ զստասարկութիւնս առ-
» նուլ զպաշտօնէի Աստուծոյ և զհովուի, և մատա-
» կարարել զնորհուրդս »: Խակ և Ապրիլն մեկնա-
բանեալ զասացեալն առաքելոյն, « Առժեալ զերկունս
դժոխոց », յանդգնագոյն ևս խաղայ՝ յասելն, եթէ՝
Յիսուս Քրիստոս ՚ի վերայ խաչափայտին մինչև ՚ի
յուսահատութիւն անդր կրթեցաւ. և առ ժամանակ
մի զտանջանայն զվորձ էառ զգատապարտելոյն:

Այւ արդ զխարդ երբէք դժոխալուր այս հայհոյու-
թիւնք զուզահետ երբէք ընթացային ընդ սրբութեան
վարդապետութեան մարդոյ, որ Աստուծոյ ինքնին
առաքեալ իցէ ՚ի նորոգել զեկեղեցի:

Գ. Բայց աղէ, տեսցութ և վայր մի. զնր նորոգու-
թիւն երբէք գործեաց Ապրիլն հիմնագիր նորաձայ-
նութեանդ՝ յորոյ վարժարանին և դու ինքնին դաս-
տիարակեցար ՚ի մանկութենէ,

Նորոգեաց այս աւագիկ զարգիւնս գործոց զա-
պաշխարութեան, զժուժկալութեան, զպահոց քա-
ռանսօրէից. և բնաւ խակ զայն ամենայն որ օգտամա-
տոյց էին մարդոյ ՚ի նուաճել զիղձս և զկիրս անբնա-
ւորս. և առնուլ վերածել զնա ՚ի սրբութիւն անդր:

Պնջեաց երարձ 'ի միջոյ զխորհրդական խոստովա-
նութիւնն, որ այն ինքն էր դեղ և դարման զօրաւոր
'ի նորոգումն վարուց և կենաց, 'ի գեղեցիկ հարկա-
պահանջութիւն հաւատացելոց 'ի քննել հետապօտել
հաւատարմութեամբ իւրաքանչիւր զվիճակ խղճի մը-
տաց, 'ի բաց զխէթս վարատել զհոգւոյն և անդոր-
րանալ, 'ի լինել ամբաստան զմեղացն գործեցելոց՝ ա-
ռանց 'ի չքմեղս լինելոյ, 'ի զուել և յապաշաւել
վասն այնոցիկ, և ասպաշխարանօքն քաւել, և լսել և
առնուլ խրատս աստուածիմաստս և յորդորս փրկա-
ւէտս զգուշանալ և զգաստութեամբ պարկեշտանալ
յապագայս,

Այո՛ նորոգեաց աւաղիկ և զբազմագոյնսն 'ի խոր-
հրդոց եկեղեցւոյ. զվերջին թողակ վերկուլթեանն, և
գօծումն վերջին. այն որ 'ի հոգեվարսն օժանդակք
հզօրք են հաւատացելոյ անձինն:

Այո՛ նորոգեաց նա և զՎարդն. այն որ շնորհա-
բաշխութեամբն տայ զօրութիւն պաշտօնելոց եկեղեցւոյ
Քրիստոսի արժանապէս սրբութեամբ կատարել զաս-
տուածային սպասարկութիւնսն յիւրաքանչիւր կարգի:

Նորոգեաց նա և զխորհուրդ սրբոյ Պատմին:

Նորոգել նորոգեաց և զխորհուրդ սրբոյ Հաղոր-
դութեանն. քանզի բարձեալ 'ի միջոյ վերական ներ-
կայութիւն մարմնոյն Քրիստոսի, ոչինչ այլ եթող անդ
'ի խորհուրդն, բայց պատառ մի հացի և արարողու-
թիւն իմն լոկ և ումպէտ: Աւ զխմրդ ազգեսցէ պա-
տառդ լոկ հացի 'ի հոգին զօրութիւնն, զար ազգեն
հաւատք 'ի հոգիս ուղղափառաց, որ զճմարխտ մար-
մին և զարիւն տեառն Յիսուսի տեսանեն հաւատով և
դաւանեն և ճաշակեն ընդ նշանակօք հացին և զին-
ւոյն: Նորոգեաց նա զայս ամենայն. քանզի երարձ

զայս ամենայն : Այլ չեղև նմա շատ այս ամենայն : Աբարձ նա յաստուածային սլաշտամանէն և զամենայն զմեծվայելութիւն և զըռք փառաց : Ասև զամենայն կարգ սլաշտոնէից և զՏաբատակութիւն զառաջնորդաց նորոգեաց . քանզի եղծ և խանդարեաց :

Օ որ և սասարիկ կշտամբանօք յերեսս եհար Ապլվինի Ավիֆդ՝ Անգղիական հերձուածոյն վարդապետ՝ յիւրում հանճարիմաց սրտմութեանն որ անուանեալ կոչի Տակառ : Ամանեցոյց ՚ի նմա Ավիֆդ զյստակ վարդապետութիւնն Վրիստոսի պարզ և անպաճոյճ հանդերձի , բայց որ արգոյ իցէ և պատուական . զոր այր տանուտէր՝ ասէ՝ թողեալ իցէ յաւանդ որդւոց իւրոց : Արդ ասէ Ավիֆդ (ըստ Անգղիական իւրոց սկզբանցն) , եթէ՝ յորժամ եկեղեցի ուղղափառաց առեալ զանպաճոյճ հանդերձն զայն , եզ յաւել ՚ի նմա արդս և զարդս աւելորդս , յայնժամ Անգղիական եկեղեցի հոգ յանձին կարաւ բառնալ զայնոսիկ և մաքրել զհանդերձն ՚ի պաճուճանայն մեծապէս իմաստութեամբ . և ճշգրտիւ այնպէս իմն յաջողեցաւ ՚ի նոյն , զի և ամենն ին ոչ այլայեաց և խանդարեաց զգոյութիւն հանդերձին : Այլ ասպա սկսանի նկարել զԱպլվին իբրև այր խելայեղ , որ մոլեղնեալ կատաղութեամբ առ և ընդ ոսն եհար ողջոյն զհանդերձն զայն արգոյ , և ՚ի վերջէ՝ պատառոտեալ համբուն եզ զայն ՚ի բազում ծուէնս :

Այլ արդ տեսցուք վայր մի . զմը փոփոխութիւն ՚ի վարս և ՚ի գնացս առթեաց գեղեցիկիզ այդ նորոգութիւն , որում առաջնորդք գօտէսնդեցան կալ Առթեր և Ապլվին : Առիցուք մեք զայն ինչ՝ զոր ինքնին Առթեր խոստովանեցաւ ՚ի Վարդոս իւր . ՚ի դ՛ . « Տե » սանեմք մեք՝ ասէ՝ զի յայժմուս ՚ի հնարից շարութեան

» սատանայի գրղիալք, առաւել ևս աղահօք ևն մար-
 » դիկ, առաւել անագորոյնք, առաւել փստաւորք,
 » առաւել խեղք և ստահակք, և վատթարագոյնք
 » յոյժ քան զոր էին երբեմն ընդ հովուութեամբ
 » Հոովմայ » :

Իսկ և Վալվին խոստովան եղև այսպէս . « Ի սա-
 » կաւածիւն՝ ասէ՛ յայն ժողով մարդկան, որ բաժա-
 » նեցան ՚ի կուսակաշտութենէ անաթի հովուին Հոով-
 » մայ, գտանին բաղմագոյնք լի կեղծաւորութեամբք
 » և սրատիր խարէութեամբք : Վերպարանս ունին ար-
 » տաբոյ զմեծապէս նախանձախնդրութեան . այլ լծէ
 » քաջիկ քննեցես զնոսա, գտցես լի խորամանկու-
 » թեամբք » : Եւ ասիկ քեզ սրբութիւնն, զոր ներգոր-
 ծեաց նորաձայնութիւնդ Եւթերի և Վալվինի . և զսր
 խոստովանին ինքնին Եւթեր և Վալվին :

ՆՈՐԱՂԱՆԴԻՆ

Թէպէտ և գտանիցին ևս այգորիկ բանք ՚ի մա-
 տեանս իսկ նոցա . սակայն և ՚ի նշանաց հրաշալեաց՝
 զոր ապա ցուցին նոքա, հաստատեցին զճշմարտու-
 թիւն վարդապետութեան վերանորոգութեան իւ-
 թեանց : Յուշ ածեմ քեզ՝ զոր գիտես՝ զհամբաւեան
 սրանչերագործութիւն Վալվինի ՚ի մեռեալն Պրուլէ :
 Եւ զբժշկութիւն Եւթերի երգմնեցուցլի ՚ի վերայ կը-
 նոջն այսահարի ՚ի Վ իգդէմպէրի : Եւ այստիկ՝ և
 զնախատես մարգարէութիւնն նորուն Եւթերի վասն
 ապագայից :

ՎԱՐԴԱՊԵՏՆ

Օհոյն և Խս ինքն՝ յետ այսչափ փաստարանու թեանցս պատրաստեալ էի խնդրել և զայս ինչ, եթէ արդեօք յետ այսր ամենայնի պարտ իցէ մեզ նաև նըշանս ինչ հրաշից ՚ի հաստատութիւն սրբութեան վարդապետութեանն պահանջել Մտաբերոց այտի հիմնագրացն՝ ձերոց : Այլ ահա առիկ գտանեմք մեք, զի և նորա ևս հրաշագործեցին . բայց սակայն յայնց հրաշից, զորոց անդ ՚ի հնումն Տերտուղիանոս գրեաց, եթէ գործեցին զնոյն ՚ի հերետիկոսաց ոմանք՝ որ առ իւրովքն ժամանակօք : Քանզի ՚ի գիրս 'Սախազրութեանց, « Արք ՚ի Քրիստոսէ՝ ասէ Տերտուղիանոս՝ որք ՚ի Քրիստոսէ առաքեցան, զմեռեալս յարուցանէին . իսկ սոքա աւագիկ զկենդանիս մեռուցանեն » :

Արդ զբան զայս Տերտուղեաց աւագիկ արդեամբք ճշգրտեաց յանձին և կատարեաց Վարվինդ ձեր : Ահա պատմագիր վարուց նորա ճշմարտապատում՝ Վալսէս ՚ի զԼ. 7. պատմէ, եթէ իբրև կամեցաւ Վարվին հաւատարիմ՝ զիւրն գործել վարդապետութիւն նաև ՚ի սքանչելագործ հրաշից, բանս եղ ընդ առն միում անուն Պրուլէ, և սրատուէր ևս ՚ի վերայ կարգեաց նորա ձեանալ իբրև մեռեալ, և ՚ի հրամայել իւրում անդէն վաղվաղակի յառնել ՚ի զագաղէն . զի այնպէս զսուտ մեռեալն ՚ի կեանս վերակոչելով, երևեսցի ինքն զպարզէն ունել զհրաշից զառաքելութեանն : Արդ իբրև սրն և ժամն եհաս, և անդուստ ձայն ճոխաբար արձակեաց յայնժամ Վարվին առ այրն յառնել վաղվաղակի ՚ի զագաղէ մեռելութեանն, և հրամայէր իբրու զայլ ոմն Քրիստոս, « Ա՛ղաբէ՛ արի եկ

արտաբն » , նա ոչ զձայնն լուաւ և ոչ 'ի կայիցն ինչ
 իւրոց խորտեցաւ . այնպէս անշարժ և անշունջ և ան-
 յարիր կայր մնայր միշտ 'ի դադարի անդ : Աստուծոյ
 մնացին և վայրիկ մի ևս . և ասլա զկեղծ մեռեալն ըզ-
 Պրուլէ գտանէին ճշմարտապէս մեռեալ : Օայս այս-
 պէս ստուգագիր պատմիչն Ապրիլի Պարսէս . և ար-
 գարացոց զՏերտուղիանոս , եթէ հերետիկոսք զկեն-
 դանիս մեռուցանեն :

Իսկ պատմագիր վարուցն Առթերի , պատմէ՝ եթէ
 յամին 1545 զկին մի այտահարեալ կամեցաւ Առթեր
 երկմնեցուցանել յեկեղեցւոջն Վիզիտայէնիկայ ա-
 ռաջի բազմամբօս ժողովոյեան 'ի զինն կացելոյ , իբրու-
 'ի հաւատտիս ճշմարտութեան վարդապետութեան իւ-
 րոց : Իբրև ժամն ևհաս և սկսաւ հանդիսանալ Առ-
 թեր , կինն դիւահար արհամարհեալ զտրութիւն երկ-
 մնեցուցման նորա , վազեաց մոլեգին 'ի վերայ 'ի բուն
 իւր արկանել պնդապէս զիտոն Առթերի , և այնպէս
 մազապուր 'ի փախուստ խուճապեցոց զԱռթեր . սա-
 կայն 'ի տաստիկ զարհուրանայն անկաւ և նուաղեցաւ
 Առթեր , մինչև կարծել ամենեցուն՝ թէ եհան զուրի :

Այլ թէ 'ի սրարգևէ հրաշիցն վրիպեցան դորա ,
 արդեօք զպարգև մարդարեութեանն զոր ասացիք , ըն-
 կալան հիմնադիրքդ այգոքիկ : Օայդ դու ինքնին ի-
 մասցիս այժմ՝ ճշգրտիւ : Առթերոս աւաղիկ մարգա-
 րէացաւ ոչ միանգամ , այլ բազում , եթէ անշուշտ ինքն
 'ի չիք դարձուսցէ զթագաւորութիւն զհովուին Հոուլ-
 մոյ : Այլ քանզի մտտահ էր յանձն իւր 'ի գլուխ հա-
 նել զգործն զայն զմեծ , սովորեցաւ ստեպ ստեպ յա-
 ւակնապոյնս յեղյեղել զբան իւր զայն , « Անդանեաւ
 » իմով ժամտախտ քո եղէց , ուր Պասրդ . իսկ և 'ի
 » մահուս՝ մահ քո եղէց եւ անշուշտ » : Օայս ասեր .

և հաշիւ ևս արարեալ զժամանակաց, համարեցաւ
 գտանել և զտարին գլխավին վերժամման Պապին,
 նաև զաշխարհի առհասարակ. զոր ոմն ՚ի նորայայ
 անտի ժամանակագիր՝ անուանին այն Դիւռիէօ հե-
 տաբնեալ ճշգրիտ, սահմանեաց ապա զտարին 1714:
 Ըստ սակայն ՚ի վերայ տարւոյս այսորիկ անցեալ է
 աւագիկ աւելի քան զգարու միոյ ժամանակ, և տա-
 կալին կայ մնայ աշխարհ հանդերձ հայրապետան
 Հոովմոյ:

ՆՈՐԱՂԱՆԴՆ

Ըստ թողեալ առ այժմ՝ զայդոսիկ, նորին խկ ելքդ
 այդ բարեյաջողք հիմնադրայն մերոյ սքանչելիք ոչ
 զարմացոցին զքեզ. և զհարդ այդ ձեռք ընդ ձեռք յա-
 ուջադէմ ընդ ամենայն վայրս բարգաւաճանքդ Լու-
 թերի և Վարլիս և նոյոուն աշակերտաց ոչ հրաշարուք
 թուեսցին քեզ. և բնաւ խկ զտեղի շունիցին դուք
 գութանչեղադործ արուեստից և զնախաստես մարգա-
 րէութեանց:

ՎԱՐԴԱՊԵՏՆ

Եւ ոչ բնաւ երբէք: Ոչ ահա և դու ինքնին հրա-
 շագործութիւն ոչ համարեսցիս զբարգաւաճմանն և
 զճարակել զՎրիտսակահուութեանն, որ քան զԼութե-
 րականն առաւել սիխոտ տարածեցաւ արագ արագ. և
 ոչ դու վարձեալ ՚ի սքանչելեաց ինչ մասին դիցես
 գլխառաջատուութիւնն զրազմագան այլ զաղանդոյն և
 զհերձուածոյ: Եւ կամ թէ Սահմտականութիւնն
 ինքնին գլխավին ՚ի մասին յայսմիկ ոչ յաղժանակեաց
 ամենայնին:

Ճնն զարմանք, եթէ զգժուարակիրսն ՚ի քրիստո-

սական կրօնիցն 'ի բայ բառնարով, և զանձուկ ճանապարհն կենաց՝ զոր ասաց տէրն՝ ընդարձակելով, և հրապուրից կարեաց մարմնոյն թող առնելով, և արձակ արձակ միանգամայն զամենայն զգուրս մենաստանացն բանալով, և վշխանաց և զաբքայից զչահախնդրութիւնսն տածելով, և 'ի նոցուն սրառակտելոյն՝ բարեպատեհ ժամ անձանց գտանելով, և ըստ բերմանց ժամանակին՝ բռնութիւն ևս յայտնի ընդ խորամանկ գնացսն խառնելով, չեն զարմանք՝ ասեմ՝ եթէ Մութեր և Ազլին այնչափ եկամուտս անձանց սագրեցին:

Յորժամ Մութերոս յամին 1559, թող ևս Փիլիպպոսի Անտոկրալեաց Հեսեան՝ առնուլ կին երկրորդ, և կալաւ նա 'ի միում անդ ժամանակի կանայս երկուս, բանլի և կենդանի էր առաջինն, յայտնապէս ապա սերս կուսակից իւր յարդարեաց զՆախարարն զայն զմեծ և գնախաթոնն 'ի Մմալքատեան սահմանին: Իսկ նախարարն առ 'ի զթոյլութիւն զայս հրամանի գտանել 'ի Մութերէ, խոստացաւ նմա միանգամայն զամենայն հաստ զեկամտից զկանորէից սահմանին իւրոյ:

Այլ զի է քեզ զարմանալ. ոչ զնոյն զայն նախատեսալ երանելի առաքեալն Պաղոս՝ գրեաց առ սիրելին իւր Տիմոթէոս. թ. Տիմ. 3. եթէ եկեացէ ժամանակ՝ յորում հերձուածք մեծապէս չարչարեցնին զեկեղեցի. բայց յառաջողէմ խաղալ դոցա յեր բարեպաշտոյ՝ ոչինչ ունիցի սանանել հաւատոցն Տիմոթեայ. « Այլ մարդք չարք, ասէ, յառաջ եկեացնին » 'ի չար անդր, մուրեալք և մուրեցուցանիցնին: Այլ « դու հաստատուն կայ յոր ուսարդ և հաւատարիմ » եղեր, զիտես ուստի ուսար »:

ՆՈՐԱԴԱՆԴՆ

Այլ արդ շատ է, տէր, և քաջ է . լուսյ հաւանութեամբ և ընդունիմ՝ հաճութեամբ զոր միանգամ ասացիր փաստարանութեամբ յաղագս չորից նշանայ եկեղեցւոյ Քրիստոսի, յաղագս Միութեանն և Սրբութեանն, Վեղահանրականութեանն և Առաքելականութեանն : Ան այս և յաղագս վարդապետութեան և յաղագս կենաց և վարուց հիմնադրացն նորաձայնից, այլովքն հանդերձ : Այլ քաջ իսկ անսանեմ՝ ես աւագիկ, զի քառեակբոյ այդ նշանք ճշգրտիչք եկեղեցւոյն Քրիստոսի՝ անհրաժեշտ սրատշաձեցան եկեղեցւոյն ուղղափառաց . և ըստ ճշգրտութեան՝ անհաղորդք են այնոցիկ ժողովք նորաձայնիցն :

Բայց ես յիշեմ, զի բայց ՚ի քառից նշանացդ՝ ազդինձ երբեմն արարեր և յաղագս այլոց ինչ յատկութեանց՝ որ տիրականք են, և իբրու գտանին միայն յեկեղեցի ուղղափառաց : Արդ և վասն այդոցիկ սրայբարել աղաչեմ :

ՎԱՐԴԱՊԵՏՆ

Զի իմ յնուսցեալ խօսել քեզ վասն այդոցիկ . բայց զարդ իս անցից սղազ ունիւք, քանզի և հեշտեաւ իմաստասիրեսցես դու զայդոսիկ և ՚ի յառաջագոյն քեզ ասացելոյս :

Արդ եկեղեցի Քրիստոսի ունի և յատկութիւնս իմն տիրականս, որք թէպէտ և սարզապէս բառիւք ոչ յայսնեցան յերկոսին Հանգանակս քրիստոսական հաւատոյն, այլ սակայն զիւրեաւ որ իմաստասիրեսցէ զայդոսիկ ՚ի նոսա : Քանզի հարք սորբք և աստուա-

ծաբանք եկեղեցւոյ յերիս տիրապէս յանդէն զայնո՝
տիկ . այն ինքն է՝ Անպակասութիւն , Արեւելութիւն ,
և Անսխալութիւն :

Անպակասութիւն կամ թէ մշտնջենաւորել եկեղե-
ցւոյ է , որով կայցէ մնասցէ նա անդստին ՚ի Հիմնար-
կութենէն անընդհատ մինչև ՚ի կատարած աշխարհի :

Արեւելութիւնն է , որով միշտ ծանուցաւ նա , և
միշտ մարթ է ճանաչել զնա և ճշգրտիւ տարբերել
զնա յայլոց ժողովոց մարդկան , և զիմել յատեան
նորա և առնուլ ընդունել զպատգամս նորա :

Իսկ ապա Անսխալութիւն նորա , զի անմարթ է
եկեղեցւոյ Վրիստոսի անկանել ՚ի մոլորութիւնս ինչ
՚ի հաւատոյս :

Այս երբեակ յատկութիւնք պատշաճին եկեղեցւոյն
Վրիստոսի . և զսպայտոյս նոցա քաջայայտս է զտա-
նել ՚ի զիրս սուրբս , նաև յերկոսին և ս հանդանակս :
Վանդի խոստումն անուտ կնքեաց Վրիստոս առա-
քե ոյն՝ եթէ հանապազ կայցէ ընդ նոսա և ընդ յա-
ջորդս նոցա . « Մեզ ձեզ եմ , առէ , զամենայն աւուրս
մինչև ՚ի կատարած աշխարհի » : Անպակասելի ուրեմն
է եկեղեցի :

Նաև լուսաւորագոյնս ասաց տէրն . « Աթէ մեղի
» ցէ քեզ եղբայր քո , ասասջիր եկեղեցւոյն . և եթէ
» եկեղեցւոյն ոչ լուխցէ , եղցի քեզ իբրև զհեթա-
» նոսն և զմաքսաւոր » . քանզի համախաբութիւն
այնախիսի է եկեղեցի , յոր մարթ է ամենեցուն զիմել .
է և ատեանս սրատպամատու , որում սլարտ է լսել և
հնազանդել : Ապա ուրեմն երևելի է նա :

Առ այս դարձեալ՝ կառնի Աստուած զփրկութիւն
մարդկան , որոց վասն զարիւն իւր եհեղ Վրիստոս :
Առ քանզի արտասրոյ եկեղեցւոյ չիք փրկութիւն , սլարտ

է ուրեմն եկեղեցւոյն Վրիստոսի կալ մնալ մինչև ՚ի կատարած աշխարհի, զի մինչև խաղառ յաջողեացի արդարոյն փրկութեան հասանել: Պարտ է դարձեալ, զի կարող լիլին նորա ճանաչել զայս եկեղեցի, և յայլոց ամենեցուն հերձուածոց ընտրել զնա: Ընդոյախտեղի ուրեմն սարտ է լինել եկեղեցւոյ, միանգամայն և երևելի:

Իսկ Ընդոյախտութիւն նորա անդրժելի միշտ կայ մնայ, զի յաւրժաբար է ընդ նմա Վրիստոս, որպէս և խոտտացաւ նմա. և զի՝ և նախաձայն վճիռ եհատ, եթէ « Գրունք դժոխոց զնա մի յողթահարեցին »:

Բայց զերբեակ զայս յատկութիւնս իմաստասիրեսցես դու հեշտեաւ նաև ՚ի կրկին Հանգանակսն հաւատոյ: Վանդի սահմանեցան այդ հանգանակք ասել զայն ամենայն հաւատացելոց և յամենայն ժամանակի. և որպէս զի մարթիցէ ասել միշտ, եթէ « Հաւատամ՝ յեկեղեցի » . սարտ է ուրեմն զի միշտ անսպակասելի կայցէ այդ եկեղեցի:

Գարձեսո՛ւ առ ՚ի դաւանել զայս եկեղեցի և կոչել զնա « Կաթողիկէ », սարտ է ճանաչել զնա և զիմեղ առ նա՝ իբրու որ տարածեալ է ընդ ամենայն երկիր: Եւ նա ուրեմն երևելի:

Եւ հուսկ ուրեմն, եթէ և « Սուրբ » սարտ է կոչել զնա և դաւանել և հաւատալ վարդապետութեան նորա, սարտ է ուրեմն և անսխալ լինել նմա:

Ըրդ այսուհետև կայ ինձ ցուցանել քեզ ոչ այլ ինչ, բայց՝ եթէ յատկութիւնքդ այդ ՚ի դէպ դան միայն եկեղեցւոյն ուղղափառաց, և ոչ ժողովոց ձերոց նորաձեւութեան: Ըստքէն ՚ի յառաջադիր հրահանգսդ ասպայուցեալ է իմ քեզ, եթէ եկեղեցի ուղղափառաց եկայ մնայ անընդհատ անդասին յառա-

քելոյ անտի մինչև առ մեզ : Իսկ յերկրորդում՝ Տրամախոսութեան ցուցի քեզ ճշգրտիւ , եթէ նա է այն՝ զոր հիմնեաց ինքնին Վրիստոս : Արդ եկեղեցի հիմնեալ ՚ի Վրիստոսէ ըստ անուստ խոստմանն կացցէ մնաոցէ մինչև ՚ի կատարած աշխարհի : Ակեղեցի ուրեմն ուղղափառաց է անսպակասելի :

Նաև միշտ եկաց երևելի . քանզի և միշտ համախըմբութիւն կազմեալ կայր ՚ի նմանէ . և զի միշտ և զլուս գոք ծանեալ իւր . գարձեալ և եպիսկոպոսունս , և հովիւս , և առաջնորդս ըստ կարգի հպատակութեան իւրաքանչիւր : Առ այս՝ և օրէնս հասարակաց , և սրաշտամունս , և արարողութիւնս . և բնաւ իսկ զամենայն՝ որ միանգամ յերևանի կացուցանէ զընկերութիւնն :

Յուցի քեզ դարձեալ ՚ի խօսել անդ յաղագս կաթողիկէութեանն , եթէ բազմաթիւ առաւել է այս եկեղեցի , և համասփիռ առաւել քան զայլ ամենայն ընկերութիւնս՝ որ հերձեալքն են ՚ի նմանէ : Առ ՚ի վերջէ՝ եթէ միշտ եղիցի նա երևելի , քանզի հիմնադրեալ է ՚ի Վրիստոսէ . և վասն այսորիկ ՚ի ծոցի նորա միայն մարթ է սրբութեան հանդիպել , ուստի և վասն այսորիկ մարթ է միշտ ձանաչել զնա և ընտրել : Իսկ անսխալութիւն նորա՝ որպէս հաւանեցուցի զքեզ՝ աներկբայաբար կիբեցաւ ՚ի ատրոնի խոստմանցն . և աստ աւասիկ յանգեցից զայս ճշմարտութիւն , լուսաւորագոյն ևս ցուցանելով քեզ ՚ի յաջորդ Տրամախոսութիւնսդ , եթէ անհնար է ուրեմն ունել զճշմարտ հաւատս՝ բայց եթէ ՚ի ծոցի նորա :

Բայց մեր այժմիկ վայր մի յառաջ մատուցեալ և յընկերութիւնս անդր նորաձևութեանդ ձերոյ , ՚ի քնին առցուք՝ եթէ արդեօք ինչ մի ՚ի յատկութեանդ յայդցանէ մօրթիցին՝ դոքա ընծայել անձանց :

Աստ ուստեք, աղէ ասա, առնուցուն գոբա զան պակասութիւն իւրեանց. զի որ հիմնեաց զնոսա՝ չէ ինքնին Քրիստոս:

Ուրանօր էին ընկերութիւնքդ ձեր յառաջ քան զՂաթեր և զՎաղվին: Այ որք ոչն կային չորիւք դարաք յառաջ, ո՞նք ժտեսցի երաշխաւոր ընել յապայտ վանն տևողութեան գոցա: Ո՞չ աւազիկ նոյն դէպք գիպեսցին գոցա, որ ինչ միանգամ և այլոց հերձուածոց առհասարակ. զորս եկեղեցի ուղղափառաց՝ ի բաց որոշեաց ՚ի գրկաց իւրոց անդատին ՚ի ծննդենէ նոցա:

Բազմահարուստ ժամանակք անցին ՚ի միջի, և ուրանօր իցեն այսօր Մանիքեցիքդ և Վաղնոտիանոսք և Գնոստիկեանք և Բասիլիդեանք և Արարոսիքատեանք և Արիանոսք և Մակեդոնեանք և Միակամագաւանք, այլովքն հանդերձ. ուրանօր իցեն, աղէ ասա: Զեն ՚ի միջի, զի ՚ի չիք դարձան. և դարձցին նոյնպէս՝ որ միանգամ օտարացեալ ՚ի բուն մօրէն Լբին զանարատ հարսն Քրիստոսի:

Ինչ բազմահորով ժամանակ հնգետասան գարուց ընկերութիւնքդ այդ նորաձայնք աներևոյթք էին. զի և կային խակ ոչ: Այ նաև այժմուս չեն նորա համախմբութիւն մի. և կենդրոյն միութեան չիք նոցա, և ոչ՝ գլուխ գոյ նոցա երևելի, և ոչ աստեան հաստատուն և անդրդուելի:

Եւ յիշեմ ես, զի մի ոմն ՚ի ձերոց վերակացուաց յանհարա մտեալ համարձակեցաւ ասել և պնդել, եթէ ընկերութիւնք իւրեանց կային խակ համբուն յառաջ քան զՂաթեր և զՎաղվին՝ ՚ի ժողով մի արդարոց արանց, որք առանց ինչ հազարգելոյ առ արտաքս ՚ի մուրրութիւնս եկեղեցւոյն ուղղափառաց՝ որպէս ասէին նորա, ՚ի ներքոց դաւանելին զայն վարդապետու-

Թիւն, զոր այսօր դաւանին Վուժերեանք և Ապլլինեանք:

Աւ ոչ ահա գիւտ ինքնահար և կարկատուն իցէ ենթադրութիւնդ, զոր կցկցեցին նոքա: Աւ ուստի և զոր հաւատախ երբէք ենթադրութեանդ այդմիկ մարթայան նոքա ՚ի ներքս ածել: Այս և ոչ հետ մի դուզ նաքեայ ՚ի բազմամաստեան յիշատակարանս եկեղեցականս սլատմութեան կարացին նոքա գտանել զնորա:

Աւ առ այս դարձեալ եթէ արդարոցդ այդ ոյիկ ժողով արտաբոյ ոչ դաւանէին զիւրեանց վարդապետութիւն, զիւրդ այժմ Վուժերեանք և Ապլլինեանք կարացին գիտել, եթէ այն էր վարդապետութիւն Վուժերի և Ապլլինի: Ամենայն հաւատացելոյ անձինս սլարտ և արժան է կամակար մտադիւրութեամբ տալ զդաւանութիւն հաւատոյն իւրոյ՝ զոր դաւանի. սպա ուրեմն զայդ ժողով մարդկան՝ որոց զնայք արտաբին անսխարան եկաց ընդ ներքին ճշմարիտ հաւատոյն իւրեանց, անմարթ է կոչել ժողով արդարոց:

Աւ դարձեալ, սլարտ էր ուրեմն ասել, եթէ յայնժամ եկեղեցի Քրիստոսի էր աներևոյթ, էր անհոյն, չէր ՚ի միջի համախմբութիւն ինչ միաբան: Չէր ուրեմն և եկեղեցի:

Իսկ զերրորդ յատկութիւնդ՝ զԱնսխալութիւնն, և ոչ ՚ի միտ անգամ անկանի նորաձայն ընկերութեանցդ՝ ընծայել անձանց: Քանզի և հիմն այս է սկզբանց նույն, եթէ՛ Ակեղեցի չէ անսխալ: Այլ ուրեմն անձամբ զանձանց խոստովան լինին նոքա՝ եթէ չեն անսխալ:

ՆՈՐԱՂԱՆԴՆ

Թէպէտ և մատենիւք չափ ընդդէմ՝ բանս եղին
այսոցիկ մերքն, սակայն սլատասխանի արժանահաս
և հաստատուն տալ բանիցդ՝ ինձ թուի անաչառա-
պէս՝ եթէ ոչ երբէք յաջողեցաւ նոցա :

ՎԱՐԴԱՊԵՏՆ

Եւ անաս և վայրիկ մի, քանզի և երրորդն լա՛
հաւասար՝ եթէ եկեղեցի ուղղափառաց է միայն եկե-
ղեցի Քրիստոսի՝ բողոքապտուղ տայէ քեզ հաւանել
ճշմարտութեանս այսովիկ : Քանզի յայտ յանդիմա-
նութեամբ ցուցցէ քեզ, եթէ անհնար է ունել զճրշ-
մարիտ հաւատս՝ բայց ՚ի ծայի նորա :

ՏՐԵՄԵԽՕՍՈՒԹԻՒՆ Ե.



ԱՒԱՆԴՈՒԹԻՒՆ ԱՍՏՈՒԱԾԱՅԻՆ

Ամբողջութիւն և Ստուգութիւն հաւատոյ, կեիքք
սեպհականք միայն եկեղեցւոյ ուղղափառաց:



ՎԱՐԴԱՊԵՏՆ

ԴՊԱՅՈՒՅԵԱԼ իսկ է իմ քեզ 'ի նախնեթաց
հրահանգս, եթէ եկեղեցի ուղղափառաց միացեալն
ընդ Հոռութեաց է միայն եկեղեցի Քրիստոսի, քանզի
նա միայն հիմնեցաւ 'ի Քրիստոսէ, և նորա հովիւք 'ի
նմանէ ունին զառաքելութիւն իւրեանց:

Յուցի դարձեալ ճշգրտիւ, եթէ նա միայն է ըն-
կալուչ քառից նշանացդ, և երից յատկութեանցն,
յորոց և ճանաչի եկեղեցի Քրիստոսի: Եւ դու ինք-
նին ծանեար զապացոյցս իբրու անհրաժեշտս: Տայ
քեզ այժմ և զերրորդն հաւատաիս, այն է՝ եթէ չկա
հնար ունել հաւատս ճշմարիտս, բայց եթէ յեկեղե-
ցւոջ ուղղափառաց: Ոչինչ երկարեցից քեզ բանս առ
'ի ցուցանել՝ եթէ հարկաւոր են հաւատք առ 'ի փրկիլ:

Այն ինչ զգայ մարդ անձին իւրում և ճանաչէ և տրամաբանէ, 'ի նոյն և Աստուած արարիչ նորա պահանջէ 'ի նմանէ երկրպագութիւն և զնուխումն անձին յամենայն սրտէ և յամենայն զօրութենէ նորա, և 'ի վեր քան զամենայն կամի ազատութեամբ հարտակել հաւատոյ զվրաս իւր: Վերջեցիկս յոյժ ճշգրտութանէ երանելին Ազգոստինոս 'ի խօսել անդ իւրում յաղագս իմանալի շնուածոյն շնորհաց: « Յոյն ինքնին՝ ասէ՝ բարձրացուցանէ զշնուածն զայն իմանալի. իսկ սէրն կատարեալ գործէ, սակայն հաւատքն է հիմն հաստատութեան նորա: « Հաւատով հիմնի, յուսովն կանգնի, սիրովն յանգի »:

Օրհնեան զայս սկիզբն՝ նաև նորաձայնութեան քարոզիչքդ ձեր, զոր 'ի տրամախօսել մեր անդ յաղագս արդարացուցման մարդոյ յայտ յանդ իմանութեամբ յուսոյց քեզ, եթէ ոչ միայն հաւատոյ, այլ և հաւատոյ միայնոյ ընծայեն նաքա զայդ:

Արդ այս հաւատ պարտի լինել ամբողջ, և միանգամայն ստոյգ: Աւ ամբողջ՝ այնչափ իմն, զի այր քրիստոնեայ ծանկիցէ և հաւատասցէ առհասարակ զամենայն մասունա հաւատոյ, որ միանգամ կարևորք իցեն նմա՝ 'ի փրկութիւն. իսկ ստոյգ այնչափ իմն, զի և զամենայն տարակոյս միանգամայն 'ի բաց քեցիցէ և զամենայն խէթ երկիւղի զխաբանացն. ասպ թէ ոչ՝ ոչ և ս իցէ այնուհետև հաւատք, այլ կարծիք:

Աւ արդ յեկեղեցւոջ ուղղափառաց ունին հաւատք գերելին զայս կիկք զամբողջութեան և զստուգութեան: իսկ առ 'ի յուսանել քեզ զայս առաջարկութիւն կարևոր՝ լի և սրատարուն, տրամախօսեացուք այսօր զամբողջութենէն միայն, և յայլ նուազ զստուգութենէ նորա:

Եւ արդ ասեմ, եթէ հաւատք ամբողջ են միայն յեկեղեցւոջ ուղղափառաց : Իսկ ընդէր արդեօք, քան զե եկեղեցիս այս ճանաչէ և գաւանի աղբիւրս իմն կրր կին գայտնութեանցն՝ զոր միանդամ յայտնեաց Աստուած հաւատացելոց . այս են՝ Գիրք սուրբք և միանգամայն Աւանդութիւն :

Եւ Աւանդութիւնս այս, զոր երբէք ոչ ընդունին Լութերեանք և Կալվինեանք, անհրաժեշտ օրինակաւ հարկաւոր է մեզ առ ՚ի զտեղին ընուզ զգրոց, և խելամուտ ընեղ բազում ինչ էական ճշմարտութեանց կարեօրաց առ փրկութիւն, զորոց Գիրք սուրբք չասեն ինչ :

Ո՞ երբէք ժխտեսցէ, եթէ Գիրք սուրբք բազմագոյն մատամբ ուսուցին մեզ զճշմարտութիւն, զոր հաճեցաւ Աստուած յայտնել, սակայն չուսուցին մեզ զամենայն : Անշուշտ, Գիրք են զխաւոր աղբիւր յայտնութեանցն . այլ չեն միակ . են են ճշմարտութիւնք՝ զոր տէր մեր Յիսուս Քրիստոս ուսոյց առ քերոցն, որք և ըստ նմանէն հաղորդեցին իւրեանց աշակերտացն, որ ոչն գտանին ուրեք ՚ի գիրք : Այս ճշմարտութիւնք գանձեալ պահեցան յեկեղեցւոջ Քրիստոսի Յիսուսի յազգէ յազգ և ՚ի դարուց ՚ի դարս, և ընկալեալ եղեն միշտ իբրև մատուց հաւատոյ : Այս է գանձ և մթեր վարդապետութեանն փոխանցեալ ՚ի մեզ կենդանի բարբառով և ոչ միջնորդաւ գրոց, զոր մեք անուանեմք Աւանդութիւն . այս է՝ Ան Աստուածոց անգիր :

ՆՈՐԱՂԱՆԻՆ

Բարէ, և զինչ այդ անուն նոր « Աւանդութիւն » .

բնաւ իսկ նորաշուր է վարդապետութիւնդ, զոր խօսիս այսօր : Իմ հանապազ լուեալ իսկ էր ՚ի հովուաց մերոց, եթէ ամենայն իսկ ճշմարտութիւնք կարեորք ՚ի փրկութիւն գտանին ՚ի գիրս . և որ ինչ միանգամ արտաբոյ կայ նորա, իբրև գիւտս ոմանս մարդկայինս սպարտ է համարել զայնօսիկ : Ուստի եթէ շճանրապիքեղ, փաստաբանութիւն ճշգրիտ խնդրեմ վայր միտալ վասն Մանդութեանդ այդօրիկ, և յայտ յանդիմանութեամբ ցուցանել զկարեորութիւն դորա, և տալ ճանաչել և զնա իբրև ճշմարտապէս ազգիւր Յայանութեան :

ՎԱՐԴԱՊԵՏՆ

Մանդութիւնն՝ զոր ասացի՝ է Յան Մատուծոյ, որ առանց գրողմելոյ ՚ի գրի, ձայնիւ միայն բարբառոյ հրատարակեցաւ յառաքելոց անտի սրբոյ, և ՚ի նոցան աշակերտաց, և այնպէս ապա յաւերժացաւ մնաց յեկեղեցւոջ :

Մարքէն անյերկուամալի է, զի յամենայն իսկ ՚ի ժամանակս եթէ յառաջ քան գհաստատութիւն եկեղեցոյ, և եթէ զինի, կացին ինչ ինչ մատուք հաւատոյ կարեորք առ փրկութիւն, որ ոչն գրեցան :

Վայր մի ՚ի քնին առցուք զերբեակ հոլովմունս մեծամեծս զժամանակաց, որ եղեն յաշխարհի, նախ՝ որ անդատին ՚ի ստեղծմանէն ընդ օրինօքն էր բնութեան . երկրորդ՝ որ յետ այնօրիկ ընդ օրինօքն Սուխօսի . և երրորդ՝ որ ընդ օրինօք շնորհացն Քրիստոսի :

Ե. ՅԱգամայ անախ մինչև ՚ի Սուխէս կային ինչ ինչ վարդապետութիւնք հաւատոյ, յորս սպարտ էր հաւատալ ՚ի փրկութիւն . ըստ որում են՝ գոյութիւն

Ըստուծոյ որ արար զերկին և զերկիր . կարևորութիւն երկիրսպագանելոյ նմա և սաշտօն հարկանելոյ , ճշմարտութիւն հանդերձեալ կենացն , և հաւատք հանդերձելոյ դատատանին , այլովքն հանդերձ : Քանզի և անշուշտ չգոյին յայնժամ գիրք , ուստի և այս մատուցի հաւատոյ ծանօթք էին յաւանդութենէ անտի . այս է՝ ծանօթութեամբ փոխանցեալ դարուց 'ի դարս 'ի սերնդոց անտի առաջին մարդոյն հետսհետէ յորդուոց յորդիս :

Բ . Իսկ սպա յետ Մովսէսի ժողովուրդն ընտրեալ Մատուծոյ դաւանէր զնոյն վարդապետութիւնսն հաւատոյ , թէպէտ և բազումք 'ի մասանց անտի չէին 'ի Մովսիսէ դրոշմեալք 'ի գիրս , քանզի և համարեալ իսկ էր զայնոսիկ իբրու ճշմարտութիւնս շատ ինչ արդէն ծանուցեալս : Այլ արդ միտ դիր , զի հինգ են թուով գիրք Մովսէսի , Նոնուքն , և Ալքն , և Վետականք , և Թիւք , և Արկրորդ օրէնքն , որ ճառեն դպատմութիւն ժամանակացն , զթիւ համարոց ժողովրդեանն Իսրայէլի , և զօրէնսն խորականան . այլ ոչ յառաջն ճառել և վասն խնդրոց կրօնի : Այլ թէ յետ Մովսէսի Վաւիթ և մարգարէիցն դաւք առաւել մեկն և յայտնի խօսեցան վասն այնոցիկ , սպա ուրեմն 'ի Մովսիսէ մինչև ցմարգարէան ճանապարհ փրկութեան բաց էր առաջի արդարոց և սրբոց արանց հնոց կտակին . և գիտէին նորա ուրեմն վճատունս հաւատոյն զկարևորսն 'ի փրկութիւնն . և սակայն և ոչ մի ինչ յայնց մասանց դրոշմեալ կայր ուրեք 'ի գիրս :

Գ . Բացց մեք 'ի զլիաւոր մեր նպատակ մատուցեալ , այս է՝ յեկեղեցի շնորհացն Քրիստոսի , անշուշտ գիտեմք՝ զի ոչ միջնորդաւ զրոց սրբոց անդստին 'ի սկզբնէն հաստատեցաւ քրիստոնէութիւնն , և ոչ նո-

վին տարածւոյն հաւատք ընդ ամենայն աշխարհ : Աշ-
 է մեզ ճշգրտել զայս 'ի քաջայայտ ապացուցից : Քան-
 զի 'ի սկզբանէ անտի քարոզութեան աւետարանին ոչ
 ևս կային դիրք նորոյ կտակարանին . և զրեցան այ-
 նոքիկ հետսհետէ և 'ի զանազան տեղիս , և ոչ 'ի մի
 մարմին ժողովեցան նոքա : Օրինակ իմն՝ աւետարան
 սրբոյն Յուհաննու գրեցաւ յառաքելոցն 'ի խոր ծերու-
 թեան նորա բազում ժամանակս յետ մահու և յա-
 րութեան Տեան մերոյ : Թուղթք սրբոյն Վաւղոսի և
 այլոց առաքելոցն կային 'ի ձեռս նոցա՝ առ որս առա-
 քեցանն :

Սակ անդտսին 'ի քարոզութենէ հաւատոցն Քրիս-
 տոսի՝ ևս և 'ի հեռաւոր սահմանս աշխարհի , 'ի վեր-
 եղին ընդ իմամարտք . դարձեալ՝ և անհաւատք 'ի լուր
 բանիցն , նաև հերձուածողք յամառք և կամակորք-
 ըստ որում և Մթէնս՝ օրինակ իմն՝ 'ի ժամանակի
 անդ առաջին քարոզութեան սրբոյն Վաւղոսի յարիս-
 պաղին : Աշ այլուր դարձեալ ըստ որում վկայեաց
 սուրբն Յոհաննէս յայտնապէս 'ի Թուղթան . ուր և
 տաստիկ կշտամբէ զՎիտորիսիէ . և արգելու ևս՝ մի ինչ
 հարբողութիւն աննկ ընդ հերձուածողս :

Արդ պէտք ուրեմն էին անդտսին 'ի ժամանակաց
 անտի առ ձեռն պատրաստ և աներկեան իմն Հրա-
 հանգի 'ի հաստատութիւն հաւատոյ նորահաւատ
 քրիստոնէից , որոշիչ հերձուածոցն և ճշմարտութեան .
 իսկ այլում որոշիչ հրահանգի անմարթ էր լինել ,
 (որովհետև հերձուածողք թիւրէին և կամակորէին
 զամենայն գրեալն , որպէս վկայեաց առաքելապետն .
 թ . Թղթ .) . բայց եթէ աւանդութեան՝ աներկեան
 ստուգութեամբ , եթէ վարդապետութիւն հաւատոյն
 իւրեանց յայս ինչ և յայն ինչ խնդիր՝ զօրմ հակա-

ուակորդք սրայքարին, է անշուշտ այն ինչ՝ զոր ուսան յառաքելոց անտի կամ թէ՛ ՚ի նոցուն աշակերտաց :

Դարձեալ առ այս՝ թէպէտ և զիրք սուրբք ըսալ էին անդստին ՚ի ժամանակաց անտի, և ՚ի մի մարմին ևս ժողովեալ (որ ապա ուրեմն ՚ի յետագայ դարս ել ՚ի գլուխ), ՚ի վերայ այսր ՚ի գրոց անտի հնոց և նորոց կտակին չէր տակաւին քաղեալ մասնաւոր և տահմանաւոր բովանդակութիւն ինչ հաւատալեացն ՚ի հրահանգ հաւատացելոցն՝ իբրու Վրիստոնէական վարդապետութիւն՝ որ այսօր յածի ՚ի ձեռս : Եւն արդեօք զիրք սրատմականք գրեալ բազմազոյն մասամբ յազգս պատմութեան վարուց Տեառն մրոց, և զանազան թուղթք առաքելոցն, յորս մասունք վարդապետութեան հաւատոց չէին ՚ի մի հաւաքեալ : Ըրդ ո՞ որ բաւական էր յայնժամ ՚ի լոյս ընծայել զայս բովանդակութիւն ճշգրիտ ամենայն պատգամաց հաւատոց սփռելոց ՚ի զիրս՝ ունել առ ձեռն զլիակատար սահման հաւատոցն : Դարձեալ թէպէտ և ՚ի մի մարմին ժողովեալ էին ամենայն մասեանք գրոց սրբոց, քարոզքն և հրատարակիչք յայնժամ աւետարանին չըւտալք և սփռեալք ընդ ամենայն աշխարհ՝ վարեալք յաստուածային աշխուժից հոգւոցն, ոչինչ դիւրին էր նոցա յամենայն տեղիս ունել ընդ իւրեանս զարբազանս քայն հաւաքումն գրոցն. և թէ՛ ունէին ևս, ազգք խուժարուժք և բարբարոսք և այլալեզուք՝ առ որս քարոզէին, ոչ կարէին ըսել և հասկանալ զլեզուն. և թէ՛ և հասկանային ևս՝ անուամունք և առանց դպրութեան գորով գօզոյես առհասարակ՝ ոչ կարէին ընթեռնուլ :

Ըպա ուրեմն ՚ի նախնի դարս անդ առաւել միջնորդաւ աւանդութեան, այս է՝ բարբառոց ձայնի՝ քան

եթէ գրուածոյ պէտք էին հրահանգաց հաւատացեցոյ
 'ի բնէ, 'ի ճանաչել և 'ի դաւանել զմասունս ճշմար-
 տութեան հաւատոյն: Այլ անշուշտ վասն այսորիկ երա-
 նելի առաքեալն Պաւղոս գրելով առ Ռետարնիկի-
 ցիսն . ք . 2 . յայտնապէս նշանակէ զայն ինչ՝ զոր
 պարտէին ուսանել 'ի նմանէ կրկնակի ճանապար-
 հաւ գրով և անգիր . և պատուիրէ ամենայն հաւա-
 տարմութեամբ պահել ողջոյն . « Առջեաց զձեզ Այլ »
 » տուած , ասէ , աւետարանաւն մերով 'ի փրկութիւն :
 » Այսուհետեւ եղբարք հաստատուն կայէք , և պինդ
 » կալարուք զաւանդութիւնսն՝ զոր ուսարուք , եթէ
 » բանիւ , և եթէ թղթով մերով » :

Այլ քեզ առ այս յաւելից և խորհրդածութիւն մի
 յոյժ կարեօր : Յետ անցանելոյ առաջին դարուցն
 եկեղեցւոյ , ամենայն մատեանք խրաքանչիւր զրոյ սր-
 բոց 'ի մի մարմին հաւաքեցան և սահմանեցան այն-
 պէս 'ի նոյն կարգ 'ի հրամանէ իշխանութեան եկե-
 ղեցւոյ , մինչ զի չէր իսկ մարթ այլ ինչ յաւելու 'ի
 նոսա կամ նուազեցուցանել : Իսկ յորժամ դէպք լի-
 նէին սահմանել որոշել խնդիր մի 'ի վերայ մասանց
 հաւատոյ , որ յայտնապէս ոչ գտանէին յառաջուամ'
 անդ ազլեր յայտնութեանցն , այսինքն՝ 'ի Վիրս , դի-
 մկին յայնժամ՝ անվեհեր յերկրորդն՝ այն է Աւան-
 դութիւն :

Ահաւասիկ քեզ և անհրաժեշտ հարկաւորութիւն
 Աւանդութեանս այսորիկ , զոր յրնդհանուրս ծանեալ
 ողջոյն եկեղեցի Վրիստոսի անդստին 'ի ժամանակաց
 անախ առաքելոցն մինչև ցաւուրս մեր : Այլ առ այս
 երաշխաւոր մեզ կան մատեանք հարց սրբոց , և վկա-
 յին և յայտ յանդիմանութեամբ ևս ցուցանեն մեզ
 զայս : Յամենայն իսկ 'ի նուազս յորժամ պայքարք

և ինդիլըբ յուզիցան ՚ի մասին ինչ հաւատոյ, տահմանաւ յայնժամ վճռեաց եկեղեցի՝ ոչ միայն ըստ սրտոզամի գրոց սրբոց, այլ և՛ Աւանդութեանն. նաև ՚ի հաղորդութենէ իւրմէ նշուեալ ՚ի բաց որոշեաց զայնուսիկ՝ որ ոչն կամեցան հստատակել սահմանի վրձողն :

ՆՈՐԱՂԱՆԴՆ

Այլ մարթ ինչ իցէ ձեզ ՚ի ներքս մեզ բերել մասն ինչ հաւատոյ, որ ոչն գուցէ ՚ի զիրս սուրբս, և որ մեզ ծանօթ իցէ միայն ՚ի ձեռն Աւանդութեան :

ՎԱՐԴԱՊԵՏՆ

Այլ կարի իսկ քաջ. յառաջ քեզ բերից յայսնապէս զայն ինչ իրս, յորս և ձեր իսկ հովիւրդ և քարոզիչք միաձայնին ընդ մեզ, և ինչ մի ամենեւին չունիցին ընդդիմաբանել :

Ա. Հաւատան դոքա աւաղիկ ընդ մեզ, եթէ գրխտովին վաւեր է մկրտութիւնն տուեալ տղայոց : Այսորդ զխորհ հնար իցէ ստոյգ լինել բանիդ, եթէ երախայն այն ինչ ծնեալ, անմասն տակաւին ՚ի վարելոյ զոյս բանին, և անբաժ գլխովին յազատութենէ, բաւական իցէ ընդունել զթողութիւն սկզբնական մեղայն և զսրբարար շնորհս. և որ գերին է սատանայի, դարձցի և եղիցի որդի Աստուծոյ :

Այլ աւաղիկ խորհուրդ իցէ բանդ այդ՝ անհատանելի մարդկային մտաց : Արկնակնուհրդ ահա՛ անուանեալ հերձուածողք, զհակառակն սնդեցին յայսնապէս. զէն ՚ի ձեռս ատին զբան աւետարանին, եթէ « Որ հաւատասցէ, տսէ, և մկրտուցի, կեցցէ » :

Այնպէս իմն ուրեմն է խնաստասիրել 'ի բանս, եթէ
 Հաւատք ներգործական՝ որում անընդունակք են երա-
 կայքդ, պատրաստութիւն հարկաւոր իցէ յընդունե-
 լութիւն մկրտութեան : Արդ աւաղիկ առանց Աւան-
 դութեան գէթ յերկբայանայ կարգի մնայր այդ մասն
 Հաւատոյ :

Բ. Բառդ Սկրտել, (յն. Վարդիգո) նշանակէ՝
 ընկղմել. և ապաբէն Սկրտիչն Յոհաննէս, և ըսա
 նմանէն առաքեալք, զխորհուրդ զայս կատարէին ըն-
 կղմամբ յառաջին դարս եկեղեցւոյ. այս է սուզանե-
 լով 'ի ջուր անդր զմկրտելն : Իսկ ապա յանցանել
 հարուստ ժամանակաց փոխեցաւ սովորութիւնն, և
 առ 'ի մկրտութիւն բաւական համարեցաւ ջուր սակաւ
 հեղուլ 'ի գլուխ մկրտելոյն, և կոչեցաւ այս « Սկր-
 տութիւն հեղմամբ » :

Բայց կրկին այդ արարողութիւնքդ ընկղմամբ և
 հեղմամբ մեծապէս տարբերեալ են 'ի միմեանց : Արդ
 իւրիք ստոյգ իցէ, եթէ Աւանդութիւն չէր 'ի միջն,
 եթէ հեղումն սակաւ ջրոյ 'ի վերայ գլխոյն կատարեսցէ
 զկարևոր խորհուրդ մկրտութեանն վաւերաբար իբրու
 զընկղմումն :

Գարձեալ նաև ձեր քարոզիչքդ հորաձայնութեան
 դաւանին ընդ մեզ, եթէ չեն ինչ պարտականք քրիս-
 տոնեայք պահել զօրինական պահպանութիւնն ըզ-
 Մովսիսեան օրինայն. Օրինակ իմն՝ հրաժարել 'ի
 մնոյ հեղձուցելոյն կենդանեայ : Գիրք ուրեք երբէք՝
 ոչինչ վարդապետեն մեզ վասն այսոցիկ. նա՛ Առա-
 քեալքն սուրբք ընդհակառակն յայտնապէս արգելին
 ուտել 'ի հեղձուցելոյ. ըստ որում՝ 'ի գործս առաքե-
 լոց. գլ. 15 : Աւ արդ մեր առանց Աւանդութեան
 ուստի կարասցուք գիտել, եթէ արգելումնդ այդ սահ-

մանեցաւ իբրու տարազ առ ժամանակ մի տարբերիչ նորածին եկեղեցւոյ՝ որ ՚ի հրէիցն հաւատացեալոց . և թէ՛ արգելումնդ այդ չունէր անել մինչ խաւառ : Աւստի որ կարացէ երբէք սահմանել զժամանակն դադարելոյ պարտուցն այնոցիկ :

ՆՈՐԱՂԱՆԴՆ

Այլ դուցին արդեօք և այլ ևս մասունք հաւատոյ , զոր մեր նորածայնութեան քարոզիչք պարտական իցեն ճանաչել և դաւանել իբրու կարևորս ոմանս յամբողջութիւն հաւատոյ . և սակայն ուրեք երբէք ՚ի զիրս սուրբս չիցեն զրեալ այդոքիկ :

ՎԱՐԴԱՊԵՏՆ

Ի վերջէ սրահեցի ես քեզ մասունս երկա զլիաւորս և տիրականս առաւել քան զայլն՝ գէթ ըստ կարծեացդ նորաղանդից . քանզի են իսկ դժբա հիմն դրութեան նոցա վասն քրիստոսական հաւատոյն : Իսկ երբեակ այդ մասունք ոչ գտանին զրեալ ուրեք ՚ի զիրս . և դոյն այդ աւագիկ մեծ ևս ապացուցանէ՝ եթէ զիրք ուրեմն միայնակ չեն բաւական ևս և ըստ նոցուն սկզբանցն՝ ՚ի բովանդակել յինքեան միանգամայն զամենայն մասունս զհաւատոյն :

Աւստի քեզ առաջինն . Վարդապետք ուղղափառաց ՚ի ճառել իւրեանց վասն խնդրոյն այնորիկ՝ զոր կոչեն Հիմնական , կնքեն և հաստատեն իբրև զլիաւոր մասն հաւատոյ զայս ինչ , եթէ՛ Հեղինակութեան եկեղեցւոյ միայն է անկ տահմանաւ կանոնել զհաւատս հաւատացեալոց վասն ամենայն ճշմարտութեանցն յայտ

նելոց առ Աստուծոյ . իբրև զի եկեղեցին միայն է
 թարգման անխաղ և անխաբ խնայուածոյ գրոց սրբոց
 և Աւանդութեան : Իսկ նորաձայնութեան քարոզիչքը
 ընդ հակառակն սնդեն , եթէ՛ Գրոց միայն է կանոն
 նաւ սահմանել զհաւատս՝ միջնորդաւ քննութեան և
 հետազոտութեան առն առն ՚ի բրիտոնէից ըստ ա-
 ոանձին լուսոյ բանին դատելով և կնքելով յաղագս
 ճշմարիտ խնայուածոյ իւրաքանչիւր բանից գրոց : Այս
 է նոցա առաջին և տիրազոյն մասն վարդապետու-
 թեան . որովհետև այդ առանձին հետաքննութիւն առն
 առն իւրաքանչիւր բերէ ընդ իւր միանգամայն զայլ
 ամենայն վարդապետութիւնս նոցա :

Ոչ լինիմ՝ ձեռնամուխ աստանօր աստուածաբանօ-
 րէն հերքել զայս . քանզի և արդէն իսկ վճարեցաւ այդ
 յառաջնում՝ անդ Տրամախօսութեան մերում : Հատ
 է զարդիս զայն ինչ տալ յուշ ածել , եթէ յորժամ
 ուղղափառաց վարդապետք ՚ի հաստատութիւն այդր
 հիմնական վարդապետութեան իւրեանց անբաւս իմն
 յառաջ ածեն վկայութիւնս ՚ի գրոց սրբոց , անդուստ
 նոր ազանդոցդ քարոզիչք տակաւին ոչ կարացին ՚ի
 հաստատութիւն այդմ իւրեանց հիմնական վարդա-
 պետութեան՝ և ոչ մի վկայութիւն գտանել ՚ի գրոց
 սրբոց , յոր միայն ապաւինեալքն են : Ար ուրեք ՚ի
 գիրս գրեալ իցէ , եթէ առն առն իւրաքանչիւր մարթ
 է իւրով դատմամբ սահմանել զհաւատս իւր ՚ի փրո-
 կութիւն անձին իւրոց :

ՆՈՐԱՂԱՆԻՆ

Չեռն տամ հաւանութեան բանիդ . որովհետև
 չիղեմ ամենեկն լուեալ երբէք ՚ի մերոց քարոզչաց՝

ցուցանել զՏիմնական զայս զբուժիւն իւրեանց 'ի բա-
նից ինչ գրոց :

ՎԱՐԴԱՊԵՏՆ

Արդ ուրեմն մասն վարդապետութեան քիզ աւա-
զիկ յոյժ մեծ և յոյժ կարևոր յառաջին կարգի . զոր
ամենայն ոգևով իւրեանց խոստովանին և հռչակեն այդ
նորաձայն քարոզիչքդ , և սակայն (ընդդէմ իւրեանց
սկզբանց) ոչ կարեն երբէք ցուցանել զայն 'ի գրոց
սրբոց :

Տաց քեզ այժմ' և զերկրորդն , ոչինչ նուազ նա-
խամեծար և կարևոր 'ի խորհրդածել :

Յորժամ Վութեր և Աալմին և Օուինկլիոս հեր-
ձան 'ի Հոովմայ և յամենայն եկեղեցեաց ուղղափա-
ռաց , գտին նոքա այնուհետև զինքեանս բաժանեալս
և հերձեալս 'ի միմեանց յայլ և այլ կարծիս և 'ի բազ-
մադէմ վարդապետութիւնս աննմանս միմեանց 'ի
բազմաթիւ մասունս հաւատոյ . ուստի ըստ նոցանէն
և աշակերտք նոցա բաժանեցան 'ի խումբս խումբս
այլ և այլ աղանդոց : Աւ էր այս անհնարին հեր-
ձուած նոցա անհրաժեշտ հետևանք սկզբանց նոցա :

Քանզի յորմէ հետէ ձեռն արկին նոքա սահմանել
որոշել զհաւատս իւրեանց ըստ առանձին հետաքննու-
թեան՝ զոր այր իւրաքանչիւր առնէր 'ի վերայ իմա-
ցուածոց բանից Արոց , ինքնին այնուհետև իշխանա-
բար մեկնէին բացատրէին զգիրս և կանոնեալ սահ-
մանէին զհաւատս այր այր ըստ մտաց և ըստ քմաց
իւրեանց . և չունէին ևս նոքա իրաւունս առ միմեանս
ածել խոնարհել զկարծիս միայն 'ի միւսն . զի ինքնիշ-
խանք էին ամենեքեան :

Այս սակայն մեծապէս զօրավիզն այն էր նոցա միաձայն միաստորհուրդ լինել ընդ միմեանս, և իբրու խումբ մի և մարմին մի գալ միանալ առ 'ի զգէմ ունել քաջադէպ եղիք եկեղեցւոյ ուղղափառաց, որ 'ի գլուխ իւր զՀոովմ ունելով՝ այնչափ բիւրուք բիւրուց հաւատացելոյ այնպէս մեծամուր և անբակտելի միաւորութեամբ միակրօն 'ի դիմի կայր նոցա :

Այս զինչ գործեցին . գրութիւն իմն նոր նիւթեցին նորա . այլ հետեանք նորագիւտ գրութեան 'ի վայր փլուզեալ կործանեցաւ 'ի վերայ նոցա գորդմամբ և զնոսա առհասարակ ձմեաց : Քանզի նստան և հը նարեցին նորա զանազանեալ մասունս ինչ հաւատոյ, զորս կոչեցին Հիմնականս, իբրու տիրապէս կարեօրս յոյժ 'ի հաւատալ առ 'ի հասանել փրկութեան : Այլին 'ի մջ և այլ մասունս հաւատոյ, զորս և կոչեցին Աջ հիմնականս, իբրու ոչ նոյնպէս կարեօրս, և յորս մարժ էր լինել այլ և այլ կարծեաց և սրայքարաց՝ սոանց 'ի վտանգ արկանելոյ վերկութիւն հոգւոյ :

Յարեան յայնժամ ընդգէմ վարդապետք ուղղափառաց և 'ի դիմի հարան նորահնար զանազանութեանս այսմիկ . իբրու որ չունէր ինչ հիմն հաստատութեան 'ի վերայ ճշմարիտ սկզբանց, քանզի (որպէս յայտ յանդիմանութեամբ ցուցաւ յառաջնում մերում Տրամախօսութեան) եկեղեցւոյ միայնոյ է իշխանութիւն կանոնել զհաւատս հաւատացելոյ, և ոչ առանձին հետազօտութեան մարդոյ 'ի գիրս սուրբս : Այնն այսորիկ յորժամ եկեղեցի վճիռ մի սահմանաւ 'ի գուրս տայ 'ի խնդիր հաւատոյ, անհրաժեշտ սրարտք են հաւատալ վճուոյն . քանզի սրարտ է հարտակիլ իշխանութեան եկեղեցւոյ :

Թէպէտ և իցեն ևս անշուշտ մասունք ինչ հաւատոյ զոր սրարտ է ամենայն հաւատացելոց հաւատալ որոշ և յայտնի հաւատով. և իցեն ևս դարձեալ՝ զոր շատ է տգիտաց ռամկին հաւատալ լռելեայն հաւատով. այս է՝ դաւանելով ընդհանրապէս զայն ամենայն զոր միանգամ դաւանի կաթողիկէ եկեղեցի. սակայն որովհետև սրարտք են հնազանդել իշխանութեան եկեղեցւոյ, ուստի և անմարմ է յերկուանալ ընդ վարդապետութիւն ինչ հաւատոյ կաթողիկէ եկեղեցւոյ՝ առանց լինելոց հերետիկոս և առանց վտանգելոյ ըզփրկութիւն հոգւոյն :

Բայց ՚ի վեր քան զամենայն յաւետ իմն ճգնեցին ուղղափառաց վարդապետք զկողմն նորազանդ իցոյ անխուսափելի փաստիւ ցուցանելով նոցա՝ եթէ ընդ վայր և յանօգուտս գտին նորա զզանազանութիւնոց զայդ զմտանց հաւատոյ. քանզի և բնաւ երբէք ոչ կարէին նորա ճշգրտիւ որոշել սահմանել, ոյք ՚ի մտանց այտի հիմնականք իցեն և ոյք ոչ :

Եւ այսպէս այս նորագիւտ դրութիւն նոցա ՚ի մեծապէս տաղնապ և յանգերծ կնճիւն առեալ վարմեաց զնոսա : Եւ որովհետև յոյժ կարևոր էր նոցա բազմաժողով իմն ընկերութիւն միաձայնութեամբ հաստել յիւրեանս, վասն այսորիկ դրդեալ ՚ի շահախնդրութենէ աստի ջանացան ճշգրել զթիւ զհիմնական զայն իւրեանց մասանց հաւատոյ և ՚ի նուազն ամփոփել. որպէս զի միաձայնաբար այնպէս խումբ աղանդոյ առաւել բազմաթիւ նոյնահաւատ ցուցցին յաշխարհի : Բայց սակայն և վասն նորուն իսկ սրատձառի ՚ի բազմադոյն ևս յառաջս բաժանեցան ընկերութիւնքն, և առաւել հրէշալիք և առաւել անճոռնիք երևեցան նորա, ՚ի բազմահոյլ կուտակութենէ

անտի կարծեաց կարծեսոց, որ առաւել ընդդիմա-
մարտք և տարբերեալ գտան 'ի միմեանց :

Սե՛ծ էր տաղնապ նոցա 'ի միոց կողմանէ, զի ոչ
իշխէին և չէր խակ մարթ 'ի բաց հանել 'ի խմբէն իւ-
րեանց զ] ութերոս զմեծն զայն հիմնադիր նորաձայ-
նութեան խրեանց և ընդ նմա զժողով միանդամայն
զ] ութերեանցն, որ պնդապէս ունէին և դաւանէին
զհաւատ զիրական ներկայութեան մարմնոյն Քրիստո-
սի 'ի խորհուրդ հաղորդութեան : Ղարձեալ և չէր
մարթ միաբանել ընդ նոսա 'ի կցորդութիւն եկեղե-
ցական զ] խորհրդականն անուանեալ հերձուած, որ
որ ըստ օրէ առաւել ևս աճէր և բազմանայր, (իբրև
զի և մարդկային ոգւոց առաւել յոյժ հեշտին է ոչ
հաւատայն քան զհաւատայն այսմ անձառելի խոր-
հրդոց հաւատոյս մերոց) : Այլ իրև այնպէս այս ան-
միաբան և այլահաւատ ընկերութիւնք երթալով եր-
թային և տարաձայնէին 'ի միմեանց, անդուստ և այլ
ընկերութիւնք նորաձայնութեանն զայն յակն արկեալ
մեծապէս կորանք ընդ անձինս խրեանց ոգորէին :

Այլ թէպէտ և 'ի կատարել զհանդէս (Կթրեայն՝
(որպէս կոչեն նոքա զխորհուրդ հաղորդութեան), միա-
բանէին իմն 'ի գլխաւոր ինչ վարդապետութիւն, իբ-
րու 'ի մատակարարութիւն անձառահրաշ խորհրդոց
եկեղեցւոց և իբրու 'ի սրբազնակատար նշան միաւորու-
թեան հաւատացեղոց, 'ի վերայ այսր՝ զի՛նչ քան զայն
միաբանութիւն իցէ երբէք ծաղրելի, յորժամ էր տե-
տանել 'ի համախումբ նստոցս նոցա առննթեր մի-
մեանց 'ի մի և նոյն սեղան և 'ի մի և 'ի նոյն դասա-
ւորութեան՝ կիսոց 'ի նոցանէ հաւատալ առնուլ 'ի
նովն սեղանոց զմարմին Յիսուսի Քրիստոսի, և կիսոց
առնուլ լոկ զվայրասպար սպատառ մի հայի :

Իսկ և 'ի միւս կողմանէ մեծ ևս էր տազնասն , զի Սոկինեանք խսպառ քանդէին զՏիմոնոս քրիստոնէութեան գլխովին , մարտ եղեալ ընդ գէմ' նովին իսկ անձառ խորհրդոյ ամենասուրբ Արքորդութեանն , և մարդեղութեան բանին Աստուծոյ , և յախտենականութեան գժոխոյ : Այս յայս մարտ իւրեանց բուն զօրաւիւն ասին իւրեանց զնորազիւս զանաղանութիւն զայն « զՀիմնական մասանց հաւատոյ և զԱջ հիմնականայն » : Սոկինեանք ասէին այսպէս . « Աաւլինա » կանք սնդեն , եթէ գէթ Հիմնական անուանեալ » մասունքդ հաւատոյ են պարզ և մեկին բացայայտեալ 'ի գիրս սուրբս . պարտ է ուրեմն զհետ բերել' ասէին Սոկինեանք' եթէ աստուածութիւն Յիսուսի » Քրիստոսի , և մարդեղութիւն նորա , և աստուածութիւն Հոգւոյն սրբոյ , և յախտենականութիւն գժոխոյ , և որ այլ ևս , չիյեն մասունք հաւատոյ » հիմնականք . քանզի ' թող զայն' զի չեն պարզ և մեկին բացայայտեալք 'ի գիրս , նաև մեծաց պայքարաց և վիճից 'ի ներքոյ անկան այդ մասունք հաւատոյ » :

Արդ 'ի ըսել զայս Աաւլինեանց , և այլոյ ևս նորաձայնից , պարտ էր նոցա այնուհետև ամբիւղ տղբիւղ զՍոկինեանս . քանզի և էր իսկ սոցա կողմն հզօրացեալ յոյժ , որպէս և այլոյ հերձուածոյն , որք յօրացեալ և զօրացեալ էին 'ի բազմութեան իւրեանց և 'ի համբան :

Յայս տազնաս պարակուսի անկեալ նոքա , կէսք աճեցուցին զթիւ մասանց հաւատոյ , երբ անդուտ և կէսք ձեռն արկին նուազեցուցանել զնոյն : Այս նոքին հիմնադիրք նորաձայնութեանդ Առթեր և Սեւան թոն ըստ սբ. սախտութեան ժամանակայն և ըստ շա-

Հախնդրութեանն պիտոյից փոփոխեցին . իսկ Ապրիլն այր վայրագ և անողորբի նաև մասունս բազումն հաւատոյ Հիմնականս ընդ թիւ արկանէր : Իսկ Օգոստոս աշակերտ Օլունկիոսի ընկալաւ միայն զայն մասունս հաւատոյ՝ որ միանգամ կային ՚ի հանգանակի անդ առաքելոց : Ալազիս քարոզչ ՚ի նորաձայնից չորս միայն ՚ի մասանց հաւատոյ Հիմնականաց հաշուէր . այս է՝ զարդարացուցումն , զաշտուն սրբոց , զխորհուրդ հաղորդութեան , և զիշխանութիւն զհայրապետին Հոովմայ :

Իսկ աւագ ՚ի վերջէ միանգամայն ամենայն հերձուածք նորաձայնութեանդ միաբանեցան իբրև ՚ի Հիմնական վարդապետութիւն՝ ընդդէմ՝ միայն հակառակամարտ կանգնել Հայրապետին Հոովմայ :

Արդ այժմիկ ոչինչ մանրամասին ձեռնամուխ եղեալ յայտոսիկ առ ՚ի ներքս ընծայել զմեծապէս շահ և զլաոթութիւն ուղղափառաց ՚ի սլաոձառս այսչափ աղմկեալ և բազմադունակ տարաձայնութեանց նորազանդիցդ , դարձայց ես ՚ի նալատակ տրամախօսութեանս մերոց , և ահա փաստաբանեմ օրինակ զայս : Առաջինն և մի միակ կարևոր խնդիրն առն նորազանդի՝ որ ջանաց և ճգնի ըստ իւրոց սկզբանցն սահմանել կանոնել և ստուգել զհաւատ իւր առանձին հետազօտութեամբ իւրով ՚ի գիրս , է առ ՚ի քաջիկ որոշել ընտրել զհիմնական մասունս հաւատոյ յոչ հիմնականացն . բայց սակայն անհնար է նմա ՚ի գլուխ հանել զայս զանազանութիւն միջնորդաւ գրոց : Քաջայտ է սլաոձառն . քանզի գիրք ոչինչ խօսին զայն մանէ :

Սախալուրեք երբէք ոչինչ ազգեն գիրք , եթէ գուցին մասունք ինչ հաւատոյ հիմնականք , զոր այր այր

՚ի հաւատացելոյ սարտիցի տիրապէս գիտել և պա-
ւանել ՚ի փրկութիւն հոգւոյն . և թէ՛ զուցեն և այլ
մասունք ոչ հիմնականք , որոց հաւատք ոչինչ այն-
պէս կարևորք իցեն առ ՚ի փրկութիւն :

Արկրորդ անգամ՝ ոչ ուրեք խելամուտ առնեն զմեզ՝
յառաջ բերելով ինչ մի ՚ի ճշմարտութեանցն յայտ-
նելոյ , թէ այդ ահա ՚ի մասնաւորի իցէ մի յերկուց
տեսակաց անտի , հիմնական կամ ոչ հիմնական : Այս
ուրեմն այր ոք նորադանդ չմարթի պնդել , եթէ կայ-
ցն ՚ի գիրս ամենայն կարևորքն ՚ի կանոնել զհաւատ
իւր :

ՆՈՐԱՂԱՆԴՆ

Այդ իմամարտելի է ճշմարտութիւնդ , եթէ կրկին
այդ սկզբունք մերոցն չգտանիցին ՚ի գիրս : Աստի
և փաստքդ թուի թէ ՚ի հիմանց տասրալեն զգրութիւն
սկզբանցն : Յորժամ ՚ի միոց կողմանէ պնդեն՝ եթէ
այն ամենայն որ կարևորն է ՚ի սահմանել զհաւատս
առն իւրաքանչիւր , գտանի ՚ի գիրս . և ՚ի միւս կող-
մանէ՝ առ ՚ի սահմանել զհաւատսն ընդունին սկզբ-
բունս երկուս , որ ոչն գտանին ՚ի գիրս :

Այլ սր այն իցէ և երրորդ սկիզբն , զոր և մեք ինք-
նին ՚ի գտանելն , չկարիցեմք հաստատել երբէք ՚ի բա-
նից սուրբ գրոց :

ՊԱՐԴԱՊԵՏՆ

Այս յօդուած բանի է առաւել ընդհանրական . բան
գերկուս առաջինսն . քանզի ՚ի դէպ զայ միանգամայն
և նորադանդից և ուղղափառաց :

Յառաջին դարս եկեղեցւոյ սրայքարք մեծամեծք և

դ ժուարինք յուզեցան յաղագս ստուգելոյ և սահմանելոյ զմատենաս Գրոց, եթէ ոյք ոմանք 'ի նոցանէ իցնն ճշմարիտ աստուածաշունչք և վաւերականք, և ոյք ոչ: Բազումք 'ի հերձուածողայ առին մուծին բանս և տողս կուսակիցս մողորութեանց իւրեանց 'ի գրուածս ինչ զոր հրատարակեցին իբրև շարագծածս առաքելոց, թէպէտ և էին իսկ այնոքիկ գրեալք յայլոց մատենագրոց: Այլ ըստմանեայ ընծայեցան սրբոյն Պաւղոսի թուղթք, որ չէին 'ի նմանէ գրեալք: Այլ տառով մի ոմն 'ի նախնի հարց, եթէ յորժամ 'ի պաշտօնէից ոք եկեղեցոյ ըմբօնեցաւ իբրև գործօն բանին, թէպէտ և ոչ 'ի սատարել ինչ մողորութեան, սակայն և անկաւ 'ի կարգէն:

Արդ յայնժամ Ալիեղեցի առ 'ի սահմանել զայս վէճ և պայքար ըստ իշխանութեանն զոր էառ 'ի քրիստոսէ, ընտրեալ որոշեաց զգիրսն, որ 'ի մի մարմին ժողովեալ անուանեցան Գիրք սուրբք և աստուածաշունչք. և կոչեցան Պանոնականք. և մերժեալ հերքեցան այլք իբրև անվաւերք և անկանոնք:

Բայց հիմնադ իբրդ նորաձայնութեան իբրև հերձան յեկեղեցոյն Հռովմայ և ամենայն ուղղափառաց, ոչ և ս պարտականս համարեցան զանձինս 'ի հարատակել իշխանութեան եկեղեցոյ: Արդ հարցյալք մեք զնոսա. իսկ արդ յոյք հիման վերայ համարիք դուք հաստատեալ զընտրութիւն զայս զգրոց սրբոց, և ոյք ստուգապէս իցին գիրք կանոնականք և ճշմարտապէս աստուածաշունչք. և մարթ էր մեզ քաջիկ և սնդիկ զայս ինդիր և զհարցումն, եթէ էր նոցա միաբանեալ ընդ միմեանս յայս առաջարկութիւն: Վանդի ուր կէսք 'ի նոցանէ ընդունին իբրև արդարև աստուածաշունչս զայն ինչ գիրս, այլք 'ի նոցանէն մերժեն զայնոսիկ:

Արդ պատասխանի ետուն հարցմանս մերում 'ի դաւանութեան անդ հաւատոյ, տպագրեալ 'ի Շառէնդոն յամին 1667 . օրինակ զայս . « Ճանաչեմք » մեք և դաւանիմք զգիրս զայսոսիկ լինել կանոնս » հաւատոյն մերոյ , ոչ այնչափ վասն ընդունելութեան » և միաբան հաւանութեան եկեղեցւոյ , որչափ վասն » վկայութեան և ներքին ազդեցութեան Հոգւոյն » սրբոյ , որ տայ մեզ որոշել ընտրել զգիրս զայսոսիկ » յայլոց անտի » : Գոգցես զնոյն հրատարակումն նոցա ընթեռնումք և յայլում ևս դաւանութեան հաւատոյ նոցա , որ իբր 'ի նմին ժամանակի տպագրեցաւ 'ի Վիանտրա :

Արդ քաջայայտ է եթէ գլխովին մտացածինդ սյդ ազդեցութիւն ներքին՝ միջնորդ իմն է յոյժ ապիկար և ոչինչ աներկեան 'ի կանոնել զմասունս հաւատոյ : Զլինիմ ես ժամալաճառ վասն խնդրոցս այսորիկ . քանզի և խօսեալ խկ է իմ վասն այսորիկ շատ ինչ յառաջնում անդ հրամախօսութեան մերում՝ որ վասն հաւատոյ : Բայց դառնալով այժմ 'ի խնդիր մեր առաջիկայ , աղէ դու վայրիկ մի զմտաւ ամ , եթէ նորա զանդք ինչ մի երբէք կարացին զտանել 'ի գիրս սուրբս առ 'ի ընտրել ձանաչել զնոսա , ոյք 'ի նոցա նէն իցեն ճշմարտիւ աստուածաշունչք և կանոնս կանք , և ոյք ոչ : Քանզի և արդարեւ զիբք սուրբք երբէք 'ի խորշս ուրբք երբէք չունին ինչ ցանկ մի կամ ցուցակ մի զրոց կանոնականաց կամ անկանոնից . ուստի և միշտ երեքեալք տատանին նորա յայս խնդիր յոյժ մեծ և առաջին կարեւոր , մինչև ոչ արաւինեսցին յընդհանուր եկեղեցի որ ճշգրտիւ և անխալ ընտրութիւն արասցէ զրոցն՝ միայն 'ի ձեռն Աւանդութեան :

Այա ուրեմն յամբողջութիւն հաւատոյն հարկ անհրաժեշտ է յաւելոլ և ունել ընդ զրոց սրբոց և զերկրորդ աղբիւր յայսնութեանցն՝ զԱւանդութիւն : Այս փաստաբանութեանս այսմիկ՝ թուի անշուշտ՝ եթէ չկրինչ հաստահիմն և արժանահաս պատասխանի :

ՆՈՐԱՂԱՆԴԻՆ

Այլ որ այն իցեն և օրինակք քաջածանօթք յանցս և ՚ի դէպս եկեղեցւոյ, յորս վճռաւ սահմանեալ իցէ եկեղեցի խնդիրս ինչ էականս զվարդապետութեան հաւատոյ, հիմնեալ ոչ ՚ի գիրս սուրբս, այլ պարզապէս միայն Աւանդութեան : Արով և անթերի այնուհետև վարժեսցես՝ եթէ կարևոր ուրեմն իցէ անհրաժեշտ օրինակաւ և այս երկրորդ աղբիւր յայսնութեանցն Աստուծոյ և կարճեսցես զերդիժանս բազումս զմերոցն և զայսանս վասն Աւանդութեանդ՝ զոր համարին իբրև արդարև գիւտ լոկ մարդկային :

ՎԱՐԴԱՊԵՏՆ

Բազում են օրինակք յայս խնդիր յառաջ բերել քեզ, այլ զերկուս միայն ՚ի զվաւորացն ընտրեցից ասել, որ առաւել հոչակաւորք կային յեկեղեցական սրատմութեան :

Ի դարուն երկրորդի երկրայութիւն եղև յաղագս վաւերականութեան մկրտութեանն զոր տային հերետիկոսք : Այս վէճ և խնդիր դարձաւ եղև ՚ի յոյժ կարևորաց եկեղեցւոյ յայնժամ. քանզի ՚ի ժամանակին բազմութիւն յոյժ քրիստոնէից ծնելոց ՚ի մջ բազմութիւ ընկերութեանց հերձելոց ՚ի կաթողիկէ եկեղեցւոյ,

խնդրէին դառնալ անդրէն 'ի ծոց եկեղեցոյ : Արդ խնդիր մեծ յուզեցաւ յայնժամ գիտել ճշգրիտ, եթէ սրմբտ էր արդեօք կրկին մկրտել զՏերձեալսն զայնուսիկ և զգարձեալսն : Միաբանեցան առհասարակ, եթէ սրարտ էր կրկին մկրտել զնոսա, եթէ արդեօք հերետիկոսք 'ի մկրտելն զնոսա այլայլեալ իցին զձե բանից մկրտութեանն : Այլ դժուարութիւն խնդրոյն էր 'ի սահմանել անդ, եթէ : զինչ արդեօք սրարտ էր գործել եթէ ճշգրտիւ ըստ ձեռյ մկրտութեանն կատարեալ իցէ խորհուրդն 'ի հերետիկոսաց : Արդ 'ի պէսպիսութեան այլ և այլ կարծեաց՝ մեծապէս զօրավիզն կրրկնակնուճքացն եկաց սրարագլուխ այն այն մեծ և երեսելի 'ի ժամանակին . որոյ և դատաստան և կարծիք յինքն առհասարակ ձեռեաց զեկեղեցիս Աբիբիոյ : Սակայն էր սուրբն Աբիբիանոս եպիսկոպոս Արթազիւնոյ . հայրապետ՝ որչափ նախանձախնդիր հաւատոյ, այնչափ և քաջուս . որ և ապա զեանս իւր պոակեաց փառաւոր մարտիրոսութեամբ : Սակայն սնալատտակ լինէին յայնժամ կողմանքն 'ի խնդրել անդ 'ի գիրս սուրբս ինչ մի սահմանաւոր վասն մեծի խնդրոյս . քանզի գիրք սուրբք միայն քարոզեն զանհրաժեշտ հարկաւորութիւն մկրտութեան . որպէս և կնքեաց իսկ ինքնին տէրն, եթէ « Ար ոչ է ծնեալ վերստին 'ի » ջրոյ և 'ի հողոյ, ոչ կարէ մտանել յարքայութիւն » երկնից » : Գարձեալ և զձե մկրտութեանն աւանդէ ինքնին տէրն . « Մկրտեցէք զնոսա յանուն Հօր և Արդոյ և Հոգոյն սրբոյ » : Իսկ վասն կրկնութեան կամ անկրկնութեան մկրտութեանն՝ որ 'ի հերետիկոսաց, չիք ինչ բան 'ի գիրս անդ :

Արդ զմեծ զայն խնդիր 'ի ներքոյ արկին և յայնժամ դատաստանի սրբոյն Ստեփաննոսի Հայրապետ

տինն Հոռովմայ, որպէս և անյեղ լի սովորութիւն էր ընդհանուր եկեղեցւոյ դիմել 'ի գլուխն' 'ի մեծամեծ և 'ի դժուարին դէպս : Յայնժամ սուրբ Հայրապետն զօրավիգն իւր առեալ զանյեղ լի աւանդութիւնն եկեղեցւոյ 'ի խնդիրս յայս, յայտնապէս վճիռ հրատարակեաց եթէ չէ պարտ կրկնել զմկրտութիւնն տուեալ 'ի հերետիկոսաց, միայն եթէ մատակարարեալ իցէ այն ըստ ձեռոյ սահմանելոյն 'ի Քրիստոսէ : Եւ զնայն վճիռ ընկալաւ կաթողիկէ եկեղեցի և ընդունի ցայսօր. և այնպէս վճար եղև խնդրոյն :

Բայց և խնդիրն այն երևելի Պատկերամարտիցն զայլ օրինակ յուզեցաւ և խաղաղացաւ : Եյս պայքար բազմաշուկ մեծապէս խռովեաց զեկեղեցի, և բռնութիւնս ևս բազմադիմակ գործեաց 'ի նմա : Այստեք կրկին Աոստանդնուպոլսի Վէոն Խաաբիկոս և Աոստանդին Աոսրոնիմոս յարեան կային պարագլուխք այնոցիկ, որք թէպէտ և հաւանեալ էին եթէ չիք խափան յարգելոյ զսուրբս և բարեխօս ևս կարգարոյ զնոսա յօգնականութիւն, այլ տակայն զպատկերս նոցա և զարձանս չէ պարտ հաւատացելոյ սրհել 'ի տաճարս կամ ունել առ իւրեանս, երկուցեալք եթէ 'ի սնապաշտութիւն կոամիրութեան դարձցի բանն : Եւ այսպէս ասպա առհասարակ զամենայն արձանս և ըզպատկերս զըրբոց, նաև զտեառն մերոյ Յիսուսի Քրիստոսի 'ի վայր առեալ կործանեցին և առ աթուր հարեալ փշրեցին :

Սուր գուժեաց յարեմոստս, և եկեղեցիք արեմոց ընդ հայրապետին Հոռովմայ դատապարտեցին զյանդրգնութիւնն և զմեծապէս գայթակղութիւնն : Իսկ անդուստ և կայսերք սպառնալիս ահապինս գրեցին առ նոսա, և բանակ ևս զօրաց կազմեցին խաղալ ընդդէմ

Հայրապետին : Այս յայնժամ ժողովք բազումք գումարեցան եպիսկոպոսայ վասն խնդրոյս , մանաւորք 'ի Հոովմ , 'ի Գաղղիա և յայլ ևս կողմանս արեւելից . մինչև 'ի վերջէ յետ յիսնամեայ խոովութեանցն քահանայապետ Հոովմայ ժողով ընդհանրական գումարեաց յարեւելից և յարեւմտից իբրև 'ի վերջ եօթներորդ դարու 'ի Աիկիա Տիւթանացւոյ . և եղև այս եօթնեւորդ ժողով ընդհանուր եկեղեցւոյ : Գատապարտ արար յայնժամ ժողովն և նպովեաց զմիտրութիւնս պատկերամարտիցն , և զյամանուարն 'ի նոյն եհատ 'ի հաղորդութենէ եկեղեցւոյ :

Այս արդ քաջայայտ է , եթէ սատար և պատճառ վճռոյս ընդհանուր եկեղեցւոյ ընդգէմ պատկերամարտից եկաց Աւանդութիւնն միայն և զեղեցիկ սովորութիւնն հասեալ առ նա անդտօին յառաքելոց հետ : Քանզի 'ի գիրս սուրբս չիք ինչ բան վասն խնդրոյս , և չէր իսկ մարթ ընել . քանզի զկարգ արդեօք մատենագիրք սուրբք առաջին դարուն գրէին վասն խոսմայոց հերձուածոյն եօթներորդի դարուն . և խընդիրն էր վասն պատկերաց սրբոց ննջեցելոց 'ի յետագայ դարս :

Բայց և քաջայայտ է , եթէ եկեղեցի վասն բազմապատիկ այլ խնդրոց 'ի ժողովս ընդհանուրս և 'ի մասնաւորս միշտ շարժեցաւ տալ զվճիռս իւր զխաւորաբար 'ի բանից գրոց սրբոց . սակայն և յորժամ սխտր եղին՝ էառ իւր զօրավիզն զԱւանդութիւնն իբրև երկրորդ աղբիւր աստուածային յայտնութեանցն՝ կարևոր յամբողջութիւն հաւատոց հաւատացելոց :

Օրինակ իմն 'ի նիւթ ամենասուրբ խորհրդոյ հաղորդութեան պայքարք մեծամեծք յուզեցան ընդ եկեղեցին Յունաց , որ զխմորունն վարէր՝ ոչ համարելով

յատկապէս հաց զանխմորն, և ընդ եկեղեցի հոռւ
մայեցւոյ՝ որ միշտ զբաղարջն ՚ի կիր առնոյր :

Արդ և յայնժամ ժողովք բազումք, և տիրապէս
երկրորդ ընդհանուր ժողովն Ա խոնի, սահմանաւ վրձ
ոպին՝ զօրավիզն առեալ զաւանդութիւն եկեղեցւոյ,
եթէ երկոքին ևս խմորունն և բաղարջն են ճշմարիտ
նիւթք խորհրդոյ սեղանոյն :

Վոյնպէս և միայն յաւանդութենէ ունին առհա
տարակ ամենայն եկեղեցիք քրիստոնէից խառնել սա
կաւիկ մի ջուր ՚ի բաժակ խորհրդոյն :

Մարթ էր ինձ և այլ ևս օրինակս յառաջ բերել
քեզ . այլ արդեօք այսոքիկ շատ թուեսցին քեզ :

ՆՈՐԱՂԱՆԴՆ

Այլ կարի քաջ շատ իսկ են . որ այդպէս մանրա
մասին հանդերձեցեր մեզ զճառք, յայտ յանդիման
ցուցանել զգոյութիւն և զանհրաժեշտ կարևորութիւն
զՎլանդութեանն : Ա ասն որոյ և քաջիկ ևս խորհրդ
ածեալ ոք այսուհետև յայտոսիկ, և խեղամուտ եղեալ
ասացելոցն, անշուշտ եմ՝ եթէ անդրդուելի մնասցէ
՚ի ծանուցեալ ճշմարտութեան :



ՏՐԱՄԱՆՈՍՈՒԹԻՒՆ Գ.



ՍՏՈՒԴՈՒԹԻՒՆ ՀԱՒԱՏՈՅ

Անհնար է նորադանդին գտանել զստուգութիւն հաւատոյն իւրոյ յառանձին հետազօտութենէ իւրմէ ՚ի Գիրս : Անհրաժէշտ պէտք են հեղինակութեան եկեղեցւոյ ՚ի ստուգել զհաւատս հաւատացելոց :



ՎԱՐԴԱՊԵՏՆ

Ի նախնիթաց տրամախօսութեան մերում ակներև ցուցի քեզ բարեկամ, եթէ միայն ՚ի ծոցի ուղղափառ եկեղեցւոյ մարթ է ունել զամբողջութիւն հաւատոյ . քանզի այս եկեղեցի ՚ի մի շարալծեալ ունի ընդ զրոց տրոց և զՄանգութիւնն, զերկրորդ աղբիւր յայտնութեանցն՝ զոր եւ Մատուած եկեղեցւոյ իւրում : Այլ մեք Մանդութեանս այսմիկ շնորհապարտ զանձինս դաւանեմք ՚ի ծանօթութեան բազմապատիկ մասանց հաւատոյ, զորս չգտանեմք ուրեք ՚ի գիրս սուրբս : Այլ նա թուի՝ եթէ շատ ինչ գոհ հանդերձեցի եւ զքեզ ՚ի պատճառս ապացուցիցն՝ զոր յառաջ բերի յայնժամ. և արդ հարցանեմ, քաջիկ ևս խորհրդածեալ

բո յայնտիկ, որպէս ասացեր, մնայ ինչ խնդրել քեզ յինէն և այլ ևս բացայայտութիւնս :

ՆՈՐԱՂԱՆԴՆ

Որչափ առաւել խորհրդածեմ, այնչափ և առաւել թուի ինձ (անաչառ խօսելով) ճանաչել զԱնդու-
թիւնն իբրու երկրորդ աղբիւր յայտնութեանցն Աստու-
ծոյ : Քանզի և մատունս բազումն զհաւատոյն յուշ
ածեր ինձ, որոյ գիտութիւնն է կարևոր և սակայն
չգտանին ՚ի գիրս . վասն որոյ և ասեմ՝ չէ մարթ ու-
րեմն հաւատոյն լինել ամբողջ միայն ՚ի ձեռն գրոյ :
Բայց դու ինձ խոստումն արարեր ցուցանել այսօր,
եթէ առանձին հետազօտութիւն մարդոյ ՚ի գիրս վասն
հաւատոյն իւրոյ (յոր միայն ապաւինեալ եմք նորա-
ղանդք անուանեալքս ՚ի ձէնջ) չէ բաւական նաև ըզ-
Ստուգութեան զգրոշմն տալ հաւատոյն : Այս այս կը-
կրորդ մասն ինձ թուի առաւել կարևոր քան զտա-
ջինն :

ՎԱՐԴԱՊԵՏՆ

Այս ևս ինքն մտադիւրագոյնս և ճշգրտագոյնս ճա-
ռեցից քեզ վասն այսօրիկ :

Ապաքէն պարտ էր տեսան մերոյ Յիսուսի Քրիս-
տոսի խնամ ունել եկեղեցւոյ իւրում և միջնորդ իմն
տալ նմա ՚ի ստուգութիւն հաւատոյն : Ի հասարակի՝
անձխտելի է սկիզբնս :

Այս զմիջնորդ այսպիսի պարտի ընդհանրապէս ու-
նել եկեղեցի, զի կարող լինիցի սահմանել զինդիրս
յուզեալս ՚ի ծոյի իւրում ՚ի բանս հաւատոյ . դար-

ձեռք և 'ի մաննաւորի՝ այր որ հաւատացեալ 'ի ստուգել
զհաւատ իւր :

Արդ սուրբ գիրք չմարթին լինել միայնակ միջնորդ
'ի յաջողել յերկուս յայտոսիկ : Այլ նախ առաջին
յայտ է , եթէ գիրք միայնակ չեն բաւական սահմանել
զինդիրս 'ի բան հաւատոյ : Ինդիրք այսպիսիք յու-
զեցան միշտ յամենայն 'ի դարս , և յուզեցին միշտ
անպակաս . և խոտլայոյզ երկպառակութեանց պատ-
ճառք եղեն այնորիկ 'ի մջ հաւատացելոց , գրդեալք
'ի ջերմագին կրից և 'ի կամակոր յամուռութենէ և 'ի
գիմագրաւ անձնահաճութենէ , որովք վարակեցան
առաւելապէս 'ի յետին դարս այդ առաջնորդք նորա-
ղանդիցդ . է զի և 'ի սանձակոտոր յանդգնութենէ և
'ի խօշամիտ կուրութենէ անխմատ կուսակցացն նոցա .
և այսպէս ողիք ջերմացեալք բորբոքեցան , հաւատք
նուազեցին , սէրն ցամաքեաց , այլովքն հանդերձ : Այլ
շուտ ուրեմն պէտք էին միջնորդի ուրուք երրորդի
յեկեղեցոջ վախճան առնել բազմաշուկ երկպառա-
կութեանց 'ի ձեռն կանոնադասի վճուոց և սահմանել
զոր հաւատայն սարտ էր աներկեան ստուգութեամբ :
Ըստ որում և գործեաց միշտ եկեղեցի վճուովքն իւ-
րովք ըստ իշխանութեանն՝ զոր էառ 'ի Քրիստոսէ :

Այլ սակայն նոցաղանդրդ որ դատապարտեցան 'ի
նմանէ , յաւակնեալ ժտեցին բառնալ 'ի նմանէ զիշ-
խանութիւնն զայն . քանզի ոչ կամեցան խոնարհել
հպատակել դատաստանի նորա , և սկսան սնդել
եթէ գիրք սուրբք միայն պարտին սահմանել զինդիրս :

Արդ Լաւմ եթէ այդ յաւակնել դուցա է զլսովին
վայրասպար , նա և լի անմտութեամբ . ընդէր . քանզի
գիրք սուրբք են մատեան անբարբառ և առ 'ի սահ-
մանել զպայքարս և զինդիրս՝ անհրաժեշտ պէտք են

բարբառոյ մարդոյ, պէտք են ատենի, պէտք են դատաստանաց, որ երկոցուն կողմանցն մատուցեն զլսելիս, որ ՚ի քնին առցեն զիստոս նոցա, որք և ապա վճիռ հատանիցեն դատաստանաւ, որ հարկ ՚ի վերայ դիցէ անստատիցն ՚ի հնազանդէլ :

Այլ մանաւանդ ՚ի դէպս յայտոսիկ պէտք են այսոյնիկ . քանզի ոչ միայն անբարբառ են զիրք, այլ և աղօտահայեաց է տեսութիւն նոցա, ուստի և տեղի յայ բազմապատիկ պայքարաց և խնդրոց : Քանզի միտք գրոց ՚ի բազումն մեկնին . և այր իւրաքանչիւր ըստ քմացն ընտրէ զմին . և բովանդակ ոյժ և էութիւն սպայքարացն յաճի ՚ի վերայ հարազատ իմացուածոյն : Պէտք անհրաժեշտք են ուրեմն իշխանի ուրուք արտաքոյ գրոցն, որ տիրաբար վճիռ հատցէ վասն ճրչգրիտ իմացուածոյն :

Վիցուք եթէ վէճ անհնարին յուղիցի ՚ի մջ երկուց հակառակորդ օրէնսգիտաց յաղագս գժուարին ինչ խնդրոց : Արկարին և ս կողմանք ՚ի զօրավիգն կարծեաց իւրեանց զօրէնսն ՚ի ներքս արկանեն, ընդ նմին և զայլ և ս յօղուածս օրինացն : Այր այր ասէ զփաստս իւր և ըստ այլևայլութեան կարծեացն սպասեալ մնան դատաւորին վճուոց : Յայնժամ մի ոմն յօրէնսգիտաց անտի ձայն արձակեալ, « Չեն պէտք, »
 « ասէ, չեն պէտք վճուոց . թող լռեսցէ ատենան, »
 « կացցէ դատաստանն . ինքնին օրինաց միայն ստարտ »
 « է դատաստան առնել . նմա չեն ինչ պէտք ոչ օրէնս »
 « ուսուցաց, ոչ դատաւորի, ոչ մեկնչաց . շատ է »
 « ընթեռնուլ զօրէնս, և նա սահմանեալ օրոշեսցէ »
 « զամենայն » : Այլ արդ հարցանում բարեկամ, զի՞նչ խորհուրդք իցեն քո վասն բանի օրէնսգիտիկ այդոյնիկ . անդէ ասա :

ՆՈՐԱՂԱՆԴԵ

Վ՛ աչ, ումպէտ են բանրդ և առ ոչինչ գրելիք :
 Յայտ իսկ է, եթէ գիրք օրինացն չէ ատեան . և յոր-
 ժամ արտահայեաց է տեսութիւն նորա և սրայքարք
 երկուստեք յուզին 'ի վերայ իմացուածոյն, անհրա-
 ժեշտ պէտք են ուրեմն յայնժամ երբորդ ի ուրուք օրէնս,
 ոսոյց մեկնչի :

ՎԱՐԴԱՊԵՏՆ

Ըսրա ուրեմն գիրն չէ բաւական միայնակ սահմա-
 նել զինդիրս յուզեալս 'ի վարդապետութիւնս հա-
 ւատոյ :

Ը՛յլ կտովմ զարդիս ասացուցանել քեզ, եթէ նա
 չէ բաւական միայնակ նսե 'ի սահմանել զառանձին
 հաւատ հաւատացիոյ ուրուք անձին : Օ՛ ի խօսելով
 նախ զթուոյ հաւատացիւցն, տեսանեմք զի բազմա-
 գոյնք թուով են նորա արք ուսմիկք և տգէտք . իսկ
 զճանտարհն փրկութեան երաց նոցա Քրիստոս ան-
 շուշտ որպէս գիանայն . ուրեմն և միջնորդն՝ որ զհա-
 ւատ նոցա բաւական է ստոյգ գործել, սխարտի 'ի զէս
 զալ միճակի հաստդութեան նոցա, և ամենեցուն առ-
 հատարակ ծանօթ լինել : Իսկ արդ առանձին հետա-
 զօտութիւնն 'ի գիրս սուրբս՝ զոր նորաձայնրդ քարո-
 զեն՝ չէ այնպիսի :

Քանզի ոչ ամենեքին գիտեն ընթեռնուլ . և թէ գի-
 տասցին ևս՝ ոչ ամենեքեան կարող են ստանալ զմա-
 տեանն Գրոց . և թէ ստասցին ևս՝ ոչ ամենեքեան
 բաւական են յիմանալ զայն :

Եւ ս' որ աներկեանութեամբ վտաճ վասն այսո՛րիկ երբէք լինիցի յանձն իւր : Հարբ սուրբք ինքնին և մեկնիչք և թարգմանք գրոց սուզեալ ընկղմին յանձասանելի խորս նորա : Բազմահատոր մատեանք մեկընչաց անբաւք են . և խորհուրդք և կարծիք այնչափ զանազանեալք , մինչ զի 'ի մի բան գրոց է գտանել իմացուածս բազումս՝ թուով քսան և երեսուն և քառասուն . նա և յէականն : Օրինակ իմն 'ի բանն յայն յէական՝ 'ի քառից կազմեալ քառից . « Այս է մարմին իմ » . քանի իմաստք կամակորեցան առ նորազանդան :

Եւ հատարակ որեարն աւանայ և զխղից , անգուստ և աղջկուծք և կանայք և ոստիկք անուամոնք , ժրտեսցին արդեօք ասել համարձակաձայն , եթէ « Այս ինքնին առանձին քաջիկ իմանամ զգիրս » : Եւ զկարգ ոչ յետին յանդգնութիւն խլէ բանդ :

Բայց ես յառաջ ևս ընթացեալ 'ի բանս ասեմ . եթէ առանձին հետաքննութիւնդ այդ 'ի զգրս՝ կարևորն 'ի ստուգել զհաւատ առն հաւատացիւոյ , է տիրապէս անկարելի , ոչ միայն տգիտաց ոստիկն , այլ և զիսանականայ , նա և նոցուն իսկ գերիմաստ մտաց : Բանզի՛ քաջ միտ զիր խորհրդածութեանս որ 'ի յոյժ կարևորացն է . եթէ չգուցէ իշխանութիւն յեկեղեցւոյ սահմանել ընտրել զճշմարիտ իմացուածս գրոց , ասպա և ոչ 'ի մարդոց յուճեքէ հնար է այնմ լինել և ոչ յընկերութենէ իմեքէ :

Գու ո՞վ Մութեր չունիս ինչ իշխանութիւն 'ի վերայ հաւատոյն Աղալմնի . և ոչ դու Աղալմն 'ի վերայ հաւատոյն Օւլմնկլիտսի . և ոչ որ 'ի ձէնջ և ոչ դուք համախումբ ամենեկին ունիք ինչ իշխանութիւն 'ի վերայ հաւատոյն մարդոց՝ որոց և խլէ :

Պէտք են ըստ դրութեան ձերոյ՝ զի իւրաքանչիւր
 հաւատացեալ անձամբ անձին հետազօտեսցէ զգիրս
 սուրբս ՚ի փրկութիւն հոգւոյ իւրոյ ըստ ամենայն
 մասանց հաւատոյ: Արդ սնդեմ՝ եթէ անհնար է
 բանդ բացարձակապէս ոչ միայն հաւատացելոց առ-
 հասարակ, այլ և զուամէ և ասիցես ՚ի քաջագէտ
 արանց:

Քանզի և արդեօք պարտ էր նախ՝ զի առհասարակ
 ծանօցեն ճշգրտիւ ո՞ր իցէ ճշմարիտ իմացուած գրոյն .
 երկրորդ՝ զի և ստուգեալ յապահովի կացցեն վասն
 ճշմարիտ իմացուածոյն: Այլ արդ երկրորդն ևս են ան-
 հնարինք:

Նախ՝ անհնար է յապահովել միայն ՚ի ձեռն աս-
 տուածաշունչ մատենի, ո՞յք իցեն գիրքն առանձինն
 յորոց միանգամայն կազմիցի այդ մատեան: Այս
 գլուխ դժուարութեան ունի յինքեան և զերիս այլ
 դժուարութիւնս. որ են՝ գիրքն ինքնին, մասնաւոր
 հատուած գրոյն, և թարգմանութիւն նորա: Արդ
 նորազանդ որ որ զհետ երթալով սկզբանց իւրոց վար-
 դապետաց սլարապեսցի ՚ի լուծանել զտարակուսանս
 իւր հետազօտութեամբ գրոյն, և գտանիցէ հատուածս
 բանից յաղազս գլխաւոր ինչ մասին հաւատոյ, և առ
 ՚ի գիտել եթէ հնար իցէ նմա աներկմիտ հաստատիլ
 ՚ի վերայ հատուածոյն, հարկաւորապէս զերրեակ զայս
 հարցումն հարցանէ ցանձն իւր. « Արդեօք գիրք՝ ուր
 » գտանեմ ես զայս հատուած իցէ՞ ՚ի թուոյ սրբազան
 » գրոց: Արդեօք այդ հատուածդ իցէ՞ ինչ երբէք այլ
 » այլեալ: Արդեօք և թարգմանութիւն նորա իցէ՞ հա-
 »ւասարիմ: Այլ ահա տարակուսելն միայն ընդ մին
 յերից այսի մասանց վեր ՚ի վայր տապալէ ողջոյն զհե-
 ղինակութիւն հատուածոյն այնորիկ:

Այլ առ ուղղափառս չիք ինչ երկմտութիւն յերեսին 'ի դոսա . զի և չունին ինչ նորա սպարոս հետազօտելոյ անձամբ 'ի գիրս . եկեղեցի ինքնին մթերեալ սրահէ 'ի գանձի իւրում զսրբազան գիրս , նա ինքն յասպահովի առնէ զորդիս իւր վասն ամբողջութեան հատուածոյն , և ինքն ընծայէ նոցա թարգմանութիւն հաւատարիմ զընկալեալն 'ի կաթողիկէ եկեղեցւոյ :

Բայց նորազանդ որ յանհնարին տազնապի կայ . հաւանականութիւնս միայն և հաստատութիւնս իմն խորխուրս ունի վասն վաւերականութեան գրոցն , վասն ամբողջութեան և անարատութեան հատուածոյն , և վասն հաւատարմութեան թարգմանութեանն , որովհետեւ սակաւք 'ի գիտնոց ծանօթք են արեւելեան լեզուաց : Ուստ ուստեք ծանօցէ նա , եթէ հատուածք գրոցն չիցեն այլայլեալք : Աւ որ առաւել զտազնապ նորա յաճախէ , այն է՝ զի 'ի բազմազոյնս 'ի հատուածոց գրոց զտանին այժմիկ պէսպիսութիւնք բաղումք , այս է՝ բազմազիւի եղանակք գրութեան 'ի զանազան գրչազիրս , կամ թէ 'ի նախընթաց տպագրութիւնս զանազանեալս :

Ոչ արդեօք պէտք իցեն նմա զիմեղ 'ի հեղինակութիւն կաթողիկէ եկեղեցւոյ , յորմէ հիմնադիրք նոցուն առին զգիրս սուրբս : Աւ եթէ հարցանիցեմք , եթէ ընդէր ապա ոչ ճանաչէք զհեղինակութիւն զայս եկեղեցւոյ՝ նաև յայլ մասունս վարդապետութեան , զինչ ունիցին պատասխանի :

Բանզի զլսաւոր գժուարութիւնս հիմնեալ կայ 'ի վերայ նոցուն իսկ գրոցն , ոյք 'ի նոցանէ իցեն արդեօք սրբազանք և կանոնականք , և ոյք ոչ : Օ ինչ կարտոցէ որ սլատասխանի առնել հարցմանոյս , յորժամ յեականն ընդ ունի զհեղինակութիւն եկեղեցւոյ , և

յայլն՝ մերժէ : Այլ քաջայայտ է յեկեղեցական պատմութենէ , զի գիրք հնոյ և նորոյ կտակին ոչ ծանուցան առհասարակ ամենեքեան յամենայն ՚ի դարս եկեղեցոյ իբրև կանոնականք , և զի՝ և ոչ զարդիւր ճանաչեն զայնոսիկ ամենայն խումբք հերձեղոյն , որպիսի են գիրք Իմաստութեան , Սակարայեցւոյն , Թուղթք սրբոյն Յովհաննու աւետարանչի , և Թուղթ սրբոյն Յուդայի առաքելոյն :

ՆՈՐԱՂԱՆԴՆ

Բայց վարդապետն մեր Աղոդիոս հնարս գեղեցիկ իմաստութեամբ ՚ի վեր եհան զերծանել ՚ի վարանայ տազնապին , հոչակ իբրևապէս հարեալ՝ եթէ « Գիրք » սուրբք անդասին ՚ի բնէ նշոյլս իմն ճառագայթից » ունին յինքեանս զաստուածայնութեան , որ անդէն » հեշտեալ տան ճանաչել զինքեանս » : Ըն այս և ՚ի գիրս ինչ Հրահանգայ նորաձայնութեան տպագրեալ ՚ի Շէնեհոյն յամին 1667 . (և անշուշտ համարին այդ գիրք իբրու հանձարով մեծաւ շարագրեալ) , ընթեոնումք վասն խնդրոյս զայս ինչ . « Օսրբապնութիւն գրոյ գիտեմք մեք ՚ի վկայութենէ » անտի և ՚ի ներշնչութենէ Հոգւոյն սրբոյ , որ տայ » մեզ ճանաչել զայնոսիկ » :

ՎԼԻԴԱՊԵՏՆ

Այլ ո՞չ արդեօք յայտնապէս վայրասար և փուտ իյէ պատասխանիդ :

Քանզի եթէ նշոյլք ճառագայթից Աղոդիոսին էին արդեօք այնչափ փայլակնայայտք , որպիսի ինքն կամի

տալ ճանաչել զնոսա, զի է զի յամենայն դարս եկև զեցւոյ 'ի վերայ էական խնդրոյս այնչափ վարանք յուզեցան և խէթբ: Իսկ և զիմելդ այդ 'ի ծածուկ ներշնչութիւն Հոգւոյն սրբոյ, է յայտնապէս անկանել 'ի կոկողանս սուսս և 'ի մտախաբ կիրս:

Այլ որ յայտնի ասացուցանէ զստութիւն դրութեանս այսորիկ, այն է. զի եթէ արդարև այս ներշնչութիւն գայ 'ի Հոգւոյն սրբոյ, ասպ սարտէր միօրինակ լինել 'ի ներշնչեալս առհասարակ: Այլ առդիկ որ ըստ կարծեաց հերձելոցդ առ 'ի մինջ առաւել իմն լուսաւորեալք անուանեցան՝ Ղութեր և Վալվին՝ զի է զի ոչ նոյնօրինակ ներշնչութեամբ վառեցան, և ոչ նմանատիպ ճառագայթիւք լուսաւորեցան: Քանզի Ղութեր մերժեաց և չընկալաւ ընդ Վանոնականս զթուղթ սրբոյն Պաւղոսի առ Աբրայեցիս. զթուղթ կաթողիկեաց սրբոյն Յակոբայ, և զՅայտնութիւն սրբոյն Յոհաննու աւետարանչին: Իսկ անդուստ Վալվին զերեսին զայդոսիկ առ ընկալաւ իբրև կանոնականս:

Բայց մեք չեմք կարօտ. ոչ Վրդեան նշուլից ճառագայթիցդ այդոյիկ 'ի խնդիր երանեմք, և ոչ գերբնական ծածուկ ներշնչութեանդ այդմիկ: Գիտեմք, զի հերձուածողք 'ի բաց մերժեցին զայն գիրս, որ անհաճոյք գտան նոցա. քանզի յայտնի դիմամարտք զինէին վարդապետութեան նոցա: Օրինակ իմն՝ Ղութեր մերժեաց զՎիրս Սակաբայեցւոյ. քանզի յիշատակ առնեն այն գիրք աղօթից և խնդրուածաց վասն ննջեցելոցն: Իսկ զթուղթ սրբոյն Յակոբայ, քանզի անպատրուակ զրէ անդ առաքեալն վասն վերջին օժմանն հիւանդաց, այլուքն հանդերձ: Անշուշտ ասպ եթէ վասն գոյութեան Գրոց, եթէ վասն ամբողջութեան հատուածոց, և եթէ վասն հաւատարմութեան

Թարգմանութեանն, անստուգութիւն զլնովին տի-
րեալ է առ նոսա: Այլ եթէ այս այսպէս, զհարկ ապա
և ո՞րպիսի ինչ ստուգութիւն երբէք եղլցի հաւատոյն
նոցա:

Արկրորդ՝ որ առաւել ևս մեծ է, զի չիք հնար եթէ
հաւատացեալ որ յապահովի կացցէ վասն ճշմարիտ
լմայուածոյ բանիցն միջնորդաւ գրոց միայն. պէտք
են հաւատոյն՝ որպէս ասացի՝ լինել այնչափ ստոյգ,
որչափ և հոյատակ և հլու: Այլ այս ստուգութիւն՝
բաց ՚ի վկայութենէ զգայութեանցն մարդոյ և ՚ի դա-
տաստանէ նորա սրբոյ ունել և զգատաստան աս-
տուածաբանից: Այլ այս աներկեան հաւատոյն ստու-
գութիւն պարտի այնպիսի իմն յարդարել զմեզ ճշ-
մարտութեամբ, զի եթէ և պէտք իցեն, միշտ պատ-
րաստք իցեմք և զրովանդակ զարիւն և զկեանս տալ,
լստ որում բիւրք բիւրոց մարտիրոսաց քաջացան ա-
րիութեամբ: Այլ զայս ստուգութիւն աներկեան սրբոս
է ունել միանգամայն յամենայն խորհուրդս հաւատոյ,
՚ի միութիւն աստուածութեան, յերրորդութեան ան-
ձանց, յաստուածութիւն բանին, միով բանիւ՝ յա-
մենայն ճշմարտութիւնս՝ զոր ուսուցանէ: Ակեղեցի:

Արդ զստուգութիւն այսպիսի անհնար է ունել ՚ի
Գրոց միայն, և աւասիկ քեզ պատճառքն: Քանզի
լմաստ բանի գրոյն, որ աղագաւ սրայ քարին երկուքն
կողմանք, ազատ է և երկբայելի. և վասն այսորիկ է
սրայքարն. քանզի ՚ի վերայ յայտնեացն չիք սրայքար:
Այլ սրայքարին, ո՞րք ունիք. վարդապետք իմաստունք
և արք քաջուամունք:

Այլ եթէ զճանճար և զգիտութիւն չպարտիմք զա-
նալ արանց քաջութից եկեղեցոյ, որ զինեցան ընդ-
գէմ աշխարհագոյժ հերձուածողայն, ըստ որում են

Արիտ, և Վեստոր, և Վաթեր, և Վալվին, նման-
 եօրն հանդերձ, ոչ ինչ արդեօք ժտեսցին այս հերձու-
 ծողք իբրև ասուշս և յետսամիտս համարել առհա-
 սարակ զամենայն վարդապետս ուղղափառաց և զա-
 մենայն զհարս :

Այլ առ այս դարձեալ, պայքարին յաղագս զիսա-
 ւորաց են և տիրականաց, յորս առ ՚ի զառաջս ունել
 զհերձուածոցն և առ ՚ի տանձել նուաձել և արմա-
 տաքի խել արձանագրեցան այնչափ ճառք և մա-
 անեանք, յառաջ եկին այնչափ խորհուրդք և զրուցատ-
 րութիւնք և զուամարեցան այնչափ ժողովք եկեղեցւոյ,
 զի և պարտ իսկ է խոտտովան լինել եթէ ամենայն
 հասուն խորհրդով՝ որչափ և մարթ էր՝ հետաքննեցան
 խնդիրքն. և ՚ի վերայ այսր ամենայնի ոչ յաջողեցաւ
 միաձայնութիւնն ՚ի վերայ իմացուածոյ գրոցն, յոյր
 վերայ հաստատեալ սնդէին ջատագովք հակառակ
 կարծեացն. ապա ուրեմն ոչինչ յստակատեսք են իմա-
 ցուածք գրոցն. ուստի և ոչ առանձին ըստով բանի
 մարթիցին երբէք սահմանիլ :

Այն զի և մեծամեծ մոլորութիւնք ՚ի մթին բանից
 անտի գրոցն ՚ի վեր բուսանին, քանզի և անզանօր
 միայն զանազանեալ հակառակին կարծիք. որպէս և
 վէճք և աղաղակք ՚ի բազմասպարքար դատս աշխար-
 հական ատենից բարձրաման : Ապա ուրեմն յայնչափ
 դժուարին հակաձառութիւնս առ ՚ի լոյս հանել զձրշ-
 մարիտ իմացուած գրոցն պէտք են անշուշտ սահմանի
 և ստուգապատում կանոնի. և ո՛ւր ասպա մարթ իցէ
 դտանել զայն, յորժամ երկոքին կողմանք սնդեալ
 յիւրաբանչիւր կարծիս և զուրեանցն հաստատեսցին
 միայն :

Այլ նորին աղագաւ ստիպեալ և նորա ՚ի յայտ յան-

դիմանութենէ իրայն՝ ձայնակիցք մեզ գտան 'ի վերջէ, եթէ միտք մարդոյ միայնակ չէ բաւական սահմանել ստուգութեամբ զճշմարիտ իմացուած դժուարին բանից գրոյն. և թէ՛ պէտք են անշուշտ ընթերակայութեան Հոգւոյն սրբոյ. և զնոյն խոստովան եղեն յայտնապէս. այլ այս անհրաժեշտ խոստովանութիւն ոչ այլ ինչ գործեաց, բայց եթէ առակել զտագնապ տարակուսի նոցա առանց յանդորր հանելոյ զնոսա :

Քանզի կէսք 'ի նոցանէ համարեցան ընդ Արդիոսի քարոզչին ձերոյ՝ որպէս ասացի, եթէ այս ընթերակայութիւն կայանայ 'ի ճաշակ իմն մտաւոր կամ յազգումն շնչեալ 'ի Հոգւոյն սրբոյ առ 'ի խեղամուտ լինել ճշգրիտ իմացուածոյ գրոյն :

Իսկ և կէսք այլք ընկալան ներշնչութիւն իմն անմիջական հեղեալ 'ի Հոգւոյն սրբոյ, եթէ առ ամենևն սեան առհասարակ որ միանգամ անկեղծութեամբ խնդրեսցեն զճշմարտութիւն, և եթէ առանձին առ հաւատացեալ որ, կամ առ նախասահմանեալս միայն :

Այլ սակայն քաջայայտ փուտ են բանքն և տարապարտ զրոյցք և վայրասպար պատճառք են : Ուստի և յաւետ ևս զգալի յարգարելով զերսդ, դիցուք եթէ 'ի սկզբան անդ չորրորդի դարուն, և նախ քան զսահման վճռոյ ժողովոյն՝ Աիկիոյ մի որ յարիանոսաց և մի որ դարձեալ յուղլափառաց 'ի պայքար մտեալ իցեն վասն աստուածութեան բանին : Արիանոսն պնդեալ կայ 'ի վերայ բանի գրոյն, եթէ « Հայր իմ մեծ է քան զիս » . յորմէ և զհետ բերէ եթէ Հայր և Որդի չեն ուրեմն նոյն և մի Աստուած :

Իսկ և անդուստ ուղղափառն զնոյն բան մեկնէ վասն մարդկային բնութեանն, որով և փոքր իսկ է որդին քան զհայր :

Բայց Արխանտոն սրտէ դարձեալ եթէ զան զայն սրտտ է իմանալ ոչ վասն մարդկային բնութեան որ դւոյն, այլ վասն բոլոր որդւոյն՝ որ վերկուս ունի բնութիւնս զաստուածայինն և զմարդկային. քանզի բացարձակ և առանց բաժանելոյ ասաց Քրիստոս. « Հայր իմ մեծ է քան զիս » :

Բայց և ուղղափառն կայ ընդդէմ, և զայն ևս բան տեսան յառաջ բերէ, զոր ասաց, « Այս և Հայր իմ մի եմք » :

Իսկ և ընդդէմ արխանտոն թարգմանէ զնոյն բան ոչ վասն միութեան բնութեանն, այլ վասն միաձայնութեան և համաշնչութեան կամայն, քաջ իսկ յայն միաս զոր ասէր տէր մեր աղօթելով առ Հայր վասն աշակերտայն, « Հայր սուրբ պահեան զնոսս, զի եղիցին մի որպէս և մեք մի եմք » . այս է՝ զի եղիցին միշտ միաբանք և միակրօնք :

Այս արդ մարթ էր նոցա և այլ ևս շատ հակաձառել և երբէք ընդ միմեանս չմիաբանել, դարձեալ և երկոցուն կողմանցն կալ միշտ ՚ի վարանս և յանստուգութեան, եթէ չէր ընդհանուր ժողովոյն՝ Աթլիկայ գումարեալ յամին 525 և սահմանաւ որոշեալ զինդիրն :

Այլ յառաջ մատուցեալ մօտ ՚ի մեր ժամանակս, տացուք այժմ ՚ի պայքար մտանել առն միում Առթերականի, որ դաւանի զիրական ներկայութիւն Յիսուսի Քրիստոսի ՚ի խորհուրդ Հաղորդութեան, դարձեալ և միում ումեք ՚ի Աորհրդական անուանեալ աղանդաւորայն որ ժխտեն զնոյն և յուրաստ լինին : Առթերականն հաստատէ և ցուցանէ զիւրն նովին իսկ սրբացուցիչ բանիւք խորհրդայն զոր սահմանեաց Քրիստոս ասելով « Այս է մարմին իմ. Այս է արիւն իմ » : Պատասխանի ընդդէմ առնէ Աորհրդականն,

եթէ որովհետեւ յանհնարիցն է իրն, յայլաբանական
միտս ուրեմն պարտ է խնամալ զբանն. ըստ որում և
զբաննս զայնոսիկ զոր ասաց ինքնին տէրն վասն իւր
« Ես եմ դուռն, ես եմ ճանապարհ, ես եմ որմն » :

Եւ այնպէս ասալ յետ երկայնագոյնս պայքարելոյ
առանց ճշգրտագոյնս ինչ ՚ի վեր բերելոյ, ՚ի վարանս
տարակուսի կացցեն մնասցեն երկզքին կողմանքն :

« Հաւատամ ես, ասացել վարանեալ յանձն իւր
» Լուծերականն, զի զբառնս զայն զոր սահմանեաց
» տէրն վասն խորհրդոյ հաղորդութեանն, պարտ է
» առնուլ ՚ի նկարագրական միտս : Եւ էր կարծիքն
» Լուծերի. բայց և զայն գիտեմ. զի Օւլինկլիոս
» յայլ կարծիս եղև. և կարծիք նորա տիրացանս այժ
» միկ յեկեղեցիս վերանորոգութեան մերոյ : Բայց և
» արդեամբք ոչ զք ՚ի նոցունց էք արդեօք անսխալ,
» և ոչ ես ինքն եմ ինչ այնպիսի. վասն որոյ ՚ի վա-
» րանս կամ. հակառակեալ եմ այն ՚ի կարծիս յայս.
» բայց չեմ անշուշտ և յաւահոյլի » :

Իսկ և Խորհրդականն անուանեալ զնոյն խօսեսցի
ընդ անձին վարանօք. « Եւ յի կուտակից եմ այլաբա-
» նական մտաց բանից խորհրդոյն. ՚ի վերայ այս
» գիտեմ քաջ զի Լուծեր մերն հիմնադիր երբէք ոչ
» հաճեցաւ ընդ այն. և զի Լուծերեանք ևս բազմա-
» թիւք են յոյժ. և զի՝ անշուշտ և դառք ուղղափա-
» ռաց երբէք ոչ փոփոխեցան ՚ի հաւատ հաղորդու-
» թեանն, և զնոյն դաւանութիւն յայտ յանդիմա-
» նութեամբ ցուցանեն կացեալ անարատ անդստին
» յառաքելոյ անտի մինչ առ Խորհրդականս առ
» մեզ. ուստի և յասուշ հարեալ կամ և վարանիմ.
» թէպէտ և զնոյն կարծիս ուսուցին ինձ իմս վար-
» ժապետք » :

Այս թէ դու յերկրայուն դոցա 'ի վարանան՝ կամիս
 աներկեան լինել 'ի խնդիրդ, կայս հանդէպ Խոր-
 հրդական անուանեալ նորաձայնիցդ զօմն յուղղափա-
 ռաց. թող հարցցէ նմա Խորհրդականն այսպէս .
 « Ա՛ղէ ասա՛, հաւատաս՞ դու եթէ մարմին և արիւն
 » տեան մերոյ Յիսուսի Վրիստոսի իցէ ճշմարտա-
 » պէս 'ի խորհրդեան հաղորդութեան » . Պատաս-
 խանի արասցէ ուղղափառն . « Այո՛ խոստովանիմ՝ և
 » հաւատամ » : — « Այս ընդէր հաւատաս զայդ » :
 — « Վասն զի գտանեմ զայն 'ի սուրբ գիրս . Այս
 » է մարմին իմ, Այս է արիւն իմ » : — « Այս զիսորդ
 » յայտնի գիտիցես, եթէ զբանսդ պարտ է առնուլ
 » 'ի նկարագրական միտս և ոչ յայլարանական » . —
 « Այո՛ յայտնապէս գիտեմ զայս, վասն զի կաթողի-
 » կէ եկեղեցի ուսուցանէ այնպէս . և զի յայտնի սահ-
 » մանեցաւ այնպէս և յնդհանրական ժողովն Տրի-
 » դենտեան : Այս ինձ 'ի բանիդ անստուգութիւն, և
 » ոչ 'ի յերկուանաց ինչ վարանեալ պատրիմ այսու-
 » հեռե . և քաջապիմդ հաստատեալ կամ 'ի վերայ
 » բանիցն Աստուծոյ զոր մեկնեաց եկեղեցի, որում
 » միայն յանձն եղև սահմանել զիմաստ բանիցն Աս-
 » տուծոյ . որում և խոստացեալ իսկ է զյաւերժաբար
 » ընթերակացութիւն իւր մինչև 'ի կատարած աշխար-
 » հի : Պատրաստ եմ այսուհեռե 'ի վերայ հաւատոյս
 » այսորիկ տալ զարիւն իմ . իսկ դու անշուշտ ոչ քա-
 » ջապիտ յայս 'ի հաստատել զգրութիւն այլաբանա-
 » կան իմաստիդ . և ոչ քոյ եղբայրակիցք Նութե-
 » րեանք 'ի հաստատութիւն իրական ներկայութեանն :
 » Այս զի՛ և գլխովին չէ իսկ պարտ ձեզ առնել զայդ .
 » քանզի ըստ ձեզ կարծիք միայն վարանականք են
 » այգոսիկ, որ ոչն զօրեն հաւատս ներգործել աներ-

» կեանս . և ըստ նմանէն՝ ոչ և զհաւատն զայն զոր
 » սահմանեաց Մտուած լինել սկիզբն արդարացուց .
 » ման հաւատացեաց և փրկութեան նոցա : Աւ եթէ
 » յայս մասն հաւատոյ այսպէս , ապա և յայլ ամե .
 » նայն մատունս . զի ոչ դաւանիք զհեղինակութիւն
 » կաթողիկէ եկեղեցւոյ ՚ի սահմանել զճշմարիտ իմաստ
 » բանիցն Մտուծոյ : Ապա եթէ չունիք դուք հա-
 » ւատս զկաթողիկէ եկեղեցւոյ , կամ թէ մանաւանդ
 » չկամիք ունել , զիսորդ մարթիցէ փրկութիւն գտա-
 » նել ձեզ , եթէ ոչ ՚ի խնդիր ելանիցէք այնմ՝ միա-
 » բանեալ ընդ կաթողիկէ եկեղեցւոյ » :

Աւ արդ աղէ բարեկամ զիսորդ թուի քեզ . իրաւա-
 ցի իցեն բանք և փաստք ուղղափառիդ . և զինչ ար-
 դեօք գտանիցէք տալ պատասխանի :

ՆՈՐԱՂԱՆԴԻՆ

Թէպէտ և իրաւացի ևս թուեսցին բանքդ , եթէ
 միայն ՚ի հեղինակութենէ աստի եկեղեցւոյ մարթիցէ
 ունել հաւատս ստոյգ և աներկեան և կարևոր ՚ի փրկ-
 կութիւն , այլ սակայն առ ՚ի հաստատել զկարևորու-
 թիւն հեղինակութեան կաթողիկէ եկեղեցւոյ մարթիցէ
 քեզ , նոսե վկայութիւնս յառաջ բերել ՚ի նոցուն իսկ
 ՚ի գրոց : Ինչ թուի՝ եթէ յայնժամ վճարեալ է ամե-
 նայնն ընդդէմ մեր՝ որ դաւանիմք՝ եթէ զրոց միայն
 է անկ սահմանել զհաւատս հաւատացեղոց :

ՎԱՐԴԱՊԵՏԻՆ

Աւ կարի քաջ . վկայութիւնք բազմապատիկ զոն
 վասն բանիդ ՚ի գիրս սուրբս : Աստիկ մարգարէք

սուրբք առհասարակ կանխապատումք եղեն վասն եկեղեցւոյ Քրիստոսի . եթէ յաջորդել հանդերձեալ է զհետ օրինացն Մովսէսի . և թէ յաւերժաբար կացցէ մնասցէ և զհաւատացեալս իւր ածցէ յերկինս միջնորդաւ հաւատոյն , և նա եղիցի իշխան սահմանադիր ստուգութեան հաւատոյ : « Ի սիոնէ եկեսցէ փրկիչ , ասէ »
 « Ասայի . 'ի գլ . 19 . . . և աւասիկ ուխտն զոր եղից »
 « ես ընդ մարդկան , ասէ տէր : Հոգի իմ որ է 'ի »
 « ձեզ , և բանք իմ զոր ետու 'ի բերանս ձեր , ոչ ևս »
 « պակասեսցին երբէք 'ի բերանոյ ձերմէ , և ոչ 'ի բե »
 « ըանոյ որդւոց ձերոց և ոչ 'ի բերանոյ որդւոց որդ »
 « ւոց ձերոց մինչև ց յաւիտեան » : Վարձեալ և 'ի գլ . 54 . ողջոյն , խօսի վասն եկեղեցւոյ Քրիստոսի , և յետ խոստանալոյն շինել զնա՝ բանիւքս այսոքիւք , « Ահաւասիկ պատրաստեալ եմ կարկեհան զքարինս »
 « քո , և զհիմունս քո շափիղայ . . . և արդարութեամբ »
 « շինեսջիր . . . զի ահաւասիկ եկք առ քեզ վասն իմ »
 « մերձեսցին » , գլխաւորէ զբանսն զայս օրինակ հրաշապէս , « Ամենայն անօթ մնասակար 'ի քեզ ոչ յա »
 « ջողեսցի , և զամենայն բարբառ որ յարիցէ 'ի վերայ »
 « քո 'ի դատաստան պարտեսցես . և ամենայն դա »
 « տախազք քո 'ի նմին » :

Աւասիկ քեզ եկեղեցի Քրիստոսի սահմանեալ յուսուցանել , և աներկեան 'ի պահել զբանն Աստուծոյ յանարատութեան իւրում մինչև 'ի կատարած աշխարհի , և հաստատեալ 'ի դատաւոր ամենայն բարբառոյ և վարդապետութեան :

Բայց 'ի նորոյս կտակէ բազմաթիւ յոյժ են վկայութիւնք : Սուրբն Աետրոս 'ի հիմանց տապալէ զգրութիւն զայն զսուտ , եթէ գիրք ինքնին պարտին աներկեան գործել զհաւատս մեր : Ալ են ասէ , 'ի թուղթս

Պաւղոսի սիրելի եղբօր մերոյ « Ինչ ինչ դժուարի-
 » մացք, զորս յողդ յողդէքն և անուսմունք կամակո-
 » ընն, որպէս և զամենայն իսկ գիրս առ իւրեանց ան-
 » ձանայն կորուստ » . ք . Պետր . 3 : Աղօտահայեաց
 ուրեմն են գիրք և մարթ է սխալել յիմացուածս նոցա .
 պէտք են ուրեմն հեղինակութեան իմիք որ հաւաստեալ
 սահմանեսցէ զմիտս նոցա : Աւ քաջ միտ գիր . զի՞նչ
 յայտ առնէ նոյն իսկ պատմութի հիմնարկութե եկեղե-
 ցւոյ, զոր բազում անգամ յառաջ բերի քեզ . « Գնա-
 » ցէք, ասէ տէրն խօսելով առ առաքեալնն իւր և ՚ի
 » նոցա դէմս առ նոցուն յաջորդսն, Գնացէք այսու-
 » հետե աշակերտեցէք զամենայն հեթանոսս, մկրտե-
 » ցէք զնոսա յանուն Հօր և Արդւոյ և Հոգւոյն սրբ-
 » բոյ . ուսուցէք նոցա պահել զամենայն զոր ինչ պա-
 » տուիրեցի ձեզ » :

Աչ ասէ տէրն . Գնացէք այսուհետե, տարայք
 տուք նոցա զգիրս իմ . այլ թէ՛ Գնացէք աշակերտե-
 ցէք, ուսուցէք նոցա : Արդ անէ նոյն ինքն էութիւնն
 ուսուցանելոյ ո՞չ ահա հաստատեալ է ՚ի մեկնել ՚ի
 բայայայտել զուսուցեալն, ՚ի պարզել ՚ի լուսաբանել
 և սահմանաւ որոշել զճշմարիտ իմացուած բանին :
 Աթէ վարդապետք ուսուցիչք առաջի արկցեն աշա-
 կերտելոց գիրս իմն յորում իցեն ինչ ինչ դժուարի-
 մացք, ո՞չ արդեօք ՚ի դէպ իցէ նոցա մեկնաբանել
 զնոյն :

Այլ տեսցուք վայր մի . զի՞նչ ինչ վարդապետեցին
 այս վեհագոյն քարոզիչք և նոցուն հետևողք և յա-
 ջորդք : Ղշմարտութիւնս բարձրագոյնս, խորհուրդս
 հաւաստոյ անձառելիս և ՚ի վեր քան զամենայն զմիտս :
 Աւ ո՞յց ոմանց քարոզեցին . օտարաց, անձանօթից,
 վայրենեաց, բարբարոսաց, խօլաց և տգիտաց . Աւ

ապա յայսպիսեաց աստի իմ խմիք սպասեալ մնային .
 Յայտ է , եթէ ընդդիմադրութեանց նոցա 'ի բազում
 մասունս քարոզութեան , սպաքարաց , և հարցաքննու-
 թեանց : Այլ զհարց արդեօք ընդամերեցին զնոսա և
 լուծին զանդիրան , զհարց հաստատեալ կնքեցին զհա-
 ւատս զաշակերտելոցն իւրեանց . զհարց , բայց եթէ
 անբողոքելի հեղինակութեամբ եկեղեցւոյ :

Օրինակ իմն՝ դիցուք եթէ ոք 'ի քարոզչաց բանին
 յետ դարուն չորրորդի գնացեալ իցէ առ կռապաշտ
 ազինս քարոզել զքրիստոսական հաւատս . « Օյնչ
 » բանք իցեն զոր դուդ ասես , բա՛բէ դու սլաշտօնեաց
 » Աստուծոյ բարձրելոյ , (սլատասխանի ընդդէմ տա-
 » ցին նմա անդէն յառաջին քարոզութեանն հեթա-
 » նոսք ,) զնչ բանք իցեն . մի միայն Աստուած քա-
 » ըողես և կամիս զմեզ մկրտել յանուն երկոյ . Հայրդ
 » այդ ուրեմն և Արդիդ և Հողիդ սուրբ զորոց ճառ
 » արկեալ սլատմես , ե՛ն նոյն և մի իր , ե՛ն մի և նոյն
 » Աստուած » : — Այո՛ ամենայն իրօք , սլատասխանի
 » տացէ քարոզիչն . այո՛ այս երեք անձինք զանազա-
 » նեալք՝ ե՛ն մի միայն , և նոյն մի Աստուած . Յիսուս
 » Քրիստոս զայս այսպէս քարոզեաց 'ի վերայ երկրի .
 » գիրք սուրբք՝ զոր մեզն աւանդեաց՝ զնոյն հաստա-
 » տեն . և ինքնին եկեղեցի՝ զոր նա հիմնարկեաց և
 » զինքն նմա յաւերժաբար ընթերակաց խոստացաւ՝
 » զայս այսպէս յայտնապէս սահմանեաց » : Այլ արդ
 այս սլատասխանի ոչ ահա 'ի վարանաց ազատ կա-
 ցուցեալ և սահմանաւ կնքեսցէ զհաւատս նոցա :

Ապա եթէ յանկարծ ընդհակառակն ասացէ ինչ
 այսպիսի առ նոսա . « Հարցանէք ինձ ասել , եթէ
 » արդեօք Հայր և Արդի իցեն ամենևին մի և նոյն
 » Աստուած . բայց խնդրոյդ այդմիկ չէ մեզ անկ լու-

» ծումն շնորհել : Պայքարք անհնարինք յուզեցան
 » վանն այդորիկ , և այդ խնդիր հերձեաց զտիեզերս
 » ամենայն : Այլ ահա ճանապարհ զայս ցուցանեմ 'ի
 » լուծումն խնդրոյդ : Յիսուս Քրիստոս գիրս իմն ա-
 » լանդեալ եթող եկեղեցւոյ իւրում . և կամի զի հա-
 » լատայեալք 'ի վերայ նոցա հիմնեցուցեն զհաւատս
 » իւրեանց . թէպէտ և թուեսցին ևս լինել 'ի նոսա
 » բանք միմեանց ընդդիմամարտք և 'ի կարծիս կրկին
 » բաժանեսցեն զընթերցանելիսն , Օայն գիրս բազմա-
 » հատոր տայ ես ձեզ , և դուք ճիզն թափեալ վար-
 » ժեսցիք 'ի նոյն , հետաքննեցէք զգրեալսն , և դուք
 » անձամբ անձին սահմանեցէք ինչ մի 'ի հաւա-
 » տալ » : Այն ինչ լուեալ նոքա զայս անդէն պա-
 » տասխանի արասցեն , « Այն , և բնաւ իսկ ընթեո-
 » նույ մեք չգիտեմք , և թէպէտ և գիտայեալ ևս էր
 » մեր . զինչ կարասցուք մեք հասկանալ 'ի բազմա-
 » քանակ մատենէդ . աղէ դու ինքնին մեկնեա՛ մեզ
 » զնոյն : Այլ ահա հաւատս իմն հաստատուն պա-
 » հանջես դու 'ի մէջ 'ի նորոգ աշակերտելոցս . դու
 » ինքնդ սահմանաւ կանոնեա՛ զինչ պարտ իցէ մեզ
 » հաւատալ » : Օայս անշուշտ պատասխանի արաս-
 » ցեն նոքա :

Այլ ես վկայութիւնս բազումս և քաջայայտս ար-
 դէն յառաջ բերեալ եմ քեզ , որովք զանասարութիւնն
 խոստացաւ Քրիստոս եկեղեցւոյ իւրում : Գիտես իսկ
 քաջ , զոր ասաց առ երանելին Պետրոս . « Գու ես
 » վէմ , և 'ի վերայ այդր վիմի շինեցից զեկեղեցի իմ . և
 » դրունք դժոխոց զնա մի յաղթահարեսցեն » : Արդ
 եկեղեցի Քրիստոսի շինեալ 'ի վերայ վիմի երբէք ոչ
 անկցի 'ի մոլորութիւն . քանզի և երբէք զնա ոչ յաղ-
 թահարեսցեն դրունք դժոխոց : Քանզի և հիմնարկե-

ցաւ նա առ 'ի ուսուցանել մարդկան զճշմարտութիւն .
 և քանզի Յիսուս Քրիստոս ճշգրտիւ հաւատարմա-
 ցոյց նմա զանսխալութիւնն , կամեցաւ զի 'ի վարժից
 նորա կալցեն զսահման հաւատոյն քրիստոնեայք , և
 ոչ յառանձին հետազօտութենէ իւրեանց 'ի գիրս : Աւ
 վանն նորուն պատճառի ստէր առ աշակերտան . « Ար
 » ձեզ լսէ , ինձ լսէ , և որ զձեզ անարգէ , զիս անար-
 » գէ . և որ եկեղեցոյն ոչ լսէ , եղիցի քեզ իբրև ըզ-
 » հեթանոսն » : Աւ զնոյն հաստատեաց դարձեալ ,
 յորժամ ասաց . « Առաքեցից ձեզ զհոգին ճշմար-
 » տութեան , որ ընդ ձեզ բնակեսցէ 'ի յաւիտեան » :

Ըստ նմանէն և երանելի առաքեալն ստէպ պնդէ
 զայս ճշմարտութիւն . է զի առ եպիսկոպոսունս դար-
 ձուցեալ զբանն ասէ , Յեկեղեցոջ « Ադ զձեզ հոգին
 սուրբ տեսուչս հովուել զժողովուրդ տեառն զոր ասլ-
 րեցոյց արեամբն իւրով » : Աւ նախատակ տեսչութեանս
 ոչ արդեօք իցէ աներկեանութիւն հաւատոյ ժողովր-
 դեանն Աստուծոյ :

Աւ է դարձեալ զի առ Ափեսացիսն գրէր , եթէ
 Յիսուս Քրիստոս եդ յեկեղեցոջ իւրում « Առա-
 քեալս և հովիւս և վարդապետս » , առ ինչ արդեօք ,
 « 'ի հաստատութիւն սրբոյ , զի մի յայսմ հետէ իցեմք
 » տղայք խոովեալք և տատանեալք յամենայն հողմոց
 » վարդապետութեան խաբէութեամբ մարդկան » .
 զԼ . 4 : Ապա ուրեմն 'ի վարժից անտի հովուաց և
 վարդապետացն եկեղեցոյ , և ոչ յառանձին ինչ հե-
 տազօտութենէ գրոց կամեցաւ առաքեալն զստուգու-
 թիւն աներկեանութեան հաւատոյն մերոյ :

Աւ յորժամ կամեցաւ խօսել յաղագս վարժից
 վարդապետութեան եկեղեցոյ , քաջ միտ դիր զկարգ
 'ի նշանակ անվանելի զօրութեանն բացայայտեաց զան-

սխալութիւնն . « Օ՛հն զինուորութեան մերոյ , ասէ ,
 » զօրաւոր Աստուծոյ առ 'ի քակելոյ զամուրս , զխոր-
 » հուրդս քակեմք , և զամենայն բարձրութիւն հպար-
 » տացեալ 'ի վերայ զխտութեանն Աստուծոյ . և գե-
 » ղեմք զամենայն միտս 'ի հնազանդութիւնն Քրիստո-
 » սի » ք . Աորնթ . 10 : Այլ հուսկ ուրեմն առ 'ի քա-
 ջայայտ ևս ցուցանել զիշխանութի եկեղեցւոյ 'ի սահմա-
 նել զհաւատս , գրէր առ Տիմոթէոս . ւ . 3 . « Վիտաս-
 » ցես զիմորդ պարտ իցէ քեզ 'ի տանն Աստուծոյ շրջել ,
 » որ է եկեղեցի Աստուծոյ սիւն և հաստատութիւն
 » ճշմարտութեան » : Քանզի և քաջայայտ է եթէ
 ճշմարտութիւնն միշտ ընդդէմ արձանացեալ կայ սը-
 տութեան և մոլորութեան , արդ զեկեղեցին կոչէ
 « Հիմն և խարխիս ճշմարտութեան » . զի 'ի նմանէ
 ունիմք զճշմարիտ հաւատսն և զաներկեանն :

Այլ արդ շատ իցէ արդեօք այս ամենայն , և կամի-
 ցիս այլ ևս յառաջ քեզ ածել վկայութիւնս 'ի գրոյ ,
 եթէ իշխանութեան եկեղեցւոյ պէտք են 'ի սահմանել
 զհաւատս մեր , և ոչ հեղինակութեան գրոյ միայն :

ՆՈՐԱՂԱՆԻՆ

Այլ բնաւ իսկ շատ են , և ստուգութեամբ ասելով
 ազգոյք են վկայութիւնքն և սահմանիչք . Այլ մնայ
 ինձ և ինչ մի այլ 'ի հարցանել , և քեզ 'ի լուսաբա-
 նել : Ինձ թուի իբրև անշուշտ , եթէ յանհնարից է
 մարդոյ , թէ պէտ և քաջուս առն և հանձարեղի՝ միջ-
 նորդաւդ միայն առանձին հետազօտութեանն 'ի գիրս՝
 ստանալ անձին հաւատս իմն ստոյգ և աներկեան , 'ի
 տեսանել իւրում զկարծիս իւր դատապարտեալ 'ի կա-
 թողիկէ եկեղեցւոյ :

Այլ իմ առ քեզ այժմիկ այս է հարցումն ՚ի լուսարանիկ ինձ և ևս: Արդեօք այդ գրութիւն մերոց քարոզչաց՝ միայն իբրև գրութիւն իմն իցէ ՚ի տեսութեան, թէ արդեօք և ՚ի գործադրութեան: Առաջի գնին դոքա մեզ այո՝ առնել զառանձին հետաքննութիւնդ զայդ ՚ի գիրս սուրբս: Այլ արդեօք և ինքնին նոքա առնեն զնոյն:

ՎԱՐԴԱՊԵՏՆ

Օայդ և ես ինքնին կամէի ասել քեզ, և այնպէս ասլա վախճան առնել տրամախօսութեանց մերոց:

Գնացք և քաղաքաւարութիւն նորաձայն քարոզչացդ այդոցիկ յայտնասլէս իսկ հակառակամարտ զինեալ կան իւրեանց իսկ սկզբանց, որպէս զի և սաստիկ ամօթ հասանէ նոցա՝ վասն այնորիկ: Թէպէտ և այնչափ փաստս կցկցեն նոքա և այնչափ ճառս կոտորեն վասն սկզբանցն այնոցիկ ՚ի տեսութեան, ՚ի վերայ այսր ՚ի գործածութեան անդ գան և միանան նոքա ընդ գրութեան նոցուն իսկ ուղղափառացն. քանզի և անհնար է նոցա հեռի կալ յայնմանէ:

Առ ՚ի վախճան առնել հրասարակական պայքարաց ՚ի խնդիրս կրօնի, և առ ՚ի սահմանել զհաւատս առն առն իւրաքանչիւր ոչ այլ ճանասլարհ և օրինակ վարեն նոքա քան թէ զհեղինակութեան և զիշխանութեան, ՚ի բաց թողեալ յայնժամ զհամբաւեալն իւրեանց ճանասլարհ զառանձին հետաքննութեանն ՚ի գիրս սուրբս:

Այլ արդ ՚ի քնին առցուք մի առ մի զիւրաքանչիւր ՚ի կրկին մասանցս: « Յաղագս հրասարակական պայքարայն ՚ի խնդիրս հաւատոյ »: Ահաւասիկ քեզ կա-

նոնքն , զոր վասն այնուցիկ սահմանեցին նոքա 'ի գիրս
 անդ Հրահանգին իւրեանց տպագրեալ յամին 1667 .
 կարգեցին եզին նոքա ատեանս իմն և ժողովս , որոց
 սրարս էր դատել և հետախուզել զպայքարսն զայնու
 սիկ : Ատեան ժողովոյն սրարտէր բաղկանալ 'ի հո
 վուաց նոցա և քարողաց . դարձեալ և յերիցագու
 նիցն իւրաքանչիւր թեմին : Արրակի էին ատեանքն .
 Համախմբութիւն . Միւնհոգոս գաւառական . և
 Միւնհոգոս ազգային : Ի համախմբութիւնս գային
 ժողովէին քարոզիչք բազումք 'ի մերձակայ վայրացն :
 Ի գաւառական Միւնհոգոսն քարոզիչք ողջոյն գա
 ւառին : Ի Միւնհոգոսն ազգային հովիւք և քարոզիչք
 ողջոյն ազգին առհասարակ :

Յառտնին սրայքարս երկուց ոմանց 'ի քարողաց
 նոցա 'ի խնդիրս ինչ կրօնի , մարթ է 'ի դատաստանէ
 անտի ունկնդրացն բողոքել 'ի դատաստան ժողովոյն
 Համախմբութեան , խոստանալով չափ՝ ոչ հրատա
 րակել գրով ժողովրդեան զկարծիս իւրեանց մինչև 'ի
 ժամանակ գումարելոյ Համախմբութեանն : Իսկ 'ի
 վճռել անդ խնդրոյն 'ի դատաստանէ ժողովոյն Հա
 մախմբութեանն , եթէ ոք 'ի քարողացն ընդդէմ զի
 նեսցի այնմ , վաղվաղակի աուցէ զպատիժ Ասիման .
 ապա եթէ հրատարակեսցէ ժողովրդեան զկարծիս իւր ,
 'ի բայ վտարեն զնա յայնժամ յեկեղեցոյ :

Այլ կանոնք վարդապետութեանս այսորիկ քաջա
 ծանօթք են . քանզի յայտնի ընթեռնումք այսպէս 'ի
 սահմանադրութեան նոցա . Յօդուած 30 . « Պայ
 » քարք , ասէ , 'ի խնդիրս հաւատոյ սահմանեալ որո
 » շեսցին 'ի բանէն Աստուծոյ , եթէ մարթ ինչ իցէ ,
 » 'ի սպայքարել անդ երկուց ընդ միմեանս . ապա թէ
 » ոչ՝ առեալ տարցեն զխնդիրն յատեան Համախմբու

» թեանն , և 'ի նմանէ դարձեալ 'ի Վիեննոգոսն գա-
 » ւառական , և 'ի վախճանի առ Վիեննոգոսն ազ-
 » գային , ուր և եղիցի ամբողջ և վախճանական լու-
 » ծումն վասն բանին Մատուծոյ : Ապա եթէ ոք ընդ-
 » դէմ դարձցի այնմ և ոչ կամեսցի հանդարտել այ-
 » նուհետև յս և իցէ խնդիրս հաւատոյ հրաժարելով
 » յայտնապէս 'ի մոլորութենէ իւրմէ , 'ի բայ հատցի
 » յեկեղեցոյ » : Աւասիկ քեզ դատաստան յազգային
 Վիեննոգոսի նոցա , ըստ նմանէն և դատակնիք եկե-
 ղեցական պատժոյ . ըստ որում է տեսանել և 'ի կա-
 թողիկէ եկեղեցոյ ուղղափառաց :

Բայց Վիեննոգոսն նոցա գումարեալ 'ի Վ իդրի
 յամին 1617 , սահմանադրութիւն մի ևս այլ 'ի դուրս
 եհան առաւել նշանաւոր : Սահմանեաց զի 'ի տանել
 անդ զպայքար խնդրոյն 'ի Վիեննոգոս անդր ազգային
 առ 'ի վճռել զդատն , պարտիցին յառաջագոյն ապա-
 հովել զհարատակութիւն երկոցուն կողմանցն պայքա-
 րողաց , և տալ նոցա կռել զերդումն օրինակ զայս .
 « Խոստանամք առաջի Մատուծոյ հպատակել զան-
 » ձինս յամենայնի զոր սահմանեսցէ Վիեննոգոսն մեր
 » սուրբ , քանզի և հաւատամք եթէ Մատուծ ինք-
 » նին նախաթոռ նստցի անդ և առաջնորդեսցէ մեզ
 » Հոգւովն իւրով 'ի ճշմարտութիւն և յիրաւունս
 » ըստ կանոնի բանին իւրոյ » :

Վ ասն որոյ և Վիեննոգոսն Շարէնդոնի գումար-
 րեալ 'ի 1647 , դատապարտեաց զվարդապետութիւն
 զԱնկախիցն և զԱնաստիցն , « Արք յաւակնեալք ,
 » ասէ , ոչ կամին ճանաչել զՏեղինակութիւն զՀա-
 » մախմբութեանցն և զՎիեննոգոսացն 'ի գնացս իւ-
 » րեանց և 'ի բանս , քանզի և յայտնապէս այս աղանդ
 » մնասակար գոյ որչափ ինչ սահմանաց Տէրու-

- » թեանն , այնչափ և եկեղեցւոյ . քանզի դուռն բանայ
 » անարդել ամենայն անկարգութեանց և ստահակու
 » թեանց . և զի միանգամայն զամենայն հնարս զգե
 » ղոյ դարմանոց կարճէ 'ի մէնջ . և թէ վայրիկ մի
 » տեղի գտցէ յընդարձակի , այնչափ կրօնք և այնչափ
 » հաւատք 'ի վեր երևեսցին , որչափ և ժողովրդապե
 » տութիւնք » :

Այս այսպէս ասլա որ միանգամ ընդդէմ կացեալ
 ոչ հպատակէր վճռոյ Սինհոգոսին , նզովեալ էր :
 Քայց , միտ դիր քաջ , զհարգ արդեօք մարթ իցէ նզո
 վից նոցա 'ի միասին կալ ընդ սկզբանց նոցա հետա
 քննութեան 'ի գիրս զոր շնորհեն նոքա առն առն իւ
 րաքանչիւր առնել առանձինն :

Այս եթէ այս այսպէս , որով իրաւամբք , աղէ ասա ,
 հիմնագիրքդ նորաձայնութեան Առթեր և Ապլվին
 ժտեցան ընդդէմ դառնալ դատաստանի կաթողիկէ
 եկեղեցւոյ , որ էր յայնժամ մի միայն եկեղեցի Քրիս
 տոսի 'ի վերայ երկրի , և զհարգ նոցուն հետևողք հա
 մարձակեցան յետ այնորիկ սլահանջել այնուով զայսչափ
 հպատակութիւն դատաստանի Սինհոգոսացն իւ
 րեանց :

ՆՈՐԱՂԱՆԴՆ

Այլ անսա . 'ի Սինհոգոսան յայնուսիկ՝ զոր ասես՝
 ամենայնն կանոնափակ սահմանի ըստ բանիցն Աս
 տուծոյ . որպէս և դաւանին իսկ նոքա , և անդանօր
 դատաստանն և դատաւորն է առաւել բանն Աստու
 ծոյ , քան թէ հովիւք և քարողիչք :

ՎԱՏԻԱՊԵՏՆ

Մյուսպէս ասէն նորա , գիտեմ քաջ : Մյուսպէս ասէ
 և եկեղեցի ուղղափառաց . այլ սա ճշմարտապէս զվր-
 ճիռս իւր և զսահմանս , որպէս յառաջագոյն ցուցի ,
 հանէ 'ի գանձէ անտի գրոց սրբոց և Մանուկութեան :
 Այլ ասէ նա այդպէս աներկեան հաստատութեամբ .
 իբրև զի 'ի զօրութենէ խոստմանցն Քրիստոսի ինքն է
 միայն անսխալ թարգման և մեկնիչ կրկնակի աղբ-
 րացն Յայտնութեան , Գրոցն ասեմ և Մանուկութեան :
 Իսկ Միւնհոգոսդ զուր և տարապարտ ասէ զայդ , զի
 չկարէ ասել յաներկմիտս . քանզի չեղին առ նա խոստ-
 մունքդ քրիստոսեան :

Ար թողցուք զայն , զի զայդ ասելով և միանգա-
 մայն ընդ յանդուզն ասացուածոյդ դատաստան սահ-
 մանական 'ի դուրս տալով ընդ դատակնքաւ նզովից ,
 նովին իսկ Միւնհոգոսդ այդ յերկիր կործանէ զսեպ-
 հականեան իւր դրութիւն հիմնական :

Քանզի խնդիր անուանի 'ի գիտել , այս է . եթէ
 արդեօք գիրք սուրբք բաւական իցեն միայնակ առանց
 այլոյ խիք հեղինակութեան և առանց այլոյ ուրուք
 դատաստանի արտաքոյ գրոց : Աորաձայն քարոզիչքդ
 սնդեղով սնդեն , եթէ նա միայնակ բաւական է : Այլ
 այսպէս յորժամ յետ այնորիկ սահմանեցին 'ի մէջ
 իւրեանց Աօսարանս իմն և Համախմբութիւնս և
 Միւնհոգոսս և դատաստանս , նովին գործով զդրու-
 թիւն սկզբանց իւրեանց տապալեցին և ինքնին նորա
 ծանեան զստութիւն սկզբանցն :

Մյուսակայն քաջայայտ ևս ծանեան նորա զնոյն
 յերկրորդում մասին խնդրոյն . ոյր վասն ժամ է ասել
 այսուհետև :

« Յաղագս մասնաւոր և առանձին հրահանգաց նոցա » :

Հիմն և սկիզբն նորադանդիցդ այս է, եթէ այր իւրաքանչիւր սլարտի սահմանել զհաւատս իւր 'ի ձեռն առանձին հետաքննութեան իւրոյ 'ի դիրս սուրբս : Աւարդ հարցանեմ, իցե՞ն արդեօք 'ի նոսա բազումք ումանք, կամ թէ իցե՞ արդեօք մի ոք միայն որ ճշմարտապէս արարեալ իցէ զհետաքննութիւնդ զայդ :

Աւ եթէ արարեալ ևս իցեն, յոչինչ արդեօք պիտանայու լեալ իցէ. քանզի և չիք հնար առանձին հետաքննութեանդ այդմիկ լինել միջնորդ 'ի ստուգութիւն և յաներկեանութիւն հաւատոյն :

Այլ թողեալ զայս, մարթացա՞ն երբէք նոքա առնել զայն : Արդեօք յաջողեցա՞ն ինչ նոքա յորոշել ըզկանոնական գիրսն յանկանոնիցն, եթէ 'ի ձեռն նշու լից ճառագայթից որ 'ի նոցուն գրոցն ինքնին փայլատակեն, որպէս ասացին. եթէ 'ի ձեռն տնկակից ախորժակին իւրեանց, եթէ 'ի ձեռն ներքին ազդման կամ ներշնչութեանն, զոր քարոզեցին :

Միթէ միջամուխ ինչ եղե՞ն նոքա 'ի քննել զխրն գիր զայն երևելին և 'ի գիտել, թէ արդեօք հեղինակութեանն Ակեղեցւոյ՝ եթէ հեղինակութեան գրոցանկ իցէ աներկեան գործել զհաւատս : Արբէք թափեցին նոքա ինչ ճիգն յերևան ածել, ոյք իցեն հիմնական մասունք հաւատոյ, զոր հնարեցին նոքա. և ոյք ոչ, ըստ քմաց ընտրութեան իւրեանց : Իսկ ասլախորհուրդ քննողաբար երբ հարցին 'ի գրոց կամ թէ ընթերցա՞ն ինչ ուշով զմեկնիչս նոցա 'ի վերայ մասանց ինչ հաւատոյ 'ի մասնաւորի (և բա՛բէ, քանի՞ն իցէ թիւ նոցա), և մանաւանդ յաղագս հանդանակին, յաղագս զինչութեան վաղնջուց բազմադէմ հերձուա-

ծոյն, յաղագս աստուածութեան Ղանին, յաղագս աստուածութեան Հոլւոյն սրբոյ, յաղագս վարդապետութեան խորհրդոյ, և յաւիտենականութեան սրբաժոյն հանդերձելոյ, և քաւարանի, և արդարացուցման, և արդեանցն, և յաղագս շնորհացն, այլովքն հանդերձ: Այլ միով բանիւ՝ յաղագս միոյ միոյ՝ ի մասանց անտի հաւատոյ երբ հետաքննեցին նոքա զգիրս կամ՝ զնոցուն թարգմանս: Արարին՝ զայս, կամ թէ մի ոք՝ ի նոցանէն արար զայն:

Քաւ. չարարին երբէք, կան մնան այնպէս առհասարակ ի կարծեցեալն իւրեանց վերանորոգութեան հաւատոյ. կան մնան այնպէս ի բազմադիմակ հերձուածս նորաձայնութեան իւրեանց, Առթերեանք, Աղլվինեանք, Անգլիականք, Արիսկնեանք, Սոկինեանք, և ո՞ կարասցէ թուել զնոսա: Կան մնան այնպէս ի նոյն կայս. և վասն այսորիկ միայն կան մնան այնպէս, զի այնպէս ծնան ի նոյն հերձուած. և ոչ այլ խլիք յետ այնորիկ փոյթ ինչ կալան նոքա ի քննել: Ի պատանութեան իւրեանց առին ի քարոզչաց իւրեանց հրահանգս ինչ ինչ վասն հաւատոյն իւրեանց. և զայն միայն բաւական համարեցան նոքա, որպէս եթէ ուղղափառ ծնեալ էր նոցա. այս է՝ որպէս եթէ սրբաք անհրաժեշտք իցեն նոցա յանձն ընել ողջոյն ի դատաստան քարոզչաց իւրեանց, որպէս ուղղափառքն ի դատաստան կաթողիկէ եկեղեցւոյ: Ասու օրինակաւ կեցին նոքա և կեան և կեցցեն ի յայտնի իմն և ի հանապաղօրեայ հակասութեան ընդ անձանց իւրեանց:

Սակայն և հովիւք նոցա և քարոզիչք՝ որոյ սրարս էր գիտել ինչ առաւել քան զաշակերտեալսն, արդեօք ուսուցին նոցա զկրօնն համաձայն ընդ սկզբանց ան-

հրաժեշտ հարկաւորութեան առանձին հետաքննութեանն այնորիկ 'ի զիրս սուրբս, Եւ բնաւ խակ ամենեւին ոչ : Ըստ հրահանգեցին զնոսա, իբրու արդէն հաւանութիւն բերեալ ներհակակիր իմն սկզբան, այս ինքն՝ հարկաւորութեան հեղինակութեան խմբ, որ ճշգրտիւ սահմանեցէ զմիտս և զիմաստ գրոց :

Ի Ղինեպրա՝ օրինակ իմն՝ մի ոմն 'ի նոցուն քարոզչայ 'ի վարժել անդ իւրում զպատանիս 'ի քրիստոնէական վարդապետութեան, և 'ի պտորաստել զնոսա զայն առաջին նուագ յընդունելութիւն խորհրդոյ Հաղորդութեան (զոր նոքա Միթրիք տեառն կոչեն), այն ինչ քարոզէր և ուսուցանէր նոցա եթէ տէրն մեր Յիսուս Քրիստոս ոչ է 'ի հաղորդութեան անդ՝ բայց եթէ իբրև ձևով և օրինակաւ, զհետ երթեալ սկզբանց գրութեան Խորհրդական անուանեալ աղանդոյն, և պատանիքն ունկն եղեալ ըէին, անգուստ յանկարծակի եկն եհաս 'ի վայր անդր պատանի ոմն գերմանայի 'ի քաղաքէն Մասպուրկայ՝ որ մեծաւ Սիւնհոյսիւ սահմանեցաւ վարդապետութիւն Սովետերի յաղազս Հաղորդութեան խորհրդոյն : Համարձակեցաւ այս պատանի ասել յայնժամ առ Ղինեպրայ քարոզիչն այսպէս . « Տէր, մինչև իմ աստ եւ » կեալ առ ձեզ, վարժեցին զիս մերս քարոզիչք և » ուսուցին հաւատալ եթէ մարմին տեառն մերոյ Յիսուսի Քրիստոսի իցէ ճշմարտապէս ներկայ 'ի հաղորդութեան : Իսկ որ վարժէրն զմեզ յայս վարդապետութիւն, այր էր իմաստուն և էր խակ համբաւեալ իբրև այր ներհուն և հանձարաւոր : Ըրդ » պարտ իցէ ինձ, ոչ գիտեմ, նախապատիւ զձերդ » դասել հեղինակութիւն քան զնորայն, կամ թէ » զնորայն քան զձերն : Մարթ իցէ արդեօք ձեզ՝

» փաստս բանականս և զօրաւորս յառաջ բերել, ու
 » ըով և ուղղապէս ընտրութիւն առնել ինձ ՚ի մէջ
 » երկուցդ » :

Պատասխանի ետ յայնժամ Ղինեիւրայ քարոզիչն
 և ասէ. « Քաւ, չէ դատաստանի մարդոց որոշել
 » ընտրել ՚ի բանիդ յայդմով : Մշաւասիկ քեզ սկիզբն
 » ընդհանուր քոյին քարոզչ ին որ վարժեաց զքեզ ՚ի
 » Աւսպուրիկ, ահա և իմն : Չիք հեղինակութիւն
 » այլ որում անկ իցէ յապահովել զմեր հաւատս յայս
 » ինդիր, ըստ որում և յայլ ամենայն խնդիրս հաւ
 » ւատոյ, բայց միայն բանն Աստուծոյ, զոր պարտ է
 » առն իւրաքանչիւր հետաքննել առանձինն խուզո
 » ղական հանձարովն իւրով : Իսկ դրութիւնդ այդ
 » հեղինակութեան առ ՚ի սահմանել զհաւատս, է
 » գործ հովմական եկեղեցոյ և ամենայն ուղղա
 » փառաց, զոր մերն հարք էին թողին. այն զի՛ տի
 » թասետութիւն իմն անարդար ՚ի գործ վարէր նա ՚ի
 » վերայ ոգւոյ և հանձարոյ մարդկան : Անիմ՛ առ իս
 » զաստուածաշունչ մատեանն, տայ քեզ զայն, ըն
 » թերցիր ուշի ուշով. անդ գտցես դու փաստս յրնդ
 » դիմադրութիւն և ՚ի ջատագովութիւն : Այլ թէ
 » Լութեր և Օուինկլիոս, թէպէտ և երկգրեանն ևս
 » հանձարաւորք՝ ոչինչ մարմացան զօրութեամբ գրոցն
 » միաձայնիլ ՚ի ինդիր յայս հաւատոյ, համայն և այն
 » սէս ցանկ դու սրբապետաց յրնթեանուչ. քանզի
 » այս է միջնորդն սահմանեալ ՚ի Քրիստոսէ ՚ի կնքել
 » զհաւատս. և նա ինքն օգնեսցէ քեզ և դու առջեւ
 » ՚ի քեզ ազգումն իմն փրկաւէտ. և մարթ է եթէ և
 » յայտնութիւն ինչ ծագեսցէ ՚ի քեզ » . Օայս այս
 » սէս սրատասխանի ետ Ղինեիւրեան քարոզիչն : Այլ
 սուկայն ես որչափ ինչ տեղեկացեալ եմ՝ քաջ, ոչ դք

այլ 'ի քարոզչացդ նորաձայնից երբէք զայդ օրինակ լեզու 'ի գործ վարեաց, և ոչ վարեսցէ երբէք :

Քանզի և անշուշտ ոչ ոք 'ի հոլուաց այտի նորաձայնութեանդ առ 'ի վարժել զհօտ իւր պատրաստեսցի յառաջագոյն առնուլ ժողովել առ իւր, առ ձեռն պատրաստ եօթն կամ ութհարիւր աստուածաշունչ մատեանս, և յետ առաջի դնելոյ նոցա պարզ և մեկին զզլաւոր մասունս հաւատոյ զտարբերիչն ուղղափառաց 'ի նորաղանդից, ըստ որում են՝ հաւատք արդարացուցման, կոչումն և բարեխօսութիւն սրբոց, հաւատք քաւարանին, անձառ խորհուրդ հաղորդութեան, խորհուրդ ապաշխարութեան, նախագահութիւն յեկեղեցւոջ Քրիստոսի հայրապետին Հոովմայ իբրու յաջորդի առաքելապետին Պետրոսի, անխալտութիւն եկեղեցւոյ, այլովք բազմք հանդերձ, յետ առաջի դնելոյ նոցա՝ ասեմ՝ զայս ամենայն՝ բաշխեսցէ նոցա զմատեանսն և սկսանիցի ասել զժողովուրդ իւր այսպէս . « Մհաւասիկ ձեզ մասունքդ այդ հաւատոյ »
 « գժուարիմանալիք . իսկ 'ի սահմանել որոշել ինչ »
 « զնոցսնէ մի ակն ոճնիցիք դուք առ յինէն : Չիք 'ի »
 « վերայ երկրի հեղինակութիւն որ զայդ կարացէ առ »
 « նել . եկեղեցիք մեր վերանորոգեալք չնն առ այդ »
 « բաւական, ոչ և Հոովմայ եկեղեցի և առհասարակ »
 « եկեղեցիք ուղղափառաց : Վիլք սուրբք են միայնակ, »
 « զոր ընտրեաց Քրիստոս առ 'ի սահմանել զհաւատս . »
 « և զայս գիրս ոչ սրարտի ոք մեկնել, բայց եթէ մեք ինք »
 « նին . որովհետև այր իւրաքանչիւր պարտի վաստա »
 « կել վասն անձին իւրոյ : Մհաւասիկ ձեզ աստուածա »
 « շունչ մատեանքս՝ զորս ժողովեցի բաշխել ձեզ, ոչի »
 « ուշով պարապեցէք յընթերցումն նոցուն, և դուք »
 « ինքնին ապա սահմանեալ որոշեցէք զհաւատս ձեր » :

Նշւարդ բարեկամ, ինձ թուի եթէ որչափ ինչ ար-
ժան և պարտն էր տրամախօսեցար մեք աւաղիկ 'ի
վեցեակ գլուխս : Նշ կտովմ զարդիս ծայրաբաղ հա-
մառօտել քեզ զայնտսիկ :



ՏՐԱՄԱԽՕՍՈՒԹԵԱՆՑ



Վ ակնձան տուեալ զրուցատրութեանցս, արդ հարցանեմ. կացա՞ք մէք 'ի խոստման մերում. արդեօք ըրումն փափաքանաց ձերոց տուա՞ք ըստ կարի: Ահա քեզ և բովանդակութիւն ամենայնին:

Ա. « Եթէ պարտ է միանալ ընդ Եկեղեցւոյ ընդ այնմիկ, որ է միայն եկեղեցի Քրիստոսի »: Այս եղև առաջին առաջարկութիւն իմ, զորմէ ձառեցի. և ճշմարտութիւն ձառին այնչափ իմն հաւատարմացաքեզ, մինչ զի և ոչ կամեցար այլ աւելի ճշգրտել ինչ զբանն:

Բ. Օհետ բերի եթէ, « Եկեղեցի Ուղղափառաց միացեալն ընդ Հռովմայ է միայն Եկեղեցի Քրիստոսի »: Եւ 'ի հետաքննութեան այսր երկրորդ առաջարկութեանս դեղերեցաք մինչև ցայժմ:

Յառաջ բերի քեզ վասն այնր երրեակ պատճառս. Առաջին՝ եթէ այս եկեղեցի ընդ տիեզերս՝ է նոյն ինքն հիմնարկեալն 'ի Քրիստոսէ. և թէ՛ կառավարեալ առաջնորդի նա 'ի նոցուն իսկ 'ի հովուացն որ առաքեցան 'ի նմանէ. և թէ՛ անմարթ է հաստատել զայս յաղագս նորաձայնութեան եկեղեցեացդ: Երկրորդ՝

եթէ եկեղեցիս այս ժառանգէ զինիքսն զայնոսիկ զնշա-
նաւորս և զյատկութիւնս քրիստոսեան Արեւելեցւոյ :

Իսկ 'ի հաստատել զայնոսիկ 'ի զօրավիպն ինձ կա-
լայ զանսխալ և զանսասանելի հիմունան . այս է՝ զգլխս
սուրբս , և զկրկին Հանդանակս քրիստոսեան հաւա-
տոյն :

Աւ ապա 'ի հանդանակսն յայնոսիկ ետու խեղա-
մուտ լինել չորից դրոշմաւոր նշանաց եկեղեցւոյ Վրիս-
տոսի . որ են՝ Արիութիւն , Արբութիւն , Աթոռակէտ-
թիւն կամ Վնդհանրականութիւն , և Ասաքեղակա-
նութիւն : Աւ ապա զմի մի 'ի նշանաց աստի խնդրեցի
մերձեցուցանել յեկեղեցի ուղղափառաց և յեկեղեցիս
նորադանդիցդ : Աւ յայտնի ապացուցի , եթէ քառեակ
նշանքդ միանգամայն անսլոթար 'ի դէս զան միայն եկե-
ղեցւոյն ուղղափառաց , և ոչ մի ինչ յայնց նշանայն
երբէք մարթի սրատշածիլ նորաձայնութե եկեղեցեացդ :

Աւ զնոյն դարձեալ քաջիկ ցուցի յերից անտի յատ-
կութեանց , զոր գիրք սուրբք ընծայեն եկեղեցւոյ Վրիս-
տոսի . այս են՝ Անպակասելութիւն , Արեւելութիւն ,
և Անխաղութիւն :

Աւ զհետաքննութիւն մեր զայս դու ինքնին կնքեալ
հաստատեցեր անկեղծ խոստովանութեամբդ , եթէ ան-
շուշտ անդիմադրելի է՝ զոր միանգամ ասացի վասն
խնդրոյն այնորիկ :

Իսկ 'ի վերջէ ապա 'ի ներքս արկի քեզ զերրորդ
ցուցակութիւն վասն նորուն ճշմարտութեանն : Աւ
'ի վեր հանի զնա 'ի կրկնակի կնքոց անտի՝ որ տպա-
ւորագոյնքն են քրիստոսական հաւատոյն , առանց
որոց անհնար է լինել վասն մեր սկիզբն արդարացուց-
ման առ 'ի զտանել զփրկութիւն . այս են « Ամբող-
ջութիւն հաւատոյ , և աներկեան ստուգութիւն հաւա-

այս: Այս ցույցի քեզ յայտնապէս եթէ կրկին այս կնիքք սեպհականք են միայն հաւատոյ եկեղեցւոյն ուղղափառաց . և զլիսովին անբաժ են 'ի նոցանէ կարծեցեալ հաւատք նորաղանդիցդ, որովհետև ոչ ճանաչեն նորքս ոչ զՄանդութիւնն աստուածային և ոչ զԱկեղեցւոյ իշխանութիւնն աստուածատուր: Այս դու ինքնին հաւատտի վկայեցեր զի քաջ իսկ հաւատարմացան քեզ այս կրկին կնիքք ճշմարտութեան հաւատոյն ուղղափառաց . և զի միայն իշխանութիւն եկեղեցւոյ և Մանդութիւնն մարթի ընծայել հաւատոյս մերոյ զաներկեան ստուգութիւն և զանվթարն ամբողջութիւն » :

Այս արդ անյեղլի մտօք հաւանեալ իցէ քո 'ի բանս, աղէ ասա . և արդեօք բաւական թուիցին քեզ այդոքիկ 'ի դաւանել ողջմտութեամբ, եթէ « Ակեղեցի » ուղղափառաց ընդ տիեզերս միացեալ ընդ Հոռվմաց » իցէ միայն եկեղեցի Վրխատոսի » :

Վանդի և այլ ևս 'ի վերայ այնոցիկ մարթ էր ինձ փաստս և ցուցակութիւնս տալ քեզ առաւելութեամբ . բայց ես 'ի տիրազունիցն ընտրութեամբ առաջի եղի քեզ . . .

ՆՈՐԱՂԱՆԴԻՆ

Քաջ բաւականք են այդոքիկ: Ահա կրկնեմ զնոյն խոստովանութիւն յանկեղծ սրտէ հանդերձ մեծաշնորհապարտութեամբ . հաւանեալ եմ ճշմարտութեանդ զոր ցուցիր ինձ քաջայայտ բանիւք: Մտախորհ եղէ բազում անդամ 'ի նոյն, և աղաչեցի ևս զՄտուած յամենայն սրտէ լուսաւորել զիս: Այս չկրիմ այլ տարակոյս 'ի բանիդ . և մեծապէս գոհութեամբ սրտի ճանաչեմ ես այսուհետև զեկեղեցի ուղղափառաց մի միայն եկեղեցի Վրխատոսի:

ՎԱՐԴԱՊԵՏՆ

Ինդամ՝ և ես 'ի բոլոր սրտէ : Պարտ է Մտուծոյ միայնոյ շնորհս ունել և գոհանալ հանապազ : Ամնայն փաստք բանականք և զօրաւորք ներգործեն և ոչինչ , յորժամ շնորհքն 'ի վերուստ մերձ ոչ իցեն , որ լուսաւորեսցէ զմիտս և ազգեսցէ 'ի հոգին : Բայց դու հանապաղորդեսնց աղաչել միշտ զՄտուած յամենայն սրտէ :

Այլ արդ որովհետև Ղշմարտութիւնն ինքնին անսահման բարութեամբն շարժեաց զքեզ , և այլ ևս երկայնագունից բանից և քննութեանց ասես չունել քեզ պէտս այսուհետև առ 'ի ճանաչել զեկեղեցի ուղղափառաց իբրև միակ եկեղեցի Վրիստոսի , ապա զերկին զայս հետեանս անհրաժեշտս հանցես դու 'ի վեցեակ Տրամախօսութեանց մերոյ :

Վախ՝ եթէ չար ուրեմն գործեցին և չար մեծ յոյժ հիմնագիրքդ այդորիկ նորաձայնութեան հաւատոյն Սուրբեր և Վալմին 'ի թողուլ իւրեանց զեկեղեցի ուղղափառաց յորում ծնեալ և սնեալն էին . որովհետև չգոյր նոցա փաստ բանաւոր 'ի թողուլ լքանել զմիակ եկեղեցին Վրիստոսի :

Արկրորդ՝ ապա ուրեմն հարկ է Սուրբերեանցն և Վալմինեանցն և որոց ընդ նոսա՝ դառնալ վերստին 'ի նա . քանզի միայն 'ի ծոցի եկեղեցւոյս այսորիկ՝ յորմէ անանջրպետ է Վրիստոս ըստ անուտ խոստմանն , մարթ է նոցա աներկեանութեամբ ակն ունել յաւիտենական փրկութեան :

Յ Ա Ն Կ

ՎԵՅԵԱԿ ՏՐԱՄԱԽՕՍՈՒԹԵԱՆՅ

ՅԱՌԱԶԱԲԱՆ	3
Ա. Հիմնարկութիւն եկեղեցւոյ. Հաստատութի նորա. Կարգ տեսչութեանն ՚ի խնդիրս հաւատոյ ընդդէմ հերձուածողաց, և ըստ մասնեայ ՚ի վեշտասաներորդ դարուն ընդդէմ Լուծերի և Կալվինի և արբանեկաց նոցա	9
Բ. Պարտ է և հարկ է նորազանգից թողուլ զժողովս իւրեանց և միանալ ընդ Եկեղեցւոյն ուղղափառաց: Նախ՝ զի զայս Եկեղեցի հիմնարկեաց ինքնին Քրիստոս, և ինքն էտ նմա գլուխ և Առաքեալս: Երկրորդ՝ զի զնորազանգիցն ոչ հիմնեաց Քրիստոս. և հովիւք նոցա չունին առաքելութիւն ՚ի Քրիստոսէ	29
Գ. Եկեղեցի ուղղափառաց է միակ ճշմարիտ եկեղեցի Քրիստոսի, քանզի նա միայն է ունակ չորից նշանաց եկեղեցւոյ. որ են՝ Միութիւն, Սրբութիւն, Ընդհանրականութիւն, և Առաքելականութիւն. յորոց անբաժ են ընկերութիւնք Լուծերեանց և Կալվինեանց	61

Դ. Սրբութիւն եկեղեցւոյ : — Եւ երբեակ
 յատկութիւնք նմա միայնոյ սեպհականք ,
 այն է՝ Անպակասութիւն , երևելիութիւն ,
 և անսխալութիւն 89

Ե. Աւանդութիւն աստուածային : — Ամբող-
 ջութիւն և Ստուգութի հաւատոյ , կնիքք
 սեպհականք միայն եկեղեցւոյ ուղղափա-
 ռաց 123

Զ. Ստուգութիւն հաւատոյ : — Անհնար է
 նորաղանդին դտանել զստուգութիւն հա-
 լատոյն իւրոյ յառանձին հետազօտութենէ
 իւրմէ 'ի գիրս : Անհրաժեշտ պէտք են հե-
 ղինակութեան Եկեղեցւոյ 'ի ստուգել ըզ-
 հաւատս հաւատացելոց 149

